

তিনকণ্ঠ



স্বাদেশিক প্রকাশনী:

অন্নপূর্ণা প্রকাশনী
৩৬, কলেজ রো, কলিকাতা-৯

প্রকাশক :
শ্রীবিজয়কৃষ্ণ দাস
৩৬, কলেজ রো
কলিকাতা-৯

প্রথম প্রকাশ রথযাত্রা ১৩৬০

হৃদ : গৌতম রায়

মুদ্রাকর : শ্রীবিজয়চন্দ্র চন্দ্র
শ্রীজগদ্ধী প্রেস
৫/২, শিবকুল লেন
কলিকাতা-৭

প্রকাশকের নিবেদন

পণ্ডিত ঈশ্বরচন্দ্রের সর্বাধিক প্রচলিত তিনটি উপাখ্যান ত্রাস্তিবিলাস, শকুন্তলা ও সীতার বনবাস একত্রে এই প্রথম একটি পুস্তকে সন্নিবিষ্ট হলো। আশা রাখি এই প্রয়াসে পাঠকের সমাদর পাবে।

প্রকাশক

মুদ্রাক
শ্রীজগদীশ
৫/২, শিবকু
কলিকাতা-৭

ভ্রাত্তিবিলাস

প্রথম পরিচ্ছেদ

হেমকূট ও জয়হল নামে দুই প্রসিদ্ধ প্রাচীন রাজ্য ছিল। দুই রাজ্যের পরস্পর বোরতর বিরোধ উপস্থিত হওয়াতে জয়হলে এই নৃশংস নিয়ম বিধিবদ্ধ হয়, হেমকূটের কোনও প্রজা বাণিজ্য বা অন্তবিধ কার্যের অহুরোধে জয়হলের অধিকারে প্রবেশ করিলে, তাহার গুরুতর অর্থদণ্ড, অর্থদণ্ডপ্রদানে অসমর্থ হইলে প্রাণদণ্ড, হইবেক। হেমকূটরাজ্যেও জয়হলবাসী লোকদিগের পক্ষে অবিকল তদ্রূপ নিয়ম প্রতিষ্ঠিত হয়। উভয় রাজ্যই বাণিজ্যের প্রধান স্থান। উভয় রাজ্যের প্রজারাই উভয়ত্র বিলক্ষিত রূপে বাণিজ্য করিত। এক্ষণে, উভয় রাজ্যের উল্লিখিত নৃশংস ব্যবস্থাপিত হওয়াতে, সেই বহুবিধৃত বাণিজ্য এক কালে রহিত হইয়া গেল।

এই নিয়ম প্রচারিত হইবার কিঞ্চিৎ কাল পরে, সোমদত্ত নামে এক বৃদ্ধ বণিক ঘটনাক্রমে জয়হলে উপস্থিত হইয়া হেমকূটবাসী বলিয়া পরিজ্ঞাত ও বিচারালয়ে নীত হইলেন। জয়হলে অধিরাজ বিজয়বল্লভ স্বয়ং রাজ্যের পর্যবেক্ষণ করিতেন। তিনি সবিশেষ অবগত হইয়া সোমদত্তের দিকে দৃষ্টি-সঞ্চারণ পূর্বক বলিলেন, অহে হেমকূটবাসী বণিক! তুমি, প্রতিষ্ঠিত বিধির লঙ্ঘন পূর্বক জয়হলের অধিকারে প্রবেশ করিয়াছ, এই অপরাধে আমি তোমার পাঁচ সহস্র মুদ্রা দণ্ড করিলাম; যদি অবিলম্বে এই দণ্ড দিতে না পার, নয়ঃকালে তোমার প্রাণদণ্ড হইবেক।

অধিরাজের আদেশবাক্য শ্রবণগোচর করিয়া সোমদত্ত বলিলেন, মহারাজ! ইচ্ছা হয়, স্বচ্ছন্দে আমার প্রাণদণ্ড করুন, তৎকাল আমি কিছুমাত্র কাতর নহি। আমি অহনিশ দুর্বিষহ বাতনাতোগ করিতেছি; মৃত্যু হইলে পরিজ্ঞান বোধ করিব। কিন্তু, মহারাজ! স্বার্থ বিচার করিলে আমার দণ্ড হইতে পারে না। সাত বৎসর অতীত হইল, আমি জন্মভূমিপরিত্যাগ করিয়া দেশপর্যটন করিতেছি। স্বকালে হেমকূট হইতে প্রস্থান করি, উভয় রাজ্যের পরস্পর বিলক্ষণ সৌজন্ম ছিল। এক্ষণে পরস্পর যে বিরোধ ঘটয়াছে, এবং এই উপলক্ষে উভয় রাজ্যে যে একরূপ কঠিন নিয়ম বিধিবদ্ধ হইয়াছে, তাহা আমি অবগত

নহি। যদি প্রচারিত নিয়মের বিশেষজ্ঞ হইয়া আপনকার অধিকারে প্রবেশ করিতাম, তাহা হইলে আমি অবশ্য অপরাধী হইতাম।

এই সকল কথা শ্রবণগোচর করিয়া বিজয়বল্লভ বলিলেন, শুন, সোমদত্ত! জয়স্থলের প্রচলিত বিধির সর্ব্বতোভাবে প্রতিপালন করিয়া চলিব, কদাচ তাহার অন্তর্থাচরণ করিব না, ধর্ম্মশ্রমাণ এই প্রতিজ্ঞা করিয়া আমি অধিরাজপদে প্রতিষ্ঠিত হইয়াছি। স্বতরাং জয়স্থলে হেমকূটবাসী লোকদিগের পক্ষে যে সমস্ত বিধি প্রচলিত আছে, আমি প্রাণান্তেও তাহার বিপরীত আচরণ করিতে পারিব না। জয়স্থলের কতিপয় পোতবণিক দুই রাজ্যের বিরোধ ও অভিনব বিধি-প্রচলনের বিষয় কিছুমাত্র অবগত ছিল না। তাহারাও তোমার মত না জানিয়া হেমকূটের অধিকারে প্রবেশ করিয়াছিল। তোমাদের অধিরাজ নব-প্রবর্তিত বিধির অম্ববর্তী হইয়া প্রথমতঃ তাহাদের অর্ধদণ্ডবিধান করেন। অর্ধদণ্ডপ্রদানে অসমর্থ হওয়াতে অবশেষে তাহাদের প্রাণদণ্ড হইয়াছে। এই নৃশংস ঘটনা জয়স্থলবাসীদের অন্তঃকরণে সম্পূর্ণ জাগরুক রহিয়াছে। এ অবস্থায় আমি প্রচলিত বিধির লঙ্ঘন পূর্ব্বক তোমার প্রতি দয়াপ্রার্থন করিতে পারিব না। অবিলম্বে পাঁচ সহস্র মুদ্রা দিতে পারিলে তুমি অক্ষত শরীরে স্বদেশে প্রতিগমন করিতে পার। কিন্তু আমি তাহার কিছুমাত্র সম্ভাবনা দেখিতেছি না, কারণ, তোমার সমভিব্যাহারে যাহা কিছু আছে; সমুদয়ের মূল্য উর্দ্ধ-সংখ্যায় দুই শত মুদ্রার অধিক হইবেক না। স্বতরাং সায়ংকালে তোমার প্রাণদণ্ড একপ্রকার অবধারিত বলিতে হইবেক।

এই সমস্ত কথা শুনিয়া সোমদত্ত অক্ষুণ্ণচিত্তে বলিলেন, মহারাজ! আমি যে দুঃসহ দুঃখপরম্পরার ভোগ করিয়া আসিতেছি, তাহাতে আমার অণুমাত্রও প্রাণের মায়্যা নাই। আপনার নিকট অকপট হৃদয়ে বলিতেছি, এক ক্ষণের জন্তেও আমি বাঁচিতে ইচ্ছা করি না। আপনি সায়ংকালের কথা কি বলিতেছেন, এই দুঃস্থ প্রাণবিয়োগ হইলে আমার নিস্তার হয়।

ঈদৃশ আক্ষেপবাক্যের শ্রবণে অধিরাজের অন্তঃকরণে বিলক্ষণ অল্পকম্পা ও কোতূহল উদ্ভূত হইল। তখন তিনি জিজ্ঞাসা করিলেন, সোমদত্ত! কি কারণে তুমি মরণকামনা করিতেছ, কি হেতুতেই বা তুমি জন্মভূমি পরিত্যাগ করিয়া ক্রমাগত সাত বৎসর কাল দেশপর্য্যটন করিতেছ, কি উপলক্ষেই বা তুমি অবশেষে জয়স্থলে উপস্থিত হইয়াছ, বল। সোমদত্ত বলিলেন, মহারাজ! আমার অন্তর নিরন্তর দুঃসহ শোকদহনে দগ্ধ হইতেছে; জন্মভূমি পরিত্যাগের ও দেশপর্য্যটনের কারণ নির্দেশ করিতে গেলে আমার শোকানল শতগুণ প্রবল

হইয়া উঠিবেক। সুতরাং আপনকার আদেশপ্রতিপালন অপেক্ষা আমার পক্ষে অধিকতর আন্তরিক ক্লেমকর ব্যাপার আর কিছুই ঘটতে পারে না। তথাপি আপনকার সম্ভোবার্থে সংক্ষেপে আত্মবৃত্তান্তবর্ণন করিতেছি। তাহাতে আমার এক মহৎ লাভ হইবেক। সকল লোকে জানিতে পারিবেক, আমি কেবল পরিবারের মায়ায় আবদ্ধ হইয়া এই অবাঞ্ছন্য দেশে রাজদণ্ডে প্রাণত্যাগ করিতেছি; আমার এই প্রাণদণ্ড কোনও গুরুতর অপরাধ নিবন্ধন নহে।

মহারাজ! শ্রবণ করুন, আমি হেমকুটনগরে জন্মগ্রহণ করি। যৌবনকাল উপস্থিত হইলে লাভণ্যময়ীনারী এক স্বরূপা রমণীর পাণিগ্রহণ করিলাম। লাভণ্যময়ী যেমন সংকুলোৎপন্ন, তেমনই সদগুণসম্পন্ন ছিলেন। উভয়ের সহবাসে উভয়েই পরম সুখে কালহরণ করিতে লাগিলাম। মলয়পুরে আমার বহুবিস্তৃত বাণিজ্য ব্যবসায় ছিল, তদ্বারা প্রভূত অর্থাগম হইতে লাগিল। যদি অদৃষ্ট মন্দ না হইত, অবিচ্ছিন্ন সুখসম্ভোগে সংসারযাত্রা সম্পন্ন করিতে পারিতাম। মলয়পুরের আমার যিনি কর্মস্বাক্ষর ছিলেন, হঠাৎ তাঁহার মৃত্যু হইয়া যাওয়াতে তদ্রূপ কার্য সকল সাতিশয় বিশৃঙ্খল হইয়া উঠিল। শুনিয়া অতিশয় ব্যকুল হইলাম, এবং সহধর্মিণীকে গৃহে রাখিয়া মলয়পুরপ্রস্থান করিলাম। ছয় মাস অতীত না হইতেই, লাভণ্যময়ী বিরহবেদনা সহ করিতে না পারিয়া তথায় উপস্থিত হইলেন, এবং অনধিক কালের মধ্যেই সর্বাঙ্গী হইয়া ষষ্ঠাকালে দুই স্বকুমার যমজ কুমার প্রসব করিলেন। কুমারযুগলের অবয়বগত অগুণত্রয় বৈলক্ষণ্য ছিল না। উভয়েই সর্বাংশে একরূপ একাকৃতি যে, উভয়ের ভেদগ্রহ কোনও মতে সম্ভাবিত নহে। আমরা যে পাশ্চনিবাসে অবস্থিত করিতাম, তথায় সেই দিনে সেই সময়ে এক দুঃখিনী নারীও সর্বাংশে একাকৃতি দুই যমজ তনয় প্রসব করে। উহাদের প্রতিপালন করা অসাধ্য ভাবিয়া সে আমার নিকটে আসিয়া ঐ দুই যমজ সন্তানের বিক্রয়ের প্রস্তাব করিল। উত্তরকালে উহারা দুই সহোদরে আমার পুত্রস্বয়ের পরিচর্যা করিবেক, এই অভিপ্রায়ে আমি ক্রয় করিয়া পুত্রনির্দেশে উহাদের প্রতিপালন করিতে লাগিলাম। যমজেরা সর্বাংশে একাকৃতি বলিয়া এক নামে এক এক যমজের নামকরণ করিলাম; পুত্রযুগলের নাম চিরঞ্জীব, ক্রীত শিশুযুগলের নাম কিঙ্কর রাখিলাম।

কিছু কাল গত হইলে আমার সহধর্মিণী হেমকুটপ্রতিগমনের নিমিত্ত নিতান্ত অর্ধৈর্ষ্য হইয়া সর্বদা উৎপীড়ন করিতে লাগিলেন। আমি অবশেষে নিতান্ত অনিচ্ছা পূর্বক লম্বত হইলাম। অল্প দিনের মধ্যেই চারি শিশু

সমভিব্যাহারে আমরা অর্ণবপোতে আরোহণ করিলাম। মলয়পুর হইতে যোজনমাত্র গমন করিয়াছি, এমন সময়ে অকস্মাৎ গগনমণ্ডল নিবিড় ঘনঘটায় আচ্ছন্ন হইল, প্রবল বেগে প্রচণ্ড বাত্যা বহিতে লাগিল; সমুদ্র উত্তাল তরঙ্গমালায় আন্দোলিত হইয়া উঠিল। আমরা জীবনের আশায় বিসর্জন দিয়া প্রতি ক্ষণেই স্বত্বপ্রতীক্ষা করিতে লাগিলাম। আমার সহধর্ম্মিনী সাতিশয় অর্ধ শরে হাহাকার ও শিরে কারাঘাত করিতে লাগিলেন। তাঁহাকে তদবস্থাপন্ন দেখিয়া দুই তনয় ও দুই ক্রীত বালক চীৎকার করিয়া রোদন করিতে লাগিল। গৃহিণী বাম্পাকুল লোচনে অতি কাতর বচনে মুগ্ধমূর্ছ: বলিতে লাগিলেন, নাথ! আমরা মরি, তাহাতে কিছুমাত্র খেদ নাই, যাহাতে দুটি সন্তানের প্রাণরক্ষা হয়, তাহার কোনও উপায় কর।

কিয়ৎক্ষণ পরে অর্ণবপোত মগ্নপ্রায় হইল। নাবিকেরা পোতরক্ষা বিষয়ে সম্পূর্ণ হতাশাস হইয়া আশ্রয়ক্ষার চেষ্টা দেখিতে লাগিল, এবং অর্ণবপোতে যে কয়খানি ক্ষুদ্র তরী ছিল, তাহাতে আরোহণ পূর্বক, প্রস্থান করিল। তখন আমি নিতাস্ত নিরুপায় দেখিয়া অনেক ভাবিয়া চিন্তিয়া এক উপায় স্থির করিলাম। অর্ণবপোতে দুটি অতিরিক্ত গুণবৃক্ষ ছিল; একের প্রাস্তভাগে জ্যেষ্ঠ পুঞ্জের ও জ্যেষ্ঠ ক্রীত শিশুর, অপরটির প্রাস্তভাগে কনিষ্ঠ পুঞ্জের ও ও কনিষ্ঠ ক্রীত শিশুর বন্ধন পূর্বক, আমরা স্ত্রী পুরুষের এঁকেকের অপর প্রাস্তভাগে এক এক জন করিয়া আপনাদিগকে বন্ধ করিলাম। দুই গুণবৃক্ষ শ্রোতের অন্নবস্ত্রী হইয়া ভাসিতে ভাসিতে চলিল। বোধ হইল, আমরা কর্ণপুর অভিমুখে নীত হইতেছি। কিয়ৎক্ষণ পরে সূর্য্যদেবের আবির্ভাব ও বাত্যার তিরোভাব হইল। তখন দেখিতে পাইলাম, দুই অর্ণবপোত অতি বেগে আমাদের দিকে আসিতেছে। বোধ হইল, আমাদের উদ্ধরণের জন্তই উহার ঐ রূপে আসিতেছিল। তন্মধ্যে, এক খানি কর্ণপুরের, অপর খানি উন্নয়নগরের। এ পর্য্যন্ত দুই গুণবৃক্ষ পরস্পর অতি সন্নিহিত ছিল; কিন্তু, উল্লিখিত পোতদ্বয় আমাদের নিকটে আসিবার কিঞ্চিৎ পূর্বে, আকস্মিক-বায়ুবেগবশে পরস্পর অতিশয় দূরবর্ত্তী হইয়া পড়িল। আমি এক দৃষ্টিতে অপর গুণবৃক্ষের নিরীক্ষণ করিতে লাগিলাম। দেখিতে পাইলাম, কর্ণপুরের পোতস্থিত লোকেরা বন্ধনমোচন পূর্বক আমার গৃহিণী, পুত্র, ও ক্রীত শিশুকে অর্ণবগর্ভ হইতে উদ্ধৃত করিল। কিঞ্চিৎ পরেই অপর পোত আসিয়া আমাদের তিন জনের উদ্ধরণ করিল। এই পোতের লোকেরা যেক্রম স্তম্ভভাবে সাহায্য করিতে আসিয়াছিলেন, অপর পোতের লোকেরা লেক্রম নহেন, ইহা বুঝিতে

পারিয়া আমাদের উদ্ধারকেরা আমার গৃহিণী ও শিশুদের উদ্যুক্ত হইলেন ; কিন্তু অপর পোত অধিকতর বেগে যাইতেছিল, স্তবরাং ধরিতে পারিলেন না । তদবধি আমি পুত্র ও প্রেয়সীর সহিত বিষোজিত হইয়াছি । মহারাজ ! আমার মত হতভাগ্য আর কেহ নাই—

এই কথা বলিতে বলিতে সোমদত্তের নয়নযুগল হইতে প্রবল বেগে বাষ্পবারি বিগলিত হইতে লাগিল । তিনি স্তব্ব হইয়া রহিলেন, আর কিছুই বলিতে পারিলেন না । তখন বিজয়বল্লভ বলিলেন, সোমদত্ত ! দৈববিড়ম্বনায় তোমার যে শোচনীয় অবস্থা ঘটয়াছে, তাহা শুনিয়া আমার হৃদয় অতিশয় শোকাকুল হইতেছে ; ক্ষমতা থাকিলে, এই দণ্ডে তোমার প্রাণদণ্ড রহিত করিতাম । সে যাহা হউক, তৎপরে কি কি ঘটনা হইল, সমুদয় শুনিবার নিমিত্তে আমার চিত্তে নিরতিশয় ঔৎসুক্য জন্মিতেছে ; সবিস্তর বর্ণন করিলে আমি অল্পগৃহীত বোধ করিব ।

সোমদত্ত বক্সিলেন, মহারাজ ! তারপরে কিছু দিনের মধ্যেই, কনিষ্ঠ তনয় ও কনিষ্ঠ ক্রীত শিশু সমভিব্যাহারে নিজ আগারে প্রতিগমন পূর্বক কিঞ্চিৎ অংশে শোকসংবরণ করিয়া, শিশুযুগলের লালন পালন করিতে লাগিলাম । বহুকাল অতীত হইয়া গেল, কিন্তু গৃহিণী ও অপর শিশুযুগলের কোন সংবাদ পাইলাম না । কনিষ্ঠ পুত্রটির স্বত জ্ঞান হইতে লাগিল, ততই সে জননী ও সহোদরের বিষয়ে অল্পসন্ধান করিতে আরম্ভ করিল । আমার নিকটে স্বরূত জিজ্ঞাসার যে উত্তর পাইত, তাহাতে তাহার সন্তোষ জন্মিত না অবশেষে, অষ্টাদশবর্ষ বয়সে নিতান্ত অধৈর্য্য হইয়া আমার অল্পমতিগ্রহণ পূর্বক স্বীয় পরিচারিকা সমভিব্যাহারে সে তাহাদের উদ্দেশ্যার্থে প্রস্থান করিল । পুত্রটি অন্ধের ষষ্টিস্বরূপ আমার জীবনের একমাত্র অবলম্বন ছিল ; এজন্য তাহাকে ছাড়িয়া দিতে কোনও মতে ইচ্ছা ছিল না । তৎকালে এই আশঙ্কা হইতে লাগিল, এ জন্মে যে গৃহিণী ও জ্যেষ্ঠ পুত্রের সহিত সমাগম হইবেক, তাহার আর প্রত্যাশা নাই ; আমার যেরূপ অদৃষ্ট, হয় ত এই অবধি ইহাকেও হারাইলাম । মহারাজ ! ভাগ্যক্রমে আমার তাগাই ঘটয়া উঠিল । দুই বৎসর অতীত হইল, তথাপি কনিষ্ঠ পুত্র প্রত্যগমন করিল না । আমি তাহার অন্বেষণে নির্গত হইলাম ; পাঁচ বৎসর কাল অবিশ্রান্ত পর্যটন করিলাম ; কিন্তু কোনও স্থানেই কিছুমাত্র সন্ধান পাইলাম ; না । পরিশেষে নিতান্ত নিরাশ্বাস হইয়া হেমকূট অভিমুখে গমন করিতেছিলাম জয়স্থলের উপকূল দৃষ্টিপথে পতিত হওয়ারূপে মনে ভাবিলাম, এত দেশে পর্যটন করিলাম, এই স্থানেটি অবশিষ্ট থাকে কেন । এখানে যে তাহাকে

দেখিতে পাইব, তাহরে কিছুমাত্র আশা ছিল না ; কিন্তু না দেখিয়া চলিয়া যাইতেও কোনও মতে ইচ্ছা হইল না। এইরূপে জয়স্থলে উপস্থিত হইয়া কিয়ৎ ক্ষণ পরেই ধৃত ও মহারাজের সম্মুখে আনৌত হইয়াছি। মহারাজ ! আজ সায়ংকালে আমরা সকল ক্লেশের অবসান হইবেক। যদি, শ্রেয়সী ও তনয়েরা জীবিত আছে, ইহা শুনিয়া মরিতে পারি, তাহা হইলে আর আমার কোনও ক্ষোভ থাকে না।

সোমদত্তের আখ্যানশ্রবণে নিরতিশয় দুঃখিত হইয়া বিজয়বল্লভ বলিলেন, সোমদত্ত ! আমার বোধ হয়, তোমার মত হতভাগ্য ভূমণ্ডলে আর নাই। অবিচ্ছিন্ন ক্লেশ ভোগে কালহরণ করিবার নিমিত্তই তুমি জন্মগ্রহণ করিয়াছিলে। তোমার বৃত্তান্ত আছোপাস্ত শ্রবণগোচর করিয়া আমার হৃদয় বিদীর্ণ হইতেছে। যদি ব্যবস্থাপিত বিধির উল্লঙ্ঘন না হইত, তাহা হইলে আমি তোমার প্রাণ-রক্ষার নিমিত্ত প্রাণপণে যত্ন করিতাম। জয়স্থলের প্রচলিত বিধি অন্তসারে তোমার প্রাণদত্তের ব্যবস্থা হইয়াছে, যদি অম্লকম্পার বশবর্তী হইয়া ঐ ব্যবস্থা রহিত করি, তাহা হইলে আমি চিরকালের জন্য জয়স্থলসমাজে যার পর নাই, হেয় ও অশ্রদ্ধেয় হইব। তবে, আমার যে পর্য্যন্ত ক্ষমতা আছে তাহা করিতেছি। তোমাকে সায়ংকাল পর্য্যন্ত সময় দিতেছি ; এই সময়ের মধ্যে যদি কোনও রূপ পাঁচ সহস্র মুদ্রার সংগ্রহ করিতে পার, তোমার প্রাণরক্ষা হইবেক, নতুবা তোমার প্রাণদত্ত অপরিহার্য। অনন্তর তিনি কারাধ্যক্ষকে বলিলেন, তুমি সোমদত্তকে স্বথাস্থানে সাবধানে রাখ। কারাধ্যক্ষ, যে আঞ্জা মহারাজ ! বলিয়া, সোমদত্ত সমভিব্যাহারে প্রস্থান করিল।

কর্ণপুরের লোকেরা কুবলপুরের অধিপতি মহাবল পরাক্রান্ত বিখ্যাত বীর বিজয়বর্ষার নিকট, চিরঞ্জীব ও কিঙ্করকে বেচিয়াছিল। তৎপরে কিয়ৎ কাল অতীত হইলে বিজয়বর্ষা নিজ ভ্রাতৃপুত্র বিজয়বল্লভের সহিত সাক্ষাৎ করিতে গিয়াছিলেন। তিনি চিরঞ্জীব ও কিঙ্করকে এত ভাল বাসিতেন যে, ক্ষণকালের জন্যেও তাহাদিগকে নয়নের অন্তরাল করিতেন না। সুতরাং জয়স্থলপ্রস্থানকালে তিনি তাহাদিগকে সঙ্গে লইয়া যান। ঐ দুই বালককে দেখিয়া ও তাহাদের প্রাপ্তিবৃর্ত্তাস্ত শুনিয়া বিজয়বল্লভের অন্তঃকরণে নিরতিশয় দয়া উপস্থিত হয়, এবং দিন দিন তাহাদের প্রতি প্রগাঢ় স্নেহসঞ্চার হইতে থাকে। পিতৃব্যের প্রস্থান-সময় সমাগত হইলে, ভ্রাতৃব্য স বিশেষ আগ্রহপ্রদর্শন পূর্বক তাঁহার নিকট বালকদ্বয়ের প্রাপ্তিবাসনা জানাইয়াছিলেন। তদনুসারে বিজয়বর্ষা তদীয় প্রার্থনা পূর্ণ করিয়া স্বস্থানে প্রতিগমন করেন। অভিপ্রেতলোভে সাতিশয়

আক্লাদিত হইয়া বিজয়বল্লভ পরম যত্নে চিরঞ্জীবের লালন পালন করিতে লাগিলেন ; এবং, সে বিষয়কার্যের উপযোগী বয়স প্রাপ্ত হইলে, তাহাকে এক কালে সেনাসংক্রান্ত উন্নত পদে প্রতিষ্ঠিত করিলেন । চিরঞ্জীব প্রত্যেক যুদ্ধেই বুদ্ধিমত্তা, কার্যদক্ষতা, অকুতোভয়তা প্রভৃতির প্রস্তুত পয়িচয়প্রদান করিতে লাগিলেন । একদা বিজয়বল্লভ একাকী বিপক্ষমণ্ডলে এক্ষেপে বেষ্টিত হইয়া ছিলেন যে, তাঁহার প্রাণবিনাশের সম্পূর্ণ সম্ভাবনা ঘটয়াছিল ; সে দিন কেবল চিরঞ্জীবের বুদ্ধিকৌশলে ও সাহসগুণে তাঁহার প্রাণরক্ষা হয় । বিজয়বল্লভ যার পর নাই স্ত্রীত ও প্রসন্ন হইয়া তদবধি তাঁহার প্রতি পুত্রবাৎসল্যপ্রদর্শন করিতে লাগিলেন ।

এই ঘটনার কিছু দিন পূর্বে, জয়স্থলবাসী এক শ্রেষ্ঠী, অতুল ঐশ্বর্য এবং চন্দ্রপ্রভা ও বিলাসিনী নামে দুই পরম সুন্দরী কন্যা রাখিয়া, পরলোকযাত্রা করেন । মৃত্যুকালে তিনি অধিরাজ বিজয়বল্লভের হস্তে স্বীয় সমস্ত বিষয়ের ও কন্যাধিত্যের রক্ষণাবেক্ষণসংক্রান্ত ভারপ্রদান করিয়া যান । বিজয়বল্লভ শ্রেষ্ঠীর স্ত্রীকন্যা চন্দ্রপ্রভার সহিত চিরঞ্জীবের বিবাহ দিলেন । চিরঞ্জীব এই অসম্ভাবিত পরিণয়সংঘটন দ্বারা এক কালে এক সুরূপা কামিনীর পতি ও অতুল ঐশ্বৰ্যের অধিপতি হইলেন । এইরূপে তিনি বিজয়বল্লভের স্নেহগুণে ও অল্পগ্রহবলে জয়স্থলে গণনীয় ব্যক্তি হইয়া উঠিলেন, এবং স্বভাষনিক দয়া, সৌজন্ম, ন্যায়পরতা, ও অমায়িক ব্যবহার দ্বারা সর্বসাধারণের স্নেহপাত্র ও সন্মানভাজন হইয়া পরম সুখে কালষাপন করিতে লাগিলেন ।

চিরঞ্জীব অতি শৈশবকালে পিতা, মাতা, ও ভ্রাতার সহিত বিয়োজিত হইয়াছিলেন ; তৎপরে আর কখনও তাঁহাদের কোনও সংবাদ পান নাই । সুতরাং, জগতে তাঁহার আপনার কেহ আছে বলিয়া কিছুমাত্র বোধ ছিল না । তিনি শৈশবকালের সকল কথাই ভুলিয়া গিয়াছিলেন ; সমুদ্রে মগ্ন হইয়াছিলেন, কোন রূপে প্রাণরক্ষা হইয়াছে, কেবল এই বিষয়টির অনতিপরিষ্কৃত স্মরণ ছিল । জয়স্থলে তাঁহার আধিপত্যের সীমা ছিল না । যদি তিনি জানিতে পারিতেন, সোমদত্ত তাহার জন্মদাতা, তাহা হইলে সোমদত্তকে এক ক্ষণের জন্তেও রাজদণ্ডে নিগ্রহভোগ করিতে হইত না ।

যে দিবস সোমদত্ত জয়স্থলে উপস্থিত হন, কনিষ্ঠ চিরঞ্জীবও সেই দিবস স্বকীয় পরিচারক কনিষ্ঠ কিঙ্কর সমভিব্যাগরে তথায় উপনীত হইয়াছিলেন । তিনিও স্বীয় পিতার ন্যায় বৃত্ত, বিচারালয়ে নীত, ও রাজদণ্ডে নিগৃহীত হইতেন, তাহার সন্দেহ নাই । দৈবযোগে, এক বিদেশীয় বন্ধুর সহিত সাক্ষাৎ হওয়ার্তে তিনি বলিলেন, বয়স ! তুমি এ দেশে আসিয়াছ কেন ? কিছু দিন হইল,

জয়হলে হেমকূটবাসীদিগের পক্ষে ভয়ানক নিয়ম প্রবর্তিত হইয়াছে। তুমি হেমকূটবাসী বলিয়া কোন ক্রমে কাহারও নিকট পরিচয় দিও না। মলয়পুর তোমার জন্মস্থান এবং সে স্থানে তোমাদের বহুবিভূত বাণিজ্য আছে; কেহ জিজ্ঞাসা করিলে মলয়পুরবাসী বলিয়া পরিচয় দিবে। অত্রত্য লোকে তোমার প্রকৃত পরিচয় পাইলে নিঃসন্দেহ তোমার প্রাণদণ্ড হইবেক। হেমকূটবাসী এক বৃদ্ধ বণিক্ আজ জয়হলে আসিয়াছিলেন। অধিরাজের আদেশক্রমে, সূর্য্যদেবের অন্তাচল-চূড়ায় অধিরোহণ করিবার পূর্বেই তাহার প্রাণদণ্ড হইবেক। অতএব, যত ক্ষণ এখানে থাকিবে, সাবধানে চলিবে। আর আমার নিকট ষাঠা রাখিতে দিয়াছিলে, লও।

এই বলিয়া তিনি স্বর্ণমুদ্রার একটি খলি চিরঞ্জীবের হস্তে প্রত্যাপিত করিলেন। তিনি তাহা স্বকীয় পরিচারকের হস্তে দিয়া বলিলেন, কিঙ্কর! এই স্বর্ণমুদ্রা লইয়া পান্থনিবাসে প্রতিগমন কর; অতি সাবধানে রাখিবে, কোন ক্রমে কাহারও হস্তে দিবে না। এখনও আমাদের আহ্বানের সময় হয় নাই, প্রায় এক ঘণ্টা বিলম্ব আছে; এই সময় মধ্যে নগরদর্শন করিয়া আমিও পান্থনিবাসে প্রতিগমন করিতেছি। তুমি ষাও, আর দেরি করিও না। কিঙ্কর, যে আশ্রা বলিয়া, প্রস্থান করিলে চিরঞ্জীব সেই বৈদেশিক বন্ধুকে বলিলেন, বয়স্তু! কিঙ্কর আমার চিরসহচর ও যার পর নাই বিশ্বাসভাজন। উহার বিশেষ এক গুণ আছে; আমি যখন দুর্ভাবনায় অভিভূত হই, তখন ও পরিহাস করিয়া আমার চিন্তের অপেক্ষাকৃত সাচ্ছন্দ্য সম্পাদন করে। এক্ষণে চল, হুই বন্ধুতে নগর দেখিতে যাই; তৎপরে উভয়ে পান্থনিবাসে এক সঙ্গে আহারাদি করিব। তিনি বলিলেন, আজ এক বণিক্ আহ্বানের নিমন্ত্রণ করিয়াছেন; অবিলম্বে তদীয় আলয়ে যাইতে হইবেক। তাহার নিকট আমার উপকারের প্রত্যাশা আছে। অতএব আমার মাপ কর, এখন আমি তোমার সঙ্গে যাইতে পারিব না; অপরাহ্নে নিঃসন্দেহ সাক্ষাৎ করিব এবং শয়নের সময় পর্য্যন্ত তোমার নিকটে থাকিব। এই বলিয়া সে ব্যক্তি বিদায় লইয়া প্রস্থান করিলে চিরঞ্জীব একাকী নগরদর্শনে নির্গত হইলেন।

জয়হলবাসী চিরঞ্জীব অতি প্রত্যুষে গৃহ হইতে বহির্গত হইয়াছিলেন; আহ্বানের সময় উপস্থিত হইল তথাপি প্রতিগমন করিলেন না। তাহার গৃহিণী চন্দ্রপ্রভা অতিশয় উৎকণ্ঠিত হইয়া কিঙ্করকে আহ্বান করিয়া বলিলেন; দেখ, কিঙ্কর! এত বেলা হইল, তথাপি তিনি গৃহে আসিতেছেন না। বোধ করি, কোনও গুরুতর কাৰ্য্যে আবদ্ধ হইয়াছেন, তাহাতেই আহ্বানের সময় পর্য্যন্ত তুলিয়া গিয়াছেন। তুমি ষাও, লম্বর তাহাকে ডাকিয়া আন; দেখিও,

যেন কোনও মতে বিলম্ব না হয়, তাঁহার জন্তে সকলকার আহারবন্ধ। কিঙ্কর, যে আঞ্জা বলিয়া, তৎক্ষণাৎ প্রস্থান করিল, এবং কিয়ৎ ক্ষণ পরেই নগরদর্শনে ব্যাপৃত হেমকূটবাসী চিরঞ্জীবকে দেখিতে পাইয়া স্বপ্রভুজ্ঞানে সত্বর গমনে তাহার সন্নিহিত হইতে লাগিল।

চিরঞ্জীবযুগল ও কিঙ্করযুগল জন্মকালে ষে রূপ সর্বাংশে একাকৃতি হইয়া ছিলেন, এখনও তাহারা অবিকল সেইরূপ ছিলেন, বয়োবৃদ্ধি বা অবস্থাভেদে নিবন্ধন কোনও অংশে আকৃতির কিছুমাত্র বিভিন্নতা ঘটে নাই। সুতরাং, হেমকূটবাসী চিরঞ্জীবকে দেখিয়া জয়স্থলবাসী কিঙ্করের যেমন স্বীয় প্রভু বলিয়া বোধ জন্মিয়াছিল, জয়স্থলবাসী কিঙ্কর সন্নিহিত হইবামাত্র তাহাকে দেখিয়া হেমকূটবাসী চিরঞ্জীবেরও তেমনি স্বীয় পরিচারক বলিয়া বোধ জন্মিল; সে যে তাহার সহচর কিঙ্কর নয়, তিনি তাহার কিছুমাত্র উপলব্ধি করিতে পারিলেন না। তদনুসারে তিনি কিঙ্করকে জিজ্ঞাসিলেন, কি হে, তুমি সত্বর আসিলে কেন? সে বলিল, এত সত্বর আসিলে; কেমন; বরং এত বিলম্বে আসিলে কেন, বলুন। বেলা প্রায় দুই প্রহর হইল, আপনি এ পর্য্যন্ত গৃহে না যাওয়াতে কতী ঠাকুরাণী অতিশয় উৎকণ্ঠিত হইয়াছেন। অনেক ক্ষণ আহারসামগ্রী প্রস্তুত হইয়া রহিয়াছে এবং ক্রমে শীতল হইয়া ষাইতেছে। আহারসামগ্রী ষত শীতল হইতেছে, কতী ঠাকুরাণী তত উষ্ণ হইতেছেন। আহারসামগ্রী শীতল হইতেছে, কারণ আপনি গৃহে ষান নাই, আপনি গৃহে ষান নাই, কারণ আপনকার ক্ষুধা নাই; আপনকার ক্ষুধা নাই, কারণ আপনি বিলক্ষণ জলযোগ করিয়াছেন; কিন্তু আপনকার অল্পপস্থিতি জন্ত আমরা অনাহারে মারা পড়িতেছি।

এই সমস্ত কথা শুনিয়া হেমকূটবাসী চিরঞ্জীব ভাবিলেন, পরিহাসরসিক কিঙ্কর কৌতুক করিতেছে। তখন কিঞ্চিৎ বিরক্তিপ্ৰকাশ করিয়া বলিলেন, কিঙ্কর! আমি এখন তোমার পরিহাসরসের অভিলাসী নহি; তোমার হস্তে যে স্বর্ণমুদ্রা দিয়াছি, কাহার নিকট রাখিয়া আসিলে বল। সে চকিত হইয়া বলিল সে কি, আপনি স্বর্ণমুদ্রা আমার হস্তে কখন দিলেন? কেবল বুধবার দিন চর্খকারকে দিবার জন্ত চারি আনা দিয়ৈছিলেম, সেই দিনেই তাহাকে দিয়াছি, আমার নিকটে রাখি নাই; চর্খকার কতী ঠাকুরাণীর ঘোড়ার সাজ মেরামত করিয়াছিল। শুনিয়া সাতিশয় কুপিত হইয়া চিরঞ্জীব বলিলেন, কিঙ্কর! এ পরিহাসের সময় নয়; যদি ভাল চাও, স্বর্ণমুদ্রা কোথায় রাখিলে, বল। আমরা ঘটনাক্রমে নিতান্ত অপরিচিত অবাঞ্ছন্য দেশে আসিয়াছি;

কি সাহাসে কোন্ বিবেচনায় তত স্বর্ণমুদ্রা অপরের হস্তে দিলে ? কিঙ্কর বলিল, মহাশয় ! আপনি আহাবে বসিয়া পরিহাস করিবেন, আমরা আহ্লাদিত চিত্তে শুনিব। এখন আপনি গৃহে চলুন, কর্ত্রী ঠাকুরাণী সত্ত্বর আপনাকে লইয়া যাইতে বলিয়া দিয়াছেন ; বিলম্ব হইলে কিংবা আপনাকে না লইয়া গেলে, আমার লাঞ্ছনার সীমা থাকিবেক না ; হয় ত প্রহার পর্যন্ত হইয়া যাইবেক।

চিরঞ্জীব নিতান্ত অর্ধৈখ্য হইয়া বলিলেন, কিঙ্কর ! তুমি বড় নির্বোধ, যত আমায় ভাল লাগিতেছে না, ততই তুমি পরিহাস করিতেছ ; বারংবার বারণ করিতেছি, তথাপি ক্ষান্ত হইতেছে না ; দেখ, সময়ে সকলই ভাল লাগে ; অসময়ে অশ্রুতও বিস্বাদ ও বিষতুল্য বোধ হয়। যাহা হউক, আমি তোমার হস্তে যে সমস্ত স্বর্ণমুদ্রা দিয়াছি, তাহা কোথায় রাখিলে, বল। কিঙ্কর বলিল, না মহাশয় ! আপনি আমার হস্তে কখনই স্বর্ণমুদ্রা দেন নাই। তখন চিরঞ্জীব বলিলেন কিঙ্কর ! আজ তোমার কি হইয়াছে বলিতে পারি না। পাগলামির চূড়ান্ত হইয়াছে, আর নয়, ক্ষান্ত হও। বল, স্বর্ণমুদ্রা কোথায় কাহার নিকটে রাখিয়া আসিলে। সে বলিল, মহাশয় ! এখন স্বর্ণমুদ্রার কথা রাখুন। আমার হস্তে স্বর্ণমুদ্রা দিয়া থাকেন, পরে বুঝাইয়া লইবেন ; সে জন্তে আমাব তত ভাবনা নাই। কিন্তু, কর্ত্রী ঠাকুরাণী আজ কাল অতিশয় উগ্রচণ্ডা হইয়াছেন, তাঁহার ভয়েই আমি হইতেছি। তিনি সত্ত্বর আপনাকে বাটীতে লইয়া যাইতে বলিয়া দিয়াছেন। আপনাকে লইয়া না গেলে আমার লাঞ্ছনার একশেষ ঘটবেক। অতএব, বিনয় করিয়া বলিতেছি, সত্ত্বর গৃহে চলুন। তিনি ও তাঁহার ভগিনী নিতান্ত আকুল চিত্তে আপনকার প্রতীক্ষা করিতেছেন।

এই সকল কথা শুনিয়া কোপে কম্পিতকলেবর হইয়া চিরঞ্জীব বলিলেন, আরে ছুরাশ্বন্ ! তুমি পুনঃ পুনঃ কর্ত্রী ঠাকুরাণী উল্লেখ করিতেছ ; তোমার কর্ত্রী ঠাকুরাণী কে, কিছুই বুঝিতে পারিতেছি না। কিঙ্কর বলিল, কেন মহাশয় ! আপনি কি জানেন না, আপনকার সহধর্ম্মিনীকে আমরা সকলেই কর্ত্রী ঠাকুরাণী বলিয়া থাকি ; তিনি ভিন্ন আর কাহাকে কর্ত্রী ঠাকুরাণী বলিব ? তিনিই আমায় আপনাকে গৃহে লইয়া যাইবার নিমিত্ত পাঠাইয়াছেন। চলুন, আর বিলম্ব করিবেন না ; আহারের সময় বহিয়া যাইতেছে। চিরঞ্জীব বলিলেন, নিঃসন্দেহ তোমার বুদ্ধিজংশ ঘটয়াছে, নতুবা উন্মাদগ্রস্তের স্তায় কথা কহিতে না। আমি কবে কোন্ কামিনীর পাণিগ্রহণ করিয়াছি যে, ছুমি বারংবার আমার সহধর্ম্মিনীর উল্লেখ করিতেছ। এখানে আমার বাটী

কোথায় যে, আমায় বাটীতে লইয়া যাইবার জন্ত এত ব্যস্ত হইতেছ। কিঙ্কর শুনিয়া হাস্তমুখে বলিল, মহাশয়! যেরূপ দেখিতেছি, তাহাতে আপনারই বুদ্ধিব্রংশ ঘটয়াছে; আপনিই উন্মাদগ্রস্তের স্ত্রায় কথা কহিতেছেন; এ সকল কথা কর্তা ঠাকুরাণীর কর্ণগোচর হইলে তিনি আপনাকে বিলক্ষণ শিক্ষা দিবেন; তখন, এখানে আপনকার বাটী আছে কি না, এবং কখনও কোনও কামিনীর পাণিগ্রহণ করিয়াছেন কি না, অক্লেশে বুঝিতে পারিবেন। যাহা হউক; আপনি হঠাৎ কেমন করিয়া এমন রসিক হইয়া উঠিলেন বলুন। চিরজীব, আর সছ করিতে না পারিয়া, এই তোমার পাগলামির ফলভোগ কর এই বলিয়া, তাহাকে প্রহার করিতে আরম্ভ করিলেন। কিঙ্কর হতবুদ্ধি হইয়া বলিল মহাশয়! অকারণে প্রহার করেন কেন, আমি কি অপরাধ করিয়াছি? আপনকার ইচ্ছা হয়, বাটীতে যাইবেন, ইচ্ছা না হয়, না যাইবেন; যাহার কথায় আপনাকে লইয়া যাইতে আসিয়া-ছিলাম, তাঁহার নিকটেই চলিলাম।

ইহা বলিয়া কিঙ্কর প্রস্থান করিলে চিরজীব মনে মনে এই আন্দোলন করিতে লাগিলেন, বোধ হয়, কোনও ধুর্ভ কৌশল করিয়া কিঙ্করের নিকট হইতে স্বর্ণমুদ্রাগুলি হস্তগত করিয়াছে। তাহাতেই ভয়ে উহার বুদ্ধিব্রংশ ঘটয়াছে; নতুবা পূর্বাপর এত প্রলাপবাক্যের উচ্চারণ করিবেক কেন? প্রকৃতিস্থ ব্যক্তি কখনও এরূপ অসম্বন্ধ কথা বলে না, হয় ত হতভাগ্য উন্মাদগ্রস্ত হইল। সকলে বলে, জয়স্থলে ইন্দ্রজালিকবিজ্ঞা বিলক্ষণ প্রচলিত, এখানকার লোকে এরূপ প্রচ্ছন্ন বেশে চলে যে, উহাদিগকে কোনও মতে চিনিতে পারা যায় না; উহারা ছবিগাহ মায়াজাল বিস্তৃত করিয়া বৈদেশিক লোকের ধনে প্রাণে উচ্ছেদসাধন করে। শুনিতে পাই, এখানকার কামিনীরা নিতান্ত মায়াবিনী, বৈদেশিক পুরুষদিগকে অনায়াসে মুগ্ধ করিয়া ফেলে; এক বার মোহজালে বদ্ধ হইলে আর নিস্তার নাই। আমি এখানে আসিয়া ভাল করি নাই; শীঘ্র পলায়ন করাই শ্রেয়ঃ। আর আমরা নগরদর্শনের আয়োদে কাজ নাই; পাছনিবাসে যাই, এবং যাহাতে অবিলম্বে এ স্থান হইতে প্রস্থান করিতে পারি, তাহার উদ্যোগ করি। এখানে আর এক যুহুর্ভও থাকা উচিত নহে।

চিরজীব, এই বলিয়া নগরদর্শনকৌতুকে বিসর্জন দিয়া, আকুল মনে সত্বর গমনে পাছনিবাসের উদ্দেশে প্রস্থান করিলেন।

দ্বিতীয় পরিচ্ছেদ

কিঙ্করকে চিরঞ্জীবের অন্বেষণে প্রেরণ করিরা চন্দ্রপ্রভা স্বীয় সহোদরাকে বলিতে লাগিলেন, বিলাসিনি! দেখ, প্রায় চারি দণ্ড হইল কিঙ্করকে তাঁহার অল্পসন্ধানে পাঠাইয়াছি; না এ পর্য্যন্ত তিনিই আসিলেন, না কিঙ্করই ফিরিয়া আসিল; ইহার কারণ কি, কিছুই বুঝিতে পারিতেছি না। বিলাসিনী বলিলেন, আমার বোধ হইতেছে, কোনও স্থানে নিমন্ত্রণ হইয়াছিল, অহুরোধ এড়াইতে না পারিয়া তথায় আহার করিয়াছেন। অতএব আর তাঁহার প্রতীক্ষায় থাকিবার প্রয়োজন নাই; চল, আমরা আহার করি। বেলা অতিরিক্ত হইয়াছে, আর বিলম্ব করা উচিত নয়। আর, তোমায় একটি কথা বলি, তাঁহার আসিতে বিলম্ব হইলে তুমি এত বিষণ্ণ হও কেন, এবং কি ভুলই বা এত আক্ষেপ কর? পুরুষেরা সকল বিষয়ে সম্পূর্ণ স্বতন্ত্র; স্ত্রীজাতিকে তাঁহাদের অল্পবর্তিনী হইয়া চলিতে হয়। পুরুষজাতির রোধের বা অসন্তোষের ভয়ে স্ত্রীজাতিকে যত সঙ্কুচিত ও যত সাবধান হইয়া সংসারধর্ম করিতে হয়; পুরুষজাতিকে যদি সে রূপে চলিতে হইত, তাহা হইলে স্ত্রীজাতির সৌভাগ্যের সীমা থাকিত না। স্ত্রীজাতি নিতান্ত পরাধীন; সুতরাং তাহাদিগকে অনেক সহ্য করিয়া কালহরণ করিতে হয়। তাহাদের অভিমান করা বুধা।

শুনিয়া সাতিশয় যৌবনশা হইয়া চন্দ্রপ্রভা বলিলেন, স্ত্রীজাতি অপেক্ষা পুরুষজাতির স্বাতন্ত্র্য অধিক হইবেক কেন, আমি তাহা বুঝিতে পারি না। বিবেচনা করিয়া দেখিল স্ত্রী পুরুষ উভয় জাতিরই সমান স্বাতন্ত্র্য আছে; সে বিষয়ে ইতরবিশেষ হইবার কোনও কারণ নাই। তিনি আপন ইচ্ছামতে চলিবেন, আমি আপন ইচ্ছামতে চলিতে পারিব না কেন? বিলাসিনী বলিলেন, কারণ, তাঁহার ইচ্ছা তোমার ইচ্ছার বন্ধনশৃঙ্খলারূপ। চন্দ্রপ্রভা বলিলেন, গো গর্দভ ব্যতিরিক্ত কে ওরূপ শৃঙ্খলাবন্ধন সহ্য করিবেক? বিলাসিনী বলিলেন, দিদি! তুমি না বুঝিয়া এরূপ উদ্ধত ভাবে কথা কহিতেছ। স্ত্রীজাতির অসদৃশ স্বাতন্ত্র্য অবলম্বন পরিণামে নিরতিশয় ক্লেশের কারণ হইয়া উঠে। জলে, স্থলে, নভোমণ্ডলে, যেখানে দৃষ্টিপাত কর, স্ত্রীজাতির স্বাতন্ত্র্য দেখিতে পাইবে না; কি জলচর, কি স্থলচর, কি নভচর, জীবমাজেই এই নিয়মের অঙ্গসরণ করিয়া চলিয়া থাকে।

এই সকল কথা শুনিয়া চন্দ্রপ্রভা কিয়ৎ ক্ষণ মৌনাবলম্বন করিয়া রহিলেন ; অনন্তর সম্মিত বদনে পরিহাসবচনে বলিলেন, এই পরাধীনতার ভয়েই বুঝি তুমি বিবাহ করিতে চাও না। বিলাসিনীও হাস্তমুখে উত্তর দিলেন, হাঁ, ও এক কারণ বটে ; তন্ত্রি, বিবাহিত অবস্থায় অগ্নিবিধ নানা অহুবিধা আছে। চন্দ্রপ্রভা বলিলেন, আমার বোধ হয়, তুমি বিবাহিতা হইলে পুরুষের আধিপত্য ও অত্যাচার অনায়াসে সহ্য করিতে পারিবে। বিলাসিনী বলিলেন, পুরুষের অভিপ্রায় বুঝিয়া চলিতে বিলক্ষণ রূপে অভ্যাস না করিয়া আমি বিবাহ করিব না। চন্দ্রপ্রভা শুনিয়া হাস্তমুখে বলিলেন, ভগিনি ! যত অভ্যাস কর না কেন, কখনই অবিরক্ত চিত্তে সংসারধর্ম সম্পন্ন করিতে পারিবে না। পুরুষের পদে পদে অত্যাচার ; কত সহ্য করিবে, বল তুমি পুরুষের আচরণের বিষয়ে সবিশেষ জান না, এজন্য ওরূপ বলিতেছ ; যখন ঠেকিবে, তখন শিখিবে ; এখন মুখে ওরূপ বলিলে কি হইবেক। বিশেষতঃ পরের বেলায় আমরা উপদেশ দিতে বিলক্ষণ পটু, আপনার বেলায় বুদ্ধিভ্রংশ ঘটে, তর্কম বিবেচনাও থাকে না, সহিষ্ণুতাও থাকে না। তুমি এখন আমায় ধৈর্য্য অবলম্বন করিতে বলিতেছ, কিন্তু যদি কখনও বিবাহ কর, আমার মত অবস্থায় কত ধৈর্য্য অবলম্বন করিা চল, দেখিব।

উভয়ের এইরূপ কথোপকথন হইতেছে, এমন সময়ে কিঙ্কর বিষন্ন বদনে তাঁহাদের সম্মুখবর্তী হইল। চন্দ্রপ্রভা জিজ্ঞাসা করিলেন, কিঙ্কর ! তুমি যে একাকী আসিলে ; তোমার প্রভু কোথায় ? তাঁহার দেখা পাইয়াছ কি না ; কত ক্ষণে গৃহে আসিবেন, বলিলেন। কিঙ্কর বলিল, মা ঠাকুরাণি ! আমার বলিতে শঙ্কা হইতেছে, কিন্তু না বলিলে নয়, এজন্য বলিতেছি। আমি তাঁহাকে স্বেরূপ দেখিলাম, তাহাতে আমার ম্পষ্ট বোধ হইল, তাঁহার বুদ্ধিভ্রংশ ঘটিয়াছে ; তাঁহাতে উন্মাদের সম্পূর্ণ লক্ষণ লক্ষিত হইতেছে। আমি বলিলাম, কর্জী ঠাকুরাণীর আদেশে আমি আপনাকে লইয়া যাইতে আসিয়াছি, স্বরায় গৃহে চলুন, আহারের সময় বহিয়া যাইতেছে। তিনি আমায় দেখিয়া বিরক্তপ্রকাশ করিয়া জিজ্ঞাসা করিলেন, আমার স্বর্ণমুদ্রা কোথায় রাখিয়া আসিলে। পরে, আমি যত গৃহে আসিতে বলি, তিনি ততই বিরক্ত হইতে লাগিলেন, এবং, আমার স্বর্ণমুদ্রা কোথায়, বায়ংবার কেবল এইকথা বলিতে লাগিলেন। আমি বলিলাম, আপনি এ পর্য্যন্ত গৃহে না যাওয়াতে কর্জী ঠাকুরাণী অত্যন্ত উৎকণ্ঠিত হইয়াছেন। তিনি সাতিশয় কুপিত হইয়া বলিলেন, তুই কর্জী ঠাকুরাণী কোথায় পাইলি ?

আমি তোর কড়ী ঠাকুরাণীকে চিনি না, আমার স্বর্ণমূত্রা কোথায় রাখলি, বল।

এই কথা শুনিয়া, চকিত হইয়া, বিলাসিনী জিজ্ঞাসিলেন, কিঙ্কর ! এ কথা কে বলিল। কিঙ্কর বলিল, কেন, আমার প্রভু বলিলেন ; তিনি আরও বলিলেন, আমার বাটা কোথায়, আমার স্ত্রী কোথায়, আমি কবে বিবাহ কবিয়াছি যে, কথায় কথায় আমার স্ত্রীর উল্লেখ করিতেছি। অবশেষে, কি কারণে বলিতে পারি না, ক্রোধে অন্ধ হইয়া আমায় প্রহার করিলেন। এই বলিয়া সে স্বীয় কর্ণযুগলে যুষ্টিপ্রহারের চিহ্ন দেখাইতে লাগিল। চন্দ্রপ্রভা বলিলেন, তুমি পুনরায় যাও, এবং যেরূপ পার তাঁহারে অবিলম্বে গৃহে লইয়া আইস। সে বলিল, আমি পুনরায় যাইব এবং পুনরায় মার খাইয়া গৃহে আসিব। বলিতে কি, আমি আর মার খাইতে পাবিব না ; আপনি আর বাহাকেও পাঠাইয়া দেন। শুনিয়া সাতিশয় কুপিত হইয়া চন্দ্রপ্রভা বলিলেন, যদি তুমি না যাও, আমি তোমায় বিলক্ষণ শিক্ষা দিব, যদি ভাল চাও, এখনই চলিয়া যাও। কিঙ্কর বলিল, আপনি প্রহাব করিয়া এখন হইতে তাড়াইবেন, তিনি প্রহার করিয়া সেখান হইতে তাড়াইবেন, আমার উভয় সঙ্কট, কোনও দিকেই নিস্তার নাই।

এই বলিয়া সে চলিয়া গেলে পর, চন্দ্রপ্রভা ঈর্ষ্যাযায়িত লোচনে সরোষ বচনে বলিতে লাগিলেন, বিলাসিনি ! তোমার ভগিনীপতির কথা শুনিলে। এত ক্ষণ আমায় কত বুঝাইতেছিলে, এখন কি বল। শুনিলে ত, তাঁহার বাটা নাই, তাঁহার স্ত্রী নাই, তিনি বিবাহ করেন নাই। আমি কিঙ্করকে পাঠাইয়াছিলাম, অকারণে তাহাকে প্রহার করা আমার উপর অবজ্ঞাপ্রদর্শন মাত্র। আমি ইদানীং তাঁহার চক্ষের শূল হইয়াছি। আমরা তাঁহার প্রতীক্ষায় এত বেলা পর্য্যন্ত অনাহারেরহিয়াছি, তিনি অজ্ঞাত আমোদে কাল কাটাইতেছেন। তুমি যা বল, এখন তাঁহার উপর আমার বিলক্ষণ সন্দেহ হয়। আমি তাঁহার নিকট কি অপরাধে অপরাধিনী হইয়াছি, বলিতে পারি না। আমি কিছু তত রূপহীন বা গুণহীন নই যে, তিনি আমার প্রতি এত ঘৃণাপ্রদর্শন করিতে পারেন। অথবা কার দোষ দিব, সকলই আমার অদৃষ্টের দোষ।

Verified-1998

ভগিনীর ভাবদর্শন করিয়া বিলাসিনী বলিলেন, দিদি ! ঈর্ষ্যা স্ত্রীলোকের অতি বিষয় শত্রু, ঈর্ষ্যার বশবস্তিনী হইলে স্ত্রীজাতিতে যাবৎজীবন দুঃখ-ভাগিনী হইতে হয় ; অতএব এরূপ শত্রুকে অন্তঃকরণ হইতে এক বারে অপসারিত কর। এই কথা শুনিয়া য়র, পর, নাই, বিরক্ত হইয়া চন্দ্রপ্রভা

বলিলেন, বিলাসিনি! ক্ষমা কর, আর তোমার আমায় বুঝাইতে হইবেক না; এত অত্যাচার সহ্য করা আমার কৰ্ম নয়। আমি তত নিরভিমান হইতে পারিব না যে, তাঁহার এরূপ আচরণ দেখিয়াও আমার মনে অস্থখ জন্মিবেক না। ভাল, বল দেখি, যদি আমার প্রতি পূর্বের মত অল্পরাগ থাকিত, তিনি কি এত ক্ষণ গৃহে আসিতেন না; অকারণে কিঙ্করকে প্রহার করিয়া বিদায় করিতেন? তুমি ত জান, আজ কত দিন হইল এক ছড়া হার গড়াইয়া দিবেন বলিয়াছিলেন। সেই অবধি আর কখনও তাঁহার মুখে হারের কথা শুনিয়াছ? বলিতে কি, এত হত্যাদর হইয়া বাঁচা অপেক্ষা মরা ভাল। যেরূপ হইয়াছে এবং উত্তরোত্তর যেরূপ হইবেক, তাহাতে আমার অদৃষ্টে কত কষ্টভোগ আছে বলিতে পারি না।

হেমকূটের চিরঞ্জীব, আকুল হৃদয়ে পাশ্বনিবাসে উপস্থিত হইয়া, তথাকার অধ্যক্ষকে কিঙ্করের কথা জিজ্ঞাসা করিলেন। তিনি বলিলেন প্রায় চারি দণ্ড হইল, সে এখানে আসিয়াছে, এবং, আপনি তাহার হস্তে যে স্বর্ণমুদ্রা দিয়াছিলেন, তাহা সিন্দুকে বদ্ধ করিয়া রাখিয়াছে। পরে অনেক ক্ষণ প্রতীক্ষা করিয়া বিলম্ব দেখিয়া সে এইমাত্র আপনকার অন্বেষণে গেল। এই কথা শুনিয়া সংশয়াক্রম হইয়া চিরঞ্জীব মনে মনে বলিতে লাগিলেন, অধ্যক্ষ যেরূপ বলিলেন, তাহাতে আমি স্বর্ণমুদ্রা সহিত কিঙ্করকে আপন হইতে বিদায় করিলে পর, তাহার সহিত আমার আর সাক্ষাৎ বা কথোপকথন হওয়া সম্ভব নহে। কিন্তু আমি তাহার সহিত কথোপকথন করিয়াছি, এবং অবশেষে প্রহার পর্যন্ত করিয়া তাড়াইয়া দিয়াছি। অধ্যক্ষ বলিতেছেন, সে এই মাত্র পাশ্বনিবাস হইতে নির্গত হইয়াছে; এ কিরূপ হইল বুঝিতে পারিতেছি না। মনোমধ্যে তিনি এই আন্দোলন করিতেছেন, এমন সময়ে হেমকূটের কিঙ্কর তাঁহার নিকটে উপস্থিত হইল।

তাহাকে দেখিতে পাইবামাত্র চিরঞ্জীব জিজ্ঞাসা করিলেন, কেমন কিঙ্কর! তোমার পরিহাসপ্রবৃত্তি নিবৃত্তি পাইয়াছে, অথবা সেইরূপই রহিয়াছে। তুমি মার খাইতে বড় ভাল বাস; অতএব আমার ইচ্ছা, তুমি আর খানিক আমার সঙ্গে পরিহাস কর। কেমন, আজ আমি তোমার হস্তে স্বর্ণমুদ্রা দি নাই, তোমার কর্তী ঠাকুরাণী আমায় লইয়া ষাইবার জন্য পাঠাইয়াছেন জয়স্থলে আমার বাস। তোমার বুদ্ধিবংশ ঘটয়াছে, নতুবা পাগলের মত আমার জিজ্ঞাসার উত্তর দিতে না। কিঙ্কর শুনিয়া চকিত হইয়া বলিল সে কি মহাশয়! আমি কখন আপনকার নিকট ও সকল কথা বলিলাম? চিরঞ্জীব বলিলেন, কিছু পূর্বে, বোধ হয় এখনও আধ ঘণ্টা হয় নাই।

কিঙ্কর বিন্ময়্যাবিষ্ট হইয়া বলিল, আপনি স্বর্ণমুক্তার ধলী আমার হস্তে দিয়া এখানে পাঠাইলে পর, কই আপনকার সঙ্গে ত আর আমার দেখা হয় নাই। চিরঞ্জীব অত্যন্ত কুপিত হইয়া বলিলেন, দুঃখান্ন! আর আমার সঙ্গে দেখা হয় নাই, বটে; তুমি বারংবার বলিতে লাগিলে, আপনি আমার হস্তে স্বর্ণমুক্তা দেন নাই, কর্ত্তী ঠাকুরাণী আপনাকে লইয়া ষাইতে পাঠাইয়াছেন তিনি ও তাঁহার ভগিনী আপনকার অপেক্ষায় রহিয়াছেন, আহার করিতে পারিতেছেন না। পরিশেষে, সতিশয় রোষাক্রান্ত হইয়া আমি তোমায় প্রহার করিলাম।

এই সমস্ত কথা শুনিয়া হতবুদ্ধি হইয়া কিঙ্কর কিয়ৎ ক্ষণ শুক্ক হইয়া রহিল; অবশেষে, চিরঞ্জীব কৌতুক করিতেছেন বিবেচনা করিয়া বলিল, মহাশয়! এত দিনের পর আপনকার যে পরিহাসে প্রবৃত্তি হইয়াছে, ইহাতে আমি অতিশয় আফ্লাদিত হইলাম, কিন্তু এ সময়ে এরূপ পরিহাস করিতেছেন কেন তাহার মৰ্ম্ম বুঝিতে পারিতেছি না; অহুগ্রহ করিয়া তাহার কারণ বলিলে আমার সন্দেহ দূর হয়। চিরঞ্জীব বলিলেন, আমি পরিহাস করিতেছি, না তুমি পরিহাস করিতেছ, আজ তোমার দুর্খতি ঘটয়াছে; তখন যৎপরোনাস্তি বিরক্ত করিয়াছ, এখন আবার বলিতেছ, আমি পরিহাস করিতেছি। এই তোমার দুর্খতির ফলভোগ কর। এই বলিয়া তিনি ক্রোধভরে বারংবার বিলক্ষণ প্রহার করিলেন।

এইরূপে প্রহার প্রাপ্ত হইয়া কিঙ্কর বলিল, আমি কি অপরাধ করিয়াছি যে, আপনি আমায় এত প্রহার করিলেন। চিরঞ্জীব বলিলেন, তোমার কোনও অপরাধ নাই; সকল অপরাধ আমার। ভৃত্যের সহিত প্রভুর ষেক্ষরূপ ব্যবহার করা উচিত, তাহা না করিয়া, আমি যে তোমার সঙ্গে সৌহৃদ্যভাবে কথা কই, এবং সময়ে সময়ে তোমার পরিহাস শুনিতে ভাল বাসি, তাহাতেই তোমার এত আশ্পর্দা বাড়িয়াছে। তোমার সময় অসময় বিবেচনা নাই। যদি আমার নিকট পরিহাস করিবার ইচ্ছা থাকে, আমি কখন কি ভাবে থাকি তাহা জান ও তদনুসারে চলিতে আরম্ভ কর, নতুবা প্রহার ছাড়া তোমার পরিহাসরোগের শাস্তি করিব। কিঙ্কর বলিল, আপনি প্রভু, প্রহার করিলেন, করুন, আমি দাস, অনায়াসে সহ্য করিলাম; কিন্তু কি কারণে প্রহার করিলেন তাহা না বলিলে কিছুতেই ছাড়িব না। চিরঞ্জীব এই সময়ে দুটি ভজ্র স্ত্রীলোককে তাঁহার দিকে আসিতে দেখিয়া বলিলেন, অরে নিকোঁধ! স্থির হও, এখন আর ও সকল কথা কহিও না; দুটি ভজ্রবংশের স্ত্রীলোক বোধ হয় আমার নিকটেই আসিতেছেন।

জয়হলের কিঙ্কর লঙ্ঘন প্রতিগমন না করাতে, চন্দ্রপ্রভা নিতান্ত অর্ধেখ্য হইয়া ভগিনীকে সমভিব্যাহারে লইয়া স্বীয় পতি চিরঞ্জীবের অধ্ববণে নির্গত হইয়াছিলেন। ইতস্ততঃ অনেক অহুসঙ্কান করিয়া পরিশেষে পাশ্বনিবাসে উপস্থিত হইয়া তিনি হেমকুটের চিরঞ্জীব ও কিঙ্করকে দেখিতে পাইলেন, এবং তাঁহাদিগকে জয়হলের চিরঞ্জীব ও কিঙ্কর স্থির করিয়া নিকটবর্তিনী হইলেন। হেমকুটের চিরঞ্জীব ইতঃপূর্বেই স্বীয় ভৃত্য কিঙ্করের উপর অত্যন্ত কোপান্বিত হইয়াছিলেন, এক্ষণে বিলক্ষণ ষড়্ পাইলেন, তথাপি তদীয় উগ্রভাবের এক বারে তিরোভাব হইল না। চন্দ্রপ্রভা তাঁহার মুখের দিকে দৃষ্টিসঞ্চার করিয়া অভিমানভরে বলিতে লাগিলেন, নাথ ! আমায় দেখিলেই তোমার ভাবান্তর উপস্থিত হয় ; তোমার বদনে রোষ ও অসন্তোষ বিলক্ষণ প্রকাশ পাইতেছে। ষাহারে দেখিলে স্তম্ভোদয় হয়, তাহার নিকটে কিছু এ ভাব অবলম্বন কর না। আমি এখন আর সে চন্দ্রপ্রভা নই, তোমার পরিণীতা বনিতাও নই। পূর্বে, আমি কথা কহিলে তোমার কর্ণে অন্ততবর্ষণ হইত ; আমি দৃষ্টিপাত করিলে তোমার নয়নযুগল প্রীতিরসে পরিপূর্ণ হইত ; আমি স্পর্শ করিলে তোমার সর্ব শরীর পুলকিত হইত , আমি হস্তে করিয়া না দিলে উপায়ে আহারসামগ্রীও তোমার স্তম্ভাদ বোধ হইত না। তখন আমা বই আর জানিতে না। আমি ক্ষণ কাল নয়নের অন্তরাল হইলে দশ দিক্ শূন্য দেখিতে। এখন সে সব দিন গত হইয়াছে। কি কারণে এ বিসদৃশ ভাবান্তর উপস্থিত হইল, বল। আমার নিতান্ত তোমাগত প্রাণ ; তুমি বই এ সংসারে আমার আর কে আছে। তুমি এত নির্দয় হইলে আমি কেমন করিয়া প্রাণধারণ করিব। বিলাসিনীকে জিজ্ঞাসা কর, ইদানীং আমি কেমন মনের স্তখে আছি। দুর্ভাবনায় শরীর শীর্ণ হইয়া যাইতেছে। আমি স্পষ্ট দেখিতেছি, আমার উপর তোমার আর সে অহুরাগ নাই। ষাহার ভাগ্য ভাল, এখন সে তোমার অহুরাগভাজন হইয়াছে। আমি দেখিয়া শুনিয়া জীবম্মৃত হইয়া আছি। দেখ, আর নির্দয় হইও না ; আর আমায় মর্মান্তিক ষাতনা দিও না। বিবেচনা কর, কেবল আমিই যে যন্ত্রণাভোগ করিব, এরূপ নহে ; এ সকল কথা ব্যক্ত হইলে তুমিও ভঙ্গসমাজে হেয় হইবে।

চন্দ্রপ্রভার আক্ষেপ ও অহুরাগে পরিণত হইয়া হেমকুটবাসী চিরঞ্জীব হতবুদ্ধি হইলেন, এবং, কি কারণে অপরিচিত ব্যক্তিকে পতিসম্ভাবণ ও পতিকৃত অহুচিত আচরণের আরোপণ পূর্বক, ভৎসনা করিতেছে, কিছুই নির্দয় করিতে না পারিয়া, স্তম্ভ হইয়া রহিলেন। কিয়ৎ ক্ষণ পরে, কিছু

বলা আবশ্যক, নিতান্ত মৌনাবলম্বন করিয়া থাকি বিধেয় নহে, এই বিবেচনা করিয়া, তিনি বিশ্বাস্যাকুল লোচনে শুদ্ধ বচনে বলিলেন, অগ্নি বরবর্ণিনি ! আমি বৈদেশিক ব্যক্তি, জয়স্থলে আমার বাস নয় ; এই সৰ্ব্বপ্রথম এ স্থানে আসিয়াছি, তাহাও চারি পাঁচ দণ্ডের অধিক নহে ; ইহার পূর্বে আমি আর কখনও তোমায় দেখি নাই, তুমি আমায় লক্ষ্য করিয়া যে সকল কথা বলিলে, তাহার এক বর্ণও বুঝিতে পারিলাম না। বিলাসিনী শুনিয়া আশ্চর্য্যজ্ঞান করিয়া বলিলেন, ও কি হে, তুমি যে আমায় এক বারে অবাঞ্ছিত করিয়া দিলে। হঠাৎ তোমার মনের ভাব এত বিপরীত হইল কেন ? যা হউক ভাই ! ইতঃপূর্বে আর কখনও দ্বিধার উপর তোমার এ ভাব দেখি নাই। দ্বিধার অপরাধ কি ? আহারের সময় বহিয়া যায়, এজ্ঞা কিঙ্করকে তোমায় ডাকিতে পাঠাইয়াছিলেন।

এই কথা বলিবামাত্র চিরঞ্জীব বলিলেন, কিঙ্করকে ! কিঙ্করও চকিত হইয়া বলিল, কি আমাকে ! তখন চন্দ্রপ্রভা কোপাবিষ্ট হইয়া বলিলেন, ইহা তোমাকে। তুমি উহার নিকট হইতে ফিরিয়া গিয়া ঝলিলে, তিনি প্রহার করিলেন, বলিলেন, আমার বাটা নাই, আমার স্ত্রী নাই, এখন আবার, যেন কিছুই জান না, এইরূপ ভান করিতেছ। চিরঞ্জীব শুনিয়া ঈষৎ কুপিত হইয়া কিঙ্করকে জিজ্ঞাসিলেন, তুমি কি এই স্ত্রীলোকের সহিত কথোপকথন করিয়াছিলে ? সে বলিল, না মহাশয় ! আমি উহার সঙ্গে কখন কথা কহিলাম ? কথা কহা দূরে থাকুক, ইহার পূর্বে আমি উহারে কখনও দেখি নাই। চিরঞ্জীব বলিলেন, দুঃখান্ন ! তুমি মিথ্যা বলিতেছ ; উনি যে সকল কথা বলিতেছেন, তুমি আপনো গিয়া আমার নিকট অবিকল ঐ সকল কথা বলিয়াছিলে। সে বলিল, না মহাশয় ! আমি কখনও বলি নাই ; জন্মাবচ্ছিন্নে আমি উহার সহিত কথা কই নাই। চিরঞ্জীব বলিলেন, তোমার সঙ্গে যদি দেখা ও কথা না হইবেক, উনি কেমন করিয়া আমাদের নাম জানিলেন।

চন্দ্রপ্রভা, হেমকূটবাসী চিরঞ্জীবের ও কিঙ্করের কথোপকথন শ্রবণে যৎপরোনাস্তি ক্ষুব্ধ হইয়া, আক্ষেপবচনে বলিতে লাগিলেন, নাথ ! যদিই আমার উপর বিরাগ জন্মিয়া থাকে, চাকরের সঙ্গে যড়যন্ত্র করিয়া একরূপে অপমান করা উচিত নহে। আমি কি অপরাধ করিয়াছি যে, একরূপ ছল করিয়া আমার এত লাঞ্ছনা করিতেছ। তুমি কখনই আমার পরিত্যাগ করিতে পারিবে না। তুমি যা ভাব না কেন, আমি তোমা বই আর জানি

না ; যাবৎ এ দেহে প্রাণ থাকিবেক, তাবৎ আমি তোমার বই আর কারও নই। আমি জীবিত থাকিতে তুমি কখনও অন্নের হইতে পারিবে না। তুমি দিবাকর, আমি কমলিনী, তুমি শশধর, আমি কুমুদিনী ; তুমি জলধর আমি সৌদামনী। তুমি পরিত্যাগ করিতে চাহিলেও আমি তোমায় ছাড়িব না। অতএব, আর কেন, গৃহে চল ; কেন অনর্থক লোক হাসাইবে, বল।

এই সকল কথা শুনিয়া চিরঞ্জীব মনে মনে বলিতে লাগিলেন, এ কি বিপদ উপস্থিত ! কেহ কখনও এমন বিপদে পড়ে না। এত পতিজ্ঞানে আমায় সম্ভাষণ করিতেছে। যেরূপ ভাবভঙ্গী দেখিতেছি, তাহাতে বৈদেশিক লোক পাইয়া পরিহাস করিতেছে, সেরূপও প্রতীতি হইতেছে না। আকার প্রকার দেখিয়া স্পষ্ট বোধ হইতেছে, এ সম্ভ্রান্ত লোকের কন্যা, সামান্য কামিনী নহে। আমি নিতান্ত অপরিচিত বৈদেশিক ব্যক্তি, আমায় পতিজ্ঞানে সম্ভাষণ করে কেন ? আমি কি নিদ্রিত অবস্থায় স্বপ্ন দেখিতেছি অথবা ভূতাবেশ বশতঃ আমার বুদ্ধিব্রংশ ঘটিয়াছে, তাহাতেই এরূপ দেখিতেছি ও শুনিতেছি। যাহা হউক, কোনও অনির্ণীত হেতু বশতঃ আমার দর্শন-শক্তির ও শ্রবণশক্তির সম্পূর্ণ বৈলক্ষণ্য ঘটিয়াছে, তাহার কিছুমাত্র সংশয় নাই। এখন কি উপায়ে এ বিপদ হইতে নিষ্কৃতি পাই ?

এই সময়ে বিলাসিনী কিঙ্করকে বলিলেন, তুমি সম্ভব বাটীতে গিয়া ভৃত্যদিগকে সমস্ত প্রস্তুত করিতে বল, আমরা বাটীতে গিয়াই আহার করিতে বসিব। তখন কিঙ্কর চিরঞ্জীবের দিকে দৃষ্টিপাত করিয়া অস্তির লোচনে আকুল বচনে বলিতে লাগিল, মহাশয় ! আপনি সবিশেষ না জানিয়া কোথায় আসিয়াছেন ? এ বড় সহজ স্থান নহে। এখানকাব সকলই মায়া, সকলই ইন্দ্রজাল। আমরা সহজে নিষ্কৃতি পাইব বোধ হয় না। যে রঙ্গ দেখিতেছি, প্রাণ বাঁচাইয়া দেশে যাইব, আমার আর সে আশা নাই। এই মানবরূপিণী ঠাকুরাণীরা ষেরূপ মায়াবিনী, তাহাতে ইঁহাদের হস্ত হইতে সহজে নিস্তার পাইবেন, মনে করিবেন না। কি অশুভ ক্ষণেই এ দেশে পদার্পণ করিয়াছিলেন। ষেরূপ দেখিতেছি, ইঁহাদের মতের অলুবর্তী হইয়া না চলিলে ! নিঃসংশয় প্রাণসংশয় ঘটবেক। অতএব এমন স্থলে কি কর্তব্য, স্থির করুন। কিঙ্করের এই সকল কথা শুনিয়া অত্যন্ত বিরক্ত হইয়া, বিলাসিনী বলিলেন, অহে কিঙ্কর ! তোমায় পরিহাসের অনেক কৌশল আইসে, তাহা আমরা বহু দিন অবধি জানি, আর তোমায় সে বিষয়ে নৈপুণ্য দেখাইতে হইবেক না ; আমরা বড় আপ্যায়িত হইয়াছি।

এক্ষণে ক্রান্ত হও, যা বলি, তা শুন। শুনিয়া লাভিশয় শঙ্কিত হইয়া কিঙ্কর চিরঞ্জীবকে বলিল, মহাশয়! আমার বুদ্ধিলোপ হইয়াছে; এখন কি করিবেন, করুন। চিরঞ্জীব বলিলেন, কেবল তোমার নয়, আমিও দেখিয়া শুনিয়া তোমার মত হতবুদ্ধি হইয়াছি। তখন চন্দ্রপ্রভা, চিরঞ্জীবের হস্তে ধরিয়া আর কেন, গৃহে চল; চাকর মনিবে মন্ত্রণা করিয়া আজ আমার যথেষ্ট লাহনা করিলে। সময় অতীত হইয়া গিয়াছে, আর বিলম্বে কাজ নাই। এই বলিয়া তিনি তাঁহাকে বল পূর্বক গৃহে লইয়া চলিলেন। চিরঞ্জীব, অয়স্কান্তে আকুষ্ট লৌহের ন্যায় নিতান্ত অনায়ত্ত হইয়া, আপত্তি বা অনিচ্ছাপ্রদর্শন করিতে পারিলেন না। কিয়ৎ ক্ষণ পরে বাটীতে উপস্থিত হইয়া চন্দ্রপ্রভা কিঙ্করকে বলিলেন, ষার রুদ্ধ করিয়া রাখ, যদি কেহ তোমার প্রভুর অনুসন্ধান করে, বলিবে, আজ তাঁহার সঙ্গে সাক্ষাৎ হইবেক না; এবং যে কেন হউক না, কাহাকেও কোনও কারণে বাটীতে প্রবেশ করিতে দিবে না। অনন্তর চিবঞ্জীবকে বলিলেন, নাথ! আজ আমি তোমায় আর বাড়ীর বাহির হইতে দিব না, তোমার সঙ্গে অনেক কথা আছে। চিরঞ্জীব দেখিয়া শুনিয়া হতবুদ্ধি হইয়া মনে মনে বলিতে লাগিলেন, আজ আমার অদৃষ্টে এ কি ঘটিল। আমি পৃথিবীতে আছি, কি স্বর্গে রহিয়াছি, নিশ্চিত আছি, কি জাগবিত রহিয়াছি, প্রকৃতিস্থ আছি, কি উন্মাদগ্রস্ত হইয়াছি, কিছুই বুঝিতে পারিতেছি না। এক্ষণে কি করি; অথবা ইহাদেব অভিপ্রায়ের অনুবর্তী হইয়া চলি, ভাগ্যে যাহা আছে তাহাই ঘটবেক। তাঁহাকে বাটীর অভ্যন্তরে যাইতে দেখিয়া কিঙ্কর বলিল, মহাশয়! আমি কি ষারদেশে বসিয়া থাকিব? চিরঞ্জীব কোনও উত্তর দিলেন না। চন্দ্রপ্রভা বলিলেন, দেখিও যেন কেহ বাটীতে প্রবেশ করিতে না পায়; ইহার অন্তথা হইলে আমি তোমার যৎপরোনাস্তি শাস্তি করিব। এই বলিয়া চিরঞ্জীবকে লইয়া তিনি অভ্যন্তরে প্রবেশ করিলেন।

তৃতীয় পরিচ্ছেদ

জয়হলবাসী কিঙ্কর, চন্দ্রপ্রভার আদেশ অনুসারে দ্বিতীয় বার স্বীয় প্রভুর অশেষণে নির্গত হইয়া, বহুপ্রিয় স্বর্ণকারের বিপণিতে তাঁহার দর্শন পাইল এবং বলিল, মহাশয়! এখনও কি আপনকার কুধাবোধ হয় নাই; সন্ধ্যর বাটীতে

চলুন ; কর্ত্রী ঠাকুরাণী আপনকার জন্ত অস্থির হইয়াছেন । আপনি ইতঃপূর্বে সাক্ষাৎকালে যে সকল কথা বলিয়াছিলেন, এবং অকারণে আমায় যে প্রহার করিয়াছিলেন, আমি সে সমস্ত তাঁহার নিকটে বলিয়াছি । শুনিয়া বিশ্বাস্যাপন্ন হইয়া জয়স্থলবাসী চিরঞ্জীব বলিলেন, আজ কখন তোমার সঙ্গে দেখা হইল, কখন বা তোমায় কি কথা বলিলাম, এবং কখনই বা তোমায় প্রহার করিলাম ? সে যাহা হউক, গৃহিণীর নিকট কি কথা বলিয়াছ, বল । সে বলিল, কেন আপনি বলিয়াছিলেন, আমি কোথায় যাইব, আমার বাটী নাই, আমি বিবাহ করি নাই, আমার স্ত্রী নাই । এই সকল কথা আমি তাঁহার নিকটে বলিয়াছি । তৎপরে তিনি পুনরায় আমায় আপনকার নিকটে পাঠাইলেন ; বলিয়া দিলেন, যেরূপে পার তাঁহাকে সম্বন্ধ বাটীতে লইয়া আইস ।

শুনিয়া সাতিশয় কুপিত হইয়া চিরঞ্জীব বলিলেন, অরে পাপিষ্ঠ ! তুমি কোথায় এমন মাতলামি শিখিয়াছ ? কতকগুলি কল্পিত কথা শুনাইয়া অকারণে তাঁহার মনে কষ্ট দিয়াছ । তোমার এরূপ করিবার তাৎপর্য্য কি, বুঝিতে পারিতেছি না । আমার সঙ্গে দেখা নাই, অথচ আমার নাম করিয়া তুমি তাঁহার নিকট এই সকল কথা বলিয়াছ । কিঙ্কর বলিল, আমি তাঁহাকে একটিও অলীক কথা শুনাই নাই, আপনে সাক্ষাৎকালে যাহা বলিয়াছেন ও যাহা করিয়াছেন, আমি তাহার অতিরিক্ত কিছুই বলি নাই । আপনি যখন যাহাতে স্মৃতি দেখেন, তাহাই বলেন, তাহাই করেন । আপনি আমায় যে প্রহার করিয়াছেন, কর্ণমূলে তাহার চিহ্ন রহিয়াছে । এখন কি প্রহার পর্য্যন্ত অপলাপ করিতে চাহেন ? চিরঞ্জীব ক্রোধে অধীর হইয়া বলিলেন, তোমায় আর কি বলিব, তুমি গর্দভ । কিঙ্কর বলিল, তাহার সন্দেহ কি; গর্দভ না হইলে এত প্রহার সহ্য করিতে পারিব কেন । গর্দভ প্রস্তুত হইলে নিরুপায় হইয়া পদপ্রহার করে ; অতঃপর আমিও সেই পথ অবলম্বন করিব ; তাহা হইলে আপনি সতর্ক হইবেন, আর কথায় কথায় আমায় প্রহার করিতে চাহিবেন না ।

চিরঞ্জীব যৎপরোনাস্তি বিরক্ত হইয়া তাহার কথার আর উত্তর না দিয়া বহুপ্রিয় স্বর্ণকারকে বলিলেন, দেখ, আমার গৃহপ্রতিগমনে বিলম্ব হইলে গৃহিণী অত্যন্ত আক্ষেপ ও বিরক্তপ্রকাশ করেন, এবং নানাবিধ সন্দেহ করিয়া আমার সহিত বিবাহ ও বাদানুবাদ করিয়া থাকেন । অতএব, তুমি সঙ্গে চল ; তাঁহার নিকটে বলিবে, তাঁহার জন্তে যে হার গড়িতেছ, তাহা এই সময়ে প্রস্তুত হইবার কথা ছিল ; প্রস্তুত হইলেই লইয়া যাইব এই আশায় আমি তোমার বিপণিতে বলিয়াছিলাম ; কিন্তু এ বেলা প্রস্তুত হইয়া উঠিল না ; সায়ংকালে নিঃসন্দেহ

প্রস্তুত হইবেক, এবং কলা প্রাতে তুমি তাঁহার নিকটে লইয়া যাইবে। তাঁহাকে এই কথা বলিয়া সন্নিহিত রত্নদত্ত শ্রেণীকে বলিলেন, আপনিও চলুন, আজ সকলে এক সন্দেশে আহার করিব; অনেক দিন আপনি আমার বাটীতে আহার করেন নাই। রত্নদত্ত ও বসুপ্রিয় সন্মত হইলেন; চিরঞ্জীব উভয়কে সমভিব্যাহারে লইয়া স্বীয় ভবনের অভিমুখে প্রস্থান করিলেন।

কিয়ৎ ক্ষণ পরে বাটীর সন্নিহিত হইয়া চিরঞ্জীব দেখিলেন, ষার রুদ্ধ রহিয়াছে; তখন কিস্করকে বলিলেন; তুমি অগ্রসর হইয়া আমাদের পহুঁচার পূর্বে ষার খুলাইয়া রাখ। কিস্কর সত্বর গমনে ষারদেশে উপস্থিত হইয়া অপরাপর ভৃত্যদিগের নামগ্রহণ পূর্বে ষার খুলিয়া দিতে বলিল। চন্দ্রপ্রভার আদেশ অহুঁমারে হেমকুটবাসী কিস্কর ঐ সময়ে ষারবানের কার্যসম্পাদন করিতেছিল, সে বলিল, তুমি কে, কি জন্তে ষার খুলিতে বলিতেছ; গৃহস্বামিনী স্বরূপ অহুঁমতি দিয়াছেন, তাহাতে আমি কখনই ষার খুলিব না, এবং কাহাকেও বাটীতে প্রবেশ করিতে দিব না। অতএব তুমি এখান হইতে চলিয়া যাও আর ইচ্ছা হয়, রাত্তায় বসিয়া রোদন কর। এইরূপ উদ্ধত ও অবজ্ঞাপূর্ণ বাক্য শুনিয়া জয়স্বলবাসী কিস্কর বলিল, তুই কে, কোথাকার লোক, তোর কেমন আচরণ? প্রভু পথে দাঁড়াইয়া রহিলেন, তুই ষার খুলিয়া দিবি না। হেমকুটবাসী কিস্কর বলিল, তোমার প্রভুকে বল, তিনি যেখান হইতে আসিয়াছেন, সেই খানে কিরিয়া যান। আমি কোনও ক্রমে তাঁহাকে এ বাটীতে প্রবেশ করিতে দিব না।

কিস্করের কথার ষার খুলিল না দেখিয়া, চিরঞ্জীব বলিলেন, কে ও বাটীর ভিতরে কথা কও হে, শীঘ্র ষার খুলিয়া দাও। পরিহাসপ্রিয় হেমকুটবাসী কিস্কর বলিল, আমি কখন ষার খুলিয়া দিব, তাহা আমি আপনাকে পরে বলিব; আপনি কি জন্তে ষার খুলিতে বলিতেছেন, তাহা আমায় আগে বলুন। চিরঞ্জীব বলিলেন, আহারের জন্তে; আজ এ পর্য্যন্ত আমার আহার হয় নাই। কিস্কর বলিল, এখন এখানে আপনকার আহারের কোনও সুবিধা নাই; ইচ্ছা হয়, পরে কোনও সময়ে আসিবেন। তখন চিরঞ্জীব কোপাশ্বিত হইয়া বলিলেন, তুমি কে হে, যে আমায় আমার বাটীতে প্রবেশ করিতে দিতেছ না। কিস্কর বলিল, আমি এই সময়ের জন্ত ষাররক্ষার ভার পাইয়াছি, আমার নাম কিস্কর। এই কথা শুনিয়া জয়স্বলবাসী কিস্কর বলিল, অরে ছুয়ায়ন! তুই আমার নাম ও পদ উভয়েরই অপহরণ করিয়াছিল; যদি ভাল চাহিস, শীঘ্র ষার খুলিয়া দে, প্রভু কতক্ষণ পথে দাঁড়াইয়া থাকিবেন? হেমকুটবাসী

কিঙ্কর তথাপি ষার খুলিয়া দিল না। তখন জয়স্থলবাসী কিঙ্কর স্বীয় প্রভুকে বলিল, মহাশয়! আজ ভাল লক্ষণ দেখিতেছি না; সহজে ষার খুলিয়া দেয় এরূপ বোধ হয় না। ধাক্কা মারিয়া ষার ভাঙ্গিয়া ফেলুন, আর কত ক্ষণ এমন করিয়া দাঁড়াইয়া থাকিবেন? বিশেষতঃ, আপনকার নিমন্ত্রিত এই দুই মহাশয়ের অতিশয় কষ্ট হইতেছে।

এই সময়ে চন্দ্রপ্রভা অভ্যস্তর হইতে বলিলেন, কিঙ্কর! ওরা সব কে, কি জন্তে দরজায় জমা হইয়া গোল করিতেছে? হেমকুটবাসী কিঙ্কর বলিল, ঠাকুরাণি! গোলের কথা কেন বলেন, আপনাদের এই নগরটি উচ্ছৃঙ্খল লোকে পরিপূর্ণ; এখানে গোলের অপ্রতুল কি। চন্দ্রপ্রভার স্বর শুনিতে পাইয়া জয়স্থলবাসী চিরঞ্জীব বলিলেন, বলি, গিন্নি! আজকার এ কি কাণ্ড? এই কথা শুনিবামাত্র চন্দ্রপ্রভা কোপে জ্বলিত হইয়া বলিলেন, তুই কোথাকার হতভাগা, দূর হয়ে যা, দরজার কাছে গোল করিস না, লক্ষ্মীছাড়ার আশ্রয় দেখ না, রাস্তায় দাঁড়াইয়া আমায় গিন্নি বলিয়া সন্তোষ করিতেছে। জয়স্থলবাসী কিঙ্কর বলিল, মহাশয়! বড় লজ্জার কথা, ওঁরা দুজন দাঁড়াইয়া রহিলেন, আমরা দরজা খুলাইতে পারিলাম না। যাহাতে শীঘ্র খুলিয়া দেয়, তাহার কোনও উপায় করুন। তখন চিরঞ্জীব বলিলেন, কিঙ্কর! আমি দেখিয়া শুনিয়া একে বারে হতবুদ্ধি হইয়াছি, আজকার কাণ্ড কিছুই বুঝিতে পারিতেছি না। তখন কিঙ্কর বলিল, তবে আর বিলম্বে কাজ নাই, দরজা ভাঙ্গিয়া ফেলুন। চিরঞ্জীব বলিলেন, অতঃপর সেই পরামর্শই ভাল; দরজা ভাঙ্গা বই আর উপায় দেখিতেছি না। যেখানে পাও, সত্বর দুই তিন খান কুঠার লইয়া আইস। কিঙ্কর, যে আজ্ঞা বলিয়া, তৎক্ষণাৎ প্রস্থান করিল।

এই সময়ে রত্নদত্ত বলিলেন, মহাশয়! ধৈর্য অবলম্বন করুন। কোনও ক্রমে দরজা ভাঙ্গা হইবেক না। যাহা দেখিলাম, যাহা শুনিলাম, তাহাতে ক্রোধসংবরণ করা সহজ নয়। রক্ত মাংসের শরীরে এত সহ্য হয় না। কিন্তু সংসারী ব্যক্তিকে অনেক বিবেচনা করিয়া কাজ করিতে হয়। এখন আপনি ক্রোধভরে এক কর্ম করিবেন; কিন্তু ক্রোধশাস্তি হইলে ষার পর নাই অহুতাপ-গ্রস্ত হইবেন। অগ্র পশ্চাৎ না ভাবিয়া কোনও কর্ম করা পরামর্শসিদ্ধ নয়। যদি এই দিবা ত্রিপ্রহরের সময় আপনি ষারভঞ্জে প্রবৃত্ত হন, রাজপথবাহী সমস্ত লোক সমবেত হইয়া কত কুতর্ক উপস্থিত করিবেক। আপনকার কলঙ্ক রাখিবার স্থান থাকিবেক না। মানবজাতি নিরতিশয় কুৎসাপ্রিয়; লোকের কুৎসা করিবার নিমিত্ত কত অমূলক গল্পের কল্পনা করে, এবং কল্পিত গল্পের আকর্ষণ

শক্তির সম্পাদনের নিমিত্ত উহাতে কত অলঙ্কার যোজিত করিয়া দেয়। যদি কোনও ব্যক্তির প্রশংসা করিবার সহস্র হেতু থাকে, অধিকাংশ লোকে তুলিয়াও সে দিকে দৃষ্টিপাত করে না; কিন্তু কুৎসা করিবার অণুমাাত্র সোপান পাইলে মনের আমোদে সেই দিকে খাবমান হয়। আপনি নিতান্ত অমায়িক; মনে ভাবেন কখনও কাহারও অপকার করেন নাই, যথাশক্তি সকলের হিতচেষ্টা করিয়া থাকেন, স্ততরাং কেহ আপনকার বিপক্ষ ও বিবেষী নাই; সকলেই আপনকার আত্মীয় ও হিতৈষী। কিন্তু আপনকার সে সংস্কার সম্পূর্ণ ভ্রান্তি-মূলক। আপনি প্রাণপণে ঠাঁহাদের উপকার করিয়াছেন, এবং যে সকল ব্যক্তিকে আত্মীয় বলিয়া স্থির করিয়া রাখিয়াছেন, ঠাঁহাদের মধ্যে অধিকাংশই আপনকার বিষম বিবেষী। ঐ সকল ব্যক্তি আপনকার ষার পর নাই কুৎসা করিয়া বেড়ান। আপনকার ষথার্থ গুণগ্রাহী কতকগুলি নিরপেক্ষ লোক আছেন, ঠাঁহারা আপনকার দয়া সৌজন্য প্রভৃতি দর্শনে মুগ্ধ হইয়া যুক্ত কণ্ঠে প্রশংসা করিয়া থাকেন। আপনি অতি সামান্য ব্যক্তি ছিঁলেন, এক্ষণে জয়স্থলে বিলক্ষণ মাননীয় ও প্রশংসনীয় হইয়াছেন, এজন্য, যে সকল লোক সচরাচর ভয় বলিয়া পরিগণিত হইয়া থাকেন, ঠাঁহাদের মধ্যে অধিকাংশ ব্যক্তিরই অন্তঃকরণ ঈর্ষ্যারসে নিরতিশয় কলুষিত হইয়া আছে। ঠাঁহারা আপনকার অহুষ্ঠিত কৰ্ম্মমাত্রেরই এক এক অভিসন্ধি বহিষ্কৃত করেন, আপনি কোনও কৰ্ম্ম ধৰ্ম্মবুদ্ধিতে করিয়া থাকেন, তাহা কোনও মতে প্রতিপন্ন হইতে দেন না। আমি অনেক বার অনেক স্থলে দেখিয়াছি, আপনকার অহুষ্ঠিত কৰ্ম্মসমূহের উল্লেখ করিয়া কেহ প্রশংসা করিলে, ঠাঁহাদের নিতান্ত অসহ হয়, ঠাঁহারা তৎক্ষণাৎ তত্ত্বং কৰ্ম্মকে অসদভিসন্ধিপ্রযোজিত বা স্বার্থাহুসঙ্কানমূলক বলিয়া প্রতিপন্ন করিবার চেষ্টা পান; অবশেষে, ষাহা কখনও সম্ভব নয় একরূপ গল্প তুলিয়া আপনকার নিৰ্ম্মল চরিত্রে কুৎসিত কলঙ্ক যোজিত করিয়া থাকেন। এমন স্থলে, কুৎসা করিবার একরূপ সোপান পাইলে ঐ সকল মহাস্বাদের আমোদের সীমা থাকিবেক না; ঠাঁহারা আপনাকে এক বারে নবকে নিষ্কিণ্ত করিবেন। আর, আমরা আপনকার গৃহিনীকে বিলক্ষণ জানি। তিনি নিরোধ নহেন। তিনি যে এ সময়ে ষার কন্ধ করিয়া আপনাকে বাটীতে প্রবেশ করিতে দিতেছেন না, অবশ্যই ইহার বিশিষ্ট হেতু আছে; আপনি এখন তাহা জানেন না, পরে সাক্ষাৎ হইলে তিনি অবশ্যই আপনাকে বুঝাইয়া দিবেন। অতএব আমার কথা শুনুন, আর এখানে দাঁড়াইয়া গোল করিবার প্রয়োজন নাই;

চলুন, এ বেলা আমরা স্থানান্তরে গিয়া আহার করি। অপরাহ্নে একাকী আসিয়া এই বিসদৃশ ঘটনার কারণানুসন্ধান করিবন।

রত্নদত্তের কথা শুনিয়া চিরঞ্জীব কিয়ৎক্ষণ মৌনাবলম্ব করিয়া রহিলেন; অনন্তর বলিলেন, আপনি সংপরামর্শের কথাই বলিয়াছেন; ধৈর্য অবলম্বন করিয়া এখান হইতে চলিয়া যাওয়াই সর্বাংশে শ্রেয়ঃকল্প বোধ হইতেছে। বাহা বলিলেন, আমার স্ত্রী কোনও ক্রমে নিৰ্বোধ নহেন। কিন্তু তাঁহার একটি বিষম দোষ আছে। আমার বাটীতে আসিতে বিলম্ব হইলে তিনি নিতান্ত অস্থির ও উন্নতপ্রায় হন, এবং মনে নানা কুতর্ক উপস্থিত করিয়া অকারণে আমার সঙ্গে কলহ করেন। আজ বিশেষতঃ কিল্লর তাঁহাকে অতিশয় রাগাইয়া দিয়াছে, তাহাতেই এই অনর্ধ উপস্থিত হইয়াছে, বুঝিতে পারিতেছি। অনন্তর বস্তুপ্রিয়কে বলিলেন, বোধ করি এত ক্ষণে হার প্রস্তুত হইয়াছে; তুমি অবিলম্বে বাটীতে প্রতিগমন কর; আমি অপরাজিতার আবাসে থাকিব, হার লইয়া তথায় আমার সহিত সাক্ষাৎ করিবে; দেখিও, যেন কোনও মতে বিলম্ব না হয়। ঐ হার আমি অপরাজিতাকে দিব, তাহা হইলেই গৃহিণী বিলক্ষণ শিক্ষা পাইবেন, এবং আর কখনও আমার সঙ্গে এরূপ ব্যবহার করিবেন না। বস্তুপ্রিয় বলিলেন, যত সত্বর পারি হার লইয়া সাক্ষাৎ করিতেছি। এই বলিয়া তিনি দ্রুত পদে গ্রস্থান করিলে চিরঞ্জীব ও রত্নদত্ত অভিপ্রেত স্থানে গমন করিলেন।

এ দিকে, আহারের সময় হেমকুটবাসী চিরঞ্জীব প্রায়ই মৌনাবলম্বন করিয়া রহিলেন, চন্দ্রপ্রভা বা বিলাসিনীর কোনও কথার উত্তর দিলেন না; এবং কোথায় আসিয়াছি, কি করিতেছি, অবশেষেই বা কি বিপদে পড়িব, এই দুর্ভাবনায় অভিভূত হইয়া ভাল রূপে আহারও করিতে পারিলেন না। তাঁহার এই ভাব দেখিয়া চন্দ্রপ্রভা দ্বিগ্ন করিলেন, তিনি তাঁহার প্রতি এক বারেই নির্মম ও অল্পরাগশূন্য হইয়াছেন। তদনুসারে, তিনি শিরে করাঘাত ও রোদন করিতে করিতে গৃহান্তরে প্রবেশ পূর্বক ভূতলশায়িনী হইলেন। চিরঞ্জীব ব্যতিরিক্ত আর কেহ সেখানে নাই দেখিয়া বিলাসিনী তাঁহাকে বুঝাইতে আরম্ভ করিলেন। তিনি বলিলেন, দেখ ভাই! তুমি তাঁহার স্বামী নও তিনি তোমার স্ত্রী নন, ব্যর্থবারে যে এই সকল কথা বলিতেছ, ইহার কারণ কি? তুমি এত বিরক্ত হইতে পার, আমি ত দ্বিগ্ন তেমন কোনও অপরাধ দেখিতেছি না। এই তোমাদের প্রণয়ের সময়; বাহাতে উত্তরোত্তর প্রণয়ের বৃদ্ধি হয়, উভয়েরই প্রাণপণে সেই চেষ্টা করা উচিত। প্রণয়বর্দ্ধনের কথা দূরে থাকুক, তুমি এক-

বারে পরিণয়ের অপলাপপর্যন্ত করিতেছে। যদি কেবল ঐশ্বৰ্য্যের অল্পরোধে দিদির পাণিগ্রহণ করিয়া থাক, তাহা হইলে সেই ঐশ্বৰ্য্যের অল্পরোধেই দিদির প্রতি দয়া ও সৌজন্য প্রদর্শিত করা উচিত। আজ তোমার স্বরূপ ভাব দেখিতেছি, তাহাতে দিদির উপর তোমার যে কিছুমাত্র দয়া বা মমতা আছে, এরূপ বোধ হয় না। তুমি আমার স্ত্রী নও, আমি তোমার পতি নই, আমি তোমার পাণিগ্রহণ করি নাই; বাটীর সকল লোকের সমক্ষে দিদির মুখের উপর এ সকল কথা বলা অত্যন্ত অন্তায়। স্বামীর মুখে এরূপ কথা শুনা অপেক্ষা, স্ত্রীলোকের পক্ষে অধিকতর ক্লেশকর আর কিছুই নাই। বলিতে কি, আজ তুমি দিদির সঙ্গে নিতান্ত ইতরের ব্যবহার করিতেছ। যদি মনে অমুরাগ না থাকে, মৌখিক প্রণয় ও সৌজন্য দেখাইবার হানি কি? তাহা হইলেও দিদির মন অনেক তুষ্ট থাকে। যা হউক, ভাই! আজ তুমি বড় ঢলাঢলা করিলে। স্ত্রীপুরুষে এরূপ ঢলাঢলা করা কেবল লোক হাসান মাত্র। তোমার আজকার আচরণ দেখিলে তুমি যেন সে লোক নও বোধ হয়। কি কারণে আজ এত বিরস বদনে রহিয়াছ, কিছুই বুঝিতে পারিতেছি না। মুখ দেখিলে বোধ হয়, তোমার অন্তঃকরণ চূর্ভাবনায় অভিভূত হইয়া আছে। এখন আমার কথা শুন, ঘরের ভিতরে গিয়া দিদির সাস্তনা কর। বলিবে, পূর্বে খাশা কিছু বলিয়াছি, সে সব পরিহাসমাত্র; তোমার মনের ভাবপরীক্ষা ভিন্ন তাহার আর কোনও অভিসন্ধি নাই। যদি দুটা মিষ্ট কথা বলিলে তাঁহার অভিমান দূর হয় ও খেদনিবারণ হয়, তাহাতে তোমার আপত্তি কি।

বিলাসিনীর বচনবিজ্ঞাস শ্রবণগোচর করিয়া হেমকূটবাসী চিরজীব বলিলেন, আয় চাক্ষুশীলে! আমি দেখিয়া শুনিয়া এক কালে হতজ্ঞান হইয়াছি; আমার বুদ্ধিস্ফূর্তি বা বাঙ্নিম্পত্তি হইতেছে না। তোমার কথার কি উত্তর দিব, ভাবিয়া স্থির করিতে পারিতেছি না। তুমি যে পথে প্রবৃত্ত করিবার নিমিত্ত এত ক্ষণ আমায় উপদেশ দিলে, আমি সে পথের পথিক নই, প্রাণান্তেও তাহাতে প্রবৃত্ত হইতে পারিব না। তোমরা দেবী কি মানবী, আমি এ পর্য্যন্ত তাহা স্থির করিতে পারি নাই। যদি দেবঘোনিমগ্নতা হও, আমায় স্বতন্ত্র বুদ্ধি ও স্বতন্ত্র প্রবৃত্তি দাও; তাহা হইলে তোমাদের অভিপ্রায়ের অহুবর্তী হইয়া চলিতে পারি; নতুবা, এখন আমার স্বরূপ প্রবৃত্তি আছে, তদনুসারে আমি কোনও ক্রমে পরকীয় মহিলার সংস্রবে বাইতে পারিব না। স্পষ্ট কথায় বলিতেছি, তোমার ভগিনী আমার পত্নী নহেন, আমি কখনও উহার পাণিগ্রহণ করি নাই। তিনি অধীরা হইয়া অশ্রবিসর্জন করিতেছেন, সত্য বটে; কিন্তু,

তঁাহার খেদাপনয়নের নিমিত্তে তুমি এত ক্ষণ আমায় যে উপদেশ দিলে, আমি প্রাণান্তেও তদনুযায়ী কার্য করিতে পারিব না। আমি বিনয় করিয়া বলিতেছি, তুমি আর আমায় ওরূপ উপদেশ দিও না। যেরূপ শুনিতেছি, তাহাতে তিনি বিবাহিতা কামিনী। জানিয়া শুনিয়া কি রূপে অপকর্মে প্রবৃত্ত হই, বল। আমি অবিবাহিত পুরুষ; তুমিও অস্বাপ অবিবাহিতা আছে, বোধ হইতেছে। যদি তোমার অভিপ্রায় থাকে, ব্যস্ত কর; আমি সহধর্মিণীভাবে তোমার পরিগ্রহে প্রস্তুত আছি; প্রতিজ্ঞা করিতেছি, পরম্পর যথাবিধি পরিণয়শুভ্রালে আবদ্ধ হইলে প্রাণপণে তোমার সন্তোষ সম্পাদনে যত্ন করিব, এবং যাবজ্জীবন তোমার মতের অনুবর্তী হইয়া চলিব। প্রেয়সি! বলিতে কি, তোমার রূপলাবণ্যদর্শনে ও বচনমাধুরীশ্রবণে আমার মন এমন মোহিত হইয়াছে যে, তোমার সম্মতি হইলে আমি এই দণ্ডে তোমার পাণিগ্রহণ করি। বিলাসিনী শুনিয়া চকিত হইয়া বলিলেন, আমি তোমার প্রেয়সী নই, দ্বিধি তোমার প্রেয়সী, তঁাহার প্রতি এই প্রিয়সম্ভাষণ করা উচিত। চিরঞ্জীব বলিলেন, যাহার প্রতি মনের অনুরাগ জন্মে, সেই প্রেয়সী; তোমার প্রতি আমার মন অনুরক্ত হইয়াছে, অতএব তুমিই আমার প্রেয়সী: তোমার দ্বিধির সঙ্গে আমার সম্পর্ক কি? তিনি আমার প্রেয়সী নহেন। এই কথা শুনিয়া বিলাসিনী বলিলেন, বলিতে কি, তাই! তুমি যথার্থই পাগল হইয়াছ, নতুবা এমন কথা কেমন করিয়া মুখে আনিলে। ছি ছি! কি লজ্জার কথা; আর যেন কেহ ও কথা শুনে না। দ্বিধি শুনিলে আত্মঘাতিনী হইবেন। আমি দ্বিধিকে ডাকিয়া দিতেছি; অতঃপর তিনি আপনার মামলা আপনি করুন। তোমার যে ভাব দেখিতেছি, আমি একাকিনী আর তোমার নিকটে থাকিতে পারিব না।

এই বলিয়া বিলাসিনী সেখান হইতে চলিয়া গেলেন। হেমকূটের চিরঞ্জীব, হতবুদ্ধি হইয়া একাকী সেইস্থানে বসিয়া গালে হাত দিয়া, কতই ভাবিতে লাগিলেন।

এই সময়ে হেমকূটবাসী কিঙ্কর উর্দ্ধ্বাসে দৌড়িয়া চিরঞ্জীবের নিকটে উপস্থিত হইল, এবং আকুল বচনে বলিতে লাগিল, মহাশয়! আমি বড় বিপদে পড়িয়াছি, রক্ষা করুন। চিরঞ্জীব বলিলেন, ব্যাপার কি বল। সে বলিল, এ বাটীর কর্তী ঠাকুরাণী যেমন, পরিচারিণীগুলিও অবিকল সেইরূপ চরিত্রের লোক। কর্তী ঠাকুরাণী যেমন আপনাকে পতি বলিয়া অধিকার করিতে চাহেন, পাকশালায় যে পরিচারিণী আছে, সে আমাকে পতি বলিয়া অধিকার করিতে

চাহে। সে আমার নাম জানে, আমার শরীরের কোন স্থানে কি চিহ্ন আছে, সমুদয় জানে। সে কি রূপে এ সমস্ত জানিতে পারিল, ভাবিয়া কিছুই স্থির করিতে পারিতেছি না। সে সহসা আমার নিকটে উপস্থিত হইল এবং প্রণয়সম্ভাষণ পূর্বক বলিল, এখানে একাকী বসিয়া কি করিতেছ? পাকশালায় আইস, আমোদ আহ্লাদ করিব। সে এই বলিয়া আমার হাত ধরিয়া টানাটানি করিতে লাগিল। তাহার আকার প্রকার দেখিয়া আমার মনে এমন ভয় জন্মিল যে, আমি কোনও ক্রমে তাহার প্রস্তাবে সন্মত হইলাম না। সে যেমন বিল্লী, তেমনই স্থূলকায় ও দীর্ঘাকার। আমি আপনকার সঙ্গে অনেক দেশ বেড়াইয়াছি, কিন্তু কখনও এমন ভয়ানক মূষ্টি দেখি নাই, আমার বোধ হয়, সে রাক্ষসী, মাহুঘী নয়। আমি যমালয়ে যাইতে প্রস্তুত আছি, কিন্তু প্রাণান্তেও পাকশালায় প্রবিষ্ট হইতে পারিব না। অধিক কি বলিব, তাহার আকার প্রকার দেখিয়া আমার শরীরের শোণিত শুষ্ক হইয়া গিয়াছে। আমি পাকশালায় যাইতে যত অসম্মত হইতে লাগিলাম, সে উত্তরোত্তর ততই উৎপীড়ন করিতে লাগিল। অবশেষে পলাইয়া আপনকার নিকটে আসিয়াছি; যাহাতে আমি তাহার হস্ত হইতে নিস্তার পাই তাহা করুন।

এই সমস্ত কথা শুনিয়া চিরঞ্জীব বলিলেন, কিঙ্কর! আমি কি রূপে তোমার নিস্তার করিব, বল; আমার নিস্তার কে করে, তাহার ঠিকানা নাই। এ দেশের সকলই অদ্ভুত কাণ্ড। পাকশালার পরিচারিণী কি রূপে তোমার নাম ও শরীরগত চিহ্ন সকল জানিতে পারিল, কিছুই বুঝিতে পারিতেছি না। যাহা হউক, সত্বর পলায়ন ব্যতিরেকে নিস্তারের পথ নাই। তুমি এক মুহূর্ত্তেও বিলম্ব করিও না; এখনই চলিয়া যাও এবং অহুসঙ্কান করিয়া জান, আজ কোনও জাহাজ এখান হইতে স্থানান্তরে যাইতেছে কি না। তুমি এই সংবাদ লইয়া আপনে যাইবে, আমিও ইতিমধ্যে তথায় উপস্থিত হইতেছি। অথবা বিলম্বের প্রয়োজন কি? এখন এখানে কেহ নাই, এক সঙ্গেই পলায়ন করা ভাল। এই বলিয়া চিরঞ্জীব কিঙ্কর সমভিব্যাহারে সেই ভবন হইতে বহির্গত হইলেন, এবং তাহাকে অর্ণবপোতের অহুসঙ্কানে পাঠাইয়া ক্ষত পদে আপণ অভিমুখে গ্রহণ করিলেন।

বহুশ্রিয় স্বর্ণকার জয়হলবাসী চিরঞ্জীবের আদেশ অহুসারে হার আনিতে গিয়াছিলেন। তিনি এই সময়ে হার লইয়া তাঁহার নিকটে বাইতেছিলেন; পশ্চিমধ্যে হেমকুটবাসী চিরঞ্জীবকে দেখিতে পাইয়া জয়হলবাসী চিরঞ্জীব

ভ্রান্তিবিলাস

বোধ করিয়া বলিলেন, এই যে চিরঞ্জীব বাবুর সহিত পথেই সাক্ষাৎ হইল। তিনি বলিলেন, হাঁ আমার নাম চিরঞ্জীব বটে। বসুপ্রিয় বলিলেন, আপনকার নাম আমি বিলক্ষণ জানি, আপনাকে আর সে পরিচয় দিতে হইবেক না; এ নগরে আবালবৃদ্ধবনিতা সকলেই আপনকার নাম জানে। আমি হার আনিয়াছি, লউন। এই বলিয়া সেই হার তিনি চিরঞ্জীবের হস্তে গ্রহণ করিলেন। চিরঞ্জীব জিজ্ঞাসা করিলেন, আপনি আমায় এ হার দিতেছেন কেন, আমি হার লইয়া কি করিব? বসুপ্রিয় বলিলেন, সে কথা আমায় জিজ্ঞাসা করিতেছেন কেন? আপনকার যাহা ইচ্ছা হয়, করিবেন; হার আপনকার আদেশে আপনকার জন্তে প্রস্তুত হইয়াছে। তিনি বলিলেন, কই, আমি ত আপনাকে হার গড়িতে বলি নাই। বসুপ্রিয় বলিলেন, সে কি মহাশয়! এক বার নয়, দুই বার নয়, অন্ততঃ বিশ বার আপনি আমায় এই হার গড়িতে বলিয়াছেন। কিঞ্চিৎ কাল পূর্বে, এই হারের জন্তে আমার বাটীতে অন্ততঃ দুই ঘণ্টা কাল বসিয়া ছিলেন, এবং আধ ঘণ্টা পূর্বে, আমায় এই হার লইয়া আপনকার সহিত সাক্ষাৎ করিতে বলিয়াছেন। সে হা হা হউক, এক্ষণে আমি অত্যন্ত ব্যস্ত আছি, পরিহাস শুনিবার সময় নাই। আপনি হার লইয়া যান; আমি পরে সাক্ষাৎ করিব এবং হারের মূল্য লইয়া আসিব। তিনি বলিলেন, যদি নিতান্তই আমায় হার লইতে হয় আপনি উহার মূল্য লউন; হয় ত, অতঃপর আর আপনি আমার দেখা পাইবেন না; স্মরণ্য এখন না লইলে পরে আর হারের মূল্য পাওয়ার সম্ভবনা নাই। বসুপ্রিয় বলিলেন, আমার সঙ্গে এত পরিহাস কেন।

এই বলিয়া তিনি ক্ষুণ্ণ পদে প্রস্থান করিলেন। চিরঞ্জীব হার লইয়া ভাবিতে লাগিলেন, এ আবার এক অদ্ভুত কাণ্ড উপস্থিত হইল। এখানকার লোকের ভাব বুঝাই ভার। এ ব্যক্তির সহিত কল্পিত কালেও আমার দেখা শুনা নাই, অথচ বহু মূল্যের হার আমার হস্তে দিয়া চলিয়া গেল; মূল্য লইতে বলিলাম, তাহাও লইল না। এ কি ব্যাপার কিছুই বুঝিতে পারিতেছি না। অথবা এখানকার সকলই অদ্ভুত ব্যাপার। যাহা হউক, এখানে আর এক মুহূর্ত্তও থাকা বিধেয় নহে; জাহাজ ছিন্ন হইলেই প্রস্থান করিব। সন্ধ্যর আপণে যাই; বোধ করি, কিঙ্কর এত ক্ষণে সেখানে আসিয়াছে। এই বলিতে বলিতে তিনি আপণ অভিমুখে প্রস্থান করিলেন।

চতুর্থ পরিচ্ছেদ

বসুপ্রিয় স্বর্ণকার এক বিদেশীয় বণিকের নিকট পাঁচ শত টাকা ধার লইয়াছিলেন। যে সময়ে শরিশোধ করিবার অঙ্গীকার ছিল, তাহা অতীত হইয়া যায়, তথাপি বণিক্ টাকার জন্ত বসুপ্রিয়কে উৎপীড়িত করেন নাই। পরে দূর দেশান্তরে যাইবার প্রয়োজন হওয়াতে তিনি টাকার জন্ত পীড়াপীড়ি করিতে আরম্ভ করেন। অবশেষে, সহজে টাকা পাওয়া দুর্ঘট বিবেচনা করিয়া এক জন রাজপুরুষ সঙ্গে লইয়া তিনি বসুপ্রিয়ের আলয়ে উপস্থিত হইলেন এবং তাঁহাকে বলিলেন, আজ আমি এখান হইতেই প্রস্থান করিব, সমুদায় আয়োজন হইয়াছে; জাহাজে আরোহণ করিলেই হয়; যে জাহাজে যাইব, উহা সন্ধ্যার প্রাক্কালে জয়স্থল হইতে চলিয়া যাইবেক। আমি যে প্রয়োজনে যাইতেছি, তাহাতে সঙ্গে কিছু অধিক টাকা থাকা আবশ্যিক। অতএব আমার প্রাপ্য টাকা গুলি এখনই দিতে হইবেক; না' দেন, আপনাকে এই রাজপুরুষের হস্তে সমর্পিত করিব। বসুপ্রিয় বলিলেন, টাকা দিতে আমার এক মুহূর্ত্তেব নিমিত্তেও আপত্তি বা অনিচ্ছা নাই। আপনি আমার নিকটে স্বত টাকা পাইবেন, চিরঞ্জীব বাবুব নিকট আমার তদপেক্ষা অধিক টাকা পাওয়ানা আছে। তাঁহাকে এক ছড়া হার গড়িয়া দিয়াছি; তাঁহার সহিত সাক্ষাৎ হইলেই ঐ হারের মূল্য পাইব। অতএব আপনি অল্পগ্রহ করিয়া তাঁহার বাটা পর্যন্ত আমার সঙ্গে চলুন; সেখানে যাইবামাত্র আপনি টাকা পাইবেন। তিনি অগত্যা সন্মত হইলে, বসুপ্রিয় তাঁহাকে ও তাঁহার আনীত রাজপুরুষকে সমভিব্যাহারে লইয়া চিরঞ্জীবের আলয়ে চলিলেন।

জয়স্থলবাসী চিরঞ্জীব অপরাজিতার আবাসে আহাৰ করিয়াছিলেন। অপরাজিতার অঙ্গুলিতে একটি অতি সুন্দর অঙ্গুরীয় ছিল; চিরঞ্জীব তদীয় অঙ্গুলি হইতে ঐ অঙ্গুরীয়টি খুলিয়া লয়েন, বলেন, আমি এটি আর ফিরিয়া দিব না, ইহার পরিবর্ত্ত আপনাকে এক ছড়া নূতন হার দিব। হারের বর্ণনা শুনিয়া অপরাজিতা, ভাণিয়া দেখিলেন, অঙ্গুরীয় অপেক্ষা হারের মূল্য অস্তুতঃ দশগুণ অধিক। এজন্য তিনি এই বিনিময়ে সন্মত হইয়া জিজ্ঞাসা করেন, আমি হার কখন পাইব। চিরঞ্জীব বলিয়াছিলেন, স্বর্ণকারের সহিত অবধারিত কথা আছে, হার লইয়া তিনি অবিলম্বে এখানেই আসিবেন। আপনি চারি পাঁচ দণ্ডের মধ্যে হার পাইবেন। নিদ্রিষ্ট সময় অতীত হইয়া গেল, তথাপি স্বর্ণকার

উপস্থিত হইলেন না। চিরঞ্জীব অতিশয় অপ্রতিভ হইলেন, এবং, আমি স্বয়ং স্বর্ণকারের বাটীতে গিয়া হার আনিয়া দিতেছি, এই বলিয়া কিঙ্করকে সমভি-
ব্যাহারে লইয়া প্রস্থান করিলেন।

কিয়ৎ দূর গমন করিয়া চিরঞ্জীব কিঙ্করকে বলিলেন, দেখ! আজ গৃহিণী
যে আমায় বাটীতে প্রবেশ করিতে দেন, নাই, তাহার পুরস্কারস্বরূপ, হারের
পরিবর্তে তাঁহাকে এক গাছা মোটা দড়ি দিব; তিনি ও তাঁহার মস্ত্রিগীরা
ঐরূপ হার পাইবারই উপযুক্ত পাত্র। তুমি ঐরূপ দড়ির সংগ্রহ করিয়া
রাখিবে, এবং আমি বাটীতে যাইবামাত্র আমার হস্তে দিবে; দেখিও, যেন
বিলম্ব না হয়। এই বলিয়া রজ্জুকরের নিমিত্ত একটি টাকা দিয়া তিনি
তাহাকে বিদায় করিতেছেন, এমন সময়ে স্বর্ণকার, বণিক, ও রাজপুরুষ তাঁহার
সম্মুখে উপস্থিত হইলেন। ষথাকালে হার না পাওয়াতে চিরঞ্জীব স্বর্ণকারের
উপর অত্যন্ত বিরক্ত হইয়া ছিলেন; এক্ষণে তাঁহাকে দেখিতে পাইয়া ভৎসনা
করিয়া বলিতে লাগিলেন, তোমার বাক্যানিষ্ঠ দর্শনে আজ আমি বড় সন্তুষ্ট
হইয়াছি। তোমার বারংবার বলিয়া দিলাম, এই সময়ের মধ্যে আমরা নিকটে
হার লইয়া যাইবে; না তুমি গেলে, না হার পাঠাইলে, কিছুই করিলে না;
এজন্য আজ আমি বড় অপ্রস্তুত হইয়াছি; তোমার কথায় যে বিশ্বাস করে, তাহার
ভদ্রস্থতা নাই। তুমি অতি অন্যায় করিয়াছ। এ পর্য্যন্ত তুমি না যাওয়াতে
আমি হারের জন্ত তোমার বাটী যাইতেছিলাম।

বস্তুপ্রিয়, হেমকূটবাসী চিরঞ্জীবকে জয়স্থলবাসী চিরঞ্জীব স্থির করিয়া
কিঞ্চিৎ কাল পূর্বে তাঁমার হস্তে হার দিয়াছিলেন। স্ততরাং, প্রকৃত ব্যক্তিকে
হার দিয়াছেন বলিয়া, তাঁহার সংস্কার ছিল। এজন্য তিনি বলিলেন, মহাশয়!
এখন পরিহাস রাখুন; আপনকার হারের হিসাব প্রস্তুত করিয়া আনিয়াছি,
দৃষ্টি করুন। এই বলিয়া সেই হিসাবের ফর্দ তাঁহার হস্তে দিয়া বস্তুপ্রিয়
বলিলেন, আপনকার নিকট আমার পাওয়ানা পাঁচ শত পঞ্চাশ টাকা। আমি এই
বণিকের পাঁচ শত টাকা ধারি। ইনি অতীত এখান হইতে প্রস্থান করিতেছেন।
এত ক্ষণ কোন কালে জাহাজে চড়িতেন, কেবল এই টাকার জন্তে যাইতে
পারিতেছেন না। অতএব আপনি হারের হিসাবে আমায় আপাতত: পাঁচ শত
টাকা দিউন।

তখন চিরঞ্জীব বলিলেন, আমার সঙ্গে কি টাকা আছে যে এখনই দিব।
বিশেষতঃ, আমার কতকগুলি বস্তু আছে; সে সব শেষ না করিয়াও বাটী
যাইতে পারিব না। অতএব তুমি এই মহাশয়কে সঙ্গে লইয়া আমার বাটীতে

যাও ; আমার স্ত্রীর হস্তে হার দিয়া আমার নাম করিয়া বলিলে তিনি তৎক্ষণাৎ টাকা দিবেন ; আর, বোধ করি, আমিও ঐ সময়ে বাটীতে উপস্থিত হইতেছি। বহুপ্রিয় বলিলেন, হার আপনকার নিকটে থাকুক, আপনিই তাঁহাকে দিবেন। চিরঞ্জীব বলিলেন, না, সে কথা ভাল নয় ; হয় ত আমি ষথাসময়ে পহুঁছিতে পারিব না, অতএব তুমিই হার লইয়া যাও। তখন বহুপ্রিয় বলিলেন, হার কি আপনকার সঙ্গে আছে ? চিরঞ্জীব চকিত হইয়া বলিলেন, ও কেমন কথা ! তুমি কি আমায় হার দিয়াছ যে, হার আমার সঙ্গে আছে কি না, জিজ্ঞাসা করিতেছে। বহুপ্রিয় বলিলেন, মহাশয় ! এ পরিহাসের সময় নয় ; ইঁহার প্রস্তানের সময় বহিয়া যাইতেছে ; আর বিলম্ব করা চলে না। অতএব আমার হস্তে হার দেন। চিরঞ্জীব বলিলেন, তুমি যে হারে বিষয়ে আমার নিকট অঙ্গীকাররক্ষা করিতে পার নাই, সেই দোষ ঢাকিবার জন্তে বুঝি এই সকল ছল করিতেছ। আমি কোথায় সে জন্তে তোমায় ভৎসনা করিব মনে করিয়াছি, না হইয়া তুমি কলপ্রিয়া কামিনীর স্ত্রায় অগ্রেই তর্জন গর্জন করিতে আরম্ভ করিলে।

এই সময়ে বণিক্ বহুপ্রিয়কে বলিলেন, সময় অতীত হইয়া যাইতেছে, আর আমি কোনও মতে বিলম্ব করিতে পারি না। তখন বহুপ্রিয় চিরঞ্জীবকে বলিলেন, মহাশয় ! শুনিলেন ত, উনি আর বিলম্ব করিতে পারেন না। চিরঞ্জীব বলিলেন, হার লইয়া আমার স্ত্রীর নিকটে গেলেই টাকা পাইবে। শুনিয়া সাতিশয় বিরক্ত হইয়া বহুপ্রিয় বলিলেন, মহাশয় ! আপনি কেমন কথা বলিতেছেন ; কিঞ্চিৎ পূর্বে আমি আপনকার হস্তে হার দিয়াছি, আমার নিকটে আর কেমন করিয়া হার থাকিবেক। হয় হার পাঠাইয়া দেন, নয় লিখিয়া দেন ! এই কথা শুনিয়া কিঞ্চিৎ কুপিত হইয়া চিরঞ্জীব বলিলেন, তোমার কোতুক আর ভাল লাগিতেছে না ; হার কেমন হইয়াছে, দেখাও।

উভয়ের এইরূপ বিবাদ দর্শনে ও বাদানুবাদ শ্রবণে, যার পর নাই বিরক্ত হইয়া বণিক্ চিরঞ্জীবকে বলিলেন, আপনাদের বাক্-চাতুরী আর আমার সহ্য হইতেছে না ; আপনি টাকা দিবেন কি না, স্পষ্ট বলুন ; যদি না দেন, আমি ইঁহাকে রাজপুরুষের হস্তে সমর্পিত করি। চিরঞ্জীব বলিলেন, আপনকার সঙ্গে আমার সম্পর্ক কি যে, আপান এত রুচ ভাবে আমার সহিত আলাপ করিতেছেন। তখন বহুপ্রিয় বলিলেন, আপনি হারের হিসাবে আমার টাকা ধারেন, সেই সম্পর্কে উনি এরূপ আলাপ করিতেছেন। সে যাহা হউক, টাকা এই দণ্ডে দিবেন কি না, বলুন। চিরঞ্জীব বলিলেন, আমি ষত ক্ষণ হার না পাইতেছি,

তোমায় এক কপর্দকও দিব না। বহুপ্রিয় বলিলেন, কেন, আমি আধ ঘণ্টা পূর্বে আপনকার হস্তে হার দিয়াছি। চিরঞ্জীব বলিলেন, তুমি কখনই আমার হার দাও নাই। একরূপ মিথ্যা অভিযোগ করা বড় অত্মায়। উহাতে আমার যথেষ্ট অনিষ্ট করা হইতেছে। বহুপ্রিয় বলিলেন, হার পাওয়ার অপলাপ করিয়া আপনি আমার অধিকতর অনিষ্ট করিতেছেন; চির কালের জন্তে আমার সম্বন্ধ যাইতেছে।

সত্তর টাকা পাইবার কোনও সম্ভাবনা নাই দেখিয়া বণিক রাজপুরুষকে বলিলেন, আপনি ইহাকে অবরুদ্ধ করুন। রাজপুরুষ বহুপ্রিয়কে অবরুদ্ধ করিলে তিনি চিরঞ্জীবকে বলিলেন, দেখুন, আপনকার দোষে চির কালের জন্তে আমার মান সম্বন্ধ যাইতেছে; আপনি টাকা দিয়া আমার মুক্ত করুন; নতুবা আমিও আপনাকে এই দণ্ডে অবরুদ্ধ করাইব। অনিয়া সাতিশয় কুপিত হইয়া চিরঞ্জীব বলিলেন, অরে নির্দোষ! আমি হার না পাইয়া টাকা দিব কেন? তোমার সাহস হয়, আমার অবরুদ্ধ করাও। তখন বহুপ্রিয় রাজপুরুষের হস্তে অবরোধনের খরচ দিয়া বলিলেন, দেখুন, ইনি আমার নিকট হইতে এক ছড়া বহুমূল্য হার লইয়া মূল্য দিতেছেন না; অতএব আপনি ইহাকে অবরুদ্ধ করুন। সহোদরও যদি আমার সঙ্গে একরূপ ব্যবহার করে, আমি তাহাকেও ক্ষমা করিতে পারি না। স্বর্ণকারের অভিপ্রায় বুঝিয়া রাজপুরুষ চিরঞ্জীবকে অবরুদ্ধ করিলেন। চিরঞ্জীব বলিলেন, আমি যে পৰ্য্যন্ত টাকা জমা করিতে বা জামীন দিতে না পারিতেছি, তাবৎ আপনকার অবরোধে থাকিব। এই বলিয়া তিনি বহুপ্রিয়কে বলিলেন, অরে দুঃখান্ন! তুমি যে অকারণে আমার অবমাননা করিলে, তোমায় তাহার সম্পূর্ণ ফলভোগ করিতে হইবেক; অধিক আর কি বলিব, এই অপরাধে তোমার সৰ্বস্বাস্ত হইবেক। বহুপ্রিয় বলিলেন, ভাল দেখা যাইবেক। জয়হুল নিতাস্ত অরাজক স্থান নহে। যখন উভয়ে বিচারালয়ে উপস্থিত হইব, আপনকার সমস্ত গুণ একরূপে প্রকাশিত করিব যে, আপনি আর লোকালয়ে মুখ দেখাইতে পারিবেন না। আপনি অধিরাজ বাহাদুরের শ্রিয় পাত্র বলিয়া একরূপ গৰ্ব্বিত কথা বলিতেছেন। কিন্তু তিনি যেকরূপ শ্রায়পরায়াণ, তাহাতে কখনই অত্মায় বিচার করিবেন না।

হেমকুটবাসী চিরঞ্জীব স্বীয় সহচর কিঙ্করকে জাহাজের অঙ্গসন্ধান পাঠাইয়াছিলেন। সমুদ্রয় স্থির করিয়া ঝায় পর নাই আত্মাদিত চিন্তে সে স্বীয় প্রভুকে এই সংবাদ দিতে যাইতেছিল; পশ্চিমধ্যে জয়হুলবাসী চিরঞ্জীবকে দেখিতে

পাইয়া প্রভুজ্ঞানে তাঁহার সম্মুখবর্তী হইয়া বলিতে লাগিল, মহাশয় ! আর আমাদের ভাবনা নাই, মলয়পুরের এক জাহাজ পাওয়া গিয়াছে ; তাহাতে আমাদের ষাওয়ার সমস্ত বন্দোবস্ত করিয়া আসিয়াছি। ঐ জাহাজ অবিলম্বে প্রস্থান করিবেক ; অতএব পাহনিবালে চলুন, দ্রব্যসামগ্রী সমুদয় লইয়া এ পাশিষ্ঠ স্থান হইতে চলিয়া যাই। শুনিয়া চিরঞ্জীব বলিলেন, অরে নির্বোধ ! অরে পাগল ! মলয়পুরের জাহাজের কথা কি বলিতেছ। সে বলিল, কেন মহাশয় ! আপনি কিঞ্চিৎ পূর্বে আমার জাহাজের অঙ্গুসন্ধান পাঠাইয়াছিলেন। চিরঞ্জীব বলিলেন, আমি তোমায় জাহাজের কথা বলি নাই, দড়ি কিনিতে পাঠাইয়াছিলাম। সে বলিল, না মহাশয় ! আপনি দড়ি কিনিবার কথা কখন বলিলেন ? জাহাজ দেখিতে পাঠাইয়াছিলেন। তখন চিরঞ্জীব ষৎপরো-নাশ্টি বিরক্ত হইয়া বলিলেন, অরে পাশিষ্ঠ ! এখন আমি তোমার সঙ্গে এ বিষয়ের বিচার ও মীমাংসা করিতে পারি না ; যখন সচ্ছন্দ চিন্তে থাকিব, তখন করিব, এবং যাহাতে উত্তরকালে আমার কথা মন দিয়া শুন, তাহাও ভাল করিয়া শিখাইয়া দিব। এখন সত্ত্বর তুমি বাটী ষাও, এই চাটিটি চন্দ্রপ্রভার হস্তে দিয়া বল, পাঁচ শত টাকার জন্ম আমি পথে অবরুদ্ধ হইয়াছি ; আমার বাক্সের ভিতরে যে স্বর্ণমুদ্রার খলি আছে, তাহা তোমা দ্বারা অবিলম্বে পাঠাইয়া দেন, তাহা হইলে আমি অবরোধ হইতে মুক্ত হইব। আর দাঁড়াইও না, শীঘ্র চলিয়া ষাও। এই বলিয়া কিঙ্করকে বিদায় করিয়া তিনি রাজপুরুষকে বলিলেন, অহে রাজপুরুষ ! ষত কণ টাকা না আসিতেছে, আমার কাগাগারে লইয়া চল। অনন্তর তাঁহারা তিন জনে কাগাগার অভিমুখে প্রস্থান করিলেন। কিঙ্কর মনে মনে বলিতে লাগিল, আমার চন্দ্রপ্রভার নিকটে ষাইতে বলিলেন ; হুতয়াং, আজ আমরা ষে বাটীতে আহার করিয়াছিলাম, আমার তথায় ষাইতে হইবেক। পাকশালার পরিচারিণীর ভয়ে সে বাটীতে প্রবেশ করিতে আমার সাহস হইতেছে না। কিন্তু প্রভু ষে অবস্থায় ষে জন্তে আমার পাঠাইতেছেন, না গেলে কোনও মতে চলিতেছে না। এই বলিতে বলিতে সে সেই বাটীর উদ্দেশে প্রস্থান করিল।

এ দিকে, বিলাসিনী হেমকুটবাসী চিরঞ্জীবের সম্মুখ হইতে পলাইয়া চন্দ্রপ্রভার নিকটে উপস্থিত হইলেন, এবং চিরঞ্জীবের সহিত সেরূপ কথোপকথন হইয়াছিল, সবিশেষ সমস্ত শুনাইলেন। চন্দ্রপ্রভা শুনিয়া কিয়ৎ কণ মৌনাবলম্বন করিয়া রহিলেন ; অনন্তর জিজ্ঞাসিলেন, বিলাসিনি! তিনি ষে তোমার উপর অল্পরাগপ্রকাশ এবং পরিশেষে পরিণয়প্রস্তাব ও প্রলোভনবাক্যের প্রয়োগ করিয়াছিলেন, তাহা কি তোমার বাস্তবিক বলিয়া বোধ হইল ? আমার

অনুভব হয়, তিনি পরিহাস করিয়াছেন। বিলাসিনী বলিলেন, না দিদি! পরিহাস নয়; আমার উপর তাঁহার যে বিলক্ষণ অহুরাগ জন্মিয়াছে, সে বিষয়ে আমার অণুমাত্র সংশয় নাই; অন্তঃকরণে বিলক্ষণ অহুরাগ-মঞ্চার না হইলে পুরুষদিগের সেরূপ ভাবভঙ্গী ও সেরূপ কথাপ্রণালী হয় না। আমার মনে দৃঢ় বিশ্বাস না হইলে কখনই তোমার নিকট এই কথার উল্লেখ করিতাম না। শুনিয়া দীর্ঘনিশ্বাসপরিত্যাগ করিয়া চন্দ্রপ্রভা জিজ্ঞাসা করিলেন, ভাল, তিনি কি কি কথা বলিলেন? বিলাসিনী বলিলেন, তিনি বলিলেন, তোমার সহিত তাঁহার কোনও সম্পর্ক নাই, তিনি তোমার পাণিগ্রহণ করেন নাই, তোমার উপর তাঁহার কিছুমাত্র অহুরাগ নাই, তিনি বৈদেশিক ব্যক্তি জয়স্থলে তাঁহার বাস নয়; পরে আমার উপর স্পষ্ট বাক্যে অহুরাগপ্রকাশ ও স্পষ্টতর বাক্যে পরিণয়প্রস্তাব করিলেন; অবশেষে, তাঁহার ভাবভঙ্গী দেখিয়া ভয় পাইয়া আমি পলাইয়া আসিলাম।

সমুদয় শ্রবণগোচর করিয়া চন্দ্রপ্রভা বলিলেন, বিলাসিনী! তোমার মুখে বাহা শুনিলাম, তাহাতে এ জন্মে আর তাঁহার সঙ্গে আলাপ করিতে হয় না। তিনি যে এমন নীচ প্রকৃতির লোক, তাহা আমি এক বারও মনে করি নাই। কিন্তু আমার মন কেমন, বলিতে পারি না। দেখ, তিনি কেমন মমতাসূক্ত হইয়াছেন এবং কেমন নৃশংস ব্যবহার করিতেছেন; আমি কিন্তু তাঁহার প্রতি সেরূপ মমতাসূক্ত হইতে বা সেরূপ নৃশংস ব্যবহার করিতে পারিতেছি না; এখনও আমার অহুরাগ অণুমাত্র বিচলিত হইতেছে না। এই বলিয়া চন্দ্রপ্রভা খেদ করিতে আরম্ভ করিলেন, বিলাসিনী প্রবোধবাক্যে সাহসনা করিতে লাগিলেন।

এই সময়ে হেমকূটের কিঙ্কর তাঁহাদের নিকটবর্তী হইল। তাহাকে দেখিয়া জয়স্থলের কিঙ্কর বোধ করিয়া বিলাসিনী জিজ্ঞাসা করিলেন, কিঙ্কর! তুমি হাঁপাইতেছ কেন? সে বলিল, উর্দ্ধশ্বাসে দৌড়িয়া আসিয়াছি, তাহাতেই হাঁপাইতেছি। বিলাসিনী বলিলেন, তোমার প্রভু কোথায়, তিনি ভাল আছেন ত? তোমার ভাব দেখিয়া ভয় হইতেছে; কেমন, কোনও অনিষ্ট-ঘটনা হয় নাই ত? সে বলিল, তিনি রাজপুরুষের হস্তে সমর্পিত হইয়াছেন; সে তাঁহারে অবরুদ্ধ করিয়া কারাগারে লইয়া যাইতেছে। শুনিয়া ষৎপন্নো-নাস্তি ব্যাকুল হইয়া চন্দ্রপ্রভা বলিলেন, কিঙ্কর! তাহার অভিযোগে তিনি অবরুদ্ধ হইলেন? সে বলিল, আমি তাহার কিছুই জানি না; আমার এক কর্ণে পাঠাইয়াছিলেন; কর্ণ শেষ করিয়া তাঁহার সন্নিহিত হইবামাত্র, ভিদি

আমার হস্তে এই চাবিটি দিয়া আপনকার নিকটে আসিতে বলিলেন ; বলিয়
 দিলেন, তাঁহার বাক্সের মধ্যে একটি স্বর্ণমুদ্রার খলি আছে, আপনি চাবি খুলিয়া
 তাহা বাহির করিয়া আমার হস্তে দেন ; ঐ টাকা দিলে তিনি অবরোধ
 হইতে নিষ্কৃতি পাইবেন। শুনিবামাত্র, বিলাসিনী চিরঞ্জীবের বাক্স হইতে
 স্বর্ণমুদ্রার খলি আনিয়া কিঙ্করের হস্তে দিলেন এবং বলিলেন, অবিলম্বে তোমার
 প্রভুকে বাটীতে লইয়া আসিবে। সে স্বর্ণমুদ্রা লইয়া ক্ষুণ্ণ পদে প্রস্থান করিল ;
 তাঁহারা দুই ভগিনীতে ছুঁড়াবনায় অভিভূত হইয়া বিষম অস্থখে কালযাপন
 করিতে লাগিলেন।

হেমকূটের চিরঞ্জীব, কিঙ্করকে জাহাজের অহুসঙ্কান পাঠাইয়া, বহু ক্ষণ
 পর্যন্ত উৎসুক চিত্তে তদীয় প্রত্যাগমনের প্রতীক্ষা করিলেন, এবং সমধিক বিলম্ব
 দর্শনে নিতান্ত ব্যাকুল হইয়া ভাবিতে লাগিলেন, কিঙ্করকে সত্বর সংবাদ
 আনিতে বলিয়াছিলাম, সে এখনও আসিল না কেন ? যে জন্তে পাঠাইয়াছি,
 হয় ত তাহারই কোনও স্থিরতা করিতে পারে নাই, নয় ত পথিমধ্যে কোনও
 উৎপাতে পড়িয়াছে ; নতুবা, যে বিষয়ের জন্ত গিয়াছে, তাহাতে উপেক্ষা
 করিয়া বিষয়াস্তরে আসক্ত হইবেক, এরূপ বোধ হয় না ; কারণ, জয়স্থল
 হইতে পলাইবার নিমিত্ত সে আমা অপেক্ষাও ব্যস্ত হইয়াছে। অতএব, পুনরায়
 কোনও উপদ্রব ঘটয়াছে, সন্দেহ নাই। এ নগরের যে রঙ্গ দেখিতেছি,
 তাহাতে উপদ্রবঘটনার অপ্রতুল নাই। রাজপথে নির্গত হইলে সকল লোকেই
 আমার নামগ্রহণ পূর্বক সম্বোধন ও সংবর্দ্ধনা করে ; অনেকেই চিরপরিচিত
 সুহৃদয়ের স্তায় প্রিয় সম্ভাষণ করে ; কেহ কেহ এরূপ ভাবপ্রকাশ করে, যেন
 আমি নিজ অর্থ দ্বারা তাহাদের অনেক আশুক্য করিয়াছি, অথবা আমার
 সহায়তায় তাহারা বিপদ হইতে উদ্ধারলাভ করিয়াছে ; কেহ কেহ আমায়
 টাকা দিতে উত্তম হয় ; কেহ কেহ আহারের নিমন্ত্রণ করে ; কেহ কেহ
 পরিবারের কুশলজিজ্ঞাসা করে ; কেহ কেহ কহে, আপনি যে দ্রব্যের জন্ত
 আদেশ করিয়াছিলেন, তাহা সংগৃহীত হইয়াছে, আমার দোকানে গিয়া
 দেখিবেন, না বাটীতে পাঠাইয়া দিব ? পান্থনিবাসে আসিবার সময় এক
 দরজী পীড়াপীড়ি করিয়া দোকানে লইয়া গেল, এবং, আপনকার চাপকানের
 জন্তে এই গরদের খান আনিয়াছি বলিয়া, আমার গায়ের মাপ লইয়া ছাড়িয়া
 দিল ; আবার এক স্বর্ণকার আমার হস্তে বহু মূল্যের হার দিয়া মূল্য না লইয়া
 চলিয়া গেল। কেহই আমায় বৈদেশিক বিবেচনা করে না। আমি যেন
 জয়স্থলের এক জন গণনীয় ব্যক্তি। আর মধ্যাহ্ন কালে দুই স্রীলোক যে কাণ্ড

করিলেন, তাহা অদৃষ্টের ও অশ্রুতপূর্ব্ব । এ স্থানে মাদৃশ বৈদেশিক ব্যক্তির কোনও ক্রমে ভদ্রহতা নাই । এখানকার ব্যাপার বুঝিয়া উঠা ভার । যদি আজ সন্ধ্যার মধ্যে প্রস্থান করিতে পারি, তাহা হইলেই মঙ্গল । কিন্তু কিঙ্কর কি জন্মে এত বিলম্ব করিতেছে ? যাহা হউক, তাহার প্রতীক্ষায় থাকিলে চলে না, অশ্বেষণ করিতে হইল ।

এই বলিয়া পাশ্চানিবাস হইতে বহির্গত হইয়া চিরঞ্জীব রাজপথে অবতীর্ণ হইয়াছেন, এমন সময়ে কিঙ্কর সন্ধ্যার গমনে তাঁহার সন্নিহিত হইল এবং বলিল; যে স্বর্ণমুদ্রা আনিবার জন্ত আমার পাঠাইয়াছিলেন, তাহা এই । ইহা বলিয়া সে স্বর্ণমুদ্রার খলি তাঁহার হস্তে দিল, এবং জিজ্ঞাসা করিল, আপনি কি রূপে সেই ভীষণমুক্তি রাজপুরুষের হস্ত হইতে নিস্তার পাইলেন ; সে যে বড় টাকানা পাইয়া ছাড়িয়া দিল ? তিনি স্বর্ণমুদ্রা দর্শনে ও কিঙ্করের কথা শ্রবণে বিস্ময়াপন্ন হইয়া বলিলেন, কিঙ্কর ! এ স্বর্ণমুদ্রা কোথায় পাইলে, এবং কি জন্মেই বা আমার হস্তে দিলে, বল ; আমি ত তোমায় স্বর্ণমুদ্রা আনিবার জন্মে পাঠাই নাই । কিঙ্কর বলিল, সে কি মহাশয় ! রাজপুরুষ আপনার কারাগারে লইয়া যাইতেছিল, এমন সময়ে আপনি আমায় দেখিতে পাইয়া আমার হস্তে একটি চাবি দিয়া বলিলেন, বাস্তব মধ্যে পাঁচ শত টাকার স্বর্ণমুদ্রা আছে ; চন্দ্রপ্রভার হস্তে এই চাবি দিলে তিনি তাহা বহিষ্কৃত করিয়া তোমার হস্তে দিবেন ; তুমি ক্ষণ মাত্র বিলম্ব না করিয়া আমার নিকটে আনিবে । তদনুসারে আমি এই স্বর্ণমুদ্রা আনিয়াছি । বোধ হয় আপনকার স্মরণ আছে, আমরা মধ্যাহ্ন কালে যে স্ত্রীলোকের আলয়ে আহার করিয়াছিলাম, তাঁহার নাম চন্দ্রপ্রভা । তিনি ও তাঁহার ভগিনী অবরোধের কথা শুনিয়া অত্যন্ত উৎফুল্ল হইয়াছেন, এবং সন্ধ্যার আপনারে লইয়া যাইতে বলিয়াছেন । এক্ষণে আপনকার যেরূপ অভিক্রটি । আমি কিন্তু প্রাণাশ্বেঙে আর সে বাটীতে প্রবেশ করিব না । আপনি বিপদে পড়িয়াছিলেন, কেবল এই অহুরোধে স্বর্ণমুদ্রা আনিতে গিয়াছিলাম । সে যাহা হউক, আপনি যে এই অবাস্তব দেশে সহজে রাজপুরুষের হস্ত হইতে নিষ্কৃতি পাইয়াছেন, ইহাতে আমি বড় আশ্চর্য্যবিত্ত হইয়াছি । তদনুসারে আশ্চর্য্যের বিষয় এই যে, এই এক উপলক্ষে পাঁচ শত স্বর্ণমুদ্রা অনায়াসে হস্তগত হইল ।

এই সমস্ত কথা শুনিয়া, পরিহাসনসিক কিঙ্কর কৌতুক করিতেছে ইহা ভাবিয়া, চিরঞ্জীব বলিলেন, অরে নরাদম ! আমি তোমায় যে জন্মে পাঠাইয়াছিলাম, তাহার কোনও কথা না বলিয়া কেবল পাগলামি করিতেছ । এখান

হইতে অবিলম্বে পলায়ন করাই শ্রেয়ঃ, এই পরামর্শ ছিন্ন করিয়া তোমার জাহাজের অঙ্গুসঙ্কানে পাঠাইয়াছিলাম। অতএব বল, আজ কোনও জাহাজ জয়স্থল হইতে প্রস্থান করিবেক কি না, এবং তাহাতে আমাদের যাওয়া ঘটিবেক কি না। কিঙ্কর বলিল, সে কি মহাশয়! আমি যে এক ঘণ্টা পূর্বে আপনাকে সে বিষয়ের সংবাদ দিয়াছি। তখন অবরোধের হৃদ্যে পড়িয়াছিলেন, সে জন্তেই হউক, আর অস্ত্র কোনও কারণেই হউক, আপনি সে কথায় মনোযোগ করিলেন না, বরং আমার উপর বিরক্ত হইয়া উঠিলেন। নতুবা, এত ক্ষণ আমরা দ্রব্যসামগ্রী লইয়া জাহাজে উঠিতে পারিতাম। কিঙ্করের কথা শুনিয়া চিরঞ্জীব মনে মনে বলিতে লাগিলেন, হতভাগ্য বুদ্ধিব্রষ্ট হইয়াছে, তাহাতেই পাগলের মত এত অসম্বন্ধ কথা বলিতেছে; অথবা, উহারই বা অপরাধ কি, আমিও ত স্থানমাহাত্ম্যে অবিকল ঐরূপ হইয়াছি। উভয়েরই তুল্যরূপ বুদ্ধিব্রংশ ঘটিয়াছে, তাহার আর কোনও সন্দেহ নাই। তিনি মনে মনে এই সমস্ত আন্দোলন করিতেছেন, এমন সময়ে কিঙ্কর একটি স্ত্রীলোককে আসিতে দেখিয়া চকিত হইয়া আকুল বচনে বলিল, মহাশয়! সাবধান হউন, ঐ দেখুন, আবার কে এক ঠাকুরাণী আসিতেছেন। উনি যাহাতে আহারের লোভ দেখাইয়া, অথবা অস্ত্র কোনও চলে বা কৌশলে ভুলাইয়া, আমাদিগকে লইয়া যাইতে না পারেন, তাহা করিবেন। পূর্বে বারে যেমন পতিসম্ভাষণ করিয়া হাত ধরিয়া এক ঠাকুরাণী আপন বাটীতে লইয়া গেলেন, আপনি একটিও কথা না বলিয়া চোয়ের মত চলিয়া গেলেন, এ বার যেন সেরূপ না হয়।

জয়স্থলবাসী চিরঞ্জীব, স্বীয় ভবনে প্রবেশ করিতে না পাইয়া, মধ্যাহ্নকালে অপরাহ্নজিতানায়ী যে কামিনীর বাটীতে আহার করিয়াছিলেন, তাঁহার অঞ্জলি হইতে একটি মনোহর অঙ্গুরীয় উন্মোচিত করিয়া লয়েন, এবং সেই অঙ্গুরীয়ের বিনিময়ে তাঁহাকে বহুশ্রিয়নিশ্চিত মহামূল্য হার দিবার অঙ্গীকার করেন। হার স্বধাকালে উপস্থিত না হওয়াতে, লঙ্কিত হইয়া তিনি স্বয়ং স্বর্ণকারের বিপণি হইতে হার আনিতে যান। অপরাহ্নজিতা, তাঁহার সমধিক বিলম্ব দর্শনে তদীয় অধেষণে নির্গত হইয়া, কিয়ৎ ক্ষণ পরে হেমকূটবাসী চিরঞ্জীবকে দেখিতে পাইলেন, এবং জয়স্থলবাসী চিরঞ্জীব মনে করিয়া তাঁহার সন্নিহিত হইয়া বলিলেন, মহাশয়! আমরা যে হার দিবার অঙ্গীকার করিয়াছেন, আপনকার গলায় এ কি সেই হার? এ বেলা আমার বাটীতে আহার করিতে হইবেক; আপনাকে লইয়া যাইতে আসিয়াছি। এ আবার কোথাকার আপদ্ উপস্থিত হইল এই ভাবিয়া, চিরঞ্জীব রোষকষায়িত লোচনে-

সাতিশয় পক্ষ বচনে বলিলেন, অরে মায়াবিনি ! তুমি দূর হও ; তোমায় সতর্ক করিয়া দিতেছি, আমায় কোনও প্রকারে প্রলোভনপ্রদর্শন করিও না । কিঙ্কর অভ্যস্ত ব্যাকুল হইয়া স্বীয় প্রত্নকে সন্মোখন করিয়া বলিল, মহাশয় ! সাবধান হইবেন, বেন এরাঙ্কসীর মায়ায় ভুলিয়া উহার বাটীতে আহাৰ করিতে না যান ।

উভয়ের ভাবদর্শনে ও বাক্যশ্রবণে অপরাঞ্জিতা বিন্মিত না হইয়া সশ্মিত বদনে বলিলেন, মহাশয় ! আপনি যেমন পরিহাসপ্রিয়, আপনকার ভৃত্যটি আবার তদপেক্ষা অধিক । সে যাহা হউক, এক্ষণে আমার বাটীতে যাইবেন কি না, বলুন ; আমি আহাৰের সমস্ত আয়োজন করিয়াছি । এই কথা শুনিয়া কিঙ্কর বলিল, মহাশয় ! আমি পুনরায় সাবধান করিতেছি, আপনি কদাচ এই পিশাচীর মায়ায় ভুলিবেন না । তখন চিরঞ্জীব ক্রোধে অঙ্ক হইয়া বলিলেন অরে পাপীয়সি ! তুমি এই মুহূর্ত্তে এখান হইতে চলিয়া যাও । তোমার সঙ্গে আমার কিসের সম্পর্ক যে, তুমি আমায় আহাৰ করিতে ডাকিতেছ । ষেরূপ দেখিতেছি, তাহাতে এখানকার স্ত্রীলোক মাঝেই ডাকিনী । স্পষ্ট কথায় বলিতেছি, যদি ভাল চাও, অবিলম্বে আমার সম্মুখ হইতে চলিয়া যাও ।

জয়হলবাসী চিরঞ্জীবের সহিত এই স্ত্রীলোকের বিলক্ষণ সৌহৃদ্য ছিল ; তিনি যে তাঁহার প্রতি এবংবিধ অযুক্ত আচরণ করিবেন, ইহা স্বপ্নের অগোচর । চিরঞ্জীববাবুর নিকট এক্ষণে অপমানিত হইলাম, এই ভাবিয়া তিনি সাতিশয় রোষপ্রকাশ ও অদস্তোষপ্রদর্শন পূর্বক বলিলেন, এত কাল আপনাকে ভদ্র বলিয়া জানিতাম ; কিন্তু আপনি যেমন ভদ্র, আজ তাহার সম্পূর্ণ পরিচয় পাইলাম । সে যাহা হউক, মধ্যাহ্নে আহাৰের সময় আমার অঙ্গুলি হইতে যে অঙ্গুরীয় খুলিয়া লইয়াছেন, হয় তাহা ফিরিয়া দেন, নয় উহার বিনিময়ে যে হার দ্বিবার অঙ্গীকার করিয়াছেন, তাহা দেন ; ছয়ের এক পাইলেই আমি চলিয়া যাই ; তৎপরে আর এ জন্মে আপনকার সহিত আলাপ করিব না, এবং প্রাণাস্ত ও সর্কসাস্ত হইলেও কোনও সংশ্রব রাখিব না । এই সকল কথা শুনিয়া কিঙ্কর বলিল, অস্ত্র অস্ত্র ডাইন, ছাড়িবার সময়, ঝাঁটা, কুলো, শিল, নোড়া, বা হেঁড়া জুতা পাইলেই সঙ্কট হইয়া যায়, এ দিব্যাকনা ডাইনটির অধিক লোভ, দেখিতেছি ; ইনি হয় হার; নয় আঙ্গটি, ছয়ের একটি না পাইলে যাইবেন না । মহাশয় ! সাবধান, কিছুই দিবেন না ; দিলেই অনর্ধপাত হইবেক । অপরাঞ্জিতা কিঙ্করের কথার উত্তর না দিয়া চিরঞ্জীবকে সন্মোখন করিয়া বলিলেন, মহাশয় ! হয় হার, নয় আঙ্গটি দেন । বোধ করি, আমায় ঠকান আপনকার অভিপ্রোত

নহে। চিরঞ্জীব উস্তরোস্তর অধিকতর কোশাবিষ্ট হইয়া বলিলেন, আরে ডাকিনি! দূর হও। এই বলিয়া কিঙ্করকে সঙ্গে লইয়া তিনি চলিয়া গেলেন।

এইরূপে তিরস্কৃত ও অপমানিত হইয়া অপরাজিতা কিয়ৎ ক্ষণ স্তব্ধ হইয়া রহিলেন; অনন্তর মনে মনে বলিতে লাগিলেন, চিরঞ্জীববাবু নিঃসন্দেহ উন্মাদগ্রস্ত হইয়াছেন, নতুবা উহার আচরণ এরূপ বিসদৃশ হইবেক কেন? চির কাল আমরা উহাকে স্থশীল, সুবোধ, দয়ালু, ও অমায়িক লোক বলিয়া জানি; কেহ কখনও কোনও কারণে উহারে ক্রোধের বশীভূত হইতে দেখি নাই; আজ তাহার সম্পূর্ণ বিপরীত দেখিতেছি। উন্মাদ ব্যতিরেকে এরূপ ভাবান্তর কোনও ক্রমে সম্ভবে না। ইনি বিনিময়ে হার দিবার অঙ্গীকার করিয়া অঙ্গুরীয় লইয়াছেন; এখন আমায় কিছু দিতে চাহিতেছেন না। ইনি সহজ অবস্থায় এরূপ করিবার লোক নহেন। মধ্যাহ্নকালে আমার আলয়ে আহার করিবার সময় বলিয়াছিলেন, চন্দ্রপ্রভা আজ উহাকে বাটীতে প্রবেশ করিতে দেন নাই। তখন এ কথার ভাব বুঝিতে পারি নাই। এখন স্পষ্ট বোধ হইতেছে, উনি উন্মাদগ্রস্ত হইয়াছেন বলিয়াই তিনি ষার রুদ্ধ করিয়া রাখিয়াছিলেন। এখন আমি কি করি? অথবা উহার স্ত্রীর নিকটে গিয়া বলি, আপনকার স্বামী উন্মাদগ্রস্ত হইয়া মধ্যাহ্নকালে আমার বাটীতে প্রবেশ করিয়াছিলেন, এবং বল পূর্বক আমার অঙ্গুরীয় লইয়া পলায়ন করিয়াছেন। ইহা শুনিলে তিনি অবশ্যই আমার অঙ্গুরীয়প্রতিপ্রাপ্তির কোনও উপায় করিবেন। আমি অকারণে এক শত টাকা মূল্যের বস্ত্র হারাইতে পারি না। এই স্থির করিয়া তিনি চিরঞ্জীবের আলয় অভিমুখে প্রস্থান করিলেন।

জয়হলবাসী চিরঞ্জীব মনে করিয়াছিলেন, কিঙ্কর সত্ত্বর স্বর্ণমূদ্রা আনিয়া দিবেক। কিন্তু বহু ক্ষণ পর্যন্ত সে না আসাতে তিনি অবরোধকারী রাজপুরুষকে বলিলেন, তুমি অকারণে আমায় কষ্ট দিতেছ; যে টাকার জন্ম আমি অবরুদ্ধ হইয়াছি, বাটা ষাইবামাত্র তাহা দিতে পারি। অতএব তুমি আমার সঙ্গে চল। আর, আমি কারাগার হইতে বহির্গত হইলে পথে তোমার হাত ছাড়াইয়া পলাইব, সে আশঙ্কা করিও না। আমি নিতান্ত সামান্ত লোকও নই, এবং তোমার অথবা অজ্ঞ কোনও রাজপুরুষের নিতান্ত অপরিচিতও নই। কিঙ্কর টাকা না লইয়া আসিবার ছুই কারণ বোধ হইতেছে, প্রথম এই যে, আমি জয়হলে কোনও কারণে অবরুদ্ধ হইব, আমার স্ত্রী সহজে তাহাতে বিশ্বাস করিবেন না; স্নতরাং, কিঙ্করের কথা শুনিয়া উপহাস করিয়াছেন। দ্বিতীয় এই যে, কি কারণে বলিতে পারি না, তিনি আজ সম্পূর্ণ বিকলচিত্ত হইয়া

আছেন ; হয় ত সেই জন্তে কিঙ্করের কথিত বিষয়ে মনোযোগ দেন নাই । রাজপুরুষ সম্মত হইলেন ; চিরঞ্জীব তাঁহারে সমভিব্যাহারে লইয়া স্বীয় ভবনের দিকে চলিলেন ।

কিয়ৎ দূর গমন করিয়া কিঞ্চিং অন্তরে কিঙ্করকে দেখিতে পাইয়া চিরঞ্জীব রাজপুরুষকে বলিলেন, ঐ আমার লোক আসিতেছে । ও টাকার সংগ্রহ করিয়া আসিয়াছে, তাহার সন্দেহ নাই । অতএব আর তোমায় আমার বাটা পর্য্যন্ত যাইতে হইবেক না । অল্প ক্ষণের মধ্যেই কিঙ্কর সম্মুখবর্তী হইলে তিনি জিজ্ঞাসা করিলেন, কেমন কিঙ্কর ! যে জন্তে পাঠাইয়াছিলাম, তাহার সংগ্রহ হইয়াছে কি না । সে বলিল, হাঁ মহাশয় ! তাহার সংগ্রহ না করিয়া আমি আপনকার নিকটে আসি নাই । এই বলিয়া সে ক্রীত রজ্জু তাঁহাকে দেখাইল । চিরঞ্জীব বলিলেন, বলি, টাকা কোথায় ? সে বলিল, আর টাকা আমি কোথায় পাইব ? আমার নিকটে যাহা ছিল, তাহা দিয়া এই দড়ি কিনিয়া আনিয়াছি । তিনি বলিলেন, এক গাছা দড়ি কিনিতে কি পাঁচ শত টাকা লাগিল । এখন পাগলামি ছাড় ; বল, আমি যে জন্তে তাড়াতাড়ি বাড়ীতে পাঠাইলাম, তাহার কি হইল । সে বলিল, আপনি আমার দড়ি কিনিয়া বাড়ী যাইতে বলিয়াছিলেন ; দড়ি কিনিয়াছি এবং তাড়াতাড়ি বাড়ী যাইতেছি । চিরঞ্জীব সাতিশয় কুপিত হইয়া কিঙ্করকে প্রহার করিতে লাগিলেন । তাহা দেখিয়া সমভিব্যাহারী রাজপুরুষ চিরঞ্জীবকে বলিলেন, মহাশয় ! এত অর্ধৈর্ষ্য হইবেন না ; সহিষ্ণুতা যে কত বড় গুণ, তাহা কি আপনি জানেন না ? এই কথা শুনিয়া কিঙ্কর বলিল, উঁহারে সহিষ্ণু হইবার উপদেশ দিবার প্রয়োজন কি ? যে কষ্টভোগ করে, তাহারই সহিষ্ণুতা গুণ থাকি আবশ্যিক ; আমি প্রহারের কষ্টভোগ করিতেছি ; আমার বরং আপনি ঐ উপদেশ দেন । তখন রাজপুরুষ রোষপ্রদর্শন করিয়া বলিলেন, অরে পাপিষ্ঠ ! যদি ভাল চাও, মুখ বন্ধ কর । কিঙ্কর বলিল, আমার মুখ বন্ধ করিতে বলা অপেক্ষা উঁহাকে হস্ত বন্ধ করিতে বলিলে ভাল হয় ।

এই সকল কথা শুনিয়া যার পর নাই ক্রোধান্বিত হইয়া চিরঞ্জীব বলিলেন, অরে অচেতন নরাধম ! আর আমার বিরক্ত করিও না । সে বলিল, আমি অচেতন হইলে আমার পক্ষে ভাল হইত । যদি অচেতন হইতাম, আপনি প্রহার করিলে কষ্টের অভুভব করিতাম না । তিনি বলিলেন, তুমি অল্প সকল বিষয়ে অচেতন, কেবল প্রহারসহন বিষয়ে নহে ; সে বিষয়ে তোমায় ও গর্দভে কোনও অংশে প্রভেদ নাই । সে বলিল, আমি যে গর্দভ, তার

সন্দেহ কি ; গর্দভ না হইলে আমার কান লম্বা হইবেক কেন । এই বলিয়া রাজপুরুষকে সম্ভাষণ করিয়া কিস্কর বলিল, মহাশয় ! জন্মাবধি প্রাণপণে ইহার পরিচর্যা করিতেছি ; কিন্তু কখনও প্রহার ভিন্ন অন্য পুরস্কার পাই নাই । শীতবোধ হইলে প্রহার করিয়া গরম করিয়া দেন ; গরম বোধ হইলে প্রহার করিয়া শীতল করিয়া দেন ; নিদ্রাবেশ হইলে প্রহার করিয়া সজাগর করিয়া দেন ; বসিয়া থাকিলে প্রহার করিয়া উঠাইয়া দেন ; কোনও কাজে পাঠাইতে হইলে প্রহার করিয়া বাটী হইতে বাহির করিয়া দেন ; কার্যসমাপ্ত করিয়া বাটীতে আসিলে প্রহার করিয়া আমার সংবর্দ্ধনা করেন ; কথায় কথায় কান ধরিয়া টানেন, তাহাতেই আমার কান এত লম্বা হইয়াছে । বলিতে কি মহাশয় ! কেহ কখনও এমন গুণের মনিব ও এমন সুখের চাকরি পাইবেক না ; আমি ইহার আশ্রয়ে পরম সুখে কাল কাটাইতেছি ।

এই সময়ে চিরঞ্জীব দেখিতে পাইলেন, তাঁহার সহধর্মিণী কতকগুলি লোক সঙ্গে লইয়া আসিতেছেন । তখন তিনি কিস্করকে বলিলেন, হারে বানর ! আর তোমার পাগলামি করিবার প্রয়োজন নাই, যথেষ্ট হইয়াছে ; যদি ভাল চাও, এখন এখান হইতে চলিয়া যাও ; আমার গৃহিণী আসিতেছেন । কিস্কর তাঁহাকে দেখিতে পাইয়া উটচঃস্বরে বলিতে লাগিল, মা ঠাকুরাণী ! শীঘ্র আনুন ; বাবু আজ আপনাকে বিলক্ষণ পুরস্কার দিবেন, হারের পরিবর্তে এক রমণীয় উপহার পাইবেন । এই বলিয়া হস্তস্থিত রজ্জু উত্তোলিত করিয়া সে তাঁহাকে দেখাইতে লাগিল । চিরঞ্জীব ক্রোধে অস্থির হইয়া তাহাকে প্রহার করিতে লাগিলেন ।

স্বপ্নরাজ্যিতার মুখে চিরঞ্জীবের উদ্ভাদের সংবাদ শুনিয়া ষৎপরোনাস্তি ব্যাকুল হইয়া, চন্দ্রপ্রভা বিজ্ঞাধরনামক এক ব্যক্তিকে ডাকাইয়া আনেন । বিজ্ঞাধর ঐ পাড়ার গুরুমহাশয় ছিল ; কিন্তু অবসরকালে পাড়ায় পাড়ায় চিকিৎসা করিয়া বেড়াইত । অনেকে বিশ্বাস করিত, ভূতে পাইলে কিংবা ডাইনে খাইলে সে অনায়াসে প্রতিকার করিতে পারে ; এ জন্য সে ঐ পল্লীর স্ত্রীলোকের ও ইতব লোকের নিকট বড় মান্ত ও আদরণীয় ছিল । বিখ্যাত বিজ্ঞ বৈজ্ঞ চিকিৎসা করিলেও, বিজ্ঞাধর না দেখিলে তাহাদের মনের সম্ভাব হইত না । ফলতঃ, ঐ সকল লোকের নিকটে বিজ্ঞাধরের প্রতিপত্তির সীমা ছিল না । সে উপস্থিত হইলে চন্দ্রপ্রভা স্বামীর পাড়ার বৃদ্ধান্ত বলিয়া তাহার হস্তে ধরিয়া বলেন, তুমি লম্বর তাঁহাকে সুস্থ ও প্রকৃতিস্থ করিয়া দাও, তোমায় বিলক্ষণ পুরস্কার দিব । সে বলে, আপনি কোনও ভাবনা করিবেন না ।

আমি অনেক বিদ্যা জানি ; আমার পিতা মাতা না বুঝিয়া আমার বিদ্যার নাম দেন নাই। সে বাহা হউক, অবিলম্বে তাঁহাকে বাটীতে আনা আবশ্যক। চলুন, আমি সঙ্গে যাইতেছি। কিন্তু উন্নত ব্যক্তিকে আনা সহজ ব্যাপার নহে ; অতএব লোক সঙ্গে লইতে হইবেক। চন্দ্রপ্রভা পাঁচ মাত জন লোকের সংগ্রহ করিয়া, বিদ্যার, বিলাসিনী, ও অপরাজিতাকে সঙ্গে লইয়া চিরঞ্জীবের অধেষণে নির্গত হইয়াছিলেন।

যে সময়ে চিরঞ্জীব ক্রোধে অধীর হইয়া কিঙ্করকে প্রহার ও তিরস্কার করিতেছিলেন, ঠিক সেই সময়ে চন্দ্রপ্রভা তাঁহার সমীপবর্তিনী হইলেন। অপরাজিতা তাঁহাকে সোধোদন করিয়া বলিলেন, দেখ, তোমার স্বামী উন্নতগ্রন্থ হইয়াছেন কি না। চন্দ্রপ্রভা বলিলেন, উঁহার ব্যবহার ও আকার প্রকার দেখিয়া আমার আর সে বিষয়ে সন্দেহ হইতেছে না। ইহা কহিয়া তিনি বিদ্যারকে বলিলেন, দেখ, তুমি অনেক মন্ত্র, অনেক ঔষধ, এবং চিকিৎসার অনেক কৌশল জান ; এক্ষণে সত্ত্বর উঁহারে প্রকৃতিস্থ কর ; তুমি যে পুরস্কার চাহিবে, আমি তাহাই দিয়া তোমায় সন্তুষ্ট করিব। বিলাসিনী সাতশয় দুঃখিত ও বিষন্ন হইয়া বলিলেন, হায় ! কোথা হইতে এমন সর্বনাশিয়া রোগ আসিয়া ছুটিল ; উঁহার সে আকার নাই, সে মুখশ্রী নাই ; কখনও উঁহার এমন বিকট মূর্তি দেখি নাই ; উঁহার দিকে তাকাইতেও ভয় হইতেছে। বিদ্যার চিরঞ্জীবকে বলিল, বাবু ! তোমার হাতটা দাও, নাড়ীর গতি কিরূপ দেখিব। চিরঞ্জীব যৎপরোনাস্তি কুপিত হইয়া বলিলেন, এই আমার হাত, তুমি কানটি বাড়াইয়া দাও। তখন বিদ্যার স্থির করিল, চিরঞ্জীবের শরীরে ভূতাবেশ বশতঃ প্রকৃতির বৈলক্ষণ্য ঘটিয়াছে। তদনুসারে সে কতিপয় মন্ত্রের উচ্চারণ করিয়া তাঁহার দেহগত ভূতকে সোধোদিয়া বলিতে লাগিল, অরে ছুরাঅনু পিশাচ ! আমি তোরে আদেশ করিতেছি, অবিলম্বে উঁহার কলেবর হইতে বহির্গত হইয়া স্বস্থানে প্রস্থান কর। চিরঞ্জীব শুনিয়া নিরতিশয় ক্রোধভরে বলিলেন, অরে নির্কোষ ! অরে পাপিষ্ঠ ! অরে অর্ধপিশাচ ! চূপ কর, আমি পাগল হই নাই। শুনিয়া যার পর নাই দুঃখিত হইয়া চন্দ্রপ্রভা বাম্পাকুল লোচনে অতি দীন বচনে বলিলেন, পূর্বে ত তুমি এরূপ ছিলে না ; আমার নিতান্ত পোড়া কপাল বলিয়া আজ অকস্মাৎ এই বিষম রোগ তোমার শরীরে প্রবেশ করিয়াছে। চন্দ্রপ্রভার বাক্যশ্রবণে চিরঞ্জীবের কোপানল প্রজ্জ্বলিত হইয়া উঠিল। তিনি তাঁহারে সোধোচিত ভৎসনা করিয়া বলিতে লাগিলেন, অরে পাপীয়সি ! এই নরাধম বুঝি আজ কাল তোয় অন্তরক

হইয়াছে? এই ছুরাঙ্গার সঙ্গে আহার বিহারের আমোদে মগ্ন হইয়াই বৃথি ষার রুদ্ধ করিয়া রাখিয়াছিলি, এবং আমায় বাটীতে প্রবেশ করিতে দিল্ নাই? শুনিয়া চন্দ্রপ্রভা চকিত হইয়া বলিলেন, ও কি কথা বলিতেছ, তোমার আসিতে কিছু বিলম্ব হইয়াছিল বটে, তার পরে ত সকলে এক সঙ্গে আহার করিয়াছি। তুমি আহারের পর বরাবর বাটীতে ছিলে, কিঞ্চিং কাল পূর্বে কাহাকেও কিছু না বলিয়া চলিয়া আসিয়াছ। এখন কি কারণে এরূপ ভৎসনা করিতেছ ও এরূপ কুৎসিত কথা বলিতেছ, বুঝিতে পারিতেছি না।

এই কথা শুনিয়া চিরঞ্জীব স্বীয় অন্তরকে জিজ্ঞাসা করিলেন, কি হে কিঙ্কর! আজ আমি কি মধ্যাহ্নকালে বাটীতে আহার করিয়াছি? সে বলিল, না মহাশয়। আজ আপনি বাটীতে আহার কবেন নাই। চিরঞ্জীব জিজ্ঞাসিলেন, আমি আজ যখন আহার করিতে যাই, বাটী বার রুদ্ধ ছিল কি না, এবং আমাকে বাটীতে প্রবেশ করিতে দিয়াছিল কি না? সে বলিল, আজ্ঞা হ্যাঁ, বাটীর দ্বার রুদ্ধ করা ছিল এবং আপনাকে প্রবেশ করিতে দেয় নাই। চিরঞ্জীব জিজ্ঞাসিলেন, আজ্ঞা, উনি নিজে অভ্যস্তর হইতে আমাকে গালি দিয়াছিলেন কি না? সে বলিল, আজ্ঞা হ্যাঁ, উনি অভ্যস্ত কটু বাক্য বলিয়াছিলেন। চিরঞ্জীব জিজ্ঞাসিলেন, তৎপবে আমি অবমানিত বোধ কবিয়া কোথভরে সেখান হইতে চলিয়া যাই কি না? সে বলিল, আজ্ঞা হ্যাঁ, তার পর আপনি কোথভরে সেখান হইতে চলিয়া যান।

এই প্রশ্নোত্তরপরম্পরা শ্রবণগোচর করিয়া চন্দ্রপ্রভা আপেক্ষবচনে কিঙ্করকে বলিলেন, তুমি বিলক্ষণ প্রভুভক্ত; প্রভুর যথার্থ হিতচেষ্টা করিতেছ। ষাহাতে উহার মনের শাস্তি হয়, সে চেষ্টা না করিয়া কেবল রাগবৃদ্ধি করিয়া দিতেছ। বিজ্ঞাধর বলিল, আপনি উহার অন্তায় তিরস্কার করিতেছেন; ও অবিবেচনার কর্ম করিতেছে না। ও ব্যক্তি উহার রীতি ও প্রকৃতি বিলক্ষণ জানে। এরূপ অবস্থায় চিন্তের অন্তর্বর্তন করিলে যেরূপ উপকার দর্শে, অল্প কোনও উপায়ে সেরূপ হয় না। চিরঞ্জীব চন্দ্রপ্রভার দিকে দৃষ্টিপাত করিয়া বলিলেন, তুই স্বর্ণকারের সহিত যোগ দিয়া আমায় কয়েদ করাইয়াছিস; নতুবা স্বর্ণমুদ্রা পাঠাইলি না কেন। শুনিয়া বিশ্বয়াপন্ন হইয়া চন্দ্রপ্রভা বলিলেন, সে কি নাথ! এমন কথা বলিও না; কিঙ্কর আসিয়া অবরোধের উল্লেখ করিবারাজ্ঞ আমি উহা দ্বারা স্বর্ণমুদ্রা পাঠাইয়া দিয়াছি। কিঙ্কর চকিত হইয়া বলিল, আমা দ্বারা পাঠাইয়াছেন। আপনকার ষাহা ইচ্ছা হইতেছে, তাহাই বলিতেছেন। এই বলিয়া সে চিরঞ্জীবকে বলিল, না মহাশয়! আমার হস্তে

এক পয়লাও দেন নাই; আপনি উহার কথায় বিশ্বাস করিবেন না। তখন চিরঞ্জীব জিজ্ঞাসা করিলেন, তুমি কি স্বর্ণমুদ্রা আনিবার জন্য উহার নিকটে যাও নাই? চন্দ্রপ্রভা বলিলেন, ও আমার নিকটে গিয়াছিল, বিলাসিনী তদ্বৎ উহার হস্তে স্বর্ণমুদ্রার খলি দিয়াছে। বিলাসিনীও বলিলেন, আমি স্বয়ং উহার হস্তে স্বর্ণমুদ্রার খলি দিয়াছি। তখন কিঙ্কর বলিল, পরমেশ্বর জানেন এবং যে রজু বিক্রয় করে সে জানে, আপনি দড়ি কেনা বই আজ আমায় আর কোনও কর্ণে পাঠান নাই।

এই সমস্ত কথোপকথন শ্রবণগোচর করিয়া বিদ্যায় চন্দ্রপ্রভাকে বলিল, দেখুন, প্রভু ও ভৃত্য উভয়েই ভূতাবিষ্ট হইয়াছেন, আমি উভয়ের চেহারা দেখিয়া স্পষ্ট বুঝিতে পারিতেছি। বন্ধন করিয়া অন্ধকারগৃহে রুদ্ধ করিয়া না রাখিলে প্রতিকার হইবেক না। চন্দ্রপ্রভা সম্মতিপ্রদান করিলেন। গুনিয়া কোপে কম্পমান হইয়া চিরঞ্জীব বলিলেন, অরে মায়াবিনি! অরে দুষ্কারিণি! তুই এত দিন আমায় এমন মুগ্ধ করিয়া রাখিয়াছিলি যে, তোরে নিতাস্ত পতিপ্রাণা কামিনী স্থির করিয়া রাখিয়াছিলাম; এখন দেখিতেছি, তুই ভয়ঙ্কর কালভূজঙ্গী; অসং অভিপ্রায়ের সাধনের নিমিত্ত, এই সকল দুর্ভাগ্যদিগের সহিত মন্ত্রণা করিয়া আমার প্রাণবধের চেষ্টা দেখিতেছিল এবং উন্মাদের প্রচার করিয়া বন্ধন পূর্বক অন্ধকারময় গৃহে রাখিবি, এই মনস্ব করিয়া আসিয়াছিলি। আমি তোর দুর্ভাগ্যের সমুচিত প্রতিফল দিতেছি। এই বলিয়া তিনি কোপজ্বলিত লোচনে উদ্ধত গমনে চন্দ্রপ্রভার দিকে ধাবমান হইলেন। চন্দ্রপ্রভা নিতাস্ত ব্যাকুল হইয়া সন্নিকিত লোকদিগকে বলিলেন, তোমরা দাঁড়াইয়া তামাসা দেখিতেছ; তোমাদের কি আচরণ বুঝিতে পারিতেছি না; শীঘ্র উহার বন্ধন কর, আমার নিকটে আসিতে দিও না। তখন চিরঞ্জীব বলিলেন, ষেরূপ দেখিতেছি, তুই নিতাস্তই আমার প্রাণবধের সঙ্কল্প করিয়া আসিয়াছিলি।

অনন্তর চন্দ্রপ্রভার আদেশ অহুসারে সমভিব্যাহারী লোকেরা বন্ধন করিতে উত্তত হইলে, চিরঞ্জীব নিতাস্ত নিকপায় ভাবিয়া রাজপুরুষকে বলিলেন, দেখ, আমি এক্ষণে তোমার অবরোধে আছি; এ অবস্থায় আমায় কি রূপে ছাড়িয়া দিবে? ছাড়িয়া দিলে তুমি সম্পূর্ণ অপরাধী হইবে। তখন রাজপুরুষ চন্দ্রপ্রভাকে বলিলেন, আপনি উহারে আমার নিকট লইয়া যাইতে পারিবেন না, উনি অবরোধে আছেন। এই কথা গুনিয়া চন্দ্রপ্রভা বলিলেন, অহে রাজপুরুষ! তুমি সমস্তই স্বচক্ষে দেখিতেছ ও স্বকর্ণে শুনিতেছ, তথাপি

কোন বিবেচনায় উহারে ছাড়িয়া দিতে চাহিতেছ না? উহার এই অবস্থা দেখিয়া, বোধ করি, তোমার আশ্রয় হইতেছে। রাজপুরুষ বলিলেন, আপনি অস্তায় অহুযোগ করিতেছেন; উহাকে ছাড়িয়া দিলে আমি পাঁচ শত টাকার দায়ে পড়িব। চন্দ্রপ্রভা বলিলেন, তুমি আমায় উহারে লইয়া যাইতে দাও; আমি ধর্মপ্রমাণ অঙ্গীকার করিতেছি, উহার ঋণপরিশোধ না করিয়া তোমার নিকট হইতে যাইব না। তুমি আমায় উহার উত্তমর্ণের নিকটে লইয়া চল। কি জন্তে ঋণ হইল, তাঁহার মুখে শুনিয়া টাকা দিব। তদনন্তর তিনি বিদ্বাধরকে বলিলেন, তুমি উহারে সাবধানে বাটীতে লইয়া যাও, আমি এই রাজপুরুষের সঙ্গে চলিলাম। বিলাসিনি! তুমি আমার সঙ্গে এস। বিদ্বাধর! তোমরা বিলম্ব করিও না, চলিয়া যাও; সাবধান, যেন কোনও রূপে বন্ধন খুলিয়া পলাইতে না পারেন! অনন্তর, বিদ্বাধর দৃঢ়বদ্ধ চিরঞ্জীব ও কিস্করকে লইয়া প্রস্থান করিল।

বিদ্বাধর প্রভৃতি দৃষ্টিপথের বহির্ভূত হইলে চন্দ্রপ্রভা রাজপুরুষকে জিজ্ঞাসা করিলেন, উনি কোন ব্যক্তির অভিযোগে অবরুদ্ধ হইয়াছেন, বল। তিনি বলিলেন, বহুপ্রিয় স্বর্ণকারের; আপনি কি তাঁহাকে জানেন। চন্দ্রপ্রভা বলিলেন হ্যাঁ আমি তাঁহাকে জানি; তিনি কি জন্তে কত টাকা পাইবেন, জান। রাজপুরুষ বলিলেন, স্বর্ণকার এক ছড়া হার গড়িয়া দিয়াছেন, তাহার মূল্য পান নাই। চন্দ্রপ্রভা বলিলেন, আমার জন্তে হার গড়িতে দিয়াছেন, শুনিয়াছিলাম; কিন্তু এ পর্যন্ত হার দেখি নাই। অপরাজিতা বলিলেন, আজ আমার বাটীতে আহার করিতে গিয়া, উনি আমার অঙ্গুলি হইতে অঙ্গুরীয় লইয়া পলায়ন করিলে পর, কিঞ্চিৎ কাল বিলম্বে পথে আমার সঙ্গে দেখা হইয়াছিল; তখন উহার গলায় এক ছড়া নূতন গড়া হার দেখিয়াছি! চন্দ্রপ্রভা বলিলেন, যাহা বলিতেছ অসম্ভব নয়। কিন্তু আমি কখনও সে হার দেখি নাই। যাহা হউক, অহে রাজপুরুষ! সত্বর আমায় স্বর্ণকারের নিকটে লইয়া চল; তাঁহার নিকট সবিশেষ না শুনিলে প্রকৃত কথা জানিতে পারিতেছি না।

হেমকূটবাসী চিরঞ্জীব, ডব্বানা ও ভয়প্রদর্শন দ্বারা অপরাজিতাকে দূর করিয়া দিয়া, কিস্কর সমভিব্যাহারে যে রাজপথে গমন করিতেছিলেন, চন্দ্রপ্রভা প্রভৃতিও সেই পথ দিয়া যাইতেছিলেন। বিলাসিনী দূর হইতে দেখিতে পাইয়া অত্যন্ত ব্যাকুল হইয়া চন্দ্রপ্রভাকে বলিলেন, দিদি! কি সর্বনাশ! কি সর্বনাশ! এই দেখ, তিনি ও কিস্কর উভয়েই বন্ধন খুলিয়া পলাইয়া

আলিয়াছেন। এখন কি উপায় হয়? চন্দ্রপ্রভা দেখিয়া ষৎপরোনাস্তি ব্যাকুল হইয়া রাজপথবাহী লোকদিগকে ও সমভিব্যাহারী রাজপুরুষকে বলিতে লাগিলেন, যে রূপে পার, তোমরা উহারে বন্ধ করিয়া আমার নিকটে দাও। এই উপলক্ষে বিলক্ষণ গোলযোগ উপস্থিত হইল। চিরঞ্জীব দেখিলেন, যে মায়াবিনী মধ্যাহ্নকালে ধরিয়া বাটীতে লইয়া গিয়াছিল, সে এক্ষণে এক রাজপুরুষ সঙ্গে করিয়া আসিতেছে। ইহাতেই তিনি ও তাঁহার সহচর কিঙ্কর বিলক্ষণ ভয় পাইয়াছিলেন; পরে, তাঁহারা, বন্ধন করিয়া লইয়া ষাইবার পরামর্শ করিতেছেন জানিতে পারিয়া, তরবারিনিষ্কাশন পূর্বক প্রহারের অভিপ্রায়ে তাঁহাদের দিকে ধাবমান হইলেন। তদর্শনে সাতিশয় শঙ্কিত হইয়া, চন্দ্রপ্রভা ও তাঁহার ভগিনীকে সস্তাষণ করিয়া রাজপুরুষ বলিলেন, একে উহাদের উন্মাদ অবস্থা তাহাতে আবার হস্তে তরবারি; এ সময়ে বন্ধনের চেষ্টা পাইলে অনেকের প্রাণহানির সম্ভাবনা। আমি এ পরামর্শে নাই, তোমাদের ষেরূপ অভিক্রটি হয়; কর; আমি চলিলাম, আর এখানে থাকিব না; আমার বোধে তোমাদেরও পলায়ন করা ভাল। এই বলিয়া রাজপুরুষ চলিয়া গেলে চন্দ্রপ্রভা ও বিলাসিনী অধিক লোকের সংগ্রহের নিমিত্ত প্রয়াণ করিলেন।

সকলকে আকুল ভাবে পলায়ন করিতে দেখিয়া, চিরঞ্জীব স্বীয় সহচরকে সন্মোদন করিয়া বলিলেন, কিঙ্কর! এখানকার ডাকিনীরা তরবারি দেখিলে ভয় পায়। ভাগ্যে আমাদের সঙ্গে তরবারি ছিল; নতুবা পুনরায় আমাদিগকে ধরিয়া লইয়া ষাইত, এবং অবশেষে কি করিত, বলিতে পারি না। কিঙ্কর বলিল, মহাশয়! ষিনি মধ্যাহ্নকালে আপনকার স্ত্রী হইবার নিমিত্ত ব্যস্ত হইয়াছিলেন, দেখিলাম, তিনিই সর্কাপেক্ষায় অধিক ভয় পাইয়াছেন এবং সর্কাগ্রে পলায়ন করিয়াছেন। তরবারি ডাইন তাড়াইবার এমন মন্ত্র, তাহা আমি এত দিন জানিতাম না। চিরঞ্জীব বলিলেন, দেখ কিঙ্কর! ষত সীত্র জাহাজে উঠিতে পারি ততই মঙ্গল; একানকার ষেরূপ কাণ্ড তাহাতে কখন কি উপস্থিত হয় বলা যায় না। অতএব চল, পান্থনিবাসে গিয়া দ্রব্যসামগ্রী লইয়া সন্ধ্যার মধ্যেই জাহাজে উঠিব। কিঙ্কর বলিল, আপনি এত ব্যস্ত হইতেছেন কেন? আজকার রাত্রি এখানে থাকুন। উহারা কখনই আমাদের অনিষ্ট করিবেক না। আমরা প্রথমে উহাদিগকে ষত ভয়ঙ্কর ভাবিয়াছিলাম, উহারা সেরূপ নহে। দেখুন; কেমন ষিষ্ট কথা কয়; বাটীতে লইয়া গিয়া কেমন উত্তম আহার করায়; কখনও দ্বৈধা নাই, তথাপি পতিসস্তাষণ করিয়া প্রণয় করিতে চায়; আবার, প্রয়োজন জানাইলে অকাতরে স্বর্ণমুদ্রাপ্রদান করে।

ইহাতেও যদি আমরা উহাদিগকে অভদ্র বলি, লোকে আমাদেরকে কৃতস্থ বলিবেক। আমি ত আপনকার সঙ্গে অনেক দেশ বেড়াইয়াছি, কোথাও এরূপ সৌজন্য ও এরূপ বদান্ধতা দেখি নাই। বলিতে কি মহাশয়! আমি উহাদের ব্যবহার দেখিয়া এত ঘোহিত হইয়াছি যে, যদি পাকশালার হস্তিনী আমার স্ত্রী হইতে না চাহিত, তাহা হইলে আমি নিঃসন্দেহ আহ্লাদিত চিত্তে এই রাজ্যে বাস করিতাম। চিরঞ্জীব শুনিয়া ঈষৎ হাসিয়া বলিলেন, অরে নিকোঁধ! অধিক আর কি বলিব, যদি এ রাজ্যের অধিরাজপদ পাই, তথাপি আমি কোনও ক্রমে এখানে রাজিবাস করিব না। চল, আর বিলম্বে কাজ নাই; সন্ধ্যার মধ্যেই অর্ণবপোতে আরোহণ কবিত্তে হইবেক। এই বলিয়া উভয়ে পাশ্চনিবাস অভিমুখে প্রস্থান করিলেন।

পঞ্চম পরিচ্ছেদ

রাজপুরুষ জয়স্থলবাসী চিরঞ্জীবকে লইয়া তদীয় আলায় অভিমুখে প্রস্থান করিলে পর, উত্তমর্ণ বণিক্ অধমর্ণ স্বর্ণকাবকে বলিলেন, তোমায় টাকা দিয়া পাইতে এত কষ্ট হইবেক, তাহা আমি এক বারও মনে করি নাই। হয় ত এই টাকার গোলে আজ আমার যাওয়া না হইলে বিলক্ষণ ক্ষতিগ্রস্ত হইব। এখন বোধ হইতেছে, সে সময়ে তোমার উপকার করিয়া ভাল করি নাই। স্বর্ণকার সাতিশয কুপ্তিত হইয়া বলিলেন, মহাশয়! আর আমায় লজ্জা দিবেন না; আমি আপনকার আবশ্যক সময়ে টাকা দিতে না পারিয়া মরিয়া রহিয়াছি। চিরঞ্জীববাবু যে আমার সঙ্গে এরূপ ব্যবহার করিবেন, ইহা স্বপ্নের অগোচর। উনি যে হার লইয়া পাই নাই বলিবেন, অথবা টাকা দিতে আপত্তি করিবেন, এক যুদ্ধের জন্তে মনে চয় নাই। আপনি এ সন্দেহ করিবেন না যে আমি উহাকে হার দি নাই, কেবল আপনকার সঙ্গে চল করিতেছি। আমি ধর্মপ্রমাণ বলিতেছি, চারি দণ্ড পূর্বে আমি নিজে উহার হস্তে হার দিয়াছি। উনি সে সময়ে মূল্য দিতে চাহিয়াছিলেন; আমার কুবুদ্ধি, আন্ধি বলিলাম এখন কার্যান্তরে যাইতেছি; পরে সাক্ষাৎ করিব ও মূল্য লইব। উনি কিন্তু সে সময়ে বলিয়াছিলেন, এখন না লও, পরে আর পাইবান্ন

সম্ভাবনা থাকিবেক না। তৎকালে কি অভিশ্রমে উনি এ কথা বলিয়াছিলেন, জানি না ; কিন্তু কার্যগতিকে উহার কথাই ঠিক হইতেছে।

স্বর্ণকারের এই সকল কথা শুনিয়া বণিক জিজ্ঞাসা করিলেন, বলি, চিরঞ্জীববাবু লোক কেমন ? বহুপ্রিয় বলিলেন, উনি জয়হলে সৰ্ব্ব বিষয়ে অধিতীয় ব্যক্তি। আবালবৃদ্ধবনিতা সকলেই উহাকে জানে এবং সকলেই উহাকে ভাল বাসে। উনি সকল সমাজে সমান আদরণীয় ও সৰ্ব্ব প্রকারে প্রশংসনীয় ব্যক্তি। ঐশ্বর্য ও আধিপত্য বিষয়ে এ রাজ্যে উহার তুল্য লোক নাই। কখনও কোনও বিষয়ে উহার কথা অশ্রুতা হয় না। পরোপকারার্থে অকাতরে অর্থব্যয় করিয়া থাকেন। উনি যে আজ আমার সঙ্গে এরূপ ব্যবহার করিলেন, শুনিলে কেহ বিশ্বাস করিবেক না। এই সকল কথা শুনিয়া বণিক বলিলেন, আমরা আর এখানে অনর্থক বসিয়া থাকি কেন ? চল, উঁহার বাটীতে যাই ; তাহা হইলে শীঘ্র টাকা পাইব, এবং হয় ত আজই ঘাইতে পারিব। অনন্তর বহুপ্রিয় ও বণিক উভয়ে চিরঞ্জীবের ভবন অভিমুখে গমন করিলেন।

এই সময়ে, হেমকূটবানী চিরঞ্জীব কিঙ্কর সমভিব্যাহারে পান্থনিবাসে প্রতিগমন করিতেছিলেন। বণিক দূর হইতে দেখিতে পাইয়া বহুপ্রিয়কে বলিলেন, আমার বোধ হয়, চিরঞ্জীববাবু আসিতেছেন। বহুপ্রিয় বলিলেন, হাঁ তিনিই বটে ; আর, আমার নিশ্চিত হারও উঁহার গলায় রহিয়াছে, দেখিতেছি ; অথচ, দেখুন, আপনকার সমক্ষে উনি স্পষ্ট বাক্যে বারংবার হার পাই নাই বলিলেন, এবং আমার সঙ্গে কত বিবাদ ও কত বাধাশ্রবণ করিলেন। এই বলিয়া তাঁহার নিকটে গিয়া বহুপ্রিয় বলিলেন, চিরঞ্জীববাবু ! আমি আজ আপনকার আচরণ দেখিয়া হতবুদ্ধি হইয়াছি। আপনি কেবল আমায় কষ্ট দিতেছেন ও অপদস্থ করিতেছেন, এরূপ নহে ; আপনকারও বিলক্ষণ অপঘণ হইতেছে। এখন হার পরিয়া রাজপথে বেড়াইতেছেন ; কিন্তু তখন অনায়াসে শপথ পূর্বক হারপ্রাপ্তির অপলাপ করিলেন। আপনকার এরূপ ব্যবহারে এই এক ভক্ত লোকের কত কার্যক্ষতি হইল, বলিবার নয়। উনি স্থানান্তরে যাইবার সমুদয় স্থির করিয়াছিলেন ; এত ক্ষণ কোন্ কালে চলিয়া যাইতেন ; কেবল আমাদের বিবাদের জন্তে যাইতে পারিলেন না। তখন অনায়াসে হারপ্রাপ্তির অপলাপ করিয়াছেন, এখনও কি করিবেন ?

বহুপ্রিয়ের এই কথা শুনিয়া চিরঞ্জীব বলিলেন, আমি তোমার নিকট হইতে এই হার পাইয়াছি বটে ; কিন্তু এক বারও তাহার অধীকার করি নাই ; তুমি সহসা আমার উপর এরূপ দোষারোপ করিতেছ কেন ? তখন বণিক বলিলেন,

হাঁ আপনি অস্বীকার করিয়াছেন, এবং হার পাই নাই বলিয়া বারংবার শপথ পর্যন্ত করিয়াছেন। চিরঞ্জীব বলিলেন, আমি শপথ অস্বীকার করিয়াছি, তাহা কে শুনিয়াছে? বণিক বলিলেন, আমি নিজে স্বকর্ণে শুনিয়াছি। ইহা অত্যন্ত আক্ষেপের বিষয় যে, আপনকার মত নরাধমেরা ভক্তসমাজে প্রবেশ করিতে পায়। শুনিয়া কোপে কম্পিতকলেবর হইয়া চিরঞ্জীব বলিলেন, তুই বেটা বড় পাজি ও বড় ছোট লোক; অकारণে আমায় কটু বলিতেছিস। আমি ভক্ত কি অভক্ত, তাহা এখনই তোরে শিখাইতেছি। মর বেটা পাজি, যত বড় মুখ তত বড় কথা। এই বলিয়া তিনি তরবারি নিষ্কাশিত করিলেন; এবং বণিকও তরবারি নিষ্কাশিত করিয়া ঝন্ডযুদ্ধে উচ্চত হইলেন।

এই সময়ে চন্দ্রপ্রভা কতকগুলি লোক সঙ্গে করিয়া সহসা সেই স্থানে উপস্থিত হইলেন, এবং, বণিকের সহিত হেমকুটবাসী চিরঞ্জীবের ষণ্ডযুদ্ধের উপক্রম দেখিয়া, স্বীয় পতি জয়হলবাসী চিরঞ্জীব তদৃশ যুদ্ধে প্রবৃত্ত হইতেছেন, এই বোধে, সাতিশয় কাতরতাপ্রদর্শন পূর্বক বণিককে বলিলেন, দোহাই ধর্মের, উঁ হারে প্রহার করিবেন না, উনি উন্মাদগ্রস্ত হইয়াছেন। এ অবস্থায় কোনও কারণে উঁহার উপর রাগ করা উচিত নয়। কুতাজলিগুটে বলিতেছি, দয়া করিয়া ক্ষান্ত হউন। এই বলিয়া তিনি সঙ্গের লোকদিগকে বলিলেন, তোমরা কৌশল করিয়া উঁহার হাত হইতে তরবারি ছাড়াইয়া লও, এবং প্রভু ও ভৃত্য উভয়কে বন্ধ করিয়া বাটীতে লইয়া চল। চন্দ্রপ্রভাকে সহসা সমাগত দেখিয়া ও তদীয় আদেশবাক্য শ্রবণগোচর করিয়া কিঙ্কর চিরঞ্জীবকে বলিল, মহাশয়! আবার সেই মায়াবিনী ঠাকুরাণী আসিয়াছেন; আর এখানে দাঁড়াইবেন না, পলায়ন করুন, নতুবা নিস্তার নাই। এই বলিয়া সে চারি দিকে দৃষ্টিসঞ্চারণ করিয়া বলিল, মহাশয়! আসুন, এই দেবালয়ে প্রবেশ করি; তাহা হইলে আমাদের উপর কেহ আর অত্যাচার করিতে পারিবেক না। তৎক্ষণাৎ উভয়ে দৌড়িয়া পার্শ্ববর্তী দেবালয়ে প্রবেষ্ট হইলেন। চন্দ্রপ্রভা, বিলাসিনী, ও তাহাদের সমভিব্যাহারের লোক সকল দেবালয়ের দ্বারদেশে উপনীত হইলেন। এই গোলযোগ উপস্থিত দেখিয়া রাজপথবাহী লোক সকলও তথায় সমবেত হইতে লাগিল।

ঐ দেবালয়ের কাণ্ডপর্ধ্যবেক্ষণের সমস্ত ভার এক বর্ষায়সী তপস্বিনীর হস্তে স্তম্ভ ছিল। ইনি যার পর নাই স্থশীলা ও নিরতিশয় দয়াম্বীলা ছিলেন, এবং সূচাক্রমে দেবালয়ের কার্যসম্পাদন করিতেন; এজন্য জয়হলবাসী স্বাভাবিক লোকের বিলক্ষণ ভক্তিভাজন ও সাতিশয় শ্রদ্ধাস্পদ ছিলেন। অত্যন্তর হইতে অকস্মাৎ বিষয় গোলযোগ শুনিয়া, কারণ জানিবার নিমিত্ত তিনি দেবালয়

হইতে বহির্গত হইলেন এবং সমবেত লোকদিগকে জিজ্ঞাসিলেন, কি ভুলে তোমরা এখানে গোলযোগ করিতেছ। চন্দ্রপ্রভা বলিলেন, আমার উন্মাদগ্রস্ত স্বামী পলাইয়া দেবালয়ে প্রবেশ করিয়াছেন, আপনি অতুগ্রহ করিয়া, আমাকে ও আমার লোকদিগকে ভিতরে যাইতে দেন; আমরা তাঁহারে বন্ধ করিয়া বাটা লইয়া যাইব। তপস্বিনী জিজ্ঞাসা করিলেন, কত দিন তিনি এই দুর্দাস্ত রোগে আক্রান্ত হইয়াছেন? চন্দ্রপ্রভা বলিলেন, পাঁচ সাত দিন হইতে তাঁহাকে সর্বদাই বিরক্ত, অন্তমনস্ক, ও দুর্ভাবনায় অভিভূত দেখিতাম; কিন্তু আজ আড়াই প্রহরের সময় অবধি এক বারে বাহুজ্ঞানশূন্যপ্রায় হইয়াছেন। এই বলিয়া তিনি সন্দের লোকদিগকে বলিলেন, তোমরা ভিতরে গিয়া তাঁহাকে ও কিঙ্করকে বন্ধ করিয়া সাবধানে লইয়া আইস। তপস্বিনী বলিলেন, বৎসে! তোমার একটি লোকও দেবালয়ে প্রবেশ করিতে পারিবেক না। তখন চন্দ্রপ্রভা বলিলেন, তবে আপনকার লোকদিগকে বলুন, তাহারাই বন্ধ করিয়া তাঁহাকে আমার নিকটে আনিয়া দিউক। তপস্বিনী বলিলেন, তাহাও হইবেক না; তিনি যখন এই দেবালয়ে আশ্রয় লইয়াছেন, তখন যত ক্ষণ বা যত দিন ইচ্ছা হয়, তিনি স্বচ্ছন্দে এখানে থাকিবেন; সে সময়ে তোমার বা অন্য কোনও ব্যক্তির তাঁহার উপর কোনও অধিকার থাকিবেক না। আমি তাঁহার চিকিৎসার ও শুশ্রূষার সমস্ত ভার লইতেছি। তিনি সুস্থ ও প্রকৃতিস্থ হইলে আপন আলয়ে যাইবেন। এ অবস্থায় আমি কোনও ক্রমে তাঁহাকে তোমার হস্তে সমর্পিত করিতে পারিব না।

এই সকল কথা শুনিয়া কিঞ্চিৎ বিরক্ত হইয়া চন্দ্রপ্রভা বলিলেন, আপনি অন্তায় আশ্রয় করিতেছেন; আমি যেমন যত্ন পূর্বক চিকিৎসা করাইব ও পরিচর্যা করিব, অন্তের সেরূপ করা সম্ভব নহে। আপনি তাঁহাকে আমার হস্তে সমর্পিত করুন। তখন তপস্বিনী বলিলেন, বৎসে! এত উতলা হইতেছ কেন, ধৈর্য্য অবলম্বন কর। আমি অনেকবিধ মন্ত্র, ঔষধ, ও চিকিৎসা জানি, এবং এ পর্য্যন্ত শত শত লোকের শারীরিক ও মানসিক রোগের শান্তি করিয়াছি। সেরূপ শুনিতেছি, আমি অল্প কালের মধ্যেই তোমার স্বামীকে প্রকৃতিস্থ করিতে পারিব; তখন তিনি স্বেচ্ছাক্রমে আপন ভবনে প্রতিগমন করিবেন। আমাদের তপস্কার ও ধর্ম্মচর্য্যার সেরূপ নিয়ম, এবং দেবালয়ের কার্য্যনির্ব্বাহ সম্বন্ধে সেরূপ নিয়মাবলী প্রচলিত আছে, তদনুসারে, যখন তোমার স্বামী এখানে আশ্রয়গ্রহণ করিয়াছেন, তাঁহার অনিচ্ছায় বল পূর্বক তাঁহাকে দেবালয় হইতে বহিষ্কৃত করিতে পারি না। অন্তএব, বৎসে প্রস্থান কর;

যাবৎ তিনি আরোগ্যলাভ না করিতেছেন, আমার নিকটেই থাকুন ; তাঁহার চিকিৎসা বা শুক্রবা বিষয়ে কোনও অংশে অণুমান্য ক্রটি হইবেক না, সে বিষয়ে তুমি নিশ্চিন্ত থাকিবে। চন্দ্রপ্রভা বলিলেন, তাঁহাকে ছাড়িয়া আমি কখনও এখান হইতে যাইব না। আমার অনিচ্ছায় ও অসম্মতিতে আমার স্বামীকে এখানে রুদ্ধ করিয়া রাখা কোনও মতে আপনকার উচিত হইতেছে না। আপনি সকল বিষয়ের সবিশেষ অহুধাবন না করিয়াই আমার এখান হইতে চলিয়া যাইতে বলিতেছেন। শুনিয়া কিঞ্চিৎ বিরক্ত হইয়া তপস্বিনী বলিলেন, বৎসে ! তুমি এ বিষয়ে অনর্থক আগ্রহপ্রকাশ করিতেছ ; তোমার সঙ্গে বুধা বাদানুবাদ করিব না। আমি এক কথায় বলিতেছি, তোমার স্বামী সুস্থ না হইলে তুমি কখনও তাঁহাকে এখান হইতে লইয়া যাইতে পারিবে না ; এখন আপন আলয়ে প্রীতিগমন কর।

এই বলিয়া তপস্বিনী দেবালয়ে প্রবেশ করিলেন। তদীয় আদেশ অহুসারে দেবালয়ের দ্বার রুদ্ধ হইল ; সূতরাং আর কাহারও তথায় প্রবেশ করিবার পথ রহিল না। চন্দ্রপ্রভার এইরূপ অবমাননা দর্শনে বিলাসিনী অতিশয় রুষ্ট ও অসন্তুষ্ট হইলেন এবং বলিলেন, দ্বিদি ! আর এখানে দাঁড়াইয়া ভাবিলে ও বুধা কালহরণ করিলে কি ফল হইবেক বল ; চল আমরা অধিরাজ বাহাদুরের নিকটে গিয়া এই অহঙ্কারিণী তপস্বিনীর অন্তায় আচরণ বিষয়ে অভিযোগ করি ; তিনি অবশুই বিচার করিবেন। চন্দ্রপ্রভা বলিলেন, বিলাসিনি ! তুমি বিলক্ষণ বুদ্ধির কথা বলিয়াছ ; চল তাঁহার নিকটেই যাই। তিনি যত ক্ষণ না স্বয়ং এখানে আসিয়া আমার স্বামীকে বল পূর্বক দেবালয় হইতে বহিষ্কৃত করিয়া আমার হস্তে দিতে সম্মত হন, তাবৎ আমি কোনও ক্রমে তাঁহাকে ছাড়িব না, তাঁহার চরণে পড়িয়া থাকিব এবং অবিশ্রামে অশ্রুবিসর্জন করিব। এই কথা শুনিয়া বণিক বলিলেন, আপনারা কিঞ্চিৎ অপেক্ষা করিলে এই খানেই অধিরাজ বাহাদুরের সহিত সাক্ষাৎ হইবেক। আমি অবধারিত জানি, সন্ধ্যার অব্যবহিত পূর্বে তিনি এহ পথ দিয়া বধ্যভূমিতে যাইবেন। বেলায় অবসান হইয়াছে, সায়ংকাল আগতপ্রায় ; তাঁহার আসিবার আর বড় বিলম্ব নাই। বহুপ্রিয় জিজ্ঞাসিলেন, তিনি কি জন্মে এ সময়ে বধ্যভূমিতে যাইবেন ? বণিক বলিলেন, আপনি কি শুনে নাই, হেমকুটের এক বৃদ্ধ বণিক জয়স্থলের অধিকারে প্রবেশ করিয়াছিলেন ; সেই অপরাধে তাঁহার প্রাণদণ্ডের আদেশ হইয়াছে ; তাঁহার শিরশ্ছেদনকালে অধিরাজ বাহাদুর স্বয়ং বধ্যভূমিতে উপস্থিত থাকিবেন। বিলাসিনী চন্দ্রপ্রভাকে বলিলেন, অধিরাজ বাহাদুর দেবালয়ের সম্মুখে উপস্থিত

হইলেই তুমি তাঁহার চরণে ধরিয়৷ বিচারপ্রার্থনা করিবে, কোনও মতে ভীত বা লঙ্ঘিত হইবে না।

কিয়ৎ ক্ষণ পরেই, অধিরাজ বিজয়বল্লভ, রাজপুরুষগণ ও বধ্যবেশধারী সোমদত্ত প্রভৃতি সমভিব্যাহারে, দেবালয়ের সম্মুখে উপস্থিত হইলেন। দেখিবামাত্র চন্দ্রপ্রভা তাঁহার সম্মুখবর্তিনী হইয়া অঞ্জলিবন্ধ পূর্বক বিনীত বচনে বলিলেন, মহারাজ ! এই দেবালয়ের কর্তী তপস্বিনী আমার উপর যার পর নাই অত্যাচার করিয়াছেন ; আপনাকে অসুগ্রহ করিয়া বিচার করিতে হইবেক। শুনিয়া বিজয়বল্লভ বলিলেন; তিনি অতি স্নগীলা ধর্মশীলা প্রবীণা নারী, কোনও ক্রমে অন্তায় আচরণ করিবার লোক নহেন ; তুমি কি কারণে তাঁহার নামে অত্যাচারের অভিযোগ করিতেছ, বুঝিতে পারিতেছি না। চন্দ্রপ্রভা বলিলেন, মহারাজ ! আমি মিথ্যা অভিযোগ করিতেছি না ; কিঞ্চিৎ মনোযোগ দিয়া আমার নিবেদন শুনিতে হইবেক। আপনি যে ব্যক্তির সহিত আমার বিবাহ দিয়াছেন, তিনি ও তাঁহার পরিচারক কিঙ্কর উভয়ে উন্মাদ-রোগে আক্রান্ত হইয়াছেন, এবং রাজপথে ও লোকের বাটীতে অনেকপ্রকার অত্যাচার করিতেছেন ; এই সংবাদ পাইয়া এক বার অনেক যত্নে বন্ধন পূর্বক তাঁহাকে ও কিঙ্করকে বাটীতে পাঠাইয়া দিয়া, কোনও কার্যবশতঃ বহুপ্রিয় স্বর্ণকারের আলয়ে যাইতেছিলাম, ইতোমধ্যে দেখিতে পাইলাম, তিনি ও কিঙ্কর বাটী হইতে পলাইয়া আসিয়াছেন। আমি পুনরায় তাঁহাদিগকে বাটীতে লইয়া যাইবার চেষ্টা পাইলাম। উভয়েই এক বারে বাহুজ্ঞানশূন্য ; আমাদিগকে দেখিবামাত্র উভয়েই তরবারি হস্তে আক্রমণ করিতে উত্তত হইলেন। তৎকালে আমার সঙ্গে অধিক লোক ছিল না, এজন্ত আমি তৎক্ষণাৎ বাটী গিয়া লোক-সংগ্রহ পূর্বক তাঁহাকে ও কিঙ্করকে লইয়া যাইতে আসিয়াছিলাম। এবার আমাদিগকে দেখিয়া ভয় পাইয়া উভয়ে এই দেবালয়ে প্রবেশ করিয়াছেন। আমরাও তাঁহাদের পশ্চাৎ পশ্চাৎ প্রবিষ্ট হইতেছিলাম, এমন সময়ে এখানকার কর্তী তপস্বিনী ষার রুদ্ধ করিয়া আমাদিগকে প্রবেশ করিতে দিলেন না। অনেক বিনয় করিয়া বলিলাম ; কিন্তু তিনি কোনও ক্রমে আমায় তাঁহাকে লইয়া যাইতে দিবেন না। আমি তাঁহাকে এ অবস্থায় এখানে রাখিয়া কেমন করিয়া বাটীতে নিশ্চিন্ত থাকিব ? মহারাজ ! বাহাতে আমি অবিলম্বে তাঁহাকে বাটীতে লইয়া যাইতে পারি, অসুগ্রহ পূর্বক তাহার উপায় করিয়া দেন ; নতুবা আমি আপনাকে যাইতে দিব না।

এই বলিয়া চন্দ্রপ্রভা অধিরাজের চরণে নিপতিত হইয়া রহিলেন, এবং

অবিশ্রান্ত অশ্রুবিসর্জন করিতে লাগিলেন। তদর্শনে অধিরাজের অন্তঃকরণে দয়ার উদ্রেক হইল। তিনি পাশ্চাত্যী রাজপুরুষকে বলিলেন, তুমি দেবালয়ের কর্তাকে আমার নমস্কার জানাইয়া এক বার ক্ষণকালের জন্য আমার সহিত সাক্ষাৎ করিতে বল; অনন্তর তিনি চন্দ্রপ্রভার হস্তে ধরিয়া ছুঁতল হইতে উঠাইলেন; বলিলেন বৎসে! শোকসংবরণ কর; এ বিষয়ের মীমাংসা না করিয়া আমি এখান হইতে বাইতেছি না।

এই সময়ে এক ভৃত্য আসিয়া অতি আকুল বচনে চন্দ্রপ্রভাকে বলিতে লাগিল, মা ঠাকুরাণি! যদি প্রাণ বাঁচাইতে চান, অবিলম্বে কোনও স্থানে লুকাইয়া থাকুন। কর্তা মহাশয় ও কিঙ্কর উভয়ে বন্ধনচ্ছেদন করিয়াছেন, এবং দাস দাসীদিগকে প্রহার করিয়া দৃঢ় রূপে বন্ধন পূর্বক বিজ্ঞাধর মহাশয়ের দাড়ীতে আগুন লাগাইয়া দিয়াছেন; পরে আগুন নিবাইবার জন্য ময়লা জল আনিয়া তাঁহার মুখে ঢালিয়া দিতেছেন। বিজ্ঞাধর মহাশয়ের উপর প্রভুর ষেরূপ রাগ দেখিলাম, তাহাতে হয় ত তাঁহার প্রাণবধ করিবেন। এক্ষণে যাহা কর্তব্য হয় করুন এবং আপনি সাবধান হউন। শুনিয়া চন্দ্রপ্রভা বলিলেন, অরে নিরোধ! তুই মিথ্যা বলিতেছিস, তোর প্রভু ও কিঙ্কর উভয়ে কিছু পূর্বে এই দেবালয়ে প্রবেশ করিয়াছেন। ভৃত্য বলিল, মা ঠাকুরাণি! আমি মিথ্যা বলিতেছি না। তিনি বন্ধনচ্ছেদন পূর্বক দৌরাভ্য আরম্ভ করিলে, আমি উর্দ্ধশ্বাসে দৌড়িয়া আপনকার নিকটে আসিয়াছি। এই কথা বলিতে বলিতে চিরঞ্জীবের তর্জন গর্জন শুনিতে পাইয়া সে বলিল, মা ঠাকুরাণি! আমি তাঁহার চীৎকার শুনিতে পাইতেছি; বোধ হয়, এখানেই আসিতেছেন; আপনি সাবধান হউন। তিনি বারংবার বলিয়াছেন, আপনাকে পাইলে নাক কান কাটিয়া হতশ্রী করিয়া দিবেন। সত্বর পলায়ন করুন, কদাচ এখানে থাকিবেন না। চন্দ্রপ্রভা ভয়ে অভিভূত হইয়া ইতস্ততঃ দৃষ্টিসংকারণ করিতে লাগিলেন। তদর্শনে অধিরাজ বাহাদুর বলিলেন, বৎসে! ভয় নাই; আমার নিকটে আসিয়া দাঁড়াও। এই বলিয়া তিনি রক্ষকদিগকে বলিলেন, কাহাকেও নিকটে আসিতে দিও না।

চিরঞ্জীবকে দূর হইতে দেখিতে পাইয়া চন্দ্রপ্রভা অধিরাজ বাহাদুরকে সন্মোখিয়া বলিলেন, মহারাজ! কি আশ্চর্য দেখুন। প্রথমতঃ আমি উঁহায়ে দৃঢ় রূপে বন্ধ করাইয়া বাটীতে পাঠাই; কিঞ্চিৎ পরেই রাজপথে দেখিতে পাই; তত অল্প সময়ের মধ্যে বন্ধনচ্ছেদন পূর্বক রাজপথে উপস্থিত হওয়া কোনও মতে সম্ভব নহে। তৎপরে পলাইয়া এইরাজ্য দেবালয়ে প্রবেশ করিয়াছেন।

দেবালয়ে প্রবেশনির্গমের এক বই পথ নাই ; বিশেষতঃ আমরা সকলে ষারদেশে সমবেত আছি ; ইতোমধ্যে কেমন করিয়া দেবালয় হইতে বহির্গত হইলেন, কিছুই বুঝিতে পারিতেছি না। বলিতে কি মহারাজ ! উঁহার আজকার কাজ সকল মহুস্ত্রের বুদ্ধি ও বিবেচনার অগম্য। এই সময়ে জয়হলবালাী চিরঞ্জীব উন্নয়নের ত্রায় বিশ্বম্ভল বেশে অধিরাজের সম্মুখদেশে উপস্থিত হইলেন এবং বলিতে লাগিলেন, দোহাই মহারাজের ! আজ আমার উপর ঘোরতর অত্যাচার হইয়াছে ; আমি জন্মাবচ্ছেদে কখনও এরূপ অপদৃষ্টি ও অপমানিত হই নাই, এবং কখনও এরূপ লাজনাজোগ ও এরূপ ষাতনাবোধ করি নাই। আমার স্ত্রী চন্দ্রপ্রভা নিতান্ত সাধুশীলার ত্রায় আপনকার নিকটে দাঁড়াইয়া আছেন ; কিন্তু আমি উঁহার তুল্য দু্চারিণী নারী আর দেখি নাই। কতকগুলি ইতরের সংসর্গে কালঘাপন করিতে আরম্ভ করিয়াছেন ; এবং তাহাদের কুমন্ত্রণায় আজ আমায় যে ষত্রুণা দিয়াছেন, এবং আমার যে দুঃখবস্থা করিয়াছেন তাহা বর্ণন করিবার নয়। আপনাকে নিরপেক্ষ হইয়া বিচার করিতে হইবেক ; নতুবা আমি আত্মঘাতী হইব।

চিরঞ্জীবের অভিযোগ শুনিয়া অধিরাজ বাহাহুর বলিলেন, তোমার উপর কি অত্যাচার হইয়াছে, বল ; যদি বাস্তবিক হয়, অবশ্য প্রতিকার করিব। চিরঞ্জীব বলিলেন, মহারাজ ! আজ মধ্যাহ্নকালে আহারের সময় ষার রুদ্ধ করিয়া আমায় বাটীতে প্রবেশ করিতে দেন নাই, এবং সেই সময়ে কতকগুলি ইতর লোক লইয়া আমোদ আহ্লাদ করিয়াছেন। শুনিয়া অধিরাজ বাহাহুর বলিলেন, এ কথা যদি ষথার্থ হয়, তাহা হইলে, স্ত্রীলোকের পক্ষে ইহা অপেক্ষা গুরুতর অপরাধ আর কিছুই হইতে পারে না। অনন্তর তিনি চন্দ্রপ্রভাকে জিজ্ঞাসিলেন, বৎসে ! এ বিষয়ে তোমার কিছু বলিবার আছে ? চন্দ্রপ্রভা বলিলেন, মহারাজ ! উনি অমূলক কথা বলিতেছেন। আজ মধ্যাহ্নকালে, উনি, আমি, বিলাসিনী, তিন জনে একত্র আহার করিয়াছি ; এ কথা যদি অস্তথা হয়, আমার ষেন নরকেও স্থান না হয়। বিলাসিনী বলিলেন, হাঁ মহারাজ ! আমরা তিন জনে এক সঙ্গে আহার করিয়াছি ; দ্বিদি আপনকার নিকট একটিও অলীক কথা বলেন নাই। উভয়ের কথা শুনিয়া বহুশ্রিয় ষর্ষকার বলিলেন, মহারাজ ! আমি ইহাদের তুল্য মিথ্যাবাদিনী কামিনী ভূমণ্ডলে দেখি নাই ; উভয়েই সম্পূর্ণ মিথ্যা বলিতেছেন। চিরঞ্জীববাহু আজ উদ্দাদগ্রস্তই হউন, আর ষাই হউন, উনি যে অভিযোগ করিতেছেন, তাহা সম্পূর্ণ সত্য। আপনি এই দুই দু্চারিণীর বাক্যে বিশ্বাস করিবেন না।

অনন্তর, চিরঞ্জীব নিজ ছুরবহার বৃশাস্ত আশোপাস্ত নির্দিষ্ট করিতে আরম্ভ করিলেন। মহারাজ! আমি মত্ত বা উন্মত্ত কিছুই হই নাই। কিন্তু, আজ আমার উপর ষ্ঠেরূপ অভ্যচার হইয়াছে, যাহার উপর ষ্ঠেরূপ হইবেক, সেই উন্মত্ত হইবেক। প্রথমতঃ আহারের সময় দ্বার রুদ্ধ করিয়া আমায় বাটীতে প্রবেশ করিতে দেন নাই; তৎকালে বসুপ্রিয় স্বর্ণকার ও রত্নদত্ত বণিক্ আমার সঙ্গে ছিলেন। আমি ক্রোধভরে দ্বারভঙ্গে উন্মত্ত হইয়াছিলাম; রত্নদত্ত অনেক বুঝাইয়া, আমায় ক্ষান্ত করিলেন। পরে আমি বসুপ্রিয়কে সঙ্গে আমার নিকট হার লইয়া বাইতে বলিয়া রত্নদত্ত সমভিব্যাহারে অপরাজিতার বাটীতে আহার করিলাম। বসুপ্রিয়ের আসিতে অনেক বিলম্ব হওয়াতে আমি উঁহার অবেষণে নির্গত হইলাম। পশ্চিমধ্যে উঁহার সহিত সাক্ষাৎ হইল। তৎকালে ঐ বণিক্টি উঁহার সঙ্গে ছিলেন। বসুপ্রিয় বলিলেন, কিঞ্চিৎ পূর্বে আমি তোমায় হার দিয়াছি, টাকা দাও। কিন্তু, জগদীশ্বর সাক্ষী, আমি এ পর্য্যন্ত হার দেখি নাই। উনি তৎক্ষণাৎ রাজপুরুষ দ্বারা আমায় অবরুদ্ধ করাইলেন। পরে নিরুপায় হইয়া আমার পরিচারক কিঙ্করকে দেখিতে-পাইয়া টাকা আনিবার জ্ঞাত বাটীতে পাঠাইলাম। সে যে গেল, সেই গেল, আর কিরিয়া আসিল না। আমি অনেক বিনয়ে সম্মত করিয়া, রাজপুরুষকে সঙ্গে লইয়া, বাটা বাইতে-ছিলাম, এমন সময়ে আমার স্ত্রী ও উঁহার ভগিনীর সহিত সাক্ষাৎ হইল। দেখিলাম, উঁহাদের সঙ্গে কতকগুলি ইতর লোক রহিয়াছে; আর, আমাদের পত্নীতে বিষ্ণাধর নামে একটা হতভাগা গুরুমহাশয় আছে, তাহাকেও সঙ্গে আনিয়াছেন। সে, লোকের নিকট, চিকিৎসক বলিয়াও পরিচয় দিয়া থাকে। তাহার মত দুশ্চরিত্র নরাধম ভূমণ্ডলে নাই। সেই দুরাশ্রয় আজ কাল আমার স্বীয় প্রিয়পাত্র ও বিশ্বাসভাজন হইয়াছে। সে আমার দেখিয়া বলিল, আমি উন্মাদগ্রস্ত হইয়াছি। অনন্তর, তদীয় উপদেশ অনুসারে আমাকে ও কিঙ্করকে বদ্ধ করিয়া বাটীতে লইয়া গেল, এবং এক দুর্গন্ধপূর্ণ অন্ধকারময় গৃহে বদ্ধ অবস্থায় রাখিয়া দিল। আমরা অনেক কষ্টে দস্ত দ্বারা বন্ধনচ্ছেদন পূর্বেক পলাইয়া আপনকার সমীপে সযুগ্ম নিবেদন করিতে যাইতেছিলাম; ভাগ্যক্রমে এই স্থানে আপনকার সাক্ষাৎ পাইলাম। আপনি সাক্ষাৎ ধর্ম্মের অবতার, এ রাজ্যে স্তায় অস্তায় বিচারের কর্ত্তা। আমার প্রার্থনা এই, স্বার্থ বিচার করিয়া অপরাধীর সমুচিত দণ্ডবিধান করেন। আমি আপনকার সমক্ষে যে সকল কথা বলিলাম, যদি ইহার একটিও মিথ্যা হয়, আপনি আমার প্রাণদণ্ড করিবেন।

এই বলিয়া চিরঞ্জীব বিরত হইবামাত্র বসুপ্রিয় বলিলেন, মহারাজ ! উনি আহারের সময় বাটীতে প্রবেশ করিতে পান নাই, এবং বাটীতে আহার করেন নাই, আমি এ বিষয়ে সাক্ষ্য দিতে প্রস্তুত আছি ; তৎকালে আমি উঁহার সঙ্গে ছিলাম। অধিরাজ জিজ্ঞাসা করিলেন, তুমি উঁহারে হার দিয়াছ কি না, বল। বসুপ্রিয় বলিলেন, হাঁ মহারাজ ! আমি স্বয়ং উঁহার হস্তে হার দিয়াছি। উনি কিঞ্চিৎ পূর্বে যখন পলাইয়া দেবালয়ে প্রবেশ করেন উহার গলায় ঐ হার ছিল, ইঁহারা সকলে স্বচক্ষে দেখিয়াছেন। বণিক বলিলেন, মহারাজ ! যখন উঁহার সঙ্গে প্রথম দেখা হয়, তখন এক বারে হারপ্রাপ্তির অস্বীকার করিয়াছিলেন ; কিন্তু, দ্বিতীয় বার সাক্ষাৎকারকালে, হার পাইয়াছি বলিয়া স্পষ্ট বাক্যে স্বীকার করিয়াছেন। আমি উঁহার স্বীকার ও অস্বীকার উভয়ই স্বকর্ণে শুনিয়াছি। তৎপরে কথায় কথায় বিবাদ উপস্থিত হওয়াতে, উভয়েই তরবারি লইয়া দ্বন্দ্বযুদ্ধে উন্নত হইয়াছিলাম ; এমন সময়ে উনি পলাইয়া দেবালয়ে প্রবেশ করেন ; এক্ষণে দেবালয় হইতে বহির্গত হইয়া আপনকার সমক্ষে উপস্থিত হইয়াছেন। চিরঞ্জীব বলিলেন, মহারাজ ! এ জন্মে আমি এ দেবালয়ে প্রবেশ করি নাই ; বণিকের সহিত দ্বন্দ্বযুদ্ধে প্রবৃত্ত হই নাই ; বসুপ্রিয় কখনই আমার হস্তে হার দেন নাই। উঁহারা আমার নামে এ তিনটি মিথ্যা অভিযোগ উপস্থিত করিতেছেন।

এই সমস্ত অভিযোগ ও প্রত্যভিযোগ শ্রবণগোচর করিয়া অধিরাজ বলিলেন, ঈদৃশ দুর্ভাগ্য বিষয় কখনও আমার সম্মুখে উপস্থিত হয় নাই। আমার বোধ হয়, তোমাদের সকলেরই দৃষ্টিশক্তি ও বুদ্ধিবিপর্যয় ঘটয়াছে। তোমরা সকলেই বলিতেছ, চিরঞ্জীব এইমাত্র দেবালয়ে প্রবেশ করিয়াছে ; যদি দেবালয়ে প্রবেশ করিত, এখনও দেবালয়েই থাকিত। তোমরা বলিতেছ, চিরঞ্জীব উন্নত হইয়াছে ; যদি উন্নত হইত, তাহা হইলে এরূপ বুদ্ধি ও বিবেচনা সহকারে এত ক্ষণ আমার সমক্ষে অভিযোগ ও প্রত্যভিযোগ করিতে পারিত না। তোমরা দুই ভগিনীতে বলিতেছ, চিরঞ্জীব বাটীতে আহার করিয়াছে ; কিন্তু বসুপ্রিয় তৎকালে তাহার সঙ্গে ছিল ; সে বলিতেছে, চিরঞ্জীব বাটীতে আহার করে নাই। এই বলিয়া তিনি কিঙ্করকে জিজ্ঞাসিলেন, কি রে, তুই কি জানিস বল। সে বলিল, মহারাজ ! কর্তা আজ মধ্যাহ্নকালে অপরাহ্নিতার বাটীতে আহার করিয়াছেন। অপরাহ্নিতা বলিলেন, হাঁ মহারাজ ! আজ চিরঞ্জীববাবু আমার বাটীতে আহার করিয়াছিলেন ; ঐ সময়ে আমার অঙ্গুলি হইতে একটি অঙ্গুরীয় খুলিয়া লইয়াছেন। চিরঞ্জীব বলিলেন, হাঁ মহারাজ ! আমি এই

অঙ্গুরীয়টি উহার অঙ্গুলি হইতে খুলিয়া লইয়াছি, স্বার্থ বটে। অধিরাজ অপবাদিতাকে জিজ্ঞাসিলেন, কেমন, তুমি কি চিরঞ্জীবকে দেবালয়ে প্রবেশ করিতে দেখিয়াছ ? অপরাঞ্জিতা বলিলেন, আজ্ঞা হাঁ মহারাজ ! আমি স্বচক্ষে দেখিয়াছি, সে বিষয়ে আমার কিছুমাত্র সন্দেহ নাই।

এইরূপ পরস্পরবিরুদ্ধ উক্তি প্রত্যুক্তি শ্রবণগোচর করিয়া হতবুদ্ধি হইয়া অধিরাজ বলিলেন, আমি এমন অদ্ভুত কাণ্ড কখনও দেখি নাই ও শুনি নাই। আমার স্পষ্ট বোধ হইতেছে, তোমরা সকলেই উন্মাদগ্রস্ত হইয়াছ। অনন্তর তিনি এক রাজপুরুষকে বলিলেন, আমার নাম করিয়া তুমি দেবালয়ের কর্তাকে অবিলম্বে এখানে আসিতে বল ; দেখা ষাউক, তিনিই বা কিরূপ বলেন। রাজপুরুষ, যে আজ্ঞা মহারাজ ! বলিয়া, দেবালয়ে প্রবেশ করিলেন।

চিরঞ্জীব অধিরাজের সম্মুখবর্তী হইবামাত্র, সোমদত্ত তাঁহাকে নয়নগোচর করিয়া মনে মনে বলিতে লাগিলেন, যদি শোকে ও দুঃস্বপ্নে পড়িয়া আমার নিতান্তই বুদ্ধির ভ্রংশ ও দর্শনশক্তির ব্যতিক্রম না ঘটয়া থাকে, তাহা হইলে এ ব্যক্তি আমার পুত্র চিরঞ্জীব, ও অপর ব্যক্তি উহার পরিচারক কিঙ্কর, তাহার কোনও সন্দেহ নাই। তিনি চিরঞ্জীবকে পুত্র বলিয়া সম্ভাষণ করিবার নিমিত্ত নিতান্ত অস্থিরচিত্ত হইয়াছিলেন, কেবল অভিযোগের ও প্রত্যভিযোগের গোলযোগে অবকাশ পান নাই ; এক্ষণে অধিরাজকে সম্বোধন করিয়া বলিলেন, মহারাজ ! যদি অশ্রুমতি হয়, কিছু নিবেদন করিতে ইচ্ছা করি। অধিরাজ বলিলেন, বাহা ইচ্ছা হয় স্বচ্ছন্দে বল, কোনও বিষয়ে কিছুমাত্র সঙ্কোচ করিও না। সোমদত্ত বলিলেন, মহারাজ ! এত ক্ষণের পর এই জনতার মধ্যে আমি একটি আত্মীয় দেখিতে পাইয়াছি ; বোধ করি, তিনি টাকা দিয়া আমার প্রাণরক্ষা করিতে পারেন। অধিরাজ বলিলেন, সোমদত্ত ! যদি কোনও রূপে তোমার প্রাণরক্ষা হয়, আমি কি পর্যন্ত আক্লাদিত হই, বলিতে পারি না। তুমি তোমার আত্মীয়কে জিজ্ঞাসা কর, তিনি তোমায় প্রাণরক্ষার্থে এই মুহূর্ত্তে পাঁচ সহস্র টাকা দিতে প্রস্তুত আছেন কি না। তখন সোমদত্ত চিরঞ্জীবকে জিজ্ঞাসা করিলেন, কেমন গো বাবা ! তোমার নাম চিরঞ্জীব ও তোমার পরিচারকের নাম কিঙ্কর বটে ? বধ্যবেশধারী অপরিচিত বৈদেশিক ব্যক্তি অকস্মাৎ এরূপ প্রস্তাব করিলেন কেন, ইহার মর্ম্ম বুঝিতে না পারিয়া চিরঞ্জীব এক দৃষ্টিতে তাঁহার দিকে চাহিয়া রহিলেন। তখন সোমদত্ত বলিলেন, তুমি নিতান্ত অপরিচিতের স্তায় আমার দিকে চাহিয়া রহিলে কেন ? তুমি ও আমার বিলক্ষণ জান। চিরঞ্জীব বলিলেন, না মহাশয় ! আপনাকে চিন্তিত্বে

পারিতেছি না, এবং ইহার পূর্বে কখনও আপনাকে দেখিয়াছি এরূপ মনে হইতেছে না। সোমদত্ত বলিলেন, তোমার সঙ্গে শেষ দেখার পর শোকে ও দুর্ভাবনায় আমার আকৃতির এত পরিবর্তন হইয়াছে যে, আমায় চিনিতে পারা সম্ভব নহে; কিন্তু তুমি কি আমার স্বর চিনিতে পারিতেছ না? চিরঞ্জীব বলিলেন, না মহাশয়! আমি আর কখনও আপনকার স্বর শুনি নাই। তখন সোমদত্ত কিস্করকে জিজ্ঞাসিলেন, কেমন কিস্কর! তুমিও কি আমায় চিনিতে পারিতেছ না। কিস্কর বলিল, যদি আমার কথায় বিশ্বাস করেন, তবে বলি, আমি আপনাকে চিনিতে পারিতেছি না। অনন্তর সোমদত্ত চিরঞ্জীবকে বলিলেন, আমার নিশ্চিত বোধ হইতেছে তুমি আমায় চিনিতে পারিয়াছ। চিরঞ্জীব বলিলেন, আমারও নিশ্চিত বোধ হইতেছে, আমি আপনাকে চিনিতে পারিতেছি না; চিনিলে অস্বীকার করিবার কোনও প্রয়োজন ছিল না। আর, যখন আমি বারংবার বলিতেছি, আমি আপনাকে চিনিতে পারিতেছি না, তখন আমার কথায় অশ্রদ্ধা করিবারও কোনও কারণ দেখিতেছি না।

চিরঞ্জীবের কথা শুনিয়া, সোমদত্ত বিষণ্ণ ও বিস্ময়াপন্ন হইয়া বলিতে লাগিলেন, দুর্ভাগ্যক্রমে এই সাত বৎসরে আমার স্বরের ও আকৃতির এত বৈলক্ষণ্য ঘটিয়াছে যে, একমাত্র পুত্র চিরঞ্জীবও আজ আমায় চিনিতে পারিল না। যদিও আমি জরায় জীর্ণ ও শোকে শীর্ণ হইয়াছি, এবং আমার বুদ্ধিশক্তি, দর্শনশক্তি ও শ্রবণশক্তির প্রায় লোপাপত্তি হইয়াছে, তথাপি তোমার স্বর শুনিয়া ও আকৃতি দেখিয়া আমার স্পষ্ট প্রতীতি জন্মিতেছে, তুমি আমার পুত্র; এ বিষয়ে আমার অণুমাত্র সংশয় হইতেছে না। শুনিয়া কিঞ্চিৎ বিরক্তির প্রকাশ করিয়া চিরঞ্জীব বলিলেন, মহাশয়! আপনি সাত বৎসরের কথা কি বলিতেছেন, জ্ঞান হওয়া অবধি আমার পিতাকে দেখি নাই। সোমদত্ত বলিলেন, বৎস! যা বল না কেন, সাত বৎসর মাত্র তুমি হেমকূট হইতে প্রস্থান করিয়াছ; এই অল্প সময়ে এক কালে সমস্ত বিস্মৃতি হইয়াছে, ইহাতে আমি আশ্চর্য্যজ্ঞান করিতেছি। অথবা, আমার অবস্থার বৈশিষ্ট্য দর্শনে, এত লোকের সমক্ষে আমায় পিতা বলিয়া অঙ্গীকার করিতে তোমার লজ্জাবোধ হইতেছে। চিরঞ্জীব বলিলেন, মহাশয়! আমি জন্মাবচ্ছেদে কখনও হেমকূট নগরে যাই নাই; অধিরাজ বাহাদুর নিজের, এবং নগরের যে সকল লোক আমায় জানেন, সকলেই এ বিষয়ে সাক্ষ্য দিবেন; আমি আপনার সঙ্গে প্রবঞ্চনা করিতেছি না। তখন অধিরাজ বলিলেন, সোমদত্ত! চিরঞ্জীব বিংশতি বৎসর আমার নিকটে রহিয়াছে, এই বিংশতি বৎসরের মধ্যে ও যে

কখনও হেমকূট নগরে যায় নাই, আমি তাহার সাক্ষী। আমি ষাট বৃষিতেছি, শোকে, দুর্ভাবনায় ও প্রাণদণ্ডভয়ে তোমার বুদ্ধিব্রংশ ঘটয়াছে, তাহাতেই তুমি সমস্ত অসম্বন্ধ কথা বলিতেছ। সোমদত্ত নিভাস্ত নিরুপায় ভাবিয়া নিরস্ত হইলেন, এবং দীর্ঘনিশ্বাসপরিভ্যাগ পূর্বক অধোবদনে মৌনাবলম্বন করিয়া রহিলেন।

এই সময়ে, দেবালয়ের কর্ত্রী, হেমকূটবাসী চিরঞ্জীব ও কিঙ্করকে সমভি-
ব্যাহারে লইয়া অধিরাজের সম্মুখবর্তিনী হইলেন, এবং বহুমান পুরঃসর সন্তোষণ
করিয়া বলিলেন, মহারাজ! এই দুই বৈদেশিক ব্যক্তির উপর ষাট্টে অত্যাচার
হইয়াছে; আপনাকে তাহার বিচার করিতে হইবেক। ভাগ্যক্রমে ইহারা
দেবালয়ে প্রবেশ করিয়াছিলেন; নতুবা ইহাদের প্রাণনাশ পর্য্যন্ত ঘটতে পারিত।

এক কালে দুই চিরঞ্জীব ও দুই কিঙ্কর দৃষ্টিগোচর হইবামাত্র, সমবেত
ব্যক্তিবর্গ বিশ্বয়সাগবে মগ্ন হইয়া অগিচলিত নয়নে নিরীক্ষণ করিতে লাগিলেন।
চন্দ্রপ্রভা দুই স্বামী উপস্থিত দেখিয়া হতবুদ্ধি হইয়া রহিলেন। হেমকূটবাসী
চিরঞ্জীব সোমদত্তকে দেখিবামাত্র চিনিতে পারিলেন, এবং তদীয় দূর্বস্থা
দর্শনে সজল নয়নে জিজ্ঞাসিলেন, পিতঃ! আমি সাত বৎসর মাত্র আপনকার
সহিত বিষোজিত হইয়াছি; এই স্বল্প সময়ের মধ্যে আপনকার আকৃতির এত
বৈলক্ষণ্য ঘটয়াছে যে, সহসা চিনিতে পারা যায় না। সে যাহা হউক,
আপনকার শরীরে বধ্যবেশ লক্ষিত হইতেছে কেন? হেমকূটবাসী কিঙ্করও
তাঁহাকে চিনিতে পারিয়া ভূতলে দণ্ডবৎ পতিত হইয়া প্রণাম করিল এবং
অশ্রুপূর্ণ নয়নে জিজ্ঞাসিল, মহাশয়! কে আপনাকে বন্ধ করিয়া রাখিয়াছে,
বলুন। দেবালয়ের কর্ত্রীও কিয়ৎ ক্ষণ অনিমিষ নয়নে নিরীক্ষণ করিয়া
সোমদত্তকে চিনিতে পারিয়াছিলেন; এক্ষণে কিঙ্করের কথা শুনিয়া বাম্পাকুল
লোচনে শোকাকুল বচন বলিলেন, যে বন্ধন করুক, আমি তাহার বন্ধনমোচন
করিতেছি। অনন্তর তিনি সোমদত্তকে জিজ্ঞাসিলেন, কেমন মহাশয়!
আপনকার স্মরণ হয় আপনি লাবণ্যময়ীনারী এক মহিলার পাণিগ্রহণ করিয়া-
ছিলেন; ঐ দুর্ভাগার গর্ভে সর্বাংশে একাকৃতি দুই স্বমজ কুমার জন্মগ্রহণ করে।
আমি সেই হতভাগা লাবণ্যময়ী, অস্থাপি জীবিত রহিয়াছি। এ ক্ষণে আর
যে আপনকার দর্শন পাইব, এক মুহূর্তের জন্তেও আমার সে আশা ছিল না।
স্বর্দি পূর্ব বৃত্তান্তের স্মরণ থাকে,—

এই বলিতে বলিতে লাবণ্যময়ীর কর্ণরোধ হইল। চক্ষের জলে বন্ধঃস্থল
ভাসিয়া যাইতে লাগিল।

সহসা চিরঞ্জীবের মুখ দেখিয়া ও তদীয় অমৃতময় সম্ভাষণবাক্য শুনিয়া, সোমদত্তের হৃদয়কন্দর অনির্বচনীয় আনন্দমলিলে উচ্ছলিত হইয়াছিল ; এক্ষণে আবার লাবণ্যময়ীর উদ্দেশ্য পাইয়া যেন তিনি অমৃতসাগরে অবগাহন করিলেন, এবং বাম্পাকুল লোচনে গদগদ বচনে বলিলেন, প্রিয়ে ! আমি যেরূপ হতভাগ্য; তাহাতে পুনরায় তোমার ও চিরঞ্জীবের মুখনিরীক্ষণ করিব, কোনও রূপে সম্ভব নহে। তোমাদিগকে প্রত্যক্ষ করিতেছি বটে, কিন্তু তুমি যে বাস্তবিক লাবণ্যময়ী, আর ও যে বাস্তবিক চিরঞ্জীব, এখনও আমার সে বিশ্বাস হইতেছে না ; বলিতে কি, আমি এই সমস্ত স্বপ্নদর্শনবৎ বোধ করিতেছি। যাহা হউক, যদি তুমি ষথার্থই লাবণ্যময়ী হও, আমায় বল ; যে পুত্রটির সহিত এক গুণবৃক্ষে বদ্ধ হইয়া সমুদ্রে ভাসিয়াছিলে, সে কোথায় গেল ? সে কি অত্মপি জীবিত আছে ? এই কথার শ্রবণ মাত্র লাবণ্যময়ীর নয়নযুগল হইতে প্রবল বেগে বাষ্পবারি বিগলিত হইতে লাগিল ; কিয়ৎ ক্ষণ পর্য্যন্ত তাহার বাক্য-নিঃসরণ হইল না। পরে কিঞ্চিৎ অংশে শোকাবেগের সংবরণ করিয়া তিনি নিরতিশয় করুণ স্বরে বলিলেন, নাথ ! তোমার কথা শুনিয়া আমার চির-প্রস্তুত শোকসাগর উখলিয়া উঠিল। তোমার জিজ্ঞাসার উত্তর দিতে আমার হৃদয় বিদীর্ণ হইতেছে। আমরা তীরে উত্তীর্ণ হইলে পর, কর্ণপুরের লোকেরা চিরঞ্জীব ও কিঙ্করকে লইয়া পলায়ন করিল। আমি তোমার ও তনয়দিগের শোকে একান্ত বিকলচিত্ত হইয়া অহোরাত্র হাহাকার করিয়া পথে পথে কাঁদিয়া বেড়াইতে লাগিলাম। কিয়ৎ কাল অতীত হইলে কিঞ্চিৎ অংশে শোকসংবরণ করিয়া তোমাদের অন্বেষণে নির্গত হইলাম। কত কষ্টে কত দেশ পর্য্যটন করিলাম, কিন্তু কোনও স্থানে কোনও সম্ভান পাইলাম না, পরিশেষে তোমাদের পুনর্দর্শন বিষয়ে সম্পূর্ণ নিরাশ্বাস হইয়া স্থির করিলাম, আর আমার প্রাণধারণের প্রয়োজন নাই। এত ক্লেশে অসারদেহভারবহন করা বিড়ম্বনামাত্র ; অতএব আত্মঘাতিনী হই, তাহা হইলে এক কালে সকল ক্লেশের অবসান হইবেক। পরে আত্মঘাতিনী হওয়া সর্বদা অম্লচিত্ত বিবেচনা করিয়া, জীবনের অবশিষ্ট ভাগ তপস্যা ও দেবকার্য্যে নিয়োজিত করাই সংপরাশ্রম বলিয়া অবধারণিত করিলাম। অবশেষে জয়স্থলে আসিয়া এই দেবালয়ে প্রবিষ্ট হইয়া তপস্বিনীভাবে কালহরণ করিতেছি। জ্যেষ্ঠ চিরঞ্জীব ও তাহার সহচর কিঙ্কর অত্মপি জীবিত আছে কি না, আর যদিই জীবিত থাকে, কোথায় আছে, কিছুই বলিতে পারি না। অনন্তর লাবণ্যময়ী ও সোমদত্ত উভয়ে নিষ্পন্দ নয়নে পরস্পর মুখনিরীক্ষণ ও প্রতৃত্বাম্পবারিবিসর্জন করিতে লাগিলেন।

সর্বাংশে একাকৃতি দুই চিরঞ্জীব ও কিঙ্কর নয়নগোচর করিয়া, অধিরাজ বাহাদুরও কিছুই নির্ণয় করিতে না পারিয়া, সন্দ্বিহান চিন্তে কত কল্পনা করিতে-ছিলেন ; এক্ষণে লাবণ্যময়ী ও সোমদত্তের আলাপশ্রবণে সর্বাংশে ছিন্নসংশয় হইয়া সহাস্ত বচনে বলিলেন, সোমদত্ত ! তুমি প্রাতঃকালে আত্মবৃত্তান্তের

ধেরূপ বর্ণনা করিয়াছিলে, তাহার অনেক অংশে আমার বিলক্ষণ সংশয় ছিল, কিন্তু এক্ষণে তোমাদের জীপুত্রের কথোকপথন শুনিয়া সকল অংশে সম্পূর্ণরূপে সংশয়নিরাকরণ হইল। লাবণ্যময়ীর উপাখ্যান ষাড়া তোমার বর্ণিত যুগ্মস্বস্তব সম্পূর্ণ সমর্থন হইতেছে। এখন আমি স্পষ্ট বৃত্তিতে পায়িলাম, দুই চিরঞ্জীব তোমাদের সমজ সম্ভান; দুই কিস্কর তোমাদের ক্রীতদাস। আমাদের চিরঞ্জীব অতি শৈশব অবস্থায় তোমাদের সহিত বিবোজিত হইয়াছিলেন, এজন্য তোমায় চিনিতে পারেন নাই। ষাড়া হউক, মনুস্মের ভাগ্যের কথা কিছুই বলিতে পারা যায় না। তুমি ষাড়াদের অদর্শনে এত কাল জীবন্ত হইয়া ছিলে, এক কালে সেই সকলগুলির সহিত অসম্ভাবিত সমাগম হইল। তুমি এত দিন আপনাকে অতি হতভাগ্য জ্ঞান করিতে, কিন্তু এক্ষণে দৃষ্ট হইতেছে, তোমার তুলা সৌভাগ্যশালী মনুস্ম অতি বিরল। শেষ দশায় তোমার অদৃষ্টে যে একরূপ স্মৃষ্ণ ও একরূপ সৌভাগ্য ঘটিবেক, ইহা স্বপ্নের অগোচর।

সোমদত্তকে এইরূপ বলিয়া, হেমকূটবাসী চিরঞ্জীবকে জয়স্থলবাসী জ্ঞান করিয়া, অধিরাজ জিজ্ঞাসা করিলেন, কেমন চিরঞ্জীব! তুমি প্রথম কর্ণপুব হইতে আসিয়াছিলে? তিনি বলিলেন, না মহারাজ! আমি নই; আমি হেমকূট হইতে আসিয়াছি। এই কথা শুনিয়া অধিরাজ সন্মিত বদনে বলিলেন, ই। বুলিলাম, তুমি আমাদের চিরঞ্জীব নও; তুমি এই দিকে স্বতন্ত্র দাঁড়াও, তোমাদের কে কোন্ ব্যক্তি, চিনা ভার। তখন জয়স্থলবাসী চিরঞ্জীব বলিলেন, মহারাজ! আমি কর্ণপুব হইতে আসিয়াছিলাম; আপনকার পিতৃব্য বিখ্যাত বীর বিজয়বর্মা আমায় সঙ্গে আনিয়াছিলেন। জয়স্থলবাসী কিস্কর বলিল, আমি উঁহার সঙ্গে আসি। বিজয়বর্মান্ত বলিলেন, তোমরা দুজনে এক সঙ্গে এক দিকে দাঁড়াও।

এই সময়ে চন্দ্রপ্রভা চিরঞ্জীবদিগকে জিজ্ঞাসিলেন, তোমাদের দুজনের মধ্যে কে আজ মধ্যাহ্নকালে আমার সঙ্গে আহার করিয়াছিলে। হেমকূটবাসী চিরঞ্জীব বলিলেন, আমি। চন্দ্রপ্রভা বলিলেন, তুমি কি আমার স্বামী নও। তিনি বলিলেন, না, আমি তোমার স্বামী নই; কিন্তু তুমি স্বামী হির করিয়া আমায় বল পূর্বক বাটীতে লইয়া গিয়াছিলে, এবং সেই সংস্কারে আমায় অনেক অহু-যোগ করিয়াছিলে। তোমার ভগিনীও আমায় ভগিনীপতিজ্ঞানে পূর্বাগম সজ্ঞাষণ করিয়াছিলেন। আমি কিন্তু আশ্চোপান্ত বলিয়াছিলাম, জয়স্থলে আমার বাস নয়, আমি তোমার পতি নই, আমি এ পর্যন্ত বিবাহ করি নাই। তোমরা তৎকালে আমার সে সকল কথাই বিশ্বাস কর নাই। আমিই তোমার পতি, তোমার উপর বিরক্ত হইয়া একরূপ বলিতেছি, তোমরা দুই ভগিনীতেই পূর্বাগম সেই জ্ঞান করিয়াছিলে। এই বলিয়া তিনি বিলাসিনীকে সজ্ঞাষণ করিয়া সন্মিত বদনে বলিলেন, আমি তৎকালে পরিণয়প্রস্তাব করিতে তুমি বিনয়পন্ন হইয়াছিলে, এবং আমার যথোচিত ভৎসনা ও বহুবিধ আপত্তির উত্থাপন করিয়া-

ছিলে; এখন বোধ হয় তোমার আর সে সকল আপত্তি হইতে পারে না। বিলাসিনী গুনিয়া লজ্জায় নঙ্গমুখী হইয়া রহিলেন। কিন্তু তদীয় আকার প্রকার দর্শনে সন্নিহিত ব্যক্তি মাজেই বুঝিতে পারিলেন, চিরঞ্জীবের প্রস্তাবে তাঁহার কিছুমাত্র আপত্তি নাই। এই পরিণয়প্রসঙ্গ শ্রবণে নিরতিশয় পরিতোষ-প্রদর্শন করিয়া, অধিরাজ বিজয়বল্লভ খ্রীতিপ্রফুল্ল লোচনে বলিলেন, শুভ কার্ণোর বিলম্বে প্রয়োজন নাই; চিরঞ্জীব! বিলাসিনী কল্য তোমার সহধর্মিনী হইবেন।

অনন্তর বহুপ্রিয় স্বর্ণকার হেমকূটবাসী চিরঞ্জীবকে জিজ্ঞাসিলেন, আমি আপনাকে যে হার দিয়েছিলাম, আপনার গলায় এ সেই হার কি না। তিনি বলিলেন, এ সেই হার বটে; আমি এক বারও তাহা অস্বীকার করি নাই। তখন জয়হলবাসী চিরঞ্জীব স্বর্ণকারকে বলিলেন, তুমি কিন্তু এই হারের জন্মে আমার অবরুদ্ধ করাইয়াছিলে। বহুপ্রিয় লজ্জিত হইয়া বলিলেন, হাঁ মহাশয়! আমি আপনাকে রাজপুরুষের হস্তে সমর্পিত করিয়াছিলাম। কিন্তু, পূর্বাগর বিবেচনা করিয়া দেখিলে, আপনি আমায় অপরাধী করিতে পারেন না। চন্দ্রপ্রভা স্বীয় পতিকে জিজ্ঞাসিলেন, আমার অবরোধের সংবাদ পাইয়া কিঙ্কর দ্বারা যে স্বর্ণমুদ্রা পাঠাইয়াছিলাম, তুমি কি তাহা পাও নাই। জয়হলবাসী কিঙ্কর বলিল, কই, আপনি আমার দ্বারা স্বর্ণমুদ্রা পাঠান নাই। তখন হেমকূটবাসী চিরঞ্জীব বলিলেন, আমি কিঙ্করকে জাহাজের অহুসঙ্ঘানে পাঠাইয়া পান্থনিবাসে বসিয়া উৎসুকচিত্তে তাহার প্রত্যাগমনের প্রতীক্ষা করিতেছি, এমন সময় সে আসিয়া তোমার প্রেরিত বলিয়া আমার হস্তে এই স্বর্ণমুদ্রার খলি দেয়। আমি কিছুই বুঝিতে না পারিয়া আপনার নিকটে রাখিয়াছিলাম।

এইরূপে সংশয়ানোদনকাণ্ড সমাপিত হইলে জয়হলবাসী চিরঞ্জীব বলিলেন, মহারাজ! আমি বেরূপ গুনিয়াছি, তাহাতে সায়াংকালের মধ্যে দণ্ডের টাকা দিলেও আমার পিতা প্রাণদণ্ড হইতে অব্যাহতি পাইবেন, আপনি দয়া করিয়া এই আদেশপ্রদান করিয়াছেন; অল্পমতি হইলে ঐ টাকা আনাইয়া দিই। বিজয়বল্লভ বলিলেন, চিরঞ্জীব! তোমাদের এই অসম্ভাবিত সমাগম দর্শনে আমি যে অনির্কচনীয় খ্রীতিলাভ করিয়াছি তাহাতে আমার সম্বন্ধ সাম্রাজ্যের প্রাপ্তি অপেক্ষাও অধিকতর লাভবোধ হইয়াছে, অতএব তোমার পিতা দণ্ডপ্রদান ব্যতিরেকেই প্রাণদান পাইলেন। এই বলিয়া তিনি সন্নিহিত রাজপুরুষদিগকে সোমদণ্ডের বন্ধনমোচন ও বধ্যবশের অপসারণ করিতে আদেশ দিলেন।

এইরূপে সকল বিষয়ের সমাধান হইলে, লাবণ্যময়ী গলবস্ত্রা ও কুতাঞ্জলি হইয়া বিজয়বল্লভকে বলিলেন, মহারাজ! আমার কিছু প্রার্থনীয় আছে, কৃপা করিয়া শ্রবণ করিতে হইবেক। বিজয়বল্লভ বলিলেন, লাবণ্যময়ী। বাহা ইচ্ছা হয় স্বচ্ছন্দে বল, সঙ্কচিত হইবার অণুমাত্র আবশ্যকতা নাই, আজ তোমার কোনও কথাই অরক্ষিত হইবার বা কোনও প্রার্থনাই অপরি-

পুলিত থাকিবার আশঙ্কা নাই। শুনিয়া সাতিশয় হর্ষিত ও উৎসাহিত হইয়া লাবণ্যময়ী বলিতে লাগিলেন, মহারাজ! আমি এত কাল মনে করিতাম, আমার মত হতভাগ্যা মানবী ছুমণ্ডলে আর নাই, কিন্তু আজ দেখিতেছি, আমার মত ভাগ্যবতী অতি অল্প আছে। চিরবিয়োগের পর, এই অতর্কিত পতিপুত্রসমাগম দ্বারা আমি যে আজ কি হইয়াছি, বলিতে পারি না, আমার কলেবরে আনন্দপ্রবাহের সমাবেশ হইতেছে না। মহারাজ! আজ আমার কি উৎসবের দিন, আপনি অনায়াসে তাহাব অমুভব করিতে পারিতেছেন। বলিতে কি মহারাজ! এখনও এই সমস্ত ঘটনা আমার স্বপ্নদর্শনবৎ হইতেছে। যাহা হউক, এক্ষণে আমার প্রথম প্রার্থনা এই, অমুগ্রহ-প্রদর্শন পূর্বক আনায় পতি, পুত্রবধু লইয়া দেবালয়ে এই উৎসব-রজনী অতিবাহিত করিবার অমুমতি প্রদান করেন। দ্বিতীয় প্রার্থনা এই, যে সকল ব্যক্তি আজ এই অমুভূত ঘটনার সংশ্বে ছিলেন, তাঁহারা সকলে, দেবালয়ে উপস্থিত থাকিয়া কিয়ৎকাল আমোদ-আহ্লাদ করেন। তৃতীয় প্রার্থনা এই, মহারাজ নিজে উৎসব-সময়ে দেবালয়ে অধিষ্ঠান করেন। চতুর্থ প্রার্থনা এই, আমার তৃতীয় প্রার্থনা যেন ব্যর্থ না হয়।

লাবণ্যময়ী প্রার্থনা শ্রবণে বিজয়বল্লভ সহাস্ত-বদনে বলিলেন, আমি পূর্বেই বলিয়াছি, আজ আমি যেরূপ আনন্দলাভ করিয়াছি, জন্মাবচ্ছেদে কখনও তাদৃশ আনন্দ অমুভব কবি নাই এবং উত্তরকালেও যে কখনও আর তদ্রূপ আনন্দলাভ ধটিবে তাহা সম্ভাবিত বোধ হইতেছে না। অধিক আব কি বলিব, তোমরা আজ যেরূপ আনন্দ অমুভব করিতেছ, আমিও নিঃসন্দেহে সেইরূপ বৎ তদপেক্ষা অধিক আনন্দ অমুভব করিতেছি। চাঁবঞ্জীব! আমি যে পুত্র নিবিশেষে তোমায় লালন-পালন করিয়াছিলাম, আজ তাহা সর্বতোভাবে সার্থক হইল। বোধ হয় আমি পিতৃব্যের নিকট আগ্রহপূর্বক তোমায় না লইলে আজিকার এই স্বভূতপূর্ব সংঘটন দেখিতে ও তন্নিবন্ধন এই অনমুভূতপূর্ব আনন্দ অমুভব করিতে পারিতাম না। যাহা হউক, লাবণ্যময়ী! আমি স্থির করিয়াছিলাম, তোমাদের সকলকে আমার আলয়ে লইয়া গিয়া এবং রাজধানীর সমস্ত সন্মান লোককে সমবেত করিয়া আমোদ-আহ্লাদে এই উৎসবের রজনী অতিবাহিত করিব। কিন্তু তোমার ইচ্ছা শ্রবণগোচর করিয়া আমার সে ইচ্ছা বিসর্জন দিলাম। আজ তোমার যে স্তম্ভের দিন তাহাতে কোনও অংশে তোমার মনে অমুখের সঞ্চার হইতে দেওয়া উচিত নহে। ইচ্ছা বিঘাত হইলে পাছে তোমার অন্তঃকরণে অণুমাত্রও অমুখ জন্মে, এই আশঙ্কায় আমি তোমার প্রার্থনায় সন্মত হইলাম। আজ সকল বিষয়ে তোমার ইচ্ছাই বলবতী থাকিবে।

এই বলিয়া রাজপুষ্টিগের প্রতি রাজধানীস্থ সন্মান ব্যক্তিবর্গের নিমন্ত্রণের ও উপস্থিত মহোৎসবের উপযোগী আয়োজনের আদেশ দিয়া অধিরাজ-বিজয়বল্লভ শোমদত্ত পরিবারের সহিত দেবালয়ে প্রবেশ করিলেন।

শকুন্তল

প্রথম পরিচ্ছেদ

অতি পূর্ষ কালে, ভারতবর্ষে দুমন্ত নামে সম্রাট ছিলেন। তিনি, একদা, বহুতর সৈন্য সামন্ত সমভিব্যাহারে, যুগয়ায় গিয়াছিলেন। একদিন, যুগের অল্পসঙ্ঘানে বনমধ্যে ভ্রমণ করিতে করিতে, এক হরিণশিশুকে লক্ষ্য করিয়া, বাজা শরাসনে শরসঙ্ঘান করিলেন। হরিণশিশু, তদীয় অভিসন্ধি বৃষ্টিতে পায়িয়া, প্রাণভয়ে, দ্রুত বেগে, পলাইতে আরম্ভ করিল। রাজা রথারোহণে ছিলেন, সারথিকে আঁজা দিলেন যুগের পশ্চাৎ রথচালন কর। সারথি কশাঘাত করিবামাত্র, অস্থগণ বায়ুবেগে ধাৰমান হইল।

কিয়ৎ ক্ষণে রথ যুগের সন্নিহিত হইলে, রাজা শরনিক্ষেপের উপক্রম করিতেছেন, এমন সময়ে, দূর হইতে, দুই তপস্বী উচ্চৈঃস্বরে কহিতে লাগিলেন, মহারাজ! এ আশ্রমমুগ, বধ করিবেন না, বধ করিবেন না। সারথি, শুনিয়া অবলোকন করিয়া কহিল, মহারাজ! দুই তপস্বী এই যুগের প্রাণবধ করিতে, নিষেধ করিতেছেন। রাজা, তপস্বীর উল্লেখশ্রবণমাত্র, অতিমাত্র ব্যস্ত হইয়া, সারথিকে কহিলেন, স্বরায় রশ্মি সংযত করিয়া রথের বেগসংবরণ কর। সারথি, যে আঁজা মহারাজ বলিয়া, রশ্মি সংযত করিল।

এই অবকাশে, তপস্বীরা, রথের সন্নিহিত হইয়া, কহিতে লাগিলেন, মহারাজ! এ আশ্রমমুগ, বধ করিবেন না। আপনকার বাণ অতি তীক্ষ্ণ ও বজ্রসম, ক্ষীণজীবী অল্পপ্রাণ যুগশাবকের উপর নিক্ষিপ্ত হইবার ষোগ্য নহে। শরাসনে যে শর সংহিত করিয়াছেন, আশু তাহার প্রতिसংহার করুন। আপনকার শত্রু আর্ন্তের পরিজ্ঞানের নিমিত্ত, নিরপরাধের প্রহারের নিমিত্ত নহে।

রাজা, লজ্জিত হইয়া, তৎক্ষণাৎ, সংহিত শরের প্রতिसংহরণ পূর্বক, প্রণাম করিলেন! তপস্বীরা, দীর্ঘায়ুস্বস্ত বলিয়া, হস্ত তুলিয়া আশীর্বাদ করিলেন, এবং কহিলেন, মহারাজ! আপনি যে বংশে জন্মগ্রহণ করিয়াছেন, আপনকার এই বিনয় ও সৌজন্ম তদুপস্থিতই বটে! প্রার্থনা করি, আপনকার পুত্রলাভ

হউক, এবং সেই পুত্র এই সমাগরা সর্ষীপা পৃথিবীর অধিতীয় অধিপতি হউন রাজা প্রণাম করিয়া কহিলেন, ব্রাহ্মণের আশীর্বাদ শিরোধার্য করিলাম ।

অনন্তর, তাপসেরা কহিলেন, মহারাজ ! ঐ মালিনী নদীর তীরে, আমাদের গুরু মহর্ষি কথের আশ্রম দেখা বাইতেছে ; যদি কার্যক্ষতি না হয়, তথায় গিয়া অতিথিসংকার স্বীকার করুন । আর, তপস্বীরা কেমন নির্বিঘ্নে ধর্মকার্যের অহুষ্ঠান করিতেছেন, ইহা স্বচক্ষে প্রত্যক্ষ করিয়া, বুঝিতে পারিবেন, আপনকার ভুজবলে ভূমণ্ডল কিরূপ শাসিত হইতেছে । রাজা জিজ্ঞাসিলেন, মহর্ষি আশ্রমে আছেন ? তপস্বীরা কহিলেন, না মহারাজ ! তিনি আশ্রমে নাই ; এইমাত্র, স্বীয় তনয়া শকুন্তলার হস্তে অতিথিসংকারের ভারার্পণ করিয়া, তদীয় দুর্দৈবশাস্তির নিমিত্ত, সোমভীর্ষ, প্রস্থান করিলেন । রাজা কহিলেন, মহর্ষি আশ্রমে নাই, তাহাতে কোনও ক্ষতি নাই । আমি, অবিলম্বে, তদীয় তপোবন দর্শন করিয়া, আত্মাকে পবিত্র করিতেছি । তখন তাপসেরা, এক্ষণে আমরা চলিলাম, এই বলিয়া, প্রস্থান করিলেন ।

রাজা সারথিকে কহিলেন, স্তত ! রথচালন কর, তপোবনদর্শন হারা আত্মাকে পবিত্র করিব । সারথি, ভূপতির আদেশ পাইয়া, পুনর্বার রথচালন করিল । রাজা কিয়ৎ দূর গমন ও ইতস্ততঃ দৃষ্টিসঞ্চারণ করিয়া কহিলেন, স্তত ! কেহ কহিয়া দিতেছে না, তথাপি তপোবন বলিয়া বোধ হইতেছে । দেখ ! কোটরস্থিত শুকের মুখভ্রষ্ট নীবার সকল তরুতলে পতিত রহিয়াছে, তপস্বীরা যাহাতে ইঙ্গুলীফল ভাঙ্গিয়াছেন, সেই সকল উপলথও তৈলাস্ত পতিত আছে ; ঐ দেখ, কুশভূমিতে হরিণশিশু সকল, নিঃশব্দ চিন্তে, চারয়া বেড়াইতেছে ; এবং যজ্ঞীয় ধূমের সমাগমে, নব পল্লব সকল মলিন হইয়া গিয়াছে । সারথি কহিল, মহারাজ ! যথার্থ আঞ্জা করিতেছেন ।

রাজা, কিঞ্চিং গমন করিয়া, সারথিকে কহিলেন, স্তত ! আশ্রমের উৎপীড়ন হওয়া উচিত নহে ; অতএব, এই খানেই রথ রাখ, আমি অবতীর্ণ হইতেছি । সাবগি রশ্মি সংযত করিল । রাজা রথ হইতে অবতীর্ণ হইলেন । অনন্তর, তিনি স্বীয় শরীরে দৃষ্টিপাত করিয়া কহিলেন, স্তত ! তপোবনে বিনীত বেশে প্রবেশ করাই কর্তব্য ; অতএব, শরাসন ও সমুদয় আভরণ রাখ । এই বলিয়া, রাজা সেই সমস্ত স্ততহস্তে ত্যক্ত করিলেন, এবং কহিলেন, অশ্বগণের আজ অতিশয় পরিশ্রম হইয়াছে ; অতএব আশ্রমবাসীদিগের দর্শন করিয়া প্রত্যাগমন করিবার পূর্বেই, উহাদিগকে ভাল করিয়া বিশ্রাম করাও । সারথিকে এই আদেশ দিয়া, রাজা তপোবনে প্রবেশ করিলেন ।

তপোবনে প্রবেশ করিয়ামাত্র, তদীয় বাহু স্পন্দিত হইতে লাগিল। রাজা, তপোবনে পরিণয়সূচক লক্ষণ দেখিয়া, বিস্ময়াপন্ন হইয়া মনে মনে কহিতে লাগিলেন, এই আশ্রমপদ, শাস্ত্রসাম্পদ, অথচ আমার দক্ষিণ বাহু স্পন্দিত হইতেছে ; ঈদৃশ স্থানে মাদৃশ জনের এতদমুখায়ী ফললাভের সম্ভাবনা কোথায়। অথবা, ভবিতব্যের ষার সৰ্ব্বত্রই হইতে পারে। মনে মনে এই আন্দোলন করিতেছেন, এমন সময়ে, প্রিয়সখি ! এ দিকে, এ দিকে ; এই শব্দ রাজার কর্ণকুহরে প্রবিষ্ট হইল। রাজা শ্রবণ করিয়া কহিতে লাগিলেন, বৃক্ষবাটিকার দক্ষিণাংশে, যেমন স্ত্রীলোকের আলাপ শুনা যাইতেছে ; কিন্তু বৃতাস্ত অমুসন্ধান করিতে হইল।

এই বলিয়া, কিঞ্চিৎ গমন করিয়া, রাজা দেখিতে পাইলেন, তিনটি অল্প-বয়স্কী তপস্বিকন্তা, অনতিবৃহৎ সেচনকলস কক্ষে লইয়া, আলবালে জলসেচন করিতে আসিতেছেন। রাজা, তাঁহাদের রূপের মাদুরী দর্শনে চমৎকৃত হইয়া, কহিতে লাগিলেন, "ইহারা আশ্রমবাসিনী, ইহারা যেরূপ, এরূপ রূপবতী রমণী আমার অন্তঃপুরে নাই। বুঝিলাম, আজ উত্তানলতা, সৌন্দর্য্যগুণে, বনলতার নিকট পরাজিত হইল। এই বলিয়া, তরুতলে দণ্ডায়মান হইয়া, রাজা, অনিমিষ নয়নে, তাঁহাদিগকে নিরীক্ষণ করিতে লাগিলেন।

শকুন্তলা, অননুয়া ও প্রিয়ংবদা নামে দুই সহচরীর সহিত, বৃক্ষবাটিকাতে উপস্থিত হইয়া, আলবালে জলসেচন করিতে আরম্ভ করিলেন। অননুয়া, পরিহাস করিয়া, শকুন্তলাকে কহিলেন, সখি শকুন্তলে ! বোধ করি, তাতে কণ আশ্রমপাদপদিগকে তোমা অপেক্ষা অধিক ভাল বাসেন। দেখ, তুমি নবমালিকাকুম্ভকোমলা, তথাপি তোমায় আলবালজলসেচনে নিযুক্ত করিয়াছেন। শকুন্তলা ঈষৎ হাস্য করিয়া কহিলেন, সখি অননুয়ে ! কেবল পিতা আদেশ করিয়াছেন বলিয়াই, জলসেচন করিতে আসিয়াছি, এমন নয় ; আমাদেরও ইহাদের উপর সহোদরস্নেহ আছে। প্রিয়ংবদা কহিলেন, সখি শকুন্তলে ! গ্রীষ্মকালে যে সকল বৃক্ষের কুম্ভ হয়, তাহাদের সেচন সমাপ্ত হইল ; এক্ষণে, ষাহাদের কুম্ভের সময় অতীত হইয়াছে, আইস, তাহাদিগের সেচন করি। অনন্তর, সকলে মিলিয়া, সেই সমস্ত বৃক্ষে জলসেচন করিতে লাগিলেন।

রাজা, দেখিয়া শুনিয়া, প্রীত ও চমৎকৃত হইয়া, মনে মনে কহিতে লাগিলেন, এই সেই কণতনয়া শকুন্তলা ! মহর্ষি অতি অবিবেচক ; এমন শরীরে কেমন করিয়া বকল পরাইয়াছেন। অথবা, যেমন প্রাক্কল কল শৈবলযোগেও বিলক্ষণ

শোভা পায় ; যেমন পূর্ণ শশধর কলঙ্কসম্পর্কেও সাতিশয় শোভমান হয় ; সেইরূপ, এই সর্কাজহুন্দরী, বন্ধন পরিধান করিয়াও, যার পর নাই, মনোহারিণী হইয়াছেন। বাহাদের আকার স্বভাবসিদ্ধ সৌন্দর্যে সুশোভিত, তাহাদের কি না অলঙ্কারের কার্য্য করে।

শকুন্তলা, জলসেচন করিতে করিতে, সম্মুখে দৃষ্টিপাত পূর্বক, সখীদিগকে সম্বোধন করিয়া কহিলেন, সখি ! দেখ দেখ, সমীরণভয়ে, সহকারতরুর নব পল্লব পরিচালিত হইতেছে ; বোধ হইতেছে, যেন সহকাব, অঙ্গুলিসঙ্কেত দ্বারা, আমায় আহ্বান করিতেছে, অতএব, আমি উহার নিকটে চলিলাম। এই বলিয়া, তিনি, সহকারতরুতলে গিয়া, দণ্ডায়মানা হইলেন। তখন, প্রিয়ংবদা পরিহাস করিয়া কহিলেন, সখি ! ঐ খানে খানিক থাক। শকুন্তলা জিজ্ঞাসিলেন, কেন সখি ? প্রিয়ংবদা কহিলেন, তুমি সমীপবস্তিনী হওয়াতে, যেন সহকারতরু অতিমুক্ততার সহিত সমাগত হইল। শকুন্তলা শুনিয়া ঈষৎ হাস্য করিয়া কহিলেন, সখি ! এই জন্তেই তোমাঞ্ছ সকলে প্রিয়ংবদা বলে।

রাজা, প্রিয়ংবদার পরিহাসশ্রবণে, সাতিশয় পরিতোষ প্রাপ্ত হইয়া, মনে মনে কহিতে লাগিলেন, প্রিয়ংবদা যথার্থ কহিয়াছে কেন না, শকুন্তলার অধরে নবপল্লবশোভার সম্পূর্ণ আবির্ভাব বাহুশুগল কোমল বিটপের বিচিত্র শোভায় বিচূষিত আর, নব যৌবন, বিকসিত কুসুমরাশির ন্যায়, সর্কাজ ব্যাপিয়া রহিয়াছে।

অনন্থয়া কহিলেন, শকুন্তলে ! দেখ, দেখ, তুমি যে নবমালিকার বন-তোষিণী নাম রাখিয়াছ, সে, স্বয়ংবরা হইয়া সহকারতরুকে আশ্রয় করিয়াছে। শকুন্তলা, শুনিয়া, বনতোষিণীর নিকটে গিয়া, সর্ষ মনে কহিতে লাগিলেন, সখি অনন্থয়ে ! দেখ, ইহাদের উভয়েরই কেমন রমণীয় সময় উপস্থিত ; নবমালিকা, বিকসিত নব কুসুমে সুশোভিতা হইয়াছে আর সহকারও ফলভরে অবনত হইয়া রহিয়াছে। উভয়ের এইরূপ কথোপকথন হইতেছে, ইত্যবসরে, প্রিয়ংবদা হাস্যমুখে অনন্থয়াকে কহিলেন, অনন্থয়ে ! কি জন্তে শকুন্তলা সর্কাদাই বনতোষিণীকে উৎসুক নয়নে নিরীক্ষণ করে, জান ? অনন্থয়া কহিলেন, না সখি ! জানি না, কি বল দেখি। প্রিয়ংবদা কহিলেন, এট মনে করিয়া, যে, বনতোষিণী যেমন সহকারের সহিত সমাগতা হইয়াছে, আমিও যেন সেইরূপ আপন অঙ্গুরূপ বর পাই। শকুন্তলা বলিলেন, এটি তোমার আপনার মনের কথা।

শকুন্তলা, এই বলিয়া, অনতিদূরবর্তিনী মাধবীলতার সমীপবর্তিনী হইয়া, দৃষ্ট মনে প্রিয়ংবদাকে কহিলেন, সখি! তোমায় এক প্রিয় সংবাদ দি, মাধবীলতার, মূল অবধি অগ্র পর্য্যন্ত যুকুলনির্গত হইয়াছে। প্রিয়ংবদা কহিলেন, সখি! আমিও তোমায় এক প্রিয় সংবাদ দি, তোমার বিবাহ নিকট হইয়াছে। শকুন্তলা, শুনিয়া, কিঞ্চিৎ কৃত্রিম কোপ প্রদর্শিত করিয়া, কহিলেন, এ তোমার মনগড়া কথা, আমি শুনিতে চাই না। প্রিয়ংবদা কহিলেন, না সখি! আমি পরিহাস করিতেছি না। পিতার মুখে শুনিয়াছি, তাই বলিতেছি, মাধবীলতার এই যে যুকুলনির্গম, এ তোমারই শুভসূচক। উভয়ের এইরূপ কথোপকথন শুনিয়া, অননুয়া হাসিতে হাসিতে কহিলেন, প্রিয়ংবদে! এইজন্তেই শকুন্তলা মাধবীলতার, এতাদৃশ যত্ন সহকারে, জলসেচন ও উহার প্রতি এতাদৃশ স্নেহ-প্রদর্শন করে। শকুন্তলা কহিলেন, সে জন্তে ত নয় মাধবীলতা আমার ভগিনী হয়, এই নিমিত্ত উহাকে সতত স্নেহ নয়নে নিরীক্ষণ করি।

এই বলিয়া শকুন্তলা মাধবীলতার জলসেচনে প্রবৃত্ত হইলেন। এক মধুকর মাধবীলতার অভিনব মুকূলে মধুপান করিতেছিল; জলসেচ করিবারাত্র, মাধবীলতা পরিত্যাগ করিয়া, বিকসিত কুসুম ভ্রমে, শকুন্তলার প্রফুল্ল মুখকমলে উপবিষ্ট হইবার উপক্রম করিল। শকুন্তলা করপল্লবসঞ্চালন দ্বারা নিবারণ করিতে লাগিলেন। দুর্বৃত্ত মধুকর তথাপি নিবৃত্ত হইল না, গুন্ গুন্ করিয়া অধরসমীপে পরিভ্রমণ করিতে লাগিল। তখন শকুন্তলা একান্ত অধীরা হইয়া কহিতে লাগিলেন, সখি! পরিজ্ঞাপ কর, দুর্বৃত্ত মধুকর আমায় নিতান্ত ব্যাকুল করিয়াছে। তখন উভয়ে হাসিতে হাসিতে কহিলেন, সখি! আমাদের পরিজ্ঞাপ করিবার ক্ষমতা কি, দুঃস্বস্তকে স্মরণ কর রাজারাই তপোবনের রক্ষণাবেক্ষণ করিয়া থাকেন। উত্তরোত্তর ভ্রমর অধিকতর উৎপীড়ন করিতে আরম্ভ করিলে, শকুন্তলা কহিলেন, দেখ, এই দুর্বৃত্ত কোনও মতে নিবৃত্ত হইতেছে না আমি এখান হইতে যাই। এই বলিয়া দুই চারি পা গমন করিয়া কহিলেন, কি আপদ! এখানেও আবার আমার সঙ্গে সঙ্গে আসিতেছে। সখি! পরিজ্ঞাপ কর। তখন তাঁহারা পুনর্বার কহিলেন, প্রিয়সখি! আমাদের পরিজ্ঞাপের ক্ষমতা কি, দুঃস্বস্তকে স্মরণ কর, তিনি তোমার পরিজ্ঞাপ করিবেন।

রাজা, শুনিয়া, মনে মনে কহিতে লাগিলেন, ইহাদের সম্মুখে উপস্থিত হইবার বিলক্ষণ সুযোগ ঘটিয়াছে। কিন্তু রাজা বলিয়া পরিচয় দিতে ইচ্ছা হইতেছে না। কি করি। অথবা, অতিথিভাবে উপস্থিত হইয়া অভয় প্রদান

করি। এই স্থির করিয়া, রাজা, সন্ধ্যর গমনে তাঁহাদের সন্মুখবর্তী হইয়া, কহিতে লাগিলেন, পুরুবংশোদ্ভব দুঃসস্ত্র দুর্বৃত্তদিগের শাসনকর্তা বিচ্যামন থাকিতে, কার সাধ্য মুগ্ধভাবে তপস্বিকন্ঠাদিগের সহিত অশিষ্ট ব্যবহার করে ?

তপস্বিকন্ঠারা, এক অপরিচিত ব্যক্তিকে সহসা সন্মুখে উপস্থিত দেখিয়া, অতিশয় সঙ্কচিত হইলেন। কিঞ্চিৎ পরে, অনস্থয়া কহিলেন, না মহাশয় ! এমন কিছু অনিষ্টঘটনা হয় নাই। তবে কি জানেন, এক মধুকর আমাদের প্রিয়সখি শকুন্তলাকে অতিশয় ব্যাকুল করিয়াছিল ; তাহাতেই ইনি কিছু হইয়াছিলেন। রাজা, ঈষৎ হাস্য করিয়া, শকুন্তলাকে জিজ্ঞাসিলেন, কেমন, নিবিশ্লে তপস্বীকার্য্য সম্পন্ন হইতেছে ? শকুন্তলা লঙ্কায় জড়ীভূতা ও নন্দ্রমুখী হইয়া রহিলেন, কোনও উত্তর দিতে পারিলেন না। অনস্থয়া, শকুন্তলাকে উত্তরদানে পরাঙ্মুখী দেখিয়া, রাজাকে কহিলেন, হা মহাশয় ! নিবিশ্লে তপস্বীকার্য্য সম্পন্ন হইতেছে ; এক্ষণে অতিথিবিশেষের সমাগমলাভ হইয়া, সর্বিশেষ সম্পন্ন হইল। প্রিয়ংবদা শকুন্তলাকে সন্মোদন করিয়া কহিলেন, সখি ! যাও, যাও, শীঘ্র কুটির হইতে অর্ঘ্যপাত্র লইয়া আইস, জল আনিবার প্রয়োজন নাই, এই কলসে যে জল আছে, তাহাতেই প্রক্ষালনক্রিয়া সম্পন্ন হইবেক। রাজা কহিলেন, না, না, এত ব্যস্ত হইতে হইবেক না। মধুব সস্তাষণ ষারাই আতিথ্যক্রিয়া সম্পন্ন হইয়াছে। তখন অনস্থয়া কহিলেন, মহাশয় ! তবে এই শীতল সপ্তপর্ণবেদীতে উপবেশন করিয়া শ্রান্তি দূর করুন। রাজা কহিলেন, তোমরাও জলসেচন ষারা অতিশয় ক্লান্ত হইয়াছ, কিঞ্চিৎ কাল বিশ্রাম কর। প্রিয়ংবদা কহিলেন, সখি শকুন্তলে ! অতিথির অহুরোধ রক্ষা করা উচিত, এস, আমরাও বসি। অনস্তর, সকলে উপবেশন করিলেন।

এইরূপে সকলে উপবিষ্ট হইলে, শকুন্তলা মনে মনে কহিতে লাগিলেন, কেন, এই অপরিচিত ব্যক্তিকে নয়নগোচর করিয়া, আমার মনে তপোবনবিরুদ্ধ ভাবের উদয় হইতেছে ? এই বলিয়া তিনি, তাঁহার নাম, ধাম, জাতি, ব্যবসায়াদির বিষয় সর্বিশেষ অবগত হইবার নিমিত্ত, নিতাস্ত উৎসুকা হইলেন। রাজা তাপসকন্ঠাদিগের প্রতি দৃষ্টিপাত করিয়া কহিলেন, তোমাদের সমান রূপ, সমান বয়স, সমান ব্যবসায় ; সেই নিমিত্ত তোমাদের সৌন্দর্য্য সাতিশয় রমণীয় হইয়াছে। প্রিয়ংবদা, রাজার অগোচরে অনস্থয়াকে কহিলেন, সখি ! এ ব্যক্তি কে ? দেখ, কেমন সৌম্যমুষ্টি, কেমন গম্ভীরাকৃতি, কেমন প্রভাবশালী ! একান্ত অপরিচিত হইয়াও, মধুর আলাপ ষারা. চিরপরিচিত হৃদয়ের স্তায়, প্রতীতি জন্মাইতেছেন। অনস্থয়া কহিলেন, সখি ! আমরাও এ বিষয়ে

কৌতুহল জন্মিয়াছে, ভাল, জিজ্ঞাসা করিতেছি। এই বলিয়া, তিনি রাজাকে সম্বোধন করিয়া কহিলেন, মহাশয়! আপনকার মধুর আলাপ শ্রবণে সাহসিনী ইহা জিজ্ঞাসিতেছি, আপনি কোন্ রাজধিবংশ অলঙ্কৃত করিয়াছেন? কোন্ দেশকেই বা সম্ভ্রতি আপনকার বিরহে কাতর করিতেছেন? কি নিমিত্তেই বা, এরূপ স্নকুমার হইয়াও, তপোবনদর্শনপরিশ্রম স্বীকার করিয়াছেন? শকুন্তলা, শুনিয়া, মনকে প্রবোধ দিয়া কহিলেন, হৃদয়! এত উতলা হও কেন? তুমি যে জন্তে ব্যাকুল হইতেছ, অনন্থয়া সেই বিষয়েই জিজ্ঞাসা করিতেছে।

রাজা শুনিয়া, মনে মনে চিন্তা করিতে লাগিলেন, এখন কি রূপে আশ্ব-পরিচয় দি; যথার্থ পরিচয় দিলে, সকল প্রকাশ হইয়া পড়ে। এইরূপ তিনি কিঞ্চিৎ ভাবিয়া কহিলেন, ঋষিতনয়ে! আমি এই রাজ্যের ধর্মাধিকারে নিযুক্ত; পুণ্যাশ্রমদর্শন প্রসঙ্গে এই তপোবনে উপস্থিত হইয়াছি। অনন্থয়া কহিলেন, অল্প তপস্বীদিগের বড় সৌভাগ্য; মহাশয়ের সমাগমে তাঁহারা পরম পরিতোষ প্রাপ্ত হইবেক। এইরূপ কথোপকথন চলিতে লাগিল। কিন্তু, পরম্পর সন্দর্শনে, রাজা ও শকুন্তলা, উভয়েরই চিত্ত চঞ্চল হইল এবং উভয়েরই আকারে ও ইচ্ছিতে চিন্তাচঞ্চল্য স্পষ্ট প্রতীয়মান হইতে লাগিল। অনন্থয়া ও প্রিয়ংবদা, উভয়ের ভাব বুঝিতে পারিয়া, রাজার অগোচরে, শকুন্তলাকে সম্বোধিয়া কহিলেন, প্রিয়সখি! যদি আজ পিতা আশ্রমে থাকিতেন, জীবন-সর্বস্ব দিয়াও এই অতিথিকে তুষ্ট করিতেন। শকুন্তলা, শুনিয়া, কৃত্রিম কোপ-প্রদর্শন করিয়া কহিলেন, তোমরা কিছু মনে করিয়া এই কথা বলিতেছ; আমি তোমাদের কথা শুনিতে চাই না।

রাজা, শকুন্তলার বৃত্তান্ত সবিশেষ অবগত হইবার নিমিত্ত, একান্ত কৌতুহলাক্রান্ত হইয়া অনন্থয়া ও প্রিয়ংবদাকে কহিলেন, আমি তোমাদের সখীর বিষয়ে কিছু জিজ্ঞাসা করিতে বাঞ্ছা করি। তাঁহারা কহিলেন, মহাশয়! আপনকার এ অভ্যর্থনা অল্পগ্রহবিশেষ; যাহা ইচ্ছা হয়, সচ্ছন্দে জিজ্ঞাসা করুন। রাজা কহিলেন, শুনিয়াছি, মহর্ষি কথ কোমারব্রহ্মচারী, ধর্মচিন্তায় ও ব্রহ্মোপাসনায় একান্ত রত; জন্মাবচ্ছিন্নে দারপরিগ্রহ করেন নাই। অথচ, তোমাদের সহচরী তাঁহার তনয়া; ইহা কি রূপে সম্ভবিত্তে পারে, বুঝিতে পারিতেছি না।

রাজার এই জিজ্ঞাসা শুনিয়া, অনন্থয়া কহিলেন, মহাশয়! আমরা প্রিয়সখীর জন্মবৃত্তান্ত বেরূপ শুনিয়াছি, কহিতেছি, শ্রবণ করুন। শুনিয়া থাকিবেন, বিশ্বামিত্র নামে এক অতি প্রভাবশালী রাজর্ষি আছেন। তিনি,

একদা, গোমতী নদীর তীরে, অতিকঠোর তপস্বী করিতে আরম্ভ করেন। দেবতারা, সাতিশয় শক্তি হইয়া, রাজ্যের সমাধিভেদের নিমিত্ত, মেনকানারী অঙ্গরাকে পাঠাইয়া দেন। মেনকা, তদীয় তপস্বীস্থানে উপস্থিত হইয়া, মায়াজাল বিদ্বৃত করিলে। মহর্ষির সমাধিভঙ্গ হইল। বিশ্বামিত্র ও মেনকা সখীর জনক ও জননী। নির্দয়া মেনকা; সন্তঃপ্রসূতা তনয়াকে অরণ্যে পরিত্যাগ করিয়া, স্বস্থানে প্রস্থান করিল। আমাদের সখী সেই বিজন বনে অনাথা পড়িয়া বহিলেন। এক শকুন্ত, কোনও অনির্করচনীয় কারণে, স্নেহের বশবর্তী হইয়া, পক্ষপট দ্বারা আচ্ছাদন পূর্বক আমাদের সখীর রক্ষণাবেক্ষণ করিতে লাগিল। দৈবযোগে, তাত কথ পর্য্যটন ক্রমে, সেই সময়ে, সেই স্থানে উপস্থিত হইলেন। সন্তঃপ্রসূতা কন্যাকে তদবস্থ পতিত দেখিয়া তাঁহাৎ অন্তঃকরণে কারুণ্য রসের আবির্ভাব হইল। তিনি, তৎক্ষণাৎ আশ্রমে আনিয়া, স্বীয় তনয়ার স্নায়, লালন পালন করিতে আরম্ভ কবিলেন; এবং, প্রথমে শকুন্ত লালন করিয়াছিল, এই নিমিত্ত, নাম শকুন্তলা বাখিলেন।

রাজা শকুন্তলার জন্মবৃত্তান্ত অবগত হইয়া কাহিলেন, ইহা সম্ভব বটে, নতুবা, মানবীতে কি এরূপ অলৌকিক রূপ লাভণ্য সম্ভবিত্তে পাবে? ভূতল হইতে কখনও জ্যোতির্ময় বিদ্যুত্তেব উৎপত্তি হয় না। শকুন্তলা লজ্জাস নম্রমুখী লইয়া রহিলেন। প্রিয়ংবদা হস্তমুখে, শকুন্তলার দিকে দৃষ্টিপাত করিয়া, রাজাকে সম্বোধিয়া কাহিলেন, মহাশয়ের আকার ইঞ্জিত দর্শনে, বোধ হইতেছে, যেন আর কিছু জিজ্ঞাসা করিবেন! শকুন্তলা, রাজাব অগোচরে, প্রিয়ংবদাকে লক্ষ্য করিয়া, ক্রভঙ্গী ও অঙ্গুলিসঞ্চালন দ্বারা তর্জন করিতে লাগিলেন। রাজা কাহিলেন, বিলক্ষণ অল্পভব করিয়াছ; তোমাদের সখীর বিষয়ে, আমার আরও কিছু জিজ্ঞাস্ত আছে। প্রিয়ংবদা কাহিলেন, আপনি সম্বুচিত হইতেছেন কেন? যাহা ইচ্ছা হয়, সচ্ছন্দে জিজ্ঞাসা করুন। রাজা কাহিলেন, আমার জিজ্ঞাস্ত এই, তোমাদের সখী, যাবৎ বিবাহ না হইতেছে, তাবৎ পর্য্যন্ত মাত্র তাপসব্রত অবলম্বন করিয়া চলিবেন, অথবা, যাবৎস্বীকৃত, হরিশীর্ণ সহবাসে, কালহরণ করিবেন। প্রিয়ংবদা কাহিলেন; তাত কথ সঙ্কল্প করিয়া রাখিয়াছেন, অল্পরূপ পাত্র না পাইলে শকুন্তলার বিবাহ দিবেন না। রাজা শুনিয়া, নিরতিশয় হর্ষিত হইয়া মনে মনে কহিতে লাগিলেন, তবে আমার শকুন্তলাভ নিতান্ত অসম্ভাবনীয় নহে। হৃদয়! আশ্বাসিত হও, এক্ষণে সংশয়ের নিরাকরণ হইয়াছে; এ সুখস্পর্শ নীতল রত্ন; ইহাকে প্রদী; অগ্নি ভাবিয়া আর শঙ্কিত হইবার আবশ্যকতা নাই।

শকুন্তলা কৃত্রিম কোপদর্শন করিয়া কহিলেন, অনন্থয়ে ! আমি চলিলাম ; আর আমি এখানে থাকিব না। অনন্থয়া কহিলেন, সখি ! কি নিমিস্তে ? শকুন্তলা বলিলেন, দেখ, প্রিয়ংবদা, যা মুখে আসিতেছে, তাই বলিতেছে ; আমি আৰ্ধ্যা গৌতমীর নিকটে গিয়া এই সকল কথা বলিব। অনন্থয়া কহিলেন, সখি ! অভ্যাগত মহাশয়ের এ পর্য্যন্ত পরিচর্যা করা হইল নাই। বিশেষতঃ, আজ তোমার উপর অতিথি পরিচর্যার ভার আছে। অতএব, ইহারে পরিত্যাগ করিয়া তোমার চলিয়া যাওয়া উচিত নহে। শকুন্তলা, কিছু না বলিয়া, চলিয়া যাইতে লাগিলেন। তখন প্রিয়ংবদা শকুন্তলাকে কহিলেন, সখি ! তুমি যাইতে পাইবে না ; আমার এক কলসী জল ধার ; আগে শোধ দাও, তবে যাইতে দিব ! শকুন্তলা, কিঞ্চিং কুপিত হইয়া, ঋণপরিশোধের নিমিস্ত, কলসী লইয়া, জল আনিতে উদ্যত হইলেন। তখন রাজা প্রিয়ংবদাকে কহিলেন, তাপসকন্ঠে ! তোমায় সখী বৃক্ষসেচন দ্বারা অতিশয় ক্লান্ত হইয়াছেন ; খার উহাকে, পল্লী হইতে জল আনাইয়া, অধিকতর ক্লান্ত করা উচিত হয় না। আমি তোমার সখীকে ঋণমুক্ত করিতেছি। এই বলিয়া, রাজা, স্বীয় অঙ্গুলি হইতে অঙ্গুরীয় উন্মোচিত করিয়া, জলকলসের মূল্যস্বরূপ প্রিয়ংবদার হস্তে অর্পণ করিলেন।

অনন্থয়া ও প্রিয়ংবদা, অঙ্গুরীয় রাজকীয় নামাক্ষরে অঙ্কিত দেখিয়া, চকিত হইয়া, পরস্পর মুখনিরীক্ষণ করিতে লাগিলেন। অঙ্গুরীতে দুয়ন্তনাম মুদ্রিত আছে, অর্পণসময়ে রাজার তাহা মনে ছিল না। এক্ষণে, তিনি, আত্মপ্রকাশের সম্ভাবনা দর্শনে সাবধান হইয়া কহিলেন, রাজকীয় নামাক্ষর দেখিয়া তোমরা অশ্রুতা ভাবিও না। আমি রাজপুত্র ; রাজা আমার, প্রসাদচিহ্নস্বরূপ এই নামাক্ষিত অঙ্গুরীয় পুরস্কার দিয়াছেন। প্রিয়ংবদা, রাজার ছল বুঝিতে পারিয়া, সহাস্ত বদনে কহিলেন, মহাশয় ! তবে এই অঙ্গুরীয় অঙ্গুলিবিষুক্ত করা কর্তব্য নহে ; আপনার কথাতেই ইনি ঋণে মুক্ত হইলেন ; পরে, ঈর্ষং হাসিয়া, শকুন্তলার দিকে চাহিয়া কহিলেন, সখি শকুন্তলে ! এই মহাশয়, অথবা মহারাজ, তোমায় ঋণে মুক্ত করিলেন ; এক্ষণে, ইচ্ছা হয়, যাও। শকুন্তলা মনে মনে কহিতে লাগিলেন, এ ব্যক্তিকে পরিত্যাগ করিয়া যাওয়া আর আমার সাধ্য নহে ; অনন্তর, প্রিয়ংবদাকে কহিলেন, আমি যাই, না যাই, তোমার কি ?

রাজা, শকুন্তলার দিকে দৃষ্টিপাত করিয়া, মনে মনে কহিতে লাগিলেন, আমি ইহার প্রতি বৈরাগ্য, এ আমার প্রতি সৈরাগ্য কি না, বুঝিতে পারিতেছি

না। অথবা, আর সন্মেলনের বিষয় কি? আমার সহিত কথা কহিতেছে না; অথচ, আমি কথা কহিতে আরম্ভ করিলে, অনন্তচিত্ত হইয়া, স্থির কর্ণে শ্রবণ করিতেছে; নয়নে নয়নে লক্ষ্য হইলে তৎক্ষণাৎ মুখ ফিরাইয়া লইতেছে; অথচ, অস্ত্র দিকেও অধিক লক্ষ্য চাহিয়া থাকিতেছে না। অন্তঃকরণে অহুরাগ-সঞ্চার না হইলে, কামিনীদিগের কদাচ একরূপ ভাব হয় না।

রাজা ও তাপসকন্যাদিগের এইরূপ আলাপ চলিতেছে, এমন সময়ে, সহসা, অনতিদূরে, অতি মহান্ কোলাহল উখিত হইল, এবং কেহ কহিতে লাগিল, হে তপস্বিগণ! ঋগ্যজুর্বিহারী রাজা দুঃস্বপ্ন, সৈন্য সামন্ত সমভিব্যাহারে, তপোবন সমীপে উপস্থিত হইয়াছেন, তোমরা, আশ্রমস্থ প্রাণিসমূহের বক্ষণার্থে, সত্বর ও যত্ববান্ হও; বিশেষতঃ, এক আরণ্য হস্তী, রাজ্যের বনদর্শনে নিবতিশয় চকিত হইয়া, তপস্কার মূর্তিমান বিঘ্নস্বরূপ, ধর্ম্মারণ্যে প্রবেশ করিতেছে।

তাপসকন্যারা শুনিয়া সাতিশয় শঙ্কাকুল হইলেন। রাজ্য, বিবস্ত্র হইয়া, মনে মনে কহিতে লাগিলেন, কি আপদ! অহুযায়ী লোকেরা, আমায় অশ্রেষণে আসিয়া, তপোবনের পীড়া জন্মাইতেছে। যাহা হউক, এক্ষণে, সত্বর নিবারণ করা আবশ্যিক। অনস্থ্যা ও প্রিয়ংবদা কহিলেন, মহারাজ! আবণ্য গজের উল্লেখ শুনিয়া আমবা অতিশয় শঙ্কিত হইয়াছি, অশ্রুমাতি করুন, কুটীবে যাই। রাজা ব্যস্ত হইয়া কহিলেন, তোমরা কুটীরে যাও; আমিও তপোবনের পীড়াপরীহারের নিমিত্ত চলিলাম। অনস্থ্যা ও প্রিয়ংবদা প্রস্থানকালে কহিলেন, মহারাজ! যেন পুনরায় আপনার দর্শন পাই। সমুচিত অতিথিসংকার করা হয় নাই; এজন্য, আমরা অতিশয় লজ্জিত হইতেছি। রাজা কহিলেন, না, না, তোমাদের দর্শনেই আমার যথেষ্ট সৎকারলাভ হইয়াছে।

অনস্তর সকলে প্রস্থান করিলেন। শকুন্তলা, দুই চারি পা চলিয়া, ছল করিয়া কহিলেন, অনস্থয়ে! কুশাগ্রী ষারা পদতল ক্ষত হইয়াছে; এজন্য, আমি শীঘ্র চলিতে পারিতেছি না; আর আমার বন্ধল কুরবকশাথায় লাগিয়া গিয়াছে; কিঞ্চিৎ অপেক্ষা কর, ছাড়াইয়া লই। এই বলিয়া, বন্ধলমোচনচ্ছলে বিলম্ব করিয়া, শকুন্তলা, সন্তুষ্ট নয়নে, রাজাকে নিরীক্ষণ করিতে লাগিলেন। রাজাও মনে মনে কহিতে লাগিলেন, শকুন্তলাকে দেখিয়া, আর আমার নগর-গমনে তাদৃশ অহুরাগ নাই। অতএব, তপোবনের অনতিদূরে শিবির লগ্নিবেশিত করি; কি আশ্চর্য্য! আমি, কোনও মতেই, আমার চঞ্চল চিত্তকে শকুন্তলা হইতে নিবৃত্ত করিতে পারিতেছি না।

দ্বিতীয় পরিচ্ছেদ

রাজা, ঝগরায় আগমনকালে, স্বীয় প্রিয়বয়স্ক মাধবানামক ব্রাহ্মণকে সমভিব্যাহারে আনিয়াছিলেন। রাজসহচরেরা, নিয়ত রাজভোগে কালযাপন করিয়া, স্বভাবতঃ সাতিশয় বিলাসী ও সুখাভিলাষী হইয়া উঠে। অশন, বসন, শয়ন, উপবেশন, কোনও বিষয়ে কিঞ্চিন্মাত্র ক্লেশ হইলে, তাহাদের একান্ত অসহ হয়। মাধব্য রাজধানীতে অশেষবিধ সুখসম্ভোগে কালহরণ করিতেন। অরণ্যে যে সকল সুখভোগের সম্পর্ক ছিল না; প্রত্যুত, সকল বিষয়ে সর্বিশেষ ক্লেশ ঘটিয়া উঠিয়াছিল।

এক দিবস, প্রভাতে গাত্রোথান করিয়া, ষৎপরোনাস্তি বিরক্ত হইয়া, মাধব্য মনে মনে কহিতে লাগিলেন, এই ঝগরায়ীল রাজার সহচর হইয়া প্রাণ গেল। প্রতিদিন প্রাতঃকালৈ ঝগরায় যাইতে হয়, এবং এই ঝগ, ঐ বরাহ, ঐ শার্দূল, ঐ এই করিয়া, মধ্যাহ্নকাল পর্য্যন্ত বনে বনে ভ্রমণ করিতে হয়। গ্রীষ্মকালে পল্লব ও বননদী সকল শুষ্কপ্রায় হইয়া আইসে; যে অল্পপ্রমাণ জল থাকে. তাহাও, বৃক্ষের গলিত পত্র সকল অনবরত পতিত হওয়াতে, অতিশয় কটু ও কষায় হইয়া উঠে। পিপাসা পাইলে সেই বিরস বারি পান করিতে হয়। আহারের সময় নিয়মিত নাই; প্রায় প্রতিদিন অনিয়ত সময়েই আহার করিতে হয়। আহারসামগ্রীর মধ্যে শূন্য মাংসই অধিকাংশ; তাহাও প্রত্যহ প্রত্নরূপ পাক করা হয় না। আর, প্রাতঃকাল অবধি মধ্যাহ্ন পর্য্যন্ত অশ্ব-পৃষ্ঠে পরিভ্রমণ করিয়া, সর্ব শরীর বেদনায় একরূপ অভিভূত হইয়া থাকে যে, রাজ্যিতেও সুখে নিদ্রা যাইতে পারি না। রাজ্যিশেষে নিদ্রার আবেশ হয়, কিন্তু, ব্যাধগণের বনগমনকোলাহলে, অতি প্রত্যুষেই নিদ্রাভঙ্গ হইয়া যায়। স্বরায় যে এই সকল ক্লেশের অবসান হইবেক, তাহারও সম্ভাবনা দেখিতেছি না। সে দিবস, আমরা পঞ্চাৎ পড়িলে, রাজা, একাকী, এক ঝগের অহুসরণক্রমে, তপোবনে প্রবিষ্ট হইয়া, আমাদের দুর্ভাগ্য বশতঃ, শকুন্তলানারী এক তাপসকন্ডা নিরীকণ করিয়াছেন। তাহাকে দেখিয়া অবধি নগরগমনের কথা আর মুখে আনেন না। এই ভাবিতে ভাবিতেই, রাজ্যি প্রভাত হইয়া গেল; এক বারও চক্ষু মুদি নাই।

মাধব্য এই সমস্ত চিন্তা করিতেছেন, এমন সময়ে দেখিতে পাইলেন, রাজা, ঝগরায় বেশধারণ পূর্বক, তৎকালোচিত সহচরণে পরিবেষ্টিত হইয়া, সেই

দিকে আসিতেছেন। তখন তিনি মনে মনে এই বিবেচনা করিলেন, বিকলাঙ্গের জ্ঞায় হইয়া থাকি ; তাহা হইলেও, যদি আজ বিশ্রাম করিতে পাই। এই বলিয়া, মাধব্য, ভয়কলেবরের ত্রায়, একান্ত বিকল হইয়া রহিলেন ; পরে রাজা সন্নিহিত হইবামাত্র, সাতিশয় কাতরতাপ্রদর্শন পূর্বক কহিলেন, বয়স্ত ! আমার সৰ্ব শরীর অবশ হইয়া আছে ; হস্ত প্রদান্নিত করি, এমন ক্ষমতা নাই ; অতএব, কেবল বাক্য দ্বারাই আশীর্বাদ করিতেছি ।

রাজা মাধব্যকে, তদবস্থ অবস্থিত দেখিয়া, জিজ্ঞাসা করিলেন, বয়স্ত ! তোমার শরীর এরূপ বিকল হইল কেন ? মাধব্য কহিলেন, কেন হইল কি আবার ; স্বয়ং অস্থি ভাঙ্গিয়া দিয়া, অশ্রুপাতের কারণ জিজ্ঞাসা করিতেছ ? রাজা কহিলেন, বয়স্ত ! বুঝিতে পারিলাম না, স্পষ্ট করিয়া বল। মাধব্য কহিলেন, নদীতীরবর্তী বেতস যে কুঞ্জভাব অবলম্বন করে, সে কি স্বেচ্ছা বশতঃ সেইরূপ করে, অথবা নদীর বেগপ্রভাবে ? রাজা কহিলেন, নদীর বেগ তাহার কারণ। মাধব্য কহিলেন, তুমিও আমার অঙ্গবৈকল্যের। রাজা কহিলেন, সে কেমন ? মাধব্য কহিলেন, আমি কি বলিব, ইহা কি উচিত হয় যে, ষাঙ্ককার্য্য পরিত্যাগ করিয়া, বনচরের ব্যবসায় অবলম্বন পূর্বক, নিয়ত বনে বনে ভ্রমণ করিবে। আমি ব্রাহ্মণের সন্তান, সৰ্ব্বদা, তোমার সঙ্গে সঙ্গে, যুগের অধেষণে কাননে কাননে ভ্রমণ করিয়া, সন্ধিবন্ধ সকল শিখিল হইয়া গিয়াছে, এবং সৰ্ব শরীর অবশ হইয়া রহিয়াছে। অতএব, বিনয়বাক্যে প্রার্থনা করিতেছি, অন্ততঃ, এক দিনের মত, আমায় বিশ্রাম করিতে দাও ।

রাজা, মাধব্যের প্রার্থনা শুনিয়া, মনে মনে কহিতে লাগিলেন, এ ত এইরূপ কহিতেছে, আমারও, শকুন্তলাদর্শন অবধি, যুগয়া বিষয়ে মন নিতান্ত নিরুৎসাহ হইয়াছে। শরাসনে শরসন্ধান করি, কিন্তু যুগের উপর নিক্ৰিপ্ত করিতে পারি না ; তাহাদের মঞ্জুল নয়ন নয়নগোচর হইলে, শকুন্তলার অলৌকিকবিভ্রম-বিলাসশালী নয়নযুগল মনে পড়ে। মাধব্য, রাজার মুখে দৃষ্টিপাত করিয়া, কহিলেন, ইনি আর কিছু ভাবিতে লাগিলেন, আমি অরণ্যে রোদন করিলাম। রাজা ঈষৎ হাস্য করিয়া কহিলেন না হে না, আমি অল্প কিছু ভাবিতেছি না, যুগ্যাক্য লজ্জিত হওয়া উচিত নহে, এই বিবেচনায় আজ যুগয়ায় ক্রান্ত হইলাম। মাধব্য, শ্রবণমাত্র, যার পর নাই আনন্দিত হইয়া, চিরজীবী হও বলিয়া, চলিয়া ষাইবার উপক্রম করিলেন, রাজা কহিলেন, বয়স্ত ! ষাইও না, আমার কিছু কথা আছে। মাধব্য, কি কথা বল বলিয়া, শ্রবণোগ্রহ হইয়া, দ্বণ্ডায়মান রহিলেন। রাজা কহিলেন, বয়স্ত ! কোনও অনয়াসনাধ্য কর্ণে

আমার সহায়তা করিতে হইবেক। মাধব্য কহিলেন, বুঝিয়াছি, আর বলিতে হইবেক না, মিষ্টান্নভক্ষণে ; সে বিষয়ে আমি বিলক্ষণ নিপুণ বটে, অনায়াসেই সম্পূর্ণ সহায়তা করিতে পারিব। রাজা কহিলেন, না হে না, আমি যা বলিব। এই বলিয়া, দৌবারিককে আহ্বান করিয়া, রাজা সেনাপতিকে আনিবার নিমিত্ত আদেশ দিলে।

দৌবারিকমুখে রাজার আহ্বানবার্তা শ্রবণ করিয়া, সেনাপতি অনতিবিলম্বে নরপতিগোচরে উপস্থিত হইলেন, এবং, মহারাজের জয় হউক বলিয়া, রুতাজলিপুটে নিবেদন করিলেন, মহারাজ ! সমস্ত উত্তোগ হইয়াছে ; আর অনর্থ কালহরণ করিতেছেন কেন, যুগয়ায় চলুন। রাজা কহিলেন, আজ মাধব্য যুগয়ার দোষকীর্তন করিয়া আমায় নিকৃৎসাহ করিয়াছে। সেনাপতি, রাজার অগোচরে, অল্পক্ষণে মাধব্যকে কহিলেন, সখে ! তুমি স্থিরপ্রাতজ্ঞ হইয়া থাক ; আমি কিয়ৎ ক্ষণ প্রভুর চিন্তাবৃত্তির অম্বুবর্তন করি ; অনন্তর, রাজাকে কহিলেন, মহারাজ ! ও পাগলের কথা শুনেন কেন ? ও কখন কি না বলে ? যুগয়া অপকারী কি উপকারী, মহারাজই বিবেচনা করুন না কেন। দেখুন, প্রথমতঃ, সুলতা ও জড়তা অপগত হইয়া, শরীর বিলক্ষণ পটু ও কর্ণাণ হয় ; ভয় জন্মিলে, অথবা ক্রোধের উদয় হইলে, শুষ্কগণের মনের গতি কিরূপ হয়, তাহা বারংবার প্রত্যক্ষ হইতে থাকে ; আর, চল লক্ষ্য শরক্ষেপ করা অভ্যাস হইয়া আইসে ; মহারাজ ! যদি চল লক্ষ্য শরক্ষেপ অব্যর্থ হয়, ধনুর্ধরের পক্ষে অধিক শ্লাঘার বিষয় আর কি হইতে পারে ? যাহারা যুগয়াকে ব্যসনমধ্যে গণ্য করে, তাহারা নিতান্ত অর্বাচীন ; বিবেচনা করুন, এরূপ আমোদ, এরূপ উপকার, আর কিসে আছে ? মাধব্য শুনিয়া, কৃত্রিম কোপপ্রদর্শন করিয়া কহিলেন, অরে নরাধম ! ক্ষান্ত হ' আর তোর প্রবৃত্তি জন্মাইতে হইবেক না ; আজ উনি আপন প্রকৃতি প্রাপ্ত হইয়াছেন। আমি দিব্য চক্ষে দেখিতেছি, তুই, বনে বনে ভ্রমণ করিয়া, এক দিন, নরনাসিকালোলুপ ভল্লকের মুখে পড়িবি।

উভয়ের এইরূপ বিবাদারম্ভ দেখিয়া, রাজা সেনাপতিকে সোধোদন করিয়া কহিলেন, দেখ, আমরা আশ্রমসমীপে আছি ; এজন্ত, তোমার মতে সম্মত হইতে পারিলাম না। অস্ত্র মহিষেরা নিপাঠন অবগাহন করিয়া নিকৃৎসে গেল জলক্রীড়া করুক ; হরিণগণ তরুচ্ছায়ায় দলবদ্ধ হইয়া রোমন্থ অভ্যাস করুক ; বরাহেরা অশঙ্কিত চিন্তে পললে মুস্তাভক্ষণ করুক ; আর, আমার শরাসনও বিশ্রামলাভ করুক। সেনাপতি কহিলেন, মহারাজের যেমন অভিক্রটি। রাজা কহিলেন, তবে যে সমস্ত যুগয়াসহচর অগ্রেই বনপ্রস্থান করিয়াছে, তাহাদিগকে

ফিরাইয়া আন; আর, সেনাশংক্রান্ত লোকদিগকে সবিশেষ সতর্ক করিয়া দাও, যেন তাহারা কোনও ক্রমে তপোবনের উৎপীড়ন না জন্মায়।

সেনাপতি, যে আজ্ঞা মহারাজ বলিয়া, নিষ্ক্রান্ত হইলে, রাজা সন্নিহিত শূন্যসহচরদিগকে শূন্যবশে পরিত্যাগ করিতে আদেশ দিলেন। তদনুসারে, তাহারা তথা হইতে প্রস্থান করিলে, রাজা ও মাধব্য, সন্নিহিত লতামণ্ডপে প্রবিষ্ট হইয়া, শীতল শিলাতলে উপবেশন করিলেন।

এইরূপে উভয়ে নির্জনে উপবিষ্ট হইলে, রাজা মাধব্যকে সম্বোধন করিয়া কহিলেন, বয়স্ত! তুমি চক্ষুর ফল পাও নাই; কারণ দর্শনীয় বস্তুই দেখ নাই। মাধব্য কহিলেন, কেন তুমি ত আমার সম্মুখে বহিয়াছ। রাজা কহিলেন, তা নয় হে, আমি আশ্রমললামভূতা কণ্ঠহিতা শকুন্তলাকে লক্ষ্য করিয়া কহিতেছি। মাধব্য, কৌতুক করিবার নিমিত্ত, কহিলেন, এ কি বয়স্ত! তপস্বিকণ্ঠাব অভিলাষ! রাজা কহিলেন, বয়স্ত! পুরুবংশীয়েরা এরূপ ছুবাচার নহে যে, পরিহার্য বস্তুর উপভোগে অভিলাষ করে। তুমি জ্ঞান না, শকুন্তলা মেনকাগর্ভ-সন্তুতা, রাজর্ষি বিশ্বামিত্রের তনয়া; তপস্বী আশ্রমে প্রতিপালিত হইয়াছে এই মাত্র, বস্তুতঃ তপস্বিকণ্ঠা নহে।

মাধব্য, শকুন্তলাব প্রতি রাজার প্রগাঢ় অমুরাগ দেখিয়া, হাস্তমুখে কহিলেন, যেমন, পিণ্ডথর্জুর ভক্ষণ করিয়া, রসনা মিষ্ট রসে অভিভূত হইলে, তিস্তিলী-ভক্ষণে স্পৃহা হয়; সেইরূপ, জ্বরিত্ত্বভোগ পরিতৃপ্ত হইয়া, তুমি এই অভিলাষ করিতেছ। রাজা কহিলেন, না বয়স্ত! তুমি তাকে দেখ নাই, এই নিমিত্ত এরূপ কহিতেছ। মাধব্য কহিলেন, তার সন্দেহ কি; যাহা তোমারও বিশ্বাস হইয়াছে, সে বস্তু অবশ্যই রমণীয়। রাজা কহিলেন, বয়স্ত! অধিক আর কি বলিব, তার শরীর মনে করিলে, মনে এই উদয় হয়, বুঝি বিধাতা, প্রথমতঃ চিত্রপটে চিত্রিত করিয়া, পরে জীবনদান করিয়াছেন; অথবা, মনে মনে মনোমত উপকরণসামগ্রী সকল সঙ্কলিত করিয়া, মনে মনে অঙ্গ প্রত্যঙ্গ গুলির স্থানস্থানে বিস্তার পূর্বক, মনে মনেই তাহার শরীরনির্মাণ করিয়াছেন; হস্ত দ্বারা নির্মিত হইলে, শরীরের সেরূপ মাদ্রব ও রূপলাবণ্যের সেরূপ মাধুরী সম্ভবিত না। ফলতঃ, ভাই রে, সে এক অদ্ভুতপূর্ব জ্বরিত্ত্বশক্তি। মাধব্য কহিলেন, বয়স্ত। বুঝিলাম, শকুন্তলা যাবতীয় রূপবতীদিগের পরাভবস্থান। রাজা কহিলেন, তাহার রূপ অমাত্রাত প্রফুল্ল কুসুম স্বরূপ, নখাধাতবর্জিত নব পল্লব স্বরূপ, অনাস্বাদিত অভিনব মধু স্বরূপ, জন্মান্তরীণ পুণ্যরাশির অধঃ ফল স্বরূপ, জ্ঞানি না, কোন ভাগ্যবানের ভাগ্যে সেই নির্মল রূপের ভোগ আছে।

রাজার মুখে শকুন্তলার এইরূপ বর্ণনা শুনিয়া, চমৎকৃত হইয়া, মাধব্য কহিলেন, বয়স্ত ! তবে শীঘ্র তাহাকে হস্তগত কর ; দেখিও, ঘেন, তোমার ভাবিতে চিন্তিতে, এরূপ অশ্ললভরূপনিধান কন্তানিধান কোনও অসভ্য তপস্বীর হস্তে পতিত না হয় । রাজা কহিলেন, শকুন্তলা নিতান্ত পরাধীনা ; বিশেষতঃ, কুলপতি কথ এক্ষণে আশ্রমে নাই । মাধব্য কহিলেন, ভাল বয়স্ত ! তোমায় এক কথা জিজ্ঞাসা করি, বল দেখি, তোমার উপর তার অমুরাগ কেমন ? রাজা কহিলেন, বয়স্ত ! তপস্বিকন্টার স্বাভাবতঃ অপ্রগল্ভস্বভাবা ; তথাপি, তাহার আকারে ও ইন্দ্রিতে, আমার প্রতি তদীয় অমুরাগের স্পষ্ট লক্ষণ লক্ষিত হইয়াছে —যত ক্ষণ আমার সম্মুখে ছিল, আমার সহিত কথা কয় নাই ; কিন্তু, আমি কথা কহিতে আরম্ভ করিলে, অনন্তচিত্তা হইয়া, স্থির কর্ণে শ্রবণ করিয়াছে ; নয়নে নয়নে সঙ্গতি হইলে, মুখ ফিরাইয়া লইয়াছে, কিন্তু অগ্ৰ দিকেও অধিক ক্ষণ চাহিয়া থাকে নাই । আবার, প্রহ্নানকালে, কতিপয় পদ মাত্র গমন করিয়া কুশের অঙ্কুরে পদতল্ল ক্ষত হইল, চলিতে পারি না, এই বলিয়া দাঁড়াইয়া রহিল; আর, কুরবকশাখায় বঙ্কল লাগিয়াছে, এই বলিয়া, বঙ্কলমোচনচ্ছলে বিলম্ব করিয়া, আমার দিকে মুখ ভিরাইয়া, সতৃষ্ণ নয়নে, বারংবার নিরীক্ষণ করিতে লাগিল । এ সকল অমুরাগের লক্ষণ বই আর কি হইতে পারে ? মাধব্য কহিলেন, বয়স্ত ! তবে তোমার মনোরথসিদ্ধির অধিক বিলম্ব নাই । ভাগ্যক্রমে, তপোবন তোমার উপবন হইয়া উঠিল । রাজা কহিলেন, বয়স্ত ! কোনও কোনও তপস্বীরা আমায় চিনিতে পারিয়াছেন । বল দেখি, এখন কি ছলে কিছু দিন তপোবনে থাকি । মাধব্য কহিলেন, কেন অগ্ৰ ছলের প্রয়োজন কি ? তুমি রাজা, তপোবনে গিয়ে তপস্বীদিগকে বল, আমি রাজস্ব আদায় করিতে আসিয়াছি ; ষাৎ তোমরা রাজস্ব না দিবে, তাৎ আমি তপোবনে থাকিব । রাজা কহিলেন, তপস্বীরা, সামান্ত প্রজার ন্যায়, রাজস্ব দেন না, তাঁহারা অগ্ৰবিধ রাজস্ব দিয়া থাকেন ; তাঁহারা যে রাজস্ব দেন, তাহা রত্নরাশি অপেক্ষাও প্রার্থনীয় । দেখ, সামান্ত প্রজারা রাজাদিগকে যে রাজস্ব দেয়, তাহা বিনশ্বর ; কিন্তু তপস্বীরা তপস্কার ষষ্ঠাংশরূপ অবিনশ্বর রাজস্ব প্রদান করিয়া থাকেন ।

রাজা ও মাধব্য, উভয়ের এইরূপ কথোপকথন চলিতেছে ; এমন সময়ে ষারবান আসিয়া কহিল, মহারাজ ! তপোবন হইতে দুই ঋষিকুমার আসিয়া ষারদেশে দণ্ডায়মান আছেন, কি আজ্ঞা হয় । রাজা কহিলেন, অবিলম্বে লইয়া আইস । তদনুসারে, ঋষিকুমারেরা, রাজসমীপে উপনীত হইয়া, মহারাজের জয় হটক বলিয়া, আশীর্বাদ করিলেন । রাজা আসন হইতে গাভোত্থান পূর্বক

প্রণাম করিলেন, এবং জিজ্ঞাসিলেন, তপস্বীরা কি আজ্ঞা করিয়া পাঠাইয়াছেন, বলুন। ঋষিকুমারেরা কহিলেন, মহারাজ ! আপনি এখানে আছেন জানিতে পারিয়া, তপস্বীরা মহারাজকে এই অহুরোধ করিতেছেন যে, মহর্ষি আশ্রমে নাই, এই নিমিত্ত, নিশাচরেরা যজ্ঞের বিষ জন্মাইতেছে ; অতএব, আপনাকে, তাঁহার প্রত্যাগমন পর্য্যন্ত, এই স্থানে থাকিয়া, তপোবনের উপদ্রবনিবারণ করিতে হইবেক। রাজা কহিলেন, তপস্বীদিগের এই আদেশ অমুগৃহীত হইলাম। মাধব্য কহিলেন, বয়স্ত ! মন্দ কি, এ তোমার অমুকুল গলহস্ত। রাজা শুনিয়া ঈষৎ হাস্ত করিলেন ; অনন্তর, দৌবারিককে আহ্বান করিয়া, সারথিকে রথ প্রস্তুত করিতে আদেশ দিয়া, ঋষিকুমারদিগকে কহিলেন, আপনারা প্রস্থান করুন, আমি যথাকালে তপোবনে উপস্থিত হইবোঁছি। ঋষিকুমারেরা অতিশয় আফ্লাদিত হইয়া কহিলেন, মহারাজ ! না হইবেক কেন ? আপনি যে বংশে জন্মগ্রহণ করিয়াছেন, আপনকার এই ব্যবহার তাহার উপযুক্তই বটে। বিপদ-গ্রস্তকে অভয়দান পুরুবংশীয়দিগের কুলব্রত।

এই বলিয়া, আশীর্বাদ করিয়া, ঋষিকুমারেরা প্রশ্নান করিলে পর, রাজা মাধব্যকে জিজ্ঞাসা করিলেন, বয়স্ত ! যদি তোমার শকুন্তলাদর্শনে কৌতুহল থাকে, আমার সমভিব্যাহারে চল। মাধব্য কহিলেন, তোমার মুখে তাহার বর্ণনা শুনিয়া দৌধিতে অতিশয় অভিলাষ হইয়াছিল, কিন্তু এক্ষণে, নিশাচরের নাম শুনিয়া, সে অভিলাষ এক বারে গিয়াছে। রাজা শুনিয়া, ঈষৎ হাস্ত করিয়া কহিলেন, ভয় কি, আমার নিকটে থাকিবে। মাধব্য কহিলেন, তবে আর নিশাচরে আমার কি করিবেক ? এইরূপ কথোপকথন হইতেছে, এমন সময়ে, দ্বারপাল আসিয়া কহিল, মহারাজ ! রথ প্রস্তুত, আরোহণ করিলেই হয়, কস্ত, বুদ্ধা মহিষীর বার্তা লইয়া করভক এই মাত্র রাজধানী হইতে উপস্থিত হইল। রাজা কহিলেন, উহারে অবিলম্বে আমার নিকটে লইয়া আইস। অনন্তর, করভক রাজসমীপে আসিয়া নিবেদন করিল, মহারাজ ! বুদ্ধা দেবী আজ্ঞা কারিয়াছেন, আগামী চতুর্থ দিবসে তাঁহার এক ব্রত আছে ; সেই দিবস, মহারাজকে তথায় উপস্থিত থাকিতে হইবেক।

এ দিকে তপস্বীদিগের কার্য, ও দিকে গুরুজনের আজ্ঞা, উভয়ই অহুঙ্কর্য্যনীয় এই নিমিত্ত, কর্তব্যনিরূপণে অসমর্থ হইয়া, রাজা নিতান্ত আকুলচিত্ত হইলেন, এবং মাধব্যকে কহিলেন, বয়স্ত ! বিষম সঙ্কটে পড়িলাম ; কি করিব, কিছুই স্থির করিতে পারিতেছি না। মাধব্য পরিহাস করিয়া কহিলেন, কেন, ত্রিশঙ্কর মত মধ্যস্থলে থাক। রাজা কহিলেন, বয়স্ত ! এ পরিহাসের সময় নয় ; সত্য

সত্যই, নিতান্ত ব্যাকুল হইয়াছি; কি করি, কিছুই স্থির করিতে পারিতেছি না। পরে, তিনি কিয়ৎ ক্ষণ চিন্তা করিয়া কহিলেন, সখে! মা তোমায় পুত্রবৎ পরিগৃহীত করিয়াছেন: তুমি রাজধানী করিয়া যাও, এবং জননীর পুত্রকার্য্য সম্পন্ন কর। ঠাঁহাকে কহিবে, তপস্বীদিগের কার্য্যে সাতিশয় ব্যস্ত আছি, এজন্ত যাইতে পারিলাম না। মাধব্য; ভাল, আমি চলিলাম; কিন্তু তুমি যেন আমায় নিশাচরভয়ে কাতর মনে করিও না; এই বলিয়া কহিলেন, এখন আমি রাজার অহুজ হইলাম; অতএব, রাজার অহুজের মত যাইতে ইচ্ছা করি। রাজা কহিলেন, আমার সঙ্গে অধিক লোক জন রাখিলে, তপোবনের উৎপীড়ন হইতে পারে, অতএব, সমুদয় অহুচরদিগকে তোমারই সঙ্গে পাঠাইতেছি। মাধব্য গুনিয়া সাতিশয় আহ্লাদিত হইয়া কহিলেন, আজ আমি স্বার্থ যুবরাজ হইলাম।

এইরূপে মাধব্যের রাজধানীপ্রতিগমন অবধারিত হইল, রাজার অন্তঃকরণে এই আশঙ্কা উপস্থিত হইল, এ অতি চপলস্বভাব; হয় ত, শকুন্তলাবৃত্তান্ত অস্তঃপুরে প্রকাশ করিবেক, ইহার উপায় করি; অথবা এই বলিয়া বিদায় করি, এই স্থির করিয়া, তিনি মাধব্যের হস্তে ধরিয়া কহিলেন, বয়শু! ঋষিরা, কয়েক দিনের জন্ত, তপোবনে থাকিতে অহুরোধ করিয়াছেন, এই নিমিত্ত রহিলাম; নতুবা, স্বার্থ ই আমি শকুন্তলালাভে অভিলাসী হইয়াছি, এরূপ ভাবিও না। আমি ইতঃপূর্বে তোমার নিকট শকুন্তলাসংক্রান্ত যে সকল গল্প করিয়াছি, সে সমস্তই পরিহাসমাত্র; তুমি যেন, স্বার্থ ভাবিয়া, একে আর করিও না। মাধব্য কহিলেন, তার সন্দেহ কি; আমি এক বারও তোমার ঐ সকল কথা স্বার্থ মনে করি নাই।

অনন্তর, রাজা তপস্বীদিগের স্বজবিঘ্ননিবারণার্থে, তপোবনে প্রবিষ্ট হইলেন; এবং মাধব্যও, স্বাভাবিক সৈন্ত সামন্ত ও সমস্ত আত্মস্বাদিক সঙ্গে লইয়া, রাজধানী প্রস্থান করিলেন।

তৃতীয় পরিচ্ছেদ

রাজা, মাধব্য সমভিব্যাহারে সমস্ত সৈন্ত সামন্ত বিদায় করিয়া দিয়া, তপস্বিকার্যের অহুরোধে তপোবনে অবস্থিতি করিলেন ; কিন্তু, দিন যামিনী, কেবল শকুন্তলাচিন্তায় একান্ত মগ্ন হইয়া, দিনে দিনে ক্লশ, মলিন, দুর্বল, ও সৰ্ব বিষয়ে নিতান্ত নিরুৎসাহ হইতে লাগিলেন। আহার, বিহার, শয়ন, উপবেশন, কোনও বিষয়েই, তাঁহার মনের সুখ ছিল না। কোন্ সময়ে, কোন্ স্থানে গেলে, শকুন্তলাকে দেখিতে পাইবেন, নিয়ত এই অহুধ্যান ও এই অহুসঙ্কান। কিন্তু, পাছে তপোবনবাসীরা তাঁহার অভিসন্ধি বুঝিতে পারেন, এই আশঙ্কায়, তিনি সতত সাতিশয় সঙ্কুচিত থাকেন।

এক দিন, মধ্যাহ্ন কালে, রাজা, নির্জনে উপবিষ্ট হইয়া, ভাবিতে লাগিলেন, শকুন্তলার দর্শন ব্যতিরেকে, আর আমার প্রাণরক্ষার উপায় নাই। কিন্তু, তপস্বীদিগের প্রয়োজন সম্পন্ন হইলে, যখন তাঁহার আমায় রাজধানী প্রতিগননব অহুমতি করিবেন, তখন আমার কি দশা হইবেক ; কি রূপে তাপিত প্রাণ শীতল করিব। সে যাহা হউক, এখন কোথায় গেলে শকুন্তলাকে দেখিতে পাই! বোধ করি, প্রিয়া মালিনীতীরবর্তী শীতল লতামণ্ডপে আতপকাল অতিবাহিত করিতেছেন ; সেই খানে যাই, তাঁহারে দেখিতে পাইব। এই বলিয়া তিনি, গ্রীষ্মকালের মধ্যাহ্ন সময়ে, সেই লতামণ্ডপের উদ্দেশে প্রস্থান করিলেন।

এ দিকে, শকুন্তলাও, রাজদর্শনদিবস অবধি দুঃসহ বিরহবেদনায়, সাতিশয় কাতর হইয়াছিলেন। ফলতঃ, তাঁহার ও রাজার অবস্থার, কোনও অংশে কোনও প্রভেদ ছিল না। সে দিবস, শকুন্তলা সাতিশয় অসুস্থ হওয়াতে, স্বনন্দ্যা ও প্রিয়ংবদা তাঁহাকে মালিনীতীরবর্তী নিকুঞ্জবনে লইয়া গেলেন, ও মধ্যবর্তী শীতল শিলাতলে, নব পল্লব ও জলাঙ্গ নলিনীদল প্রভৃতি দ্বারা শয্যা প্রস্তুত করিলেন ; এবং তাহাতে শয়ন করাইয়া, অশেষ প্রকারে শুশ্রূষা করিতে লাগিলেন।

রাজা, ক্রমে ক্রমে, সেই নিকুঞ্জবনের সন্নিহিত হইয়া, চরণচিহ্ন প্রভৃতি লক্ষণ দ্বারা বুঝিতে পারিলেন, শকুন্তলা তথায় অবস্থিতি করিতেছেন। তিনি, কিঞ্চিৎ অগ্রসর হইয়া, লতার অন্তরাল হইতে, শকুন্তলাকে দৃষ্টিগোচর করিয়া,

বৎপরোনাস্তি প্রীত হইয়া, কহিতে লাগিলেন, আঃ ! আমার নয়নভূগল শীতল হইল, প্রিয়ারে দেখিলাম । ইহারা তিন সখীতে কি কথোপকথন করিতেছেন, লতাবিতানে ব্যবহিত হইয়া কিয়ৎ ক্ষণ শ্রবণ ও অবলোকন করি । এই বলিয়া, রাজা, উৎসুক মনে শ্রবণ, ও সতৃষ্ণ নয়নে অবলোকন, করিতে লাগিলেন ।

শকুন্তলার শরীরসস্তাপ সাতিশয় প্রবল হওয়াতে, অনন্থয়া ও প্রিয়ংবদা, শীতল সলিলাত্র নলিনীদল লইয়া, কিয়ৎ ক্ষণ বায়ুসঞ্চালন করিলেন, এবং জিজ্ঞাসিলেন, সখি শকুন্তলে ! কেমন, নলিনীদলবায়ু তোমার স্বথজনক বোধ হইতেছে ; শকুন্তলা কহিলেন, সখি ! তোমরা কি বাতাস করিতেছ ? উভয়ে, শুনিয়া, সাতিশয় বিষন্ন হইয়া, পরস্পর মুখনিরীক্ষণ করিতে লাগিলেন । বাস্তবিক, তৎকালে শকুন্তলা, দুঃস্থচিন্তায় একান্ত মগ্ন হইয়া, এক বারে বাহুজ্ঞানশূন্য হইয়াছিলেন । রাজা, শুনিয়া, ও শকুন্তলার অবস্থা দেখিয়া, মনে মনে বিবেচনা করিতে লাগিলেন; ইহাকে আজ নিরতিশয় অস্বস্থশরীরী দেখিতেছি । কিন্তু কি কারণে ইনি এরূপ অস্বস্থ হইয়াছেন । গ্রীষ্মের প্রাদুর্ভাব বশতঃ ইহার ঈদৃশ অস্বথ, কি যে কারণে আমার এই দশা ঘটিয়াছে ইহারও তাহাই । অথবা, এ বিষয়ে আর সংশয় করিবার আবশ্যিকতা নাই । গ্রীষ্মদোষে কামিনীগণের এরূপ অবস্থা কোনও মতেই সম্ভাবিত নহে ।

প্রিয়ংবদা, শকুন্তলার অগোচরে, অনন্থয়াকে কহিলেন, সখি ! সেই রাজধির প্রথম দর্শন অবধিই, শকুন্তলা কেমন একপ্রকার হইয়াছে ; ঐ কারণে ত ইহার এ অবস্থা ঘটে নাই ? অনন্থয়া কহিলেন, সখি ! আমারও ঐ আশঙ্কাই হয় ; ভাল, জিজ্ঞাসা করিতেছি । এই বলিয়া, তিনি শকুন্তলাকে সঞ্চোধন করিয়া কহিলেন, প্রিয়সখি ! তোমার শরীরের গ্নানি উত্তরোত্তর প্রবল হইয়া উঠিতেছে ; অতএব, আমরা তোমায় কিছু জিজ্ঞাসা করিতে চাই । শকুন্তলা কহিলেন, সখি ! কি বলিবে, বল । তখন অনন্থয়া কহিলেন, তোমার মনের কথা কি, আমরা তাহার বিন্দু বিসর্গও জানি না ; কিন্তু, ইতিহাসকথায় বিরহী জনের যেরূপ অবস্থা শুনিতে পাই, বোধ হয়, তোমারও যেন সেই অবস্থা ঘটিয়াছে । সে যা হউক, কি কারণে তোমার এত অস্বথ হইয়াছে, বল ; প্রকৃত রূপে রোগনির্গম না হইলে, প্রতীকারচেষ্টা হইতে পারে না । শকুন্তলা কহিলেন, সখি ! আমার অতিশয় ক্লেশ হইতেছে, এখন বলিতে পারিব না । প্রিয়ংবদা কহিলেন, অনন্থয়া ভালই বলিতেছে ; কেন আপনার মনের বেদনা পোপন করিয়া রাখ ? দিন দিন ক্রম ও দুর্বল হইতেছে ।

দেখ, তোমার শরীরে আর কি আছে ; কেবল লাবণ্যময়ী ছায়া মাত্র অবশিষ্ট রহিয়াছে ।

রাজা, অন্তরাল হইতে শ্রবণ করিয়া, কহিতে লাগিলেন, প্রিয়ংবদা ষথার্থ কহিয়াছেন , শকুন্তলার শরীর নিতান্ত ক্লশ ও একান্ত বিবর্ণ হইয়াছে । কিন্তু, কি চমৎকার ! এ অবস্থায় দেখিয়াও, আমার মনের ও নয়নের অনির্কচনীয় প্রীতিলভ হইতেছে ।

অবশেষে, শকুন্তলা, মনে ব্যথা আর গোপন করা অসাধ্য বিবেচনা করিয়া- দীর্ঘ নিশ্বাস পরিত্যাগ পূর্বক কহিলেন, সখি ! যদি তোমাদের কাছে না বলিব, আর কার কাছেই বলিব ; কিন্তু, মনের বেদনা ব্যক্ত করিয়া, তোমাদিগকে কেবল দুঃখভাগিনী করিব । অননুয়া ও প্রিয়ংবদা কহিলেন, সখি ! এই নিমিত্তই ত আমরা এত আগ্রহ করিতেছি । তুমি কি জান না, আত্মীয় জনের নিকট দুঃখের কথা কহিলেও, দুঃখের অনেক লাভ হয় ।

এই সময়ে, রাজা শঙ্কিত হইয়া মনে মনে কহিতে লাগিলেন, যখন সূখের স্মৃতি ও দুঃখের দুঃখী জিজ্ঞাসা করিয়াছেন, তখন অবশ্যই ইনি আপন মনের বেদনা ব্যক্ত করিবেন । প্রথমদর্শনদিবসে, প্রস্থানকালে, সতুষ্ট নয়নে বারংবার নিরীক্ষণ করাতে, অহুরাগের স্পষ্ট লক্ষণ প্রদর্শিত হইয়াছিল ; তথাপি, এখন কি বলিবেন, এই ভয়ে অভিভূত ও কাঁতর হইতেছি ।

শকুন্তলা কহিলেন, সখি ! যে অবধি আমি সেই রাজ্যধিকে নয়নগোচর করিয়াছি—এই মাত্র কহিয়া, লঙ্কায় নশ্রমুখী হইয়া রহিলেন, আর বলিতে পারিলেন না । তখন তাঁহার উভয়ে কহিতে লাগিলেন, সখি ! বল, বল, আমাদের নিকট লঙ্কা কি ? শকুন্তলা কহিলেন, সেই অবধি, তাঁহাতে অহুরাগিনী হইয়া, আমার এই অবস্থা ঘটয়াছে । এই বলিয়া, তিনি, বিবর্ণ বদনে, অশ্রুপূর্ণ নয়নে, লঙ্কায় অধোমুখী হইয়া রহিলেন । অননুয়া ও প্রিয়ংবদা সাতিশয় প্রীত হইয়া কহিলেন, সখি ! সৌভাগ্যক্রমে তুমি অহুরূপ পাঞ্জেই অহুরাগিনী হইয়াছ ; অথবা, মহানদী সাগর পরিত্যাগ করিয়া আর কোন্ জলাশয়ে প্রবেশ করিবেক ?

রাজা, শুনিয়া, আহ্লাদসাগরে মগ্ন হইয়া, কহিতে লাগিলেন, যা শুনিবার, তা শুনিলাম ; এত দিনের পর আমার তাপিত প্রাণ শীতল হইল ।

শকুন্তলা কহিলেন, সখি ! আর আমি যাতনা সঙ্ক করিতে পারি না ; এখন প্রাণবিরোগ হইলেই পরিজ্ঞান হয় । প্রিয়ংবদা, শুনিয়া, সাতিশয় শঙ্কিত হইয়া, শকুন্তলার অগোচরে, অননুয়াকে কহিলেন, সখি ! আর ইহাকে-

লাঞ্ছনা করিয়া কান্ত রাধিবায় সময় নাই; আমার মতে, আর কালাতিপাত করা কর্তব্য নয়; স্বরায় কোনও উপায় করা আবশ্যিক। তখন অনহুয়া कहিলেন, সখি! বাহাতে, অবিলম্বে, অথচ গোপনে, শকুন্তলার মনোরথ সম্পন্ন হয়, এমন কি উপায়, বল। প্রিয়ংবদা कहিলেন, সখি! গোপনের জ্ঞেই ভাবনা, অবিলম্বে হওয়া কঠিন নয়। অনহুয়া कहিলেন, কি জ্ঞে, বল দেখি। প্রিয়ংবদা कहিলেন, কেন, তুমি কি দেখ নাই, সেই রাজর্ষিও, শকুন্তলাকে দেখিয়া অবধি, দিন দিন দুর্বল ও রুশ হইতেছেন?

রাজা, গুনিয়া, স্বীয় শরীরে দৃষ্টিপাত করিয়া कहিলেন, যথার্থই এরূপ হইয়াছি বটে। নিরন্তর অন্তরতাপে তাপিত হইয়া, আমার শরীর বিবর্ণ হইয়া গিয়াছে; এবং দুর্বল ও রুশও ষৎপরোনাস্তি হইয়াছি।

প্রিয়ংবদা कहিলেন, অনহুয়ে! শকুন্তলার প্রণয়পত্রিকা করা ষাউক; সেই পত্রিকা, আমি পুষ্পের মধ্যগত করিয়া, নির্খালাচ্ছলে, রাজর্ষির হস্তে দিয়া আসিব। অনহুয়া कहিলেন, সখি! এ অতি উত্তম পরামর্শ; দেখ, শকুন্তলাই বা কি বলে। শকুন্তলা कहিলেন, সখি! আমায় আর কি জিজ্ঞাসা করিবে? তোমাদের যা ভাল বোধ হয়, তাই কর। তখন প্রিয়ংবদা कहিলেন, তবে আর বিলম্বে কাজ নাই; মনোমত একখানি প্রণয়পত্র রচনা কর। শকুন্তলা कहিলেন, সখি! রচনা করিতেছি; কিন্তু পাছে তিনি অবজ্ঞা করেন, এই ভয়ে, আমার হৃদয় কম্পিত হইতেছে।

রাজা, শকুন্তলার আশঙ্কা গুনিয়া, ঈষৎ হাস্ত করিলেন, এবং, তাঁহাকে উদ্দেশ্য করিয়া, कहিতে লাগিলেন, স্নহরি! তুমি, ষাহার অবজ্ঞাভয়ে ভীত হইতেছ, সে এই, তোমার সমাগমের নিমিত্ত, একান্ত উৎসুক হইয়া রহিয়াছে; তুমি কি জান না, রত্ন কাহারও অশ্বেষণ করে না, রত্নেরই অশ্বেষণ সকলে করিয়া থাকে।

অনহুয়া ও প্রিয়ংবদাও, শকুন্তলার আশঙ্কা গুনিয়া, कहিলেন, অগ্নি আত্ম-গুণাবমানিনি! কোন্ ব্যক্তি আতপত্র ষারা শয়ংকালীন জ্যোৎস্নার নিবারণ করিয়া থাকে? শকুন্তলা, ঈষৎ হাস্ত করিয়া, পত্রিকারচনায় প্রবৃত্ত হইলেন, এবং কিস্কিৎ পরে कहিলেন, সখি! রচনা করিয়াছি, কিন্তু লিখনসামগ্রী কিছুই নাই, কিসে লিখি, বল। প্রিয়ংবদা कहিলেন, এই পদ্যপত্রে লিখ।

লিখন সমাপন করিয়া শকুন্তলা সখীদিগকে कहিলেন, ভাল, গুন দেখি, সজত হয়েছে কি না। তাঁহারা গুনিতে লাগিলেন; শকুন্তলা পড়িতে আরম্ভ করিলেন,—হে নির্গয়! তোমার মন আমি জানি না, কিন্তু আমি, তোমাতে

একান্ত অল্পরাগিণী হইয়া, নিরন্তর সস্তাপিত হইতেছি,—এই মাত্র শুনিয়া, আর অন্তরালে থাকিতে না পারিয়া, রাজা সহসা শকুন্তলার সন্মুখে উপস্থিত হইলেন, এবং কহিলেন, সুন্দরি! তুমি সস্তাপিত হইতেছ, যথার্থ বটে, কিন্তু, বলিলে বিশ্বাস করিবে না, আমি এক বারে দম্ব হইতেছি। অনন্থয়া ও প্রিয়ংবদা সহসা রাজাকে সমাগত দেখিয়া, যৎপরোনাস্তি হর্ষিত হইলেন, এবং গাত্রোত্থান পূর্বক, পরম সমাদরে, স্বাগত জিজ্ঞাসা করিয়া, বসিবার সংবন্ধনা করিলেন। শকুন্তলাও, নিরতিশয় ব্যস্ত হইয়া, গাত্রোত্থান করিতে উদ্বৃত্ত হইলেন।

তখন রাজা শকুন্তলাকে নিবাবণ করিয়া কহিলেন, সুন্দরি। গাত্রোত্থান করিবার প্রয়োজন নাই, তোমাব দর্শনেই আমার সম্পূর্ণ সংবন্ধনলাভ হইয়াছে। বিশেষতঃ, তোমার শরীবে ষ্ণেরূপ গ্লানি, তাহাতে কোনও মতেই শয্যা পরিত্যাগ কবা কর্তব্য নহে। সখীবা রাজাকে সম্বোধন করিয়া কহিলেন, মহারাজ। এই শিলাতলে উপবেশন করুন। রাজা উপবিষ্ট হইলেন। শকুন্তলা, লঙ্কায় সাতিশয় জড়ীভূতা হইয়া মনে মনে কহিতে লাগিলেন, হৃদয়। যাহার জন্তে তত উতলা হইয়াছিলে, এখন, তাঁহারে দেখিয়া, এত কাতর হইতেছ কেন? রাজা অনন্থয়া ও প্রিয়ংবদাকে কহিলেন, আজ আমি তোমাদের সখীকে অতিশয় অসুস্থ দেখিতেছি। উভয়ে ঈষৎ হাসিয়া কহিলেন, এখন সুস্থ হইবেন। শকুন্তলা লঙ্কায় অবনতমুখী হইয়া রহিলেন।

অনন্থয়া কহিলেন, মহারাজ! শুনিতে পাই, রাজাদিগের অনেক মহিষী থাকে, কিন্তু সকলেই প্রেয়সী হয় না, অতএব, আমরা যেন, সখীর নিমিত্ত, অবশেষে মনোহুঃখ না পাই। বাজা কহিলেন, যথার্থ বটে, রাজাদিগের অনেক মহিলা থাকে। কিন্তু, আমি অকপট হৃদয়ে কহিতেছি, তোমাদের সখীই আমার জীবনসর্ব্ব্ব হইবেন। তখন অনন্থয়া ও প্রিয়ংবদা সাতিশয় হর্ষিত হইয়া কহিলেন, মহারাজ। এক্ষণে আমরা নিশ্চিন্ত ও চরিতার্থ হইলাম। শকুন্তলা কহিলেন, সখি! আমরা মহারাজকে লক্ষ্য করিয়া কত কথা, কহিয়াছি; ক্ষমা প্রার্থনা কর। সখীরা হস্তমুখে কহিলেন, যে কহিয়াছে সেই ক্ষমা প্রার্থনা করিবেক, অস্ত্রের কি দায়। তখন শকুন্তলা কহিলেন, মহারাজ! যদি কিছু বলিয়া থাকি, ক্ষমা করিবেক; পরোক্ষে কে কি না বলে। রাজা শুনিয়া ঈষৎ হস্ত করিলেন।

এইরূপ কথোপকথন চলিতেছে, এমন সময়ে প্রিয়ংবদা, লতামণ্ডপের বহির্ভাগে দৃষ্টিনির্বেশ করিয়া, কহিলেন, অনন্থয়ে! বৃগশাবকটি উৎসুক হইয়া ইতস্ততঃ দৃষ্টিপাত করিতেছে; বোধ করি, আপন জননীর অন্বেষণ করিতেছে;

আমি উহাকে উহার মার কাছে দিয়া আসি। তখন অননুগ্রহ কহিলেন, সখি ! ও অতি চঞ্চল, তুমি একাকিনী উহারে ধরিতে পারিবে না ; চল, আমিও যাই। এই বলিয়া, উভয়ে প্রস্থানোন্মুখী হইলেন। শকুন্তলা উভয়কেই প্রস্থান করিতে দেখিয়া কহিলেন, সখি ! তোমরা দুজনেই আমার কেলিয়া চলিলে, আমি একাকিনী রহিলাম। তাঁহারা কহিলেন, সখি ! একাকিনী কেন, পৃথিবীনাথকে তোমার নিকটে রাখিয়া খেলাম ! এই বলিয়া, হাসিতে হাসিতে, উভয়ে লতামগুপ হইতে প্রস্থান করিলেন।

তাঁহারা প্রস্থান করিলে, শকুন্তলা, সত্য সত্যই সখীরা চলিয়া গেল, এই বলিয়া, উৎকণ্ঠিত হইলেন। রাজা কহিলেন, স্তম্ভরি ! সখীদের নিমিত্ত এত উৎকণ্ঠিত হইতেছ কেন ? আমি তোমার সখীস্থানে রহিয়াছি ; যখন যে আদেশ করিবে, তৎক্ষণাৎ তাহা সম্পাদিত হইবেক। শকুন্তলা কহিলেন, মহারাজ ! আপনি অতি মাননীয় ব্যক্তি, এ দুঃখিনীকে অকারণে অপরাধিনী করেন কেন ? এই বলিয়া, শয্যা হঠতে উঠিয়া শকুন্তলা গমনোন্মুখী হইলেন। রাজা কহিলেন, স্তম্ভরি ! এ কি কর ; একে তোমার অবস্থা এই, তাহাতে আবার মধ্যাহ্ন কাল অতি উত্তাপের সময় ; এ অবস্থায়, এ সময়ে, লতামগুপ হইতে বহির্গত হওয়া কোনও মতেই উচিত নয়। এই বলিয়া, হস্তে ধরিয়া, রাজা নিবারণ করিতে লাগিলেন। শকুন্তলা কহিলেন, মহারাজ ! ও কি কর, ছাড়িয়া দাও, সখীদের নিকটে যাই ; তুমি জান না, আমি আপনার বশ নই। রাজা লজ্জিত ও সঙ্কচিত হইয়া শকুন্তলার হাত ছাড়িয়া দিলেন। শকুন্তলা কহিলেন, মহারাজ ! আপনি লজ্জিত হইতেছেন কেন ? আমি আপনাকে কিছু বলিতেছি না, দৈবের তিরস্কার করিতেছি। বাজা কহিলেন, দৈবের তিরস্কার করিতেছ কেন ? দৈবের অপরাধ কি ? শকুন্তলা কহিলেন, দৈবের তিরস্কার শত বার করিব ; সে আমার পরের অধীন করিয়া পরের গুণে মোহিত করে কেন ?

এই বলিয়া, শকুন্তলা চলিয়া যাইবার উপক্রম করিলেন। রাজা পুনরায় শকুন্তলার হস্তে ধরিলেন। শকুন্তলা কহিলেন, মহারাজ ! কি কর, ইতস্ততঃ ঋষিরা ভ্রমণ করিতেছেন। তখন রাজা কহিলেন, স্তম্ভরি ! তুমি গুরুজনের ভয় করিতেছ কেন ? ভগবান কথ কখনই রুষ্ট বা অসন্তুষ্ট হইবেন না। শত শত রাজর্ষিকন্তারা, গুরুজনের অগোচরে, গান্ধর্ব বিধানে, অপরূপ পাণ্ডের হস্তগত হইয়াছেন, এবং তাঁহাদের গুরুজনেরাও, পরিশেষে সবিশেষ অবগত হইয়া সম্পূর্ণ অহুমোহন করিয়াছেন। শকুন্তলা, মহারাজ ! এই লতাঘবনাথ-

পরিচিতি ব্যক্তিকে ভুলিবেন না, এই বলিয়া, রাজার হাত ছাড়াইয়া, চলিয়া গেলেন। রাজা কহিলেন, সুন্দরি! তুমি আমার হাত ছাড়াইয়া লম্বু হইতে চলিয়া গেলে, কিন্তু আমার চিন্ত হইতে যাইতে পারিবে না। শকুন্তলা শুনিয়া মনে মনে কহিতে লাগিলেন, ইহা শুনিয়া আর আমার পা উঠিতেছে না। যাহা হউক, কিয়ৎ ক্ষণ অন্তরালে থাকিয়া ইহার অহুয়াগ পরীক্ষা করিব। এই বলিয়া, লতাবিতানে আবৃতশরীরা হইয়া, শকুন্তলা কিঞ্চিৎ অন্তরে অবস্থান করিলেন।

রাজা একাকী লতামণ্ডপে অবস্থিত হইয়া, শকুন্তলাকে উদ্দেশ্য করিয়া কহিতে লাগিলেন, প্রিয়ে। আমি তোমা বই আর জানি না, কিন্তু তুমি নিতান্ত নির্দয় হইয়া আমায় এক বারেই পরিত্যাগ করিয়া গেলে; তুমি বড কঠিন। পরে, তিনি কিয়ৎ ক্ষণ মৌন ভাবে থাকিয়া কহিলেন, আর প্রিয়াশৃঙ্খ লতামণ্ডপে থাকিয়া কি ফল? এই বলিয়া তিনি তথা হইতে চলিয়া যান, এমন সময়ে, শকুন্তলার ঝগালবলয় ভূতলে পতিত দেখিয়া, তৎক্ষণাৎ তাহা উঠাইয়া লইলেন, এবং পরম সমাদরে বক্ষঃস্থলে স্থাপন পূর্বক, কৃতার্থস্বস্ত চিন্তে, শকুন্তলাকে উদ্দেশ্য করিয়া, কহিতে লাগিলেন, প্রিয়ে। তোমাব ঝগালবলয়, অচেতন হইয়াও, এই চুঃখিত ব্যক্তিকে আশ্বাসিত করিলেক, কিন্তু তুমি তাহা করিলে না। শকুন্তলা, ইহা শুনিয়া, আর বিলম্ব কবিত্তে পারি না, কিন্তু কি বলিয়াই বা যাই; অথবা ঝগালবলয়ের ছল করিয়া যাই; এই বলিয়া, পুনর্বার লতামণ্ডপে প্রবেশ করিলেন। রাজা দর্শনমাত্র হর্ষমাগরে মগ্ন হইয়া কহিলেন, এই যে আমার জীবিতেশ্বরী আসিয়াছেন! বুলিলাম, দেবতার আমার পরিতাপ শুনিয়া সদয় হইলেন, তাহাতেই পুনরায় প্রিয়াবে দেখিতে পাইলাম। চাতক পিপাসায় শুষ্ককণ্ঠ হইয়া জলপ্রার্থনা করিল; অমনি নব জলধর হইতে শীতল সলিলধারা তাহার মুখে পতিত হইল।

শকুন্তলা রাজ্যব সম্মুখবর্তিনী হইয়া কহিলেন, মহারাজ! অর্দ্ধ পথে স্বরণ হওয়াতে, আমি ঝগালবলয় লইতে আসিয়াছি, আমার ঝগালবলয় দাও। রাজা কহিলেন, যদি তুমি আমার যথাস্থানে নিবেশিত করিতে দাও, তবেই তোমার ঝগালবলয় তোমায় দি, নতুবা দিব না। শকুন্তলা অগত্যা সম্মত হইলেন। রাজা কহিলেন, আইস, এই শিলাতলে বসিয়া পরাইয়া দি। উভয়ে শিলাতলে উপবিষ্ট হইলেন। রাজা, শকুন্তলার হস্ত লইয়া, ঝগালবলয় পরাইবার উদ্যোগ করিতে লাগিলেন। শকুন্তলা একান্ত আকুসহদয় হইয়া কহিলেন, আর্ধ্যপুত্র! সত্বর হও, সত্বর হও। রাজা, আর্ধ্যপুত্রসম্ভাবণ প্রবণে

যংপরোনাস্তি খ্রীত প্রাপ্ত হইয়া, মনে মনে কহিতে লাগিলেন, স্ত্রীলোকেয়া স্বামীকেই আর্ধ্যপূত্রণে সম্ভাষণ করিয়া থাকে ; বুঝি আমার মনোরথ পূর্ণ হইল। অনন্তর, তিনি শকুন্তলাকে সম্বোধন করিয়া কহিলেন, স্ত্রী ! ঋণালবলয়ের সন্ধি সম্যক সংশ্লিষ্ট হইতেছে না ; যদি তোমার মত হয়, প্রকারান্তরে সংযোজন করিয়া পরাই। শকুন্তলা ঈষৎ হাসিয়া কহিলেন, তোমার যা অভিক্ৰিচি।

রাজা, নানা ছলে বিলম্ব করিয়া, শকুন্তলার হস্তে ঋণালবলয় পরাইয়া দিলেন এবং কহিলেন স্ত্রী ! দেখ দেখ, কেমন স্ত্রীর হইয়াছে। শকুন্তলা কহিলেন, দেখিব কি, আমার নয়নে কর্ণোৎপলরেণু পতিত হইয়াছে, এজন্ত দেখিতে পাইতেছি না। রাজা ঈষৎ হাসিয়া কহিলেন, যদি তোমার অল্পমতি হয়, ফুংকার দিয়া পরিষ্কার করিয়া দি। শকুন্তলা কহিলেন, তাহা হইলে অতিশয় উপকৃত হই বটে ; কিন্তু তোমায় অত দূর বিশ্বাস হয় না। রাজা কহিলেন, স্ত্রী ! অবিশ্বাসের বিষয় কি, নতন ভৃত্য কি কখনও প্রভুর আদেশের অতিরিক্ত করিতে পারে ? শকুন্তলা কহিলেন, ঐ অতিভক্তিই অবিশ্বাসের কারণ। অনন্তর রাজা, শকুন্তলার চিবুকে ও মস্তকে হস্তপ্রদান করিয়া, তাঁহার মুখকমল উত্তোলিত করিলেন। শকুন্তলা, শঙ্কিতা ও কম্পিতা হইয়া রাজাকে বারংবার নিষেধ করিতে লাগিলেন। রাজা, স্ত্রী ! শঙ্কি কি, এই বলিয়া, শকুন্তলার নয়নে ফুংকার প্রদান করিতে লাগিলেন।

কিয়ৎ ক্ষণ পরে, শকুন্তলা কহিলেন, তোমায় আর পরিশ্রম করিতে হইবে না ; আমার নয়ন পূর্ববৎ হইয়াছে ; আর কোনও অস্থখ নাই। মহারাজ ! আমি অতিশয় লজ্জিত হইতেছি ; তুমি আমার এত উপকার করিলে ; আমি তোমার কোনও প্রত্যাশা করিতে পারিলাম না। রাজা কহিলেন, স্ত্রী ! আর কি প্রত্যাশা চাই ? আমি যে তোমার সুরভি মুখকমলের আশ্রয় পাইয়াছি, তাহাই আমার পরিশ্রমের স্বার্থে ও প্রকৃষ্ট পুরস্কার হইয়াছে ; মধুকর কমলের আশ্রয়মাত্রেরই সন্তুষ্টি হইয়া থাকে। শকুন্তলা ঈষৎ হাসিয়া কহিলেন, সন্তুষ্টি হইয়াই বা কি করে।

এইরূপ কৌতুক ও কথোপকথন হইতেছে, এমন সময়ে, চক্রবাকবধু ! রজনী উপস্থিত ; এই সময়ে চক্রবাককে সম্ভাষণ করিয়া লও ; এই শব্দ শকুন্তলার কর্ণকুহরে প্রবিষ্ট হইল। শকুন্তলা, সঙ্কেত বুঝিতে পারিয়া, সাতিশয় শঙ্কিত হইয়া কহিলেন, মহারাজ ! আমার পিতৃঘনা আর্ধ্যা গৌতমী, আমার অস্থহতার সংবাদ শুনিয়া, আমি কেমন আছি জানিতে আগিতেছেন ; এই

নিমিষই, অনস্বয়া ও প্রিয়ংবদা, চক্রবাক ও চক্রবাকীর ছলে, আমাদিগকে সাবধান করিতেছে; তুমি সত্বর লতামণ্ডপ হইতে বহির্গত ও অন্তহিত হও। রাজা, ভাল আমি চলিলাম, যেন পুনরায় দেখা হয়, এই বলিয়া, লতাবিতানে ব্যবহিত হইয়া, শকুন্তলাকে নিরীক্ষণ করিতে লাগিলেন।

কিয়ৎ ক্ষণ পরে, শান্তিজলপূর্ণ কমণ্ডলু হস্তে লইয়া, গৌতমী লতামণ্ডপে প্রবেশ করিলেন, এবং শকুন্তলার শরীরে হস্তপ্রদান করিয়া কহিলেন, বাছা! শুনিলাম, আজ তোমার বড় অসুখ হয়েছিল; এখন কেমন আছ, কিছু উপশম হয়েছে? শকুন্তলা কহিলেন, ইঁ পিসি! আজ বড় অসুখ হয়েছিল, এখন অনেক ভাল আছি। তখন গৌতমী, কমণ্ডলু হইতে শান্তিজল লইয়া শকুন্তলার সর্ব শরীরে, সেচন করিয়া, কহিলেন, বাছা! সুস্থ শরীরে চিরজীবিনী হয়ে থাক। অনন্তর, লতামণ্ডপে, অনস্বয়া অথবা প্রিয়ংবদা, কাহাকেও সন্নিহিত না দেখিয়া, কহিলেন, এই অসুখ, তুমি একলা আছ বাছা, কেউ কাছে নাই। শকুন্তলা কহিলেন, না পিসি! আমি একলা ছিলাম না, অনস্বয়া ও প্রিয়ংবদা বরাবর আমার নিকটে ছিল; এই মাত্র, মালিনীতে জল আনিতে গেল। তখন গৌতমী কহিলেন, বাছা! আর রোদ নাই, অপরাহ্ন হয়েছে, এস কুটীরে যাই। শকুন্তলা অগত্যা তাঁহার অমুগামিনী হইলেন। রাজাও, আর আমি প্রিয়াশূন্য লতামণ্ডপে থাকিয়া কি করি, এই বলিয়া শিবিরোদ্দেশে প্রস্থান করিলেন।

এই ভাবে কতিপয় দিবস অতিবাহিত হইল। পরিশেষে, গান্ধর্ব বিধানে শকুন্তলার পাণিগ্রহণসমাধান পূর্বক, ধর্ম্মারণ্যে কিছু দিন অবস্থিতি করিয়া রাজা নিজ রাজধানী প্রস্থান করিলেন।

চতুর্থ পরিচ্ছেদ

রাজা দুঃস্থ প্রস্থান করিলে পর, এক দিন, অনন্থয়া প্রিয়ংবদাকে কহিতে লাগিলেন, সখি ! শকুন্তলা গান্ধর্ব বিধানে আপন অম্লরূপ পতি পাইয়াছে বটে ; কিন্তু আমার এই ভাবনা হইতেছে, পাছে রাজা নগরে গিয়া অন্তঃপুর-বাসিনীদিগের সমাগমে শকুন্তলাকে ভুলিয়া যান। প্রিয়ংবদা কহিলেন, সখি ! সে আশঙ্কা করিও না ; তেমন আকৃতি কখনও গুণশূন্য হয় না। কিন্তু আমার আর ভাবনা হইতেছে, না জানি, পিতা আসিয়া, এই বৃত্তান্ত শুনিয়া, কি বলেন। অনন্থয়া কহিলেন, সখি ! আমার বোধ হইতেছে, তিনি শুনিয়া রুট বা অসন্তুষ্ট হইবেন না ; এ তাঁহার অনভিমত কর্তব্য হয় নাই। কেন না, তিনি প্রথম অবধি এই সঙ্কল্প করিয়া রাখিয়াছিলেন, গুণবান্ পাছে কন্যাপ্রদান করিব ; যদি দৈবই তাহা সম্পন্ন করিল, তাহা হইলে তিনি বিনা আয়াসে রুতকার্য হইলেন। সুতরাং, ইহাতে তাঁহার রোষ বা অসন্তোষের বিষয় কি। উভয়ে, এইরূপ কথোপকথন করিতে করিতে কুটারের কিঞ্চিৎ দূরে পুষ্পচয়ন করিতে লাগিলেন।

এ দিকে, শকুন্তলা, অতিথিপরিচর্যার ভার গ্রহণ করিয়া, একাকিনী কুটার-দ্বারে উপবিষ্টা আছেন ; দৈবযোগে, দুর্ভাসা ঋষি আসিয়া, তাঁহাকে উদ্দেশ্য করিয়া কহিলেন- আমি অতিথি। শকুন্তলা, রাজার চিন্তায় নিতান্ত মগ্ন হইয়া, এক কালে বাহুজ্ঞানশূন্য হইয়াছিলেন, সুতরাং দুর্ভাসার কথা শুনিতে পাইলেন না। দুর্ভাসা অবজ্ঞাদর্শনে রোষবশ হইয়া কহিলেন, আঃ পাপীয়সি ! তুই অতিথির অবমাননা করিলি। তুই, যার চিন্তায় মগ্ন হইয়া, আমায় অবজ্ঞা করিলি—আমি অভিশাপ দিতেছি—স্মরণ করাইয়া দিলেও, সে তোরে স্মরণ করিবেক না।

প্রিয়ংবদা, শুনিতে পাইয়া, ব্যাকুল হইয়া, কহিতে লাগিলেন, হায় ! হায় ! কি সর্বনাশ ঘটিল। শূন্তহৃদয়া শকুন্তলা কোনও পুজনীয় ব্যক্তির নিকট অপরাধিনী হইল। এই বলিয়া, সেই দিকে দৃষ্টিনিক্ষেপ করিয়া প্রিয়ংবদা কহিতে লাগিলেন, সখি ! যে সে নয়, ইনি দুর্ভাসা, ইহার কথায় কথায় কোপ ; ঐ দেখ, শাপ দিয়া রোষভরে স্মরণ প্রস্থান করিতেছেন। অনন্থয়া কহিলেন, প্রিয়ংবদে ! বৃথা আক্ষেপ করিলে আর কি হইবেক বল। শীঘ্র

গিয়া পায় ধরিয়া ফিরাইয়া আন ; আমিও, এই অবকাশে, কুটীরে গিয়া পাশ্চ
অর্থা প্রভৃতি প্রস্তুত করিয়া রাখিতেছি। প্রিয়ংবদা দুর্ভাসার পশ্চাৎ ধাবমানা
হইলেন ! অনহুয়া কুটীরাভিমুখে প্রস্থান করিলেন।

অনহুয়া কুটীরে পহুঁছিবাব পূর্বেই, প্রিয়ংবদা তাঁহার নিকটে উপস্থিত
হইয়া কহিলেন সখি ! জানই ত, দুর্ভাসা স্বভাবতঃ অতি কুটিলহৃদয় ; তিনি
'কি কাহারও অহুনয় শুনেন ; তথাপি অনেক বিনয়ে কিঞ্চিৎ শাস্ত করিয়াছি।
যখন দেখিলাম, নিতান্তই ফিরিবেন না, তখন চরণে ধরিয়া কহিলাম, ভগবন্ !
সে তোমার কন্ডা, তোমার প্রভাব ও মহিমা কি জানে ? কৃপা করিয়া তাহার
এই অপরাধ ক্ষমা করিতে হইবেক। তখন তিনি কহিলেন, আমি বাহা করিয়াছি
তাহা অল্পথা হইবার নহে ; তবে যদি কোনও অভিজ্ঞান দর্শাইতে পারে,
তাহার শাপমোচন হইবেক ; এই বলিয়া চলিয়া গেলেন। অনহুয়া কহিলেন,
ভাল, এখন আশ্বাসের পথ হইয়াছে। রাজর্ষি, প্রস্থানকালে শকুন্তলার অঙ্গুলিতে
এক স্বনামাক্রিত অঙ্গুবীয় পরাইয়া দিয়াছেন। অতএব, শকুন্তলার হস্তেই
শকুন্তলার শাপমোচনের উপায় রহিয়াছে। রাজা যদিই বিন্মত হন, ঐ অঙ্গুরীয়
দেখাইলেই তাঁহার স্মরণ হইবেক। উভয়ে এইরূপ কথোকথন করিতে করিতে
কুটীরাভিমুখে চলিলেন।

কিয়ৎ ক্ষণে, তাঁহারা কুটীরধারে উপস্থিত হইয়া দেখিলেন, শকুন্তলা
করতলে কপোল বিলম্ব করিয়া, স্পন্দহীনা, মুদ্রিতনয়না, চিত্তাৰ্পিতার স্তায়,
উপবিষ্টা আছেন। তখন প্রিয়ংবদা কহিলেন, অনহুয়ে ! দেখ দেখ, শকুন্তলা
পতিচিন্তায় মগ্ন হইয়া এক বারে বাহুজ্ঞানশূন্য হইয়া রহিয়াছে ; ও কি অতিথি
অভ্যাগতের তত্ত্বাবধান করিতে পারে ? অনহুয়া কহিলেন, সখি ! এ বৃন্তাস্ত
সামাদেবই মনে মনে থাকুক, কোনও মতে কর্ণাস্তর করা হইবেক না ; শকুন্তলা
শুনিলে প্রাণে বাঁচিবেক না। প্রিয়ংবদা কহিলেন, সখি ! তুমি কি পাগল
হয়েছ ? এ কথাও কি শকুন্তলাকে শুনাতে হয় ? কোন্ ব্যক্তি উষ্ণ সলিলে
নবমালিকার স্বেচন করে ?

কিয়ৎ দিন পরে, মহর্ষি কথ সোমতীর্থে হইতে প্রত্যাগমন করিলেন। এক
দিন তিনি অগ্নিগৃহে প্রবিষ্ট হইয়া হোমকার্য্য সম্পাদন করিতেছেন, এমন সময়ে
এই দৈববাণী হইল—মহর্ষে। রাজা দুঃস্বস্ত, বৃগয়া উপলক্ষে তোমার তপোবনে
আসিয়া, শকুন্তলার পাণিগ্রহণ করিয়া গিয়াছেন, এবং শকুন্তলাও তৎসহযোগে
পৰ্ভবতী হইয়াছেন। মহর্ষি, এইরূপে শকুন্তলাই পরিণয়বৃত্তাস্ত্র অবগত হইয়া
তাঁহার অগোচরে ও সন্মতি ব্যতিরেকে সম্পন্ন হইয়াছে বলিয়া, কিঞ্চিৎ

যে য বা অসন্তোষ প্রদর্শন করিলেন না ; বরং যৎপরোনাস্তি হইয়া, কহিতে লাগিলেন, আমার পরম সৌভাগ্য যে, শকুন্তলা এতাদৃশ সংপাঙ্কের হস্তগত হইয়াছে। অনন্তর তিনি প্রফুল্ল বদনে শকুন্তলার নিকটে গিয়া, সাতিশয় পরিভোষ প্রদর্শন করিয়া কহিলেন, বৎসে ! তোমার পরিণয়বৃত্তান্ত অবগত হইয়া অনির্বচনীয় খ্রীতি প্রাপ্ত হইয়াছি, এবং ছিন্ন করিয়াছি, অবিলম্বে, দুই শিষ্ঠ ও গৌতমীকে সমভিব্যাহারে দিয়া, তোমার পতিসন্নিধানে পাঠাইয়া দিব। অনন্তর, তদীয় আদেশ ক্রমে শকুন্তলার প্রস্থানের উদ্দেশ্য হইতে লাগিল।

প্রস্থানসময় উপস্থিত হইল। গৌতমী, এবং শাক্য'রব ও শারৎত নামে দুই শিষ্ঠ, শকুন্তলার সমভিব্যাহারে গমনের নিমিত্ত প্রস্তুত হইলেন। অননুয়া ও প্রিয়ংবদা যথাসম্ভব বেশভূষার সমাধান করিয়া দিলেন। মহর্ষি শোকাকুল হইয়া মনে মনে কহিতে লাগিলেন, অস্ত শকুন্তলা যাইবেক বলিয়া, আমার মন উৎকণ্ঠিত হইতেছে। নয়ন অনবরত বাষ্পবারিতে পরিপূরিত হইতেছে, কণ্ঠরোধ হইয়া বাকশক্তিরহিত হইতেছি, ভড়তায় নিতান্ত অভিভূত হইতেছি। কি আশ্চর্য ! আমি বনবাসী, স্নেহ বশতঃ আমারও ঈদৃশ বৈধব্য উপস্থিত হইতেছে, না জানি, সংসারীরা এমন অবস্থায় কি দুঃসহ ক্লেশ ভোগ করিয়া থাকে। বুঝিলাম, স্নেহ অতি বিষম বস্তু ! অনন্তর, তিনি শোকাবেগ সংবরণ করিয়া, শকুন্তলাকে কহিলেন; বৎসে ! বেলা হইতেছে, প্রস্থান কর ; আর অনর্থ কালহরণ করিতেছ কেন ? এই বলিয়া, তপোবনতরুদিগকে সম্বোধন করিয়া কহিলেন, হে সন্নিহিত তরুগণ ! যিনি, তোমাদের জলসেচন না করিয়া, কদাচ জলপান করিতেন না ; যিনি, ভূষণপ্রিয়া হইয়াও স্নেহ বশতঃ, কদাচ তোমাদের পল্লবভঙ্গ করিতেন না ; তোমাদের কুসুমপ্রসবের সময় উপস্থিত হইলে, ষাঁহার আনন্দের সীমা থাকিত না , অস্ত সেই শকুন্তলা পতিগৃহে যাইতেছেন, তোমরা সকলে অহুমোদন কর।

অনন্তর, সকলে গাত্রোখান করিলেন। শকুন্তলা ওরুজনদিগকে প্রণাম করিয়া; প্রিয়ংবদার নিকটে গিয়া, অশ্রুপূর্ণ নয়নে কহিতে লাগিলেন, সখি ! আর্ধ্যপুত্রকে দেখিবার নিমিত্ত আমার চিত্ত নিতান্ত ব্যগ্র হইয়াছে বটে ; কিন্তু, তপোবন পরিভ্যাগ করিয়া যাইতে আমার পা উঠিতেছে না। প্রিয়ংবদা কহিলেন, সখি ! তুমিই যে কেবল তপোবনবিয়হে কাঁতর হইতেছ, এরূপ নহে, তোমার বিয়হে তপোবনের কি অবস্থা ঘটিতেছে, দেখ !—জীবমাত্রেই নিরানন্দ ও শোকাকুল ; হরিণপণ, আহারবিহারে পরাধীন হইয়া, ছিন্ন হইয়া,

রহিয়াছে, মুখের গ্রাস মুখ হইতে পড়িয়া ঝাইতেছে; ময়ূর ময়ূরী, নৃত্য পরিত্যাগ করিয়া, উর্দ্ধমুখ হইয়া রাহিয়াছে; কোকিলগণ, আশ্রমকুলের রসান্বাদে বিমুখ হইয়া; নীরব হইয়া আছে; মধুকর মধুকরী মধুপানে বিরত হইয়াছে, ও গুন্ গুন্ ধ্বনি পরিত্যাগ করিয়াছে।

কথ কহিলেন, বৎসে! আর কেন বিলম্ব কর, বেলা হয়। তখন শকুন্তলা কহিলেন, তাত! বনতোষিণীকে সস্তাষণ না করিয়া ঝাইব না। এই বলিয়া, তিনি বনতোষিণীর নিকটে গিয়া কহিলেন, বনতোষিণি! শাখাবাহু ঝারা আমায় স্নেহভরে আলিঙ্গন কর; আজ অবধি আমি দূরবর্তিনী হইলাম। অনন্তর, অনন্থয়া ও প্রিয়বন্দাকে কহিলেন, সখি! আমি বনতোষিণীকে তোমাদের হস্তে সমর্পণ করিলাম। তাঁহারা কহিলেন, সখি! আমাদিগকে কাহার হস্তে সমর্পণ করিলে, বল। এই বলিয়া, উভয়ে শোকাকুল হইয়া রোদন করিতে লাগিলেন। তখন কথ কহিলেন, অনন্থয়ে! প্রিয়বন্দে! তোমরা কি পাগল হইলে? তোমরা কোথায় শকুন্তলাকে সান্বনা করিবে, না হইয়া, তোমরাই রোদন করিতে আরম্ভ করিলে।

এক পূর্ণগর্ভা হরিণী কুটারের প্রান্তে শয়ন করিয়া ছিল। তাহার দিকে দৃষ্টিপাত হওয়াতে, শকুন্তলা কথকে কহিলেন, তাত! এই হরিণী নিবিষ্মে প্রসব হইলে, আমায় সংবাদ দিবে, ভুলিবে না বল। কথ কহিলেন, না বৎসে! আমি কখনই ভুলিব না।

কতিপয় পদ গমন করিয়া, শকুন্তলার গতিভঙ্গ হইল। শকুন্তলা, আমার অঞ্চল ধরিয়া কে টানিতেছে; এই বলিয়া মুখ ফিরাইলেন। কথ কহিলেন, বৎসে! যাহার মাতৃবিয়োগ হইলে তুমি জননীর স্নায় প্রতিপালন করিয়াছিলে, যাহার আহারের নিমিত্ত তুমি সর্বদা শ্রামাক আহরণ করিতে; যাহার মুখ কুশের অগ্রভাগ ঝারা স্ত হইলে তুমি ইঙ্গুলীতৈল দিয়া ব্রণশোষণ করিয়া দিতে; সেই মাতৃহীন হরিণিশিশু তোমার গতিরোধ করিতেছে। শকুন্তলা তাহার গাত্রে হস্তপ্রদান করিয়া কহিলেন, বাছা! আর আমার সঙ্গ আইল কেন, ফিরিয়া যাও; আমি তোমায় পরিত্যাগ করিয়া ঝাইতেছি। তুমি মাতৃহীন হইলে আমি তোমায় প্রতিপালন করিয়াছিলাম; এখন আমি চলিলাম; অতঃপর পিতা তোমার রক্ষণাবেক্ষণ করিবেন। এই বলিয়া, শকুন্তলা রোদন করিতে লাগিলেন। তখন কথ কহিলেন, বৎসে! শাস্ত হও, অশ্রুবেগের সংবরণ কর, পথ দেখিয়া চল, উচ্চ নীচ না দেখিয়া পদক্ষেপ করাতে, বারংবার আঘাত লাগিতেছে।

এইরূপ নানা কারণে গমনের বিলম্ব দেখিয়া, শাক্তবর কথকে সযোজন করিয়া কহিলেন, ভগবন! আপনকার আর অধিক দূর সঙ্গে আসিবার প্রয়োজন নাই; এই স্থলেই, যাহা বলিতে হয়, বলিয়া দিয়া, প্রতিগমন করুন। কথ কহিলেন, তবে আইস, এই ক্ষীরবৃক্ষের ছায়ায় দণ্ডায়মান হই। তদনুসারে, সকলে সন্নিহিত ক্ষীরপাদপের ছায়ায় অবস্থিত হইলে, কথ, কিয়ৎক্ষণ চিন্তা করিয়া, শাক্তবরকে কহিলেন, বৎস! তুমি, শকুন্তলাকে রাজার সম্মুখে রাখিয়া, তাঁহারে আমার এই আবেদন জানাইবে—আমরা বনবাসী, তপস্শায় কালযাপন করি; তুমি অতি প্রধান বংশে জন্মগ্রহণ করিয়াছ; আর, শকুন্তলা বন্ধুবর্গের অগোচরে স্বেচ্ছাক্রমে তোমাতে অল্পরাগিনী হইয়াছে; এই সমস্ত বিবেচনা করিয়া, অন্তান্ত সহধর্ম্মিণীর স্তায়, শকুন্তলাতেও স্নেহদৃষ্টি রাখিবে; আমাদের এই পর্য্যন্ত প্রার্থনা; ইহার অধিক ভাগ্যে থাকে ষট্বেক, তাহা আমাদের বলিয়া দিবার নয়।

মহর্ষি, শাক্তবরের প্রতি এই সন্দেশ নির্দেশ করিয়া, শকুন্তলাকে সযোজন করিয়া কহিলেন, বৎসে! এক্ষণে তোমাদেরও কিছু উপদেশ দিব; আমরা বনবাসী বটে, কিন্তু লৌকিক ব্যাপারে নিতান্ত অনভিজ্ঞ নহি। তুমি পতিগৃহে গিয়া গুরুজনদিগের শুক্রবা করিবে; সপত্নীদিগের সহিত প্রিয়সখীব্যবহার করিবে; পরিচারিণীদিগের প্রতি সম্পূর্ণ দয়া দাক্ষিণ্য প্রদর্শন করিবে; সৌভাগ্যবর্ধে গম্বিত হইবে না; স্বামী কার্কে প্রদর্শন করিলেও রোষবশা ও প্রতিকূলচারিণী হইবে না; মহিলারা একরূপ ব্যবহারিণী হইলেই গৃহিণীপদে প্রতিষ্ঠিতা হয়; বিপরীতকারিণীরা কুলের কণ্টকস্বরূপ। ইহা কহিয়া বলিলেন, দেখ, গৌতমীই বা কি বলেন। গৌতমী কহিলেন, বধুদিগকে এই বই আর কি বলিয়া দিতে হইবেক? পরে শকুন্তলাকে কহিলেন, বাছা! উনি যে গুলি বলিলেন, সকল মনে রাখিও।

এইরূপে উপদেশদান সমাপ্ত হইলে, কথ শকুন্তলাকে কহিলেন, বৎসে! আমরা আর অধিক দূর যাইব না; আমাকে ও সখীদিগকে আলিঙ্গন কর। শকুন্তলা অশ্রুপূর্ণ নয়নে কহিলেন, অনন্থয়া ও প্রিয়বন্দাও কি এই খান হইতে ফিরিয়া যাইবেক? ইহার সে পর্য্যন্ত আমার সঙ্গে ষাউক। কথ কহিলেন, না বৎসে! ইহাদের বিবাহ হয় নাই; অতএব, সে পর্য্যন্ত যাওয়া ভাল দেখায় না; গৌতমী তোমার সঙ্গে যাইবেন। শকুন্তলা, পিতাকে আলিঙ্গন করিয়া, গদগদ স্বরে কহিলেন, তাত! তোমায় না দেখিয়া, লেখানে কেমন করিয়া প্রাণধারণ করিব। এই বলিতে বলিতে, তাঁহার দুই চক্ষে ধারা বহিতে

লাগিল। তখন কথ অশ্রুপূর্ণ নয়নে কহিলেন, বৎসে! এত কাতর হইতেছ কেন? তুমি, পতিগৃহে গিয়া, গৃহিণীপদে প্রতীর্ণিত হইয়া সাংসারিক ব্যাপারে অহুক্ষণ একরূপ ব্যস্ত থাকিবে যে, আমার বিরহজনিত শোক অহুভব করিবার অবকাশ পাইবে না। শকুন্তলা পিতার চরণে নিপতিত হইয়া কহিলেন, তাত! আবার কত দিনে এই তপোবনে আসিব? কথ কহিলেন, বৎসে! সসাগরা ধরিত্রীর একাধিপতির মহিষী হইয়া, এবং অপ্রতিহতপ্রভাব স্বীয় তনয়কে সিংহাসনে সন্নিবেশিত, ও তদীয় হস্তে সমস্ত সাম্রাজ্যের ভার সমর্পিত দেখিয়া, পতি সমভিব্যাহারে পুনরায় এই শান্তরসাম্পদ তপোবনে আসিবে।

শকুন্তলাকে এইরূপ শোকাকুলা দেখিয়া গৌতমী কহিলেন, বাছা! আর কেন, কাস্ত হও, যাইবার বেলা বহিয়া যায়; সখীদিগকে যাহা বলিতে হয়, বলিয়া লও; আর বিলম্ব করা হয় না। তখন শকুন্তলা সখীদের নিকটে গিয়া কহিলেন, সখি! তোমরা উভয়ে এক কালে আলিঙ্গন কর। উভয়ে আলিঙ্গন করিলেন। তিন জনেই রোদন করিতে লাগিলেন। কিয়ৎ ক্ষণ পরে, সখীরা শকুন্তলাকে কহিলেন, সখি! যদি রাজা শীঘ্র চিনিতে না পারেন, তাঁহাকে তদীয় স্বনামাঙ্কিত অঙ্গুরীয় দেখাইও। শকুন্তলা, শুনিয়া, অতিশয় শঙ্কিত হইয়া কহিলেন, সখি! তোমরা এমন কথা বলিলে কেন, বল। তোমাদের কথা শুনিয়া আমার হৃৎকম্প হইতেছে। সখীরা কহিলেন, না সখি! ভীত হইও না; স্নেহের স্বভাবই এই, অকারণে অনিষ্ট আশঙ্কা করে।

এইরূপে ক্রমে ক্রমে সকলের নিকট বিদায় লইয়া, শকুন্তলা, গৌতমী প্রভৃতি সমভিব্যাহারে দুঃস্বস্তরাজধানী উদ্দেশে প্রস্থান করিলেন। কথ, অননুয়া ও প্রিয়ংবদা, এক দৃষ্টিতে শকুন্তলার দিকে চাহিয়া রহিলেন। ক্রমে ক্রমে শকুন্তলা দৃষ্টিপথের বহিস্কৃত হইলে, অননুয়া ও প্রিয়ংবদা উট্টেঃস্বরে রোদন করিতে লাগিলেন। মহর্ষি দীর্ঘ নিশ্বাস পরিত্যাগ করিয়া কহিলেন, অননুয়ে! প্রিয়ংবদে! তোমাদের সহচরী দৃষ্টিপথের বহিস্কৃত হইয়াছেন, এক্ষণে, শোকাবেগ সংবরণ করিয়া, আমার সহিত আশ্রমে প্রতিগমন কর। এই বলিয়া মহর্ষি আশ্রমাভিমুখে প্রস্থান করিলেন, এবং তাঁহার্য্য ও তাঁহার অহু-গামিনী হইলেন। যাইতে যাইতে, মহর্ষি মনে মনে কহিতে লাগিলেন, যেমন, স্থাপিত ঘন ধনধানীর হস্তে প্রত্যর্পিত হইলে, লোক নিশ্চিন্ত ও নিরুবেগ হয়; তক্রূপ, অস্ত আমি শকুন্তলাকে পতিগৃহে প্রেরণ করিয়া নিশ্চিন্ত ও নিরুবেগ হইলাম।

পঞ্চম পরিচ্ছেদ

এক দিন, রাজা দুঃস্বপ্ন, রাজকাৰ্য্যসমাধানান্তে, একান্তে আসীন হইয়া, প্রিয়বয়স্ক মাধবের সহিত কথোপকথনরসে কালষাপন করিতেছেন ; এমন সময়ে, হংসপদিকা নামে এক পরিচারিকা, সঙ্গীতশালায়, অতি মধুর স্বরে, এই ভাবের গান করিতে লাগিল, অহে মধুকর ! অভিনব মধুর লোভে সহকারমঞ্জরীতে তখন তাদৃশ প্রণয়প্রদর্শন করিয়া, এখন, কমলমধুপানে পরিতৃপ্ত হইয়া, উহারে এক বারে বিস্মৃত হইল কেন ?

হংসপদিকার গীতি শ্রবণগোচর হইবামাত্র, রাজা অকস্মাৎ স্বপ্নয়োনাতি উন্মনা হইলেন ; কিন্তু, কি নিমিত্ত উন্মনা হইতেছেন তাহার কিছুই অল্পধাবন করিতে না পারিয়া, মনে মনে কহিতে লাগিলেন, কেন, এই মনোহর গীত শ্রবণ করিয়া আমার চিত্ত এমন আকুল হইতেছে ? প্রিয়জনবিরহ ব্যতিরেকে মনের এরূপ আকুলতা হয় না ; কিন্তু, প্রিয়বিরহও উপস্থিত দেখিতেছি না । অথবা, মনুজ, সৰ্ব্ব প্রকারে স্মৃতি হইয়াও, রমণীয় বস্তু দর্শন কিংবা মনোহর গীত শ্রবণ করিয়া, যে অকস্মাৎ আকুলহৃদয় হয়, বোধ করি, অনতিপরিষ্কৃত রূপে জন্মান্তরীণ স্থির সৌন্দর্য্য তাহার স্মৃতিপথে আকৃষ্ট হয় ।

রাজা মনে মনে এই বিতর্ক করিতেছেন, এমন সময়ে কঙ্কুকী আসিয়া কৃতান্তলিপুটে নিবেদন করিল, মহারাজ ! ধর্ম্মারণ্যবাসী তপস্বীরা মহাবি কথের সন্দেশ লইয়া আসিয়াছেন ; কি আশ্চর্য্য হয় । রাজা তপস্বিশব্দ শ্রবণমাত্র, অতিমাত্র আদর প্রদর্শন পূর্ব্বক কহিলেন, শীঘ্র উপাধায় সোমরাতকে বল, অভ্যাগত তপস্বীদিগকে, বেদবিধি অল্পসারে সংকার করিয়া, অবিলম্বে আমার নিকটে লইয়া আইসেন ; আমিও ইত্যবকাশে তপস্বীদর্শনযোগ্য প্রদেশে গিয়া রীতিমত অবস্থিতি করিতেছি ।

এই আদেশ প্রদান পূর্ব্বক কঙ্কুকীকে বিদায় করিয়া, রাজা অয়িগৃহে গিয়া অবস্থিতি করিলেন, এবং কহিতে লাগিলেন, ভগবান্ কথ কি নিমিত্ত আমার নিকট ঋষি প্রেরণ করিলেন ? কি তাঁহাদের তপস্তার বিষয় ঘটয়াছে, কি কোনও ছুরাত্মা তাঁহাদের উপর কোনও প্রকার অত্যাচার করিয়াছে ? কিছুই নির্ণয় করিতে না পারিয়া, আমার মন অতিশয় আকুল হইতেছে । পার্শ্ববাসিনী পরিচারিকা কহিল, মহারাজ ! আমার বোধ হইতেছে, ধর্ম্মারণ্যবাসী ঋষিরা মহারাজের অধিকারে নিবিঘ্নে ও নিরাকুল চিন্তে তপস্তার অল্পষ্ঠান করিতেছেন ;

এই হেতু, শ্রীত হইয়া, মহারাজকে ধন্যবাদ দিতে ও আশীর্বাদ করিতে আসিয়াছেন।

এবম্প্রকার কথোপকথন হইতেছে, এমন সময়ে সোমরাত, তপস্বীদিগকে সমভিব্যাহারে করিয়া, উপস্থিত হইলেন। রাজা, দূর হইতে দেখিতে পাইয়া, আসন হইতে গাত্ৰোত্থান করিলেন, এবং তাঁহাদের উপস্থিত্য প্রতীক্ষায় দণ্ডায়মান রহিলেন। তদ্বন্দ্বনে সোমরাত তপস্বীদিগকে কহিলেন, ঐ দেখুন, সসাগরা সস্বীপা পৃথিবীর অধিতীয় অধিপতি, আসন পরিত্যাগ পূর্বক দণ্ডায়মান হইয়া, আপনাদের প্রতীক্ষা করিতেছেন। শার্ঙ্গরব কহিলেন, নবপতিদিগেব ঐরূপ বিনয় ও সৌজন্য দেখিলে সাতিশয় শ্রীত হইতে হয়, এবং সবিশেষ প্রশংসা করিতে ও সাধুবাদ দিতে হয়। অথবা ইহার বিচিত্র কি—তরুণ ফলিত হইলে যলভরে অবনত হইয়া থাকে; বর্ধকালীন জলধরণণ বারিভরে নম্র ভাব অবলম্বন করে; সৎপুরুষদিগেরও প্রথা এই, সমৃদ্ধিশালী হইলে তাঁহারা অমুক্ততত্ত্বাব হয়েন।

শকুন্তলার দক্ষিণচক্ষু স্পন্দিত হইতে লাগিল। তিনি সাতিশয় শক্তিভা হইয়া গৌতমীকে কহিলেন, পিসি! আমার ডানি চোক নাচিতেছে কেন? গৌতমী কহিলেন, বৎসে! শক্তিভা হইও না; পতিকুলদেবতারী তোমাব মঙ্গল করিবেন। যাহা হউক, শকুন্তলা তদবধি মনে মনে নানাপ্রকার আশঙ্কা করিতে লাগিলেন ও নিরতিশয় আকুলহৃদয়া হইলেন।

রাজা শকুন্তলাকে দেখিয়া কহিতে লাগিলেন, এই অবগুণ্ঠনবতী কামিনী কে? কি নিমিত্তই বা ইনি তপস্বীদিগের সমভিব্যাহারে আসিয়াছেন? পার্শ্ববর্তিনী পরিচারিকা কহিল, মহারাজ! আমিও দেখিয়া অবধি নানা বিতর্ক করিতেছি, কিন্তু কিছুই বুঝিতে পারিতেছি না। যাহা হউক, মহারাজ! ঐরূপ রূপ লাভেয় মাধুরী কখনও কাহারও নয়নগোচর হয় নাই। রাজা কহিলেন, ও কথা ছাড়িয়া দাও; পরজীতে দৃষ্টিপাত বা পরস্মীর কথা লইয়া আন্দোলন করা কর্তব্য নহে। এ দিকে, শকুন্তলা আপনার অস্থির হৃদয়কে এই বলিয়া সান্বন করিতে লাগিলেন, হৃদয়! এত আকুল হইতেছ কেন? আর্ধ্যপুত্রের তৎকালীন ভাব মনে করিয়া আশ্বাসিত হও ও ধৈর্য্য অবলম্বন কর।

তাপসেরা, ক্রমে ক্রমে সন্নিহিত হইয়া, মহারাজের জয় হউক বলিয়া হস্ত তুলিয়া, আশীর্বাদ করিলেন। রাজা প্রশংসা করিয়া ঋষিদিগকে আসনপরিত্যাগ করিতে কহিলেন। অনন্তর, সকলে উপবেশন করিলে, রাজা জিজ্ঞাসা

করিলেন, কেমন, নিবিয়ে তপস্শা সম্পন্ন হইতেছে? ঋষিরা কহিলেন, মহারাজ! আপনি শালনকর্ষা থাকিতে, ধর্মক্রিয়ার বিষয়সম্ভাবনা কোথায়? সূর্য্যদেবের উদয় হইলে কি অন্ধকারের আবির্ভাব হইতে পারে? রাজা শুনিয়া কৃতার্থস্বপ্ন হইয়া কহিলেন, অল্প আমার রাজশক সার্থক হইল। পরে, তিনি জিজ্ঞাসা করিলেন, ভগবান্ কথের কুশল? ঋষিরা কহিলেন, ইহা মহারাজ! মহর্ষি সর্বাংশেই কুশলী।

এইরূপে প্রথমসমাগমোচিত শিষ্টাচারপরম্পরা পরিসমাপ্ত হইলে, শাক্ত'রব কহিলেন, মহারাজ! আমাদের গুরুদেবের যে সন্দেশ লইয়া আসিয়াছি, নিবেদন করি, শ্রবণ করুন,—মহর্ষি কহিয়াছেন, আপনি আমার অমুপস্থিতি-কালে শকুন্তলার পাণিগ্রহণ করিয়াছেন; আমি সবিশেষ সমস্ত অবগত হইয়া তদ্বিষয়ে সম্পূর্ণ সম্মতি প্রদান করিয়াছি; আপনি সর্বাংশে আমার শকুন্তলার যোগ্য পাত্র; এক্ষণে আপনকার স্বহৃদ্বক্ষী অন্তঃসত্ত্বা হইয়াছেন, গ্রহণ করুন। গৌতমীও কহিলেন, মহারাজ! আমি কিছু বলিতে চাই, কিন্তু বলিবার পথ নাই। শকুন্তলাও গুরুজনের অপেক্ষা রাখে নাই; তুমিও তাঁহাদিগকে জিজ্ঞাসা কর নাই; তোমরা পরম্পরের সম্মতিতে ঘাহা করিয়াছ, তাহাতে অস্ত্রের কথা কহিবার কি আছে?

শকুন্তলা, মনে মনে শঙ্কিতা ও কস্পিতা হইয়া, এই ভাবিতে লাগিলেন, না জানি আর্ধ্যপুত্র এখন কি বলেন! রাজা ছুরীসার শাপপ্রভাবে শকুন্তলা-পরিণয়বৃন্তান্ত আছোপান্ত বিম্বৃত হইয়াছিলেন; সূতরাং, শুনিয়া বিস্ময়াপন্ন হইয়া কহিলেন,এ আবার কি উপস্থিত! শকুন্তলা এক বারে ত্রিয়মাণা হইলেন। শাক্ত'রব কহিলেন, মহারাজ! লৌকিক ব্যবহার বিলক্ষণ অবগত হইয়াও, আপনি এরূপ কহিতেছেন কেন? আপনি কি জানেন না যে, পরিণীতা নারী যদিও সর্বাংশে সাধুশীলা হয়, সে নিয়ত পিতৃকুলবাসিনী হইলে, লোকে নানা কথা কহিয়া থাকে; এই নিমিত্ত, সে পতির অপ্রিয় হইলেও, পিতৃপক্ষ তাহাকে পিতৃকুলবাসিনী করিতে চাহে।

রাজা কহিলেন, কই, আমি ত ইহার পাণিগ্রহণ করি নাই। শকুন্তলা শুনিয়া, বিবাদমাগরে মগ্ন হইয়া, মনে মনে কহিতে লাগিলেন! হৃদয় যে আশঙ্কা করিতেছিলে তাহাই ঘটয়াছে। শাক্ত'রব, রাজার অস্বীকারশ্রবণে, তদীয় ধূর্ততার আশঙ্কা করিয়া, বৎপন্নোন্মত্তি কুপিত হইয়া কহিলেন, মহারাজ! তপস্বীস্বর আপনাকে ধর্মলংঘনকার্য্যে নিযোজিত করিয়াছেন; অন্তে অন্তায় করিলে আপনি হওবিধান করিয়া থাকেন। এক্ষণে আপনাকে জিজ্ঞাসা করি,

রাজা হইয়া অল্পশ্রীত কার্যের অপলাপে প্রবৃত্ত হইলে ধর্মস্রোহী হইতে হয় কি না? রাজা কহিলেন, আপনি আমায় এত অভদ্র স্থির করিতেছেন কেন? শাঙ্গরব কহিলেন, মহারাজ। আপনকার অপরাধ নাই; যাহারা ঐশ্বর্য্যমদে মত্ত হয়, তাহাদের এইরূপই স্বভাব ও এইরূপই আচরণ হইয়া থাকে। রাজা কহিলেন, আপনি অন্তায় ভৎসনা করিতেছেন, আমি কোনও ক্রমে একরূপ ভৎসনার ষোগ্য নহি।

এইরূপে রাজাকে অস্বীকারপরায়ণ ও শকুন্তলাকে লজ্জায় অবনতমুখী দেখিয়া, গৌতমী শকুন্তলাকে সম্বোধন করিয়া কহিলেন, বৎসে। লজ্জিত হইও না, আমি তোমার মুখের ঘোমটা খুলিয়া দিতেছি, তাহা হইলে মহারাজ তোমায় চিনিতে পারিবেন। এই বলিয়া তিনি শকুন্তলার মুখের অবগুণ্ঠন খুলিয়া দিলেন। রাজা তথাপি চিনিতে পারিলেন না, বরং পূর্বা-পেক্ষা অধিকতর সংশয়াক্রম হইয়া, মৌনাবলম্বন করিয়া রহিলেন। তখন শাঙ্গরব কহিলেন, মহারাজ। একরূপ মৌনভাবে রহিলেন কেন? রাজা কহিলেন, মহাশয়! কি করি বলুন, অনেক ভাবিয়া দেখিলাম; কিন্তু ইহার পাণিগ্রহণ করিয়াছি বলিয়া কোনও ক্রমেই স্রবণ হইতেছে না। স্ত্রুতবাং, কি প্রকারে ইহাকে ভার্য্যা বলিয়া পরিগ্রহ করি, বিশেষতঃ, ইনি এক্ষণে অন্তঃসত্ত্বা হইয়াছেন।

রাজার এই বচনবিত্তাস স্রবণ করিয়া, শকুন্তলা মনে মনে কহিতে লাগিলেন, হায়, কি সর্বনাশ! এক বাবে পাণিগ্রহণেই সন্দেহ। রাজমহিষী হইয়া, অশেষ স্বখসন্তোগে কালহরণ করিব বলিয়া, যত আশা করিয়াছিলাম সমুদ্র এক কালে নিমূল হইল। শাঙ্গরব কহিলেন, মহারাজ। বিবেচনা করুন, মহর্ষি কেমন মহাশ্রুভাবতা প্রদর্শন করিয়াছেন! আপনি, তাঁহার অগোচরে, তাঁহার অল্পমতিনিরপেক্ষ হইয়া, তদীয় কন্ঠাব পাণিগ্রহণ করিয়াছিলেন; তিনি তাহাতে বোধপ্রকাশ বা অসন্তোষপ্রদর্শন না করিয়া বিলক্ষণ সন্তোষ-প্রদর্শন করিয়াছেন, এবং স্বতঃপ্রবৃত্ত হইয়া কন্ঠারে আপনকার নিকট পাঠাইয়া দিয়াছেন। এক্ষণে, প্রত্যাখ্যান করিয়া তাদৃশ সদাশয় মহাশ্রুভাবের অবমাননা করা, মহারাজের কোনও মতেই কর্তব্য নহে। আপনি স্থির চিত্তে বিবেচনা করিয়া কর্তব্যনির্দ্ধারণ করুন।

শারদত শাঙ্গরব অপেক্ষা উচ্ছতস্বভাব ছিলেন; তিনি কহিলেন, অহে শাঙ্গরব! স্থির হও, আর তোমার বৃথা বাগ্জাল বিস্তারিত করিবার প্রয়োজন নাই; আমি এক কথায় সকল বিষয়ে শেষ করিয়া দিতেছি। এই বলিয়া,

তিনি শকুন্তলার দিকে মুখ ফিরাইয়া কহিলেন, শকুন্তলে ! আমাদের যাহা বলিবার ছিল, বলিয়াছি ; মহারাজ এইরূপ বলিতেছেন ; এক্ষণে তোমার যাহা বলিবার থাকে, বল, এবং যাহাতে উহার প্রতীতি জন্মে, তাহা কর। তখন শকুন্তলা অতি বৃহৎ স্বরে কহিলেন, যখন তাদৃশ অহুরাগ এতাদৃশ ভাব অবলম্বন করিয়াছে, তখন আমি পূৰ্ব্ণ বৃত্তান্ত স্মরণ করাইয়া কি করিব ; কিন্তু আশ্ব-শোধনের নিমিত্ত কিছু বলা আবশ্যিক। এই বলিয়া, আৰ্য্যপুত্র ! এই মাত্র সস্তাষণ করিয়া, শকুন্তলা কিয়ৎ ক্ষণ স্তব্ধ হইয়া রহিলেন ; অনন্তর কহিলেন, যখন পরিণয়েই সন্দেহ জন্মিয়াছে, তখন আর আৰ্য্যপুত্রশব্দে সস্তাষণ করা উচিত হইতেছে না। এইরূপ বলিয়া তিনি কহিলেন, পোরব ! আমি সরলহৃদয়া, ভাল মন্দ কিছুই জানি না। তৎকালে তপোবনে তাদৃশী অমায়িকতা দেখাইয়া, ও ধৰ্ম্মপ্রমাণ প্রতিজ্ঞা করিয়া, এক্ষণে একপ দুৰ্বাক্য বলিয়া প্রত্যাখ্যান করা তোমার উচিত নয়।

রাজা শুনিয়া ক্ৰিষ্ণিং কোপাবিষ্ট হইয়া কহিলেন, ঋষিতনয়ে ! যেমন বর্ষা কালের নদী তীরতরুকে পতিত ও আপন প্রবাহকে পঙ্কিল করে, তেমনই তুমিও আমায় পতিত ও আপন কুলকে কলঙ্কিত করিতে উচ্চত হইয়াছ। শকুন্তলা কহিলেন, ভাল, যদি তুমি ষথার্থ ই পরিণয়ে সন্দেহ করিয়া পরস্মীবোধে পরিগ্রহ করিতে শঙ্কিত হও, কোনও অভিজ্ঞান দর্শাইয়া তোমার সন্দেহ দূর করিতেছি। রাজা কহিলেন, এ উত্তম কল্প ; কই, কি অভিজ্ঞান দেখাইবে, দেখাও। শকুন্তলা রাজদস্ত অঙ্গুরীয় অঞ্চলের কোণে বাঁধিয়া রাখিয়াছিলেন ; এক্ষণে, ব্যস্ত হইয়া অঙ্গুরীয় খুলিতে গিয়া দেখিলেন, অঞ্চলের কোণে অঙ্গুরীয় নাই। তখন তিনি বিষণ্ণা ও য়ানবদনা হইয়া গৌতমীর মুখ পানে চাহিয়া রহিলেন। গৌতমী কহিলেন, বোধ হয়, আন্ন বাঁধা ছিল, নদীতে স্নান করিবার সময় পড়িয়া গিয়াছে।

রাজা শুনিয়া ঈষৎ হাসিয়া বলিলেন, স্ত্রীজাতি অতিশয় প্রত্যুৎপন্নমতি, এই যে কথা প্রসিদ্ধ আছে, ইহা তাহার এক অতি উৎকৃষ্ট দৃষ্টান্তস্বল।

শকুন্তলা রাজার এইরূপ ভাব দর্শনে স্ত্রিয়মাণা হইয়া কহিলেন, আমি দৈবের প্রতিকূলতা বশতঃ অঙ্গুরীয়প্রদর্শন বিষয়ে অকৃতকার্য হইলাম বটে ; কিন্তু এমন কোনও কথা বলিতেছি যে, তাহা শুনিলে, পূৰ্ব্ণ বৃত্তান্ত অবশ্যই তোমার স্মৃতিপথে উপস্থিত হইবেক। রাজা কহিলেন, এক্ষণে শুনা আবশ্যিক ; কি বলিয়া আমার প্রতীতি জন্মাইতে চাও, বল। শকুন্তলা কহিলেন, মনে করিয়া দেখ, এক দিন তুমি ও আমি ছুজনে নবমালিকামণ্ডপে বসিয়া ছিলাম।

তোমার হস্তে একটি জলপূর্ণ পদ্মপত্রের ঠোঁড়া ছিল। ইহা কহিয়া শকুন্তলা রাজার মুখ পানে তাকাইলে, রাজা কহিলেন, ভাল, বলিয়া যাও, শুনিতেছি। শকুন্তলা কহিলেন, সেই সময়ে আমার কৃতপুত্র দীর্ঘাশাক নামে ঙ্গশাবক তথায় উপস্থিত হইল। তুমি উহারে সেই জল পান করিতে আহ্বান করিলে। তুমি অপরিচিত বলিয়া সে তোমার নিকটে আসিল না; পরে, আমি হস্তে করিলে, আমার নিকটে আসিয়া অনায়াসে পান করিল। তখন তুমি পরিহাস করিয়া কহিলে, সকলেই সজাতীয়ে বিশ্বাস করিয়া থাকে, তোমরা দুজনেই ভদ্রলা, এজ্ঞ ও তোমার নিকটে গেল। রাজা শুনিয়া ঈষৎ হাস্য করিয়া কহিলেন, কামিনীদিগের এইরূপ মধুমাথা প্রবঞ্চনাবাক্য বিষয়াসক্ত ব্যক্তিদিগেব বশীকরণমন্ত্রস্বরূপ। গৌতমী শুনিয়া কিঞ্চিৎ কোপপ্রদর্শন করিয়া কহিলেন, মহারাজ! এ জন্মাবধি তপোবনে প্রতিপালিত, প্রবঞ্চনা কাহাকে বলে, তাহা জানে না। বাজা কহিলেন, অয়ি বুদ্ধতাপসি! প্রবঞ্চনা স্ত্রীজাতিব সভাবসিদ্ধ বিজ্ঞা, শিথিতে হয় না; মাহুয়ের ত কথাই নাই, পশু পক্ষীদিগেবও বিনা শিক্ষায় প্রবঞ্চনার্নৈপুণ্য দেখিতে পাওয়া যায়। দেখ, কেহ শিখাইয়া দেয় না, অথচ কোকিলাবা, কেমন কৌশল করিয়া স্বীয় সন্তানদিগকে অল্প পক্ষী দ্বাৰা, প্রতিপালিত করিয়া লয়। শকুন্তলা কষ্টা হইয়া কহিলেন, অনাৰ্য্য তুমি আপনি যেমন, সকলকেই সেইরূপ মনে কর। রাজা কহিলেন, তাপসকন্তো! দুয়ন্ত গোপনে কোনও কৰ্ম্ম কবে না, যখন বাহা করিয়াছে, সমস্তই সৰ্ব্বত্র প্রসিদ্ধ আছে। কই, কেহ বলুক দেখি, আমি তোমাব পাণিগ্রহণ করিয়াছি। শকুন্তলা কহিলেন, তুমি আমার স্বেচ্ছাচারিণী প্রতিপন্ন করিলে। পুরুবংশীয়েবা অতি উদারস্বভাব, এই বিশ্বাস করিয়া, যখন আমি মধুমুখ হলাহলহৃদয়েব হস্তে আত্মসমর্পণ করিয়াছি, তখন আমার ভাগ্যে যে একরূপ ঘটবেক, ইহা চিচিৎ নহে। এই বলিয়া অঞ্চলে মুখ ঢাকিয়া শকুন্তলা রোদন করিতে লাগিলেন।

তখন শাক্তরব কহিলেন, অগ্র পশ্চাৎ না ভাবিয়া কৰ্ম্ম করিলে, পরিশেষে এইরূপ মনস্তাপ পাইতে হয়। এই নিমিত্ত, সকল কৰ্ম্মই, বিশেষতঃ যাহা নিৰ্দ্ধনে করা যায়, সবিশেষ পরীক্ষা না করিয়া, করা কৰ্ত্তব্য নহে। পরম্পরেব মন না জানিয়া বন্ধুতা করিলে, সেই বন্ধুতা পরিশেষে শত্রুতাতে পর্য্যবসিত হয়। শাক্তরবের তিরস্কারবাক্য শ্রবণ করিয়া রাজা কহিলেন, কেন আপনি স্ত্রীলোকের কথায় বিশ্বাস করিয়া আমার উপর অকারণে একরূপ দোষারোপ করিতেছেন? শাক্তরব কিঞ্চিৎ কোপাবিষ্ট হইয়া কহিলেন, যে ব্যক্তি জন্মাবজ্ঞে চাতুরী শিখে নাই, তাহার কথা অগ্রমাণ; আর, যাহারা পর-

প্রতারণা বিষ্ঠা বলিয়া শিক্ষা করে তাহাদের কথাই প্রমাণ হইবেক ? তখন রাজা শাক্ত'রবকে কহিলেন, মহাশয় ! আপনি বড় ষথার্থবাদী। আমি স্বীকার করিলাম, প্রতারণাই আমাদের বিষ্ঠা ও ব্যবসায়। কিন্তু আপনাকে জিজ্ঞাসা করি, ইহার সঙ্গে প্রতারণা করিয়া আমার কি লাভ হইবেক ? শাক্ত'রব কোপে কম্পিতকলেবর হইয়া কহিলেন, নিপাত ! রাজা কহিলেন, পুরুবংশীয়েরা নিপাত লাভ করে, এ কথা অশ্রদ্ধেয়।

এইরূপে উভয়ের বিবাদারম্ভ দেখিয়া শারৎত কহিলেন, শাক্ত'রব ! আর উস্তরোস্তর বাক্ছলের প্রয়োজন নাই ; আমরা গুরুনিয়োগের অল্পযায়ী অল্পঠান করিয়াছি ; এক্ষণে ফিরিয়া যাই, চল। এই বলিয়া তিনি রাজাকে কহিলেন, মহারাজ ! ইনি তোমার পত্নী, ইচ্ছা হয় গ্রহণ কর, ইচ্ছা হয় ত্যাগ কর। পত্নীর উপর পরিণেতার সর্বতোমুখী প্রভূতা আছে। এই বলিয়া, শাক্ত'রব, শারৎত, ও গৌতমী, তিন জনে প্রস্থানোন্মুখ হইলেন।

শকুন্তলা, সকলকে প্রস্থান করিতে দেখিয়া, অশ্রুপূর্ণ লোচনে কাতর বচনে কহিলেন, ইনি ত আমার এই করিলেন ; তোমরাও আমায় ফেলিয়া চলিলে ; আমার কি গতি হইবেক ; এই বলিয়া তাঁহাদের পশ্চাৎ পশ্চাৎ চলিলেন। গৌতমী কিঞ্চিং থামিয়া কহিলেন, বৎস শাক্ত'রব ! শকুন্তলা কাঁদিতে কাঁদিতে আমাদের সঙ্গে আসিতেছে ; দেখ, রাজা প্রত্যাখ্যান করিলেন, এখানে থাকিয়া আর কি করিবেক, বল। আমি বলি, আমাদের সঙ্গেই আসুক। শাক্ত'রব শুনিয়া সরোষ নয়নে মুখ ফিরাইয়া শকুন্তলাকে কহিলেন, আঃ পাপীয়সি ! স্বাতন্ত্র্য অবলম্বন করিতেছ ? শকুন্তলা ভয়ে কাঁপিতে লাগিলেন। তখন শাক্ত'রব শকুন্তলাকে কহিলেন, দেখ, রাজা যেরূপ কহিতেছেন, যদি তুমি ষথার্থ সেরূপ হও, তাহা হইলে, তুমি স্বেচ্ছাচারিণী হইলে ; তাত কথ আর তোমার মুখাবলোকন করিবেন না। আর, যদি তুমি আপনাকে পতিব্রতা বলিয়া জান, তাহা হইলে, পতিগৃহে থাকিয়া দাসীবৃত্তি করাও তোমার পক্ষে শ্রেয়ঃ। অতএব, এই খানেই থাক, আমরা চলিলাম।

তপস্বীদিগকে প্রস্থান করিতে দেখিয়া, রাজা শাক্ত'রবকে সোধন করিয়া কহিলেন, মহাশয় ! আপনি ইহাকে মিথ্যা প্রবঞ্চনা করিতেছেন কেন ? পুরুবংশীয়েরা প্রাণান্তেও পরবনিতাপরিগ্রহে প্রবৃত্ত হয় না ; চন্দ্র কুমুদিনীকেই প্রকৃত্ত করেন ; সূর্য কমলিনীকেই উল্লাসিত করিয়া থাকেন। তখন শাক্ত'রব কহিলেন, মহারাজ ! আপনি পরকীয় মহিলার আশঙ্কা করিয়া অধর্ষভয়ে শকুন্তলাপরিগ্রহে পরায়ুখ হইতেছেন ; কিন্তু ইহাও অসম্ভাবনীয় নহে, আপনি

পূর্ববৃত্তান্ত বিন্ধত হইয়াছেন। ইহা শুনিয়া, রাজা শার্খোপবিষ্ট পুরোহিতের দিকে দৃষ্টিনিক্ষেপ করিয়া কহিলেন, মহাশয়কে ব্যবহা জিজ্ঞাসা করি, পাতকের লাঘব গৌরব বিবেচনা করিয়া, উপস্থিত বিষয়ে কি কর্তব্য, বলুন। আমিই পূর্ববৃত্তান্ত বিন্ধত হইয়াছি অথবা এই স্ত্রীলোক মিথ্যা বলিতেছেন; এমন সম্বন্ধেহলে, আমি দারত্যাগী হই, অথবা পরস্ত্রীস্পর্শপাতকী হই।

পুরোহিত শুনিয়া, কিয়ৎ ক্ষণ বিবেচনা করিয়া কহিলেন, ভাল, মহারাজ! যদি একরূপ করা যায়। রাজা কহিলেন, কি, আজ্ঞা করুন। পুরোহিত কহিলেন, ঋষিতনয়া প্রসবকাল পর্য্যন্ত এই স্থানে অবস্থিতি করুন। যদি বলেন, এ কথা বলি কেন? সিদ্ধ পুরুষেরা কহিয়াছেন, আপনকার প্রথম সন্তান চক্রবাক্তিলক্ষণাক্রান্ত হইবেন। যদি মূনি-দৌহিত্র সেহরূপ হয়, ইহায়ে গ্রহণ করিবেন, নতুবা ইহার পিতৃসমীপগমন স্থিবই রহিল। রাজা কহিলেন, যাহা আপনাদের অভিরুচি। তখন পুরোহিত কহিলেন, তবে আমি ইহাকে প্রসবকাল পর্য্যন্ত আমার আলয়ে লইয়া রাখি। পরে, তিনি শকুন্তলাকে বলিলেন, বৎসে! আমাব সঙ্গে আইস। শকুন্তলা, পৃথিবী! বিদীর্ণ হও, আমি প্রবেশ করি; আর আমি এ প্রাণ রাখিব না, এই বলিয়া রোদন করিতে করিতে পুরোহিতেব অঙ্গুগামিনী হইলেন।

সকলে প্রেস্থান করিলে পর, রাজা নিতান্ত উন্ননা: হইয়া শকুন্তলার বিষয় অনন্ত মনে চিন্তা করিতেছেন, এমন সময়ে, কি আশ্চর্য ব্যাপার। কি আশ্চর্য ব্যাপার। এই আকুল বাক্য রাজার কর্ণকুহরে প্রবিষ্ট হইল। তখন তিনি, কি হইল! কি হইল। বলিয়া, পার্শ্ববর্তিনী প্রতিহারীকে জিজ্ঞাসা করিতে লাগিলেন। পুরোহিত, সহসা রাজসমীপে আসিয়া, বিশ্বয়োৎফুল্ল লোচনে আকুল বচনে কহিতে লাগিলেন মহাবাজ! বড় এক অদ্ভুত কাণ্ড হইয়া গেল। সেই স্ত্রীলোক, আমার সঙ্গে যাইতে যাইতে, অপ্সরাতীর্থে নিকট আপন অদৃষ্টেব দোষকীর্ণন করিয়া উঠে:স্বরে রোদন করিতে আরম্ভ করিল; অমনি এক জ্যোতি:পদার্থ স্ত্রীবেশে সহসা আবির্ভূত হইয়া তাহাকে লইয়া অন্তর্হিত হইল। রাজা কহিলেন, মহাশয়! যাহা প্রত্যাখাত হইয়াছে, সে বিষয়ের আর প্রয়োজন নাই, আপনি আবাসে গমন করুন। পুরোহিত, মহারাজের জয় হউক বলিয়া আশীর্বাদ করিয়া প্রেস্থান করিলেন। রাজাও শকুন্তলাবৃত্তান্ত লইয়া নিতান্ত আকুলহৃদয় হইয়াছিলেন; এজন্য, অবিলম্বে সভাভঙ্গ করিয়া শয়নাগারে গমন করিলেন।

ষষ্ঠ পরিচ্ছেদ

নদীতে স্নান করিবার সময়, রাজদত্ত অঙ্গুরীয় শকুন্তলার অঞ্চলকোণ হইতে সলিলে পতিত হইয়াছিল। পতিত হইবামাত্র এক অতি বৃহৎ রোহিত মৎশ্রে গ্রাস করে। সেই মৎশ, কতিপয় দিবসের পর, এক ধীবরের জালে পতিত হইল। ধীবর, খণ্ড খণ্ড বিক্রয় করিবার মানসে, ঐ মৎশকে বহু অংশে বিভক্ত করিতে করিতে, তদীয় উদর মধ্যে অঙ্গুরীয় দেখিতে পাইল। ঐ অঙ্গুরীয় লইয়া, পরম উল্লাসিত মনে, সে এক মণিকারের আশ্রমে বিক্রয় করিতে গেল। মণিকার, সেই মণিময় অঙ্গুরীয় রাজনামাঙ্কিত দেখিয়া, ধীবরকে চোর স্থির করিয়া, নগরপালের নিকট সংবাদ দিল। নগরপাল আসিয়া ধীবরকে পিছমোড়া করিয়া বাঁধিল এবং জিজ্ঞাসিল, অরে বেটা চোর! তুই এই অঙ্গুরীয় কোথায় পাইলি, বল? ধীবর কহিল, মহাশয়! আমি চোর নহি। তখন নগরপাল কহিল, তুই বেটা যদি চোর নহিস, এ অঙ্গুরীয় কেমন করিয়া পাইলি? যদি চুরি করিস্ নাই, রাজা কি সূত্রাঙ্কণ দেখিয়া তোরে দান করিয়াছেন?

এই বলিয়া নগরপাল চৌকিদারকে ছকুম দিলে, চৌকিদার ধীবরকে গ্রাহার করিতে আরম্ভ করিল। ধীবর কহিল, অরে চৌকীদার! আমি চোর নহি আমায় মার কেন? আমি কেমন করিয়া এই আঙুটি পাইলাম, বলিতেছি। এই বলিয়া সে কহিল, আমি ধীবরজাতি, মাছ ধরিয়া বিক্রয় করিয়া জীবিকা-নির্বাহ করি। নগরপাল শুনিয়া কোপাবিষ্ট হইয়া কহিল, মব্ বেটা আমি তোরা জাতি কুল জিজ্ঞাসিতেছি না কি? এই অঙ্গুরীয় কেমন করিয়া তোরা হাতে আসিল, বল। ধীবর কহিল, আজ সকালে আমি শচীতীর্থে জাল ফেলিয়া-ছিলাম। একটা ঝই মাছ আমার জালে পড়ে। মাছটা কাটিয়া উহার পেটের ভিতরে এই আঙুটি দেখিতে পাইলাম। তার পর, এই দোকানে আসিয়া দেখাইতেছি, এমন সময়ে আপনি আমায় ধরিলেন, আমি আর কিছুই জানি না; আমায় মারিতে হয় মারুন, কাটিতে হয় কাটুন; আমি চুরি করি নাই।

নগরপাল শুনিয়া আত্মাণ লইয়া দেখিল, অঙ্গুরীয়ে আমিষগন্ধ নির্গত হইতেছে। তখন সে সন্দেহান হইয়া চৌকিদারকে কহিল, তুই এ বেটাকে এই ধানে লাবধানে বসাইয়া রাখ। আমি রাজবাটীতে গিয়া এই বৃত্তান্ত রাজার গোচর করি। রাজা শুনিয়া বেরূপ অহুমিত করেন। এই বলিয়া নগরপাল অঙ্গুরীয় লইয়া রাজভবনে গমন করিল; এবং কিয়ৎক্ষণ পরে প্রত্যা-

গত হইয়া চৌকীদারকে কহিল, অরে । আমরা ধীবরের বন্ধন খুলিয়া দে, এ চোর নয় । অঙ্গুরীয়প্রাপ্তি বিষয়ে ও যাহা কহিয়াছে, বোধ হইতেছে, তাহাব কিছুই মিথ্যা নহে । আর, রাজা উহারে অঙ্গুরীয়তুল্য এই মহামূল্য পুরস্কার দিয়াছেন । এই বলিয়া পুরস্কার দিয়া নগবপাল ধীবরকে বিদায় দিল, এবং চৌকীদারকে সঙ্গে লইয়া স্বস্থানে প্রস্থান করিল ।

এ দিকে, অঙ্গুবীয় হস্তে পতিত হইবামাত্র, শকুন্তলাবৃত্তান্ত আছোপাস্ত রাজাব স্মৃতিপথে আরুঢ় হইল । তখন তিনি, নিবতিশয় কাতর হইয়া, যৎপরোনাস্তি বিলাপ ও পবিতাপ করিতে লাগিলেন, এবং, শকুন্তলার পুনর্দর্শন বিষয়ে একান্ত হতাশাস হইয়া, সৰ্ব বিষয়ে নিতাস্ত নিরুৎসাহ হইলেন । আহাৰ, বিহার, রাজকার্যপৰ্য্যালোচনা প্রভৃতি এক বাবেই পরিত্যক্ত হইল । শকুন্তলাব চিন্তায় একান্ত মগ্ন হইয়া, তিনি সৰ্বদাই ঘ্রান ও বিষণ্ণ বদনে কালযাপন করিতে লাগিলেন ; লোকমাত্ৰের সহিত বাক্যালাপ এক কালে বহিত হইল ; কোনও ব্যক্তির, কোনও কারণে, রাজসম্মিধানে গতিবিধি এক বারের প্রতিষিদ্ধ হইয়া গেল । কেবল প্রিয় বয়স্ক মাধব্য সৰ্বদা সমীপে উপবিষ্ট থাকেন । মাধব্য সাত্বনা বাক্যে প্রবোধ দিতে আরম্ভ করিলে, তাঁহাব শোকসাগর উথলিয়া উঠিত , নয়নযুগল হইতে অবিরত বাষ্পবারি বিগলিত হইতে থাকিত ।

এক দিবস, রাজাব চিন্তাবিনোদনার্থে, মাধব্য তাঁহাকে প্রমোদবনে লইয়া গেলেন । উভয়ে শীতল শিলাতলে উপবিষ্ট হইলে, মাধব্য জিজ্ঞাসা করিলেন, ভাল বয়স্ক ! যদি তুমি তপোবনে শকুন্তলার পাণিগ্রহণ করিয়াছিলে, তবে তিনি উপস্থিত হইলে, প্রত্যাখ্যান করিলে কেন ? রাজা শুনিয়া দীর্ঘ নিশ্বাস পরিত্যাগ করিয়া কহিলেন, বয়স্ক ! ও কথা আর কেন জিজ্ঞাসা কর ? রাজধানী প্রত্যাগমন করিয়া আমি শকুন্তলাবৃত্তান্ত একবারে বিশ্বত হইয়াছিলাম । কেন বিশ্বত হইলাম কিছুই বুঝিতে পারিতেছি না । সে দিবস প্রিয়া কত প্রকারে বুঝাইবার চেষ্টা করিলেন, কিন্তু, আমার কেমন মতিচ্ছন্ন ঘটিয়াছিল, কিছুই স্মরণ হইল না । তাঁহাকে স্বেচ্ছাচারিণী মনে করিয়া, কতই দুৰ্বাক্য কহিয়াছি, কতই অবমাননা করিয়াছি । এই বলিতে বলিতে নয়নযুগল অশ্রু-জলে পরিপূর্ণ হইয়া আসিল ; বাকুশক্তিরহিতের স্মার হইয়া কিয়ৎ ক্ষণ স্তব্ধ হইয়া রহিলেন, অনন্তর, মাধব্যকে কহিলেন, ভাল, আমিই যেন বিশ্বত হইয়াছিলাম ; তোমার ত সমুদায় বলিয়াছিলাম ; তুমি কেন কথাপ্রসঙ্গেও কোনও দিন শকুন্তলার কথা উত্থাপিত কর নাই ? তুমিও কি আমার মত বিশ্বত হইয়াছিলে ?

তখন মাধব্য কহিলেন, বয়স্তু ! আমার দোষ নাই ; সমুদয় কহিয়া পরিশেষে তুমি বলিয়াছিলে, শকুন্তলাসংক্রান্ত যে সকল কথা বলিলাম, সমস্তই পরিহাসমাত্র, বাস্তবিক নহে। আমিও নিতান্ত নিরবোধ ; তোমার শেষ কথাই সত্য বলিয়া বিশ্বাস করিয়াছিলাম ; এই নিমিত্ত, কখনও সে বিষয়ের উল্লেখ করি নাই। বিশেষতঃ প্রত্যাখ্যানদিবসে আমি তোমার নিকটে ছিলাম না ; থাকিলে, বাহা শুনিয়াছিলাম, আবশ্যিক বোধ হইলে বলিতে পারিতাম। রাজা, দীর্ঘ নিশ্বাস পরিত্যাগ করিয়া, বাম্পাকুল লোচনে শোকাবুল বচনে কহিলেন, বয়স্তু ! কার দোষ দিব, সকলই আমার অদৃষ্টের দোষ। এই বলিয়া তিনি সাতিশয় শোকাভিভূত হইলেন। তখন মাধব্য কহিলেন, বয়স্তু ! শোকে এ রূপ অভিভূত হওয়া তোমার উচিত নহে। দেখ, সম্পূর্ণসেরা শোকের ও মোহের বশীভূত হইয়া না। প্রাকৃত জনেরাই শোকে ও মোহে বিচৈতন হইয়া থাকে। যদি উভয়ই বায়ুভরে বিচলিত হয়, তবে বৃক্ষে ও পর্বতে বিশেষ কি ? তুমি গম্ভীরস্বভাব, বৈধি অবলম্বন ও শোকাবেগ সংবরণ কর।

প্রিয় বয়স্তুের প্রবোধবাণী শ্রবণ করিয়া রাজা কহিলেন, সখে ! আমি নিতান্ত অবোধ নহি ; কিন্তু, মন আমার কোনও ক্রমে প্রবোধ মানিতেছে না ; কি বলিয়াই বা প্রবোধ দিব। প্রত্যাখ্যানের পর, প্রিয়া, প্রস্থানকালে, সাতিশয় কাতরতা প্রদর্শন পূর্বক আমার দিকে যে বারংবার বাম্পপূর্ণ দৃষ্টিপাত করিয়াছিলেন, সেই কাতর দৃষ্টিপাত আমার বক্ষঃস্থলে বিষদিক্ত শল্যের স্তায় বিদ্ধ হইয়া রহিয়াছে। আমি তৎকালে তাঁহার প্রতি যে জুরের ব্যবহার করিয়াছি, তাহা মনে করিয়া আমার হৃদয় বিদীর্ণ হইয়া যাইতেছে। মরিলেও আমার এ দুঃখ যাবে না।

মাধব্য রাজাকে নিতান্ত কাতর দেখিয়া আশ্বাসপ্রদানার্থে কহিলেন, বয়স্তু ! অত কাতর হইও না ; কিছুদিন পরে পুনরায় শকুন্তলার সহিত নিঃসন্দেহ তোমার সমাগম হইবেক। রাজা কহিলেন, বয়স্তু ! আমি এক মহর্ষের নিমিত্তেও আর সে আশা করি না। এ দেহধারণে, আর আমি প্রিয়ার দর্শন পাইব না। ফলকথা এই, এ জন্মের মত আমার সকল মুখ ফুরাইয়া গিয়াছে ! নতুবা, তৎকালে আমার তেমন দুর্ভিক্ষি ষটিল কেন ? মাধব্য কহিলেন, বয়স্তু ! কোনও বিষয়েই নিতান্ত হতাশ হওয়া উচিত নয়। ভবিতব্যের কথা কে বলিতে পারে ? দেখ, এই অঙ্গুরীয় যে পুনরায় তোমার হস্তে আসিবেক, কাহার মনে ছিল।

ইহা শুনিয়া, অঙ্গুরীয়ে দৃষ্টিপাত পূর্বক রাজা উহাকে সচেতন বোধে সন্মোদন-

করিয়৷ কহিলেন, অঙ্গুবীৰ । তুমিও আমার মত হতভাগ্য , নতুবা, প্রিয়৷র কমনীয় কোমল অঙ্গুলীতে হান পাইয়া কি নিমিত্ত সেই দুৰ্গভ হান হইতে ভ্রষ্ট হইলে ? মাধব্য কহিলেন, বয়স্ত । তুমি কি উপলক্ষে তাঁহার অঙ্গুলীতে অঙ্গুরীয় পরাইয়া দিয়াছিলে ? রাজা কহিলেন, রাজধানীপ্রত্যাগমন সময়ে, প্রিয়া অশ্রুপূৰ্ণ নয়নে আমার হস্তে ধরিয়৷ কহিলেন, আৰ্ধ্যপূজ । কত দিন আমায় নিকটে লইয়া যাইবে ? তখন আমি এই অঙ্গুবীৰ তাঁহার কোমল অঙ্গুলীতে পরাইয়া দিয়া কহিলাম, প্রিয়ে । তুমি প্রতিদিন আমার নামের এক একটি অক্ষর গণিবে, গণনাও সমাপ্ত হইবেক, আমার লোক আসিয়া তোমায় লইয়া যাইবেক । প্রিয়৷র নিকট সবল হৃদয়ে এই প্রতিজ্ঞা করিয়া আসিয়াছিলাম, কিন্তু মোহাঙ্ক হইয়া, এক বারেই বিন্মত হই ।

তখন মাধব্য কহিলেন, বয়স্ত । এ অঙ্গুরীয় কেমন কবিয়া রোহিত মৎস্তের উদরে প্রবিষ্ট হইল । রাজা কহিলেন, শুনিয়াছি, শচীতীৰ্ণে স্নান করিবার সময় প্রিয়৷র অঞ্চলপ্রাস্ত হইতে সলিলে পতিত হইয়াছিল । মাধব্য কহিলেন, হাঁ সম্ভব বটে, সলিলে পতিত হইলে রোহিত মৎস্তে গ্রাস করে । রাজা অঙ্গুবীয়ে দৃষ্টিনিষ্কোপ কবিয়া কহিলেন, আমি এই অঙ্গুবীয়েব যথোচিত তিরস্কার করিব । এই বলিয়া কহিলেন, অরে অঙ্গুবীৰ । প্রিয়৷র কোমল করপল্লব পরিত্যাগ করিয়া জলে মগ্ন হইয়া তোব কি লাভ হইল, বল । অথবা তোরে তিরস্কার কবা অন্মায় ; কাবণ, অচেতন ব্যক্তি কখনও গুণগ্রহণ করিতে পারে না, নতুবা, আমিই কি নিমিত্ত প্রিয়াবে পরিত্যাগ করিলাম ? এই বলিয়া অশ্রুপূৰ্ণ নয়নে শকুন্তলাকে উদ্দেশ কবিয়া কহিলেন, প্রিয়ে । আমি তোমায় অকারণে পরিত্যাগ কবিয়াছি, অহুতাপানে আমার হৃদয় দগ্ধ হইয়া যাইতেছে ; দর্শন দিয়া প্রাণবক্ষা কব ।'

রাজা শোকাকুল হইয়া এইরূপ বিলাপ করিতেছেন, এমন সময়ে চতুৰ্বিকা-নান্নী পবিচারিকা এক চিত্রফলক আনিয়া দিল । রাজা চিত্তবিনোদনার্থে ঐ চিত্রফলকে স্বহস্তে শকুন্তলার প্রতিমূৰ্ত্তি চিত্রিত করিয়াছিলেন । মাধব্য দেখিয়া বিস্ময়োৎফুল্ল লোচনে কহিলেন, বয়স্ত ! তুমি চিত্রফলকে কি অসাধারণ নৈপুণ্যপ্রদর্শন করিয়াছ । দেখিয়া কোনও মতে চিত্র বলিয়া বোধ হইতেছে না । আহা মরি, কি রূপ লাভণ্যের মাধুরী । কি অঙ্গলৌঠব । কি অমায়িক ভাব ! মুখারবিন্দে কি সলঙ্ক ভাব প্রকাশ পাইতেছে ! রাজা কহিলেন, লখে ! তুমি প্রিয়াকে দেখ নাই, এই নিমিত্ত আমার চিত্রনৈপুণ্যের এত প্রশংসা করিতেছ । যদি তাঁহারে দেখিতে, চিত্র দেখিয়া কখনই লম্ভট হইতে

না। তাঁহার অলৌকিক রূপ লাভের কিঞ্চিৎ অংশ মাত্র এই চিত্রফলকে আবির্ভূত হইয়াছে। এই বলিয়া পরিচারিকাকে কহিলেন, চতুরিকে! বস্তিকা ও বর্ণপাত্র লইয়া আইস; অনেক অংশ চিত্রিত করিতে অবশিষ্ট আছে।

এই বলিয়া চতুরিকাকে বিদায় করিয়া রাজা মাধব্যকে কহিলেন, সখে! আমি, স্বাদুশীতলনির্মলজলপূর্ণ নদী পরিত্যাগ করিয়া, এক্ষণে শুককণ্ঠ হইয়া ঝগতৃক্ষিকায় পিপাসার শাস্তি করিতে উত্তত হইয়াছি; প্রিয়াকে পাইয়া পরিত্যাগ করিয়া, এক্ষণে চিত্রদর্শন দ্বারা চিত্তবিনোদনের চেষ্টা পাইতেছি। মাধব্য কহিলেন, বয়শু! চিত্রফলকে আর কি লিখিবে? রাজা কহিলেন, তপোবন ও মালিনী নদী লিখিব; যে রূপে হরিণগণকে তপোবনে স্বচ্ছন্দে ইতস্ততঃ ভ্রমণ করিতে এবং হংসগণকে মালিনী নদীতে কেলি করিতে দেখিয়া ছিলাম, সে সমুদয়ও চিত্রিত করিব; আর, প্রথম দর্শনের দিবসে প্রিয়ার কর্ণে শিরীষপুষ্পের স্বরূপ আভরণ দেখিয়াছিলাম, তাহাও লিখিব।

এইরূপ কথোপকথন হইতেছে এমন সময়ে, প্রতিহারী আসিয়া রাজহস্তে একখানি পত্র দিল। রাজা পাঠ করিয়া অতিশয় দুঃখিত হইলেন। মাধব্য জিজ্ঞাসা করিলেন, বয়শু! কোথাকার পত্র, পত্র পড়িয়া এত বিষণ্ণ হইলে কেন; রাজা কহিলেন, বয়শু! ধনমিত্র নামে এক সাংঘাতিক সমুদ্রপথে বাণিজ্য করিত। সমুদ্রে নৌকা মগ্ন হইয়া তাহার প্রাণবিশোগ ঘটয়াছে। সে ব্যক্তি নিঃসন্তান। নিঃসন্তানের ধনে রাজার অধিকার। এই নিমিত্ত অমাত্য আমায় তদীয় সমুদয় সম্পত্তি আত্মসাৎ করিতে লিখিয়াছেন। দেখ, বয়শু! নিঃসন্তান হওয়া কত দুঃখের বিষয়! নামলোপ হইল, বংশলোপ হইল, এবং বহু যত্নে বহু কষ্টে বহু কালে উপাঙ্কিত ধন অত্নের হস্তে গেল। ইহা অপেক্ষা আক্ষেপের বিষয় আর কি হইতে পারে! এই বলিয়া দীর্ঘ নিশ্বাস পরিত্যাগ করিয়া কহিলেন, আমার লোকান্তর হইলে, আমারও নাম, বংশ ও রাজ্যের এই গতি হইবেক।

রাজার এইরূপ আক্ষেপ শুনিয়া মাধব্য কহিলেন, বয়শু! তুমি অকারণে এত পরিতাপ কর কেন? তোমার সন্তানের বয়স অতীত হয় নাই। কিছু দিন পরে, তুমি অবশ্রুই পুত্রমুখ নিরীক্ষণ করিবে। রাজা কহিলেন, বয়শু! তুমি আমায় মিথ্যা প্রবোধ দিতেছ কেন? উপস্থিত পরিত্যাগ করিয়া অল্পদৃষ্টিতের প্রত্যাশা করা যুদ্ধের কর্ণ। আমি যখন নিতান্ত বিচেতন হইয়া প্রিয়াকে পরিত্যাগ করিয়াছি, তখন আর আমার পুত্রমুখনিরীক্ষণের আশা নাই।

এইরূপে কিয়ৎ কণ বিলাপ করিয়া রাজা অগুঞ্জতানিবন্ধন শোকেয় সংবরণ পূর্বক প্রতিহারীকে কহিলেন, শুনিয়াছি, ধনমিজের অনেক ভার্য্যা আছে, তন্মধ্যে কেহ অস্তঃসত্বা থাকিতে পারে; অমাত্যকে এ বিষয়ের অত্নসন্ধান করিতে বল। প্রতিহারী কহিল, মহারাজ! অষোধ্যানিবাসী শ্রেষ্ঠীর কন্যা ধনমিজের এক ভার্য্যা। শুনিয়াছি, শ্রেষ্ঠীকন্যা অস্তঃসত্বা হইয়াছেন। তখন রাজা কহিলেন, তবে অমাত্যকে বল, সেই গর্ভস্থ সন্তান ধনমিজের সমস্ত ধনের অধিকারী হইবেক।

এই আদেশ দিয়া, প্রতিহারীকে বিদায় করিয়া, রাজা মাধব্যের সহিত পুনরায় শকুন্তলাসংক্রান্ত কথোপকথনের উপক্রম করিতেছেন, এমন সময়ে ইন্দ্রসারথি মাতলি দেবরথ লইয়া তথায় উপস্থিত হইলেন। রাজা, দেখিয়া আত্মসংক্রান্ত হইয়া, মাতলিকে স্বাগত জিজ্ঞাসা পুরঃসর আসনপরিগ্রহ করিতে বলিলেন। মাতলি আসনপরিগ্রহ করিয়া কহিলেন, মহারাজ! দেবরাজ যদর্থে আমায় আপনকার নিকটে পাঠাইয়াছেন, নিবেদন করি, শ্রবণ করুন। কালনেমির সন্তান দুর্জয় নামে দুর্দাস্ত দানবগণ দেবতাদিগের বিষয় শক্র হইয়া উঠিয়াছে; কতিপয় দিবসের নিমিত্ত দেবলোকে গিয়া আপনাকে দুর্জয় দানবদলের দমন করিতে হইবেক। রাজা কহিলেন, দেবরাজের এই আদেশে সবিশেষ অত্নগৃহীত হইলাম, পরে মাধব্যকে কহিলেন, বয়স্ত! অমাত্যকে বল, আমি কিয়ৎ দিনের নিমিত্ত দেবকার্য্যে ব্যাপৃত হইলাম; আমার প্রত্যাগমন পর্য্যন্ত তিনি একাকী সমস্ত রাজকার্য্যের পর্য্যালোচনা করুন।

এই বলিয়া সসজ্জ হইয়া রাজা ইন্দ্ররথে আরোহণ পূর্বক দেবলোকে প্রস্থান করিলেন।

সপ্তম পরিচ্ছেদ

রাজা দানবজয়কার্যে ব্যাপৃত হইয়া দেবলোকে কিছু দিন অবস্থিতি করিলেন। দেবকার্যসমাধানের পর, মর্ত্যালোকে প্রত্যাগমনকালে মাতলিকে সন্বেদন করিয়া কহিলেন, দেখ, দেবরাজ আমার যে গুরুতর সংকার করেন, আমি আপনাকে সেই সংকারের নিতান্ত অল্পপযুক্ত জ্ঞান করিয়া মনে মনে অতিশয় সঙ্কুচিত হই। মাতলি কহিলেন, মহারাজ ! ও সঙ্কোচ উভয় পক্ষেই সমান। আপনি দেবতাদিগের যে উপকার করেন, দেবরাজকৃত সংকারকে তদপেক্ষা গুরুতর জ্ঞান করিয়া সঙ্কুচিত হন ; দেবরাজও স্বকৃত সংকারকে মহারাজকৃত উপকারের নিতান্ত অল্পপযুক্ত বিবেচনা করিয়া সঙ্কুচিত হইয়া থাকেন।

ইহা শুনিয়া রাজা কহিলেন, দেবরাজসারথে ! এমন কথা বলিও না ; বিদায় দিবার সময় দেবরাজ যে সংকার করিয়া থাকেন, তাহা মাদৃশ জনের মনোরথেরও অগোচর। দেখ, সমবেত সৰ্ব দেব সমক্ষে অর্দ্ধাসনে উপবেশন করাইয়া, স্বহস্তে আমার গলদেশে মন্দারমালা অর্পণ করেন। মাতলি কহিলেন, মহারাজ ! আপনি সময়ে সময়ে দানবজয় করিয়া দেবরাজের যে মহোপকার করেন, দেবরাজকৃত সংকারকে আমি তদপেক্ষা অধিক বোধ করি না। বিবেচনা করিতে গেলে, আজ কাল মহারাজের ভূজবলেই দেবলোক নিকপত্রব রহিয়াছে। রাজা কহিলেন, আমি যে অনায়াসে দেবরাজের আদেশ সম্পন্ন করিতে পারি, সুসে দেবরাজেরই মহিমা ; নিম্বুজেরা প্রভুর প্রভাবেই মহৎ মহৎ কৰ্ম সকল সম্পন্ন করিয়া উঠে। যদি সূর্যদেব আপন রথের অগ্রভাগে না রাখিতেন, তাহা হইলে, অক্ষয় কি অক্ষয় দূর করিতে পারিতেন ? তখন মাতলি সাতিশয় প্রীত হইয়া কহিলেন, মহারাজ ! বিনয় সদৃশের শোভাসম্পাদন করে, এ কথা আপনাতেই বিলক্ষণ বস্তিয়াছে।

এইরূপ কথোপকথনে আসক্ত হইয়া, কিয়ৎ দূর আগমন করিয়া, রাজা মাতলিকে জিজ্ঞাসা করিলেন, দেবরাজসারথে ! ঐ যে পূর্ব পশ্চিমে বিস্তৃত পৰ্ব্বত স্বর্ণনির্মিতের ন্যায় প্রতীয়মান হইতেছে, ও পৰ্ব্বতের নাম কি ? মাতলি কহিলেন, মহারাজ ! ও হেমকূট পৰ্ব্বত, কিয়ৎ ও অক্ষয়াদিগের বাসস্থান ; তপস্বীদিগের তপস্বাসিদ্ধির সৰ্ব্বপ্রধান স্থান ; ভগবান্ কশ্যপ ঐ পৰ্ব্বতে তপস্বা করেন। তখন রাজা কহিলেন, তবে আমি ভগবানকে প্রশাম ও প্রদক্ষিণ

করিয়৷ ষাইব, এতাদৃশ মহাত্মার নাম শ্রবণ করিয়৷ বিনা প্রণাম প্রদক্ষিণে চলিয়৷ ষাওয়া অবিধেয়। তুমি রথ স্থির কর, আমি এই স্থানেই অবতীর্ণ হইতেছি।

মাতলি রথ স্থির করিলেন। রাজা, রথ হইতে অবতীর্ণ হইয়া, জিজ্ঞাসা করিলেন, দেবরাজসাবধে। এই পৰ্ব্বতের কোন অংশে ভগবানের আশ্রম? মাতলি কহিলেন, মহারাজ! মহাবির আশ্রম অধিকদূরবর্তী নহে, চলুন, আমি সমভিব্যাহাবে যাইতেছি। কিয়ৎ দূর গমন কবিয়া, এক ঋষিকুমারকে সম্মুখে সমাগত দেখিয়া, মাতলি জিজ্ঞাসা করিলেন, ভগবান কল্প এক্ষণে কি করিতেছেন? ঋষিকুমার কহিলেন, এক্ষণে তিনি নিজপত্নী আদিতিকে ও অন্যান্য ঋষিপত্নীদিগকে পতিব্রতার্থ শ্রবণ করাইতেছেন। তখন রাজা কহিলেন, তবে আমি এখন তাঁহার নিকটে ষাইব না। মাতলি কহিলেন, মহারাজ! আপনি, এই অশোক বৃক্ষের ছায়ায় অবস্থিত হইয়া কিয়ৎ ক্ষণ অপেক্ষা করুন; আমি মহাবির নিকট আপনকার আগমনসংবাদ নিবেদন করিতেছি। এই বলিয়া মাতলি প্রস্থান করিলেন।

রাজাব দক্ষিণ বাহু স্পন্দিত হইতে লাগিল। তখন তিনি নিজ হস্তকে সম্বোধন কবিয়া কহিতে লাগিলেন, হে হস্ত! আমি যখন নিতান্ত বিচেতন হইয়া প্রিয়াকে পরিত্যাগ করিয়াছি, তখন আর আমার অভীষ্টলাভে প্রত্যাশা নাই, তুমি কি নিামন্ত বুখা স্পন্দিত হইতেছ? রাজা মনে মনে এই আক্ষেপ করিতেছেন, এমন সময়ে, বৎস! এত উদ্ধত হও কেন, এই শব্দ রাজার কর্ণ-কুহরে প্রাবল্য হইল। রাজা শ্রবণ করিয়া মনে মনে এই বিতর্ক করিতে লাগিলেন, এ অবিনয়ের স্থান নহে, এখানে ষাবতীয় জীব জন্ত স্থানমাহাত্ম্যে হংসা, ষেয, মদ, মাংসর্ষ্য প্রভৃতি পরিত্যাগ করিয়া পয়স্পর সৌহার্দে কালযাপন করে, কেহ কাঠাবণ প্রতি অত্যাচার বা অহুচিত ব্যবহার করে না, এমন স্থানে কে ওদ্ধত্য প্রকাশ করিতেছে? ষাহা হউক, এ বিষয়ের অহুসঙ্কান করিতে হইল।

এইরূপ কৌতুহলাক্রান্ত হইয়া রাজা শব্দাহুসারে কিঞ্চিৎ অগ্রসর হইয়া দেখিলেন, এক অতি অল্পবয়স্ক শিশু সিংহশিশুর কেশর আকর্ষণ করিয়া অতিশয় উৎসাহিত করিতেছে, দুই তাপসী সমীপে দণ্ডায়মান আছেন। দেখিয়া চমৎকৃত হইয়া রাজা মনে মনে কহিতে লাগিলেন, তপোবনের কি অনির্বাচনীয় মহিমা! মানবশিশু সিংহশিশুর উপর অত্যাচার করিতেছে, সিংহশিশু অবিকৃত চিন্তে সেই অত্যাচার সহ করিতেছে। অনন্তর, তিনি কিঞ্চিৎ

নিকটবর্তী হইয়া সেই শিশুকে নিরীক্ষণ করিয়া স্নেহপরিপূর্ণ চিত্তে কহিতে লাগিলেন, আপন ঔরবে পুত্রকে দেখিলে মন বেরূপ স্নেহরসে আর্জ হই, এই শিশুকে দেখিয়া আমার মন সেইরূপ হইতেছে কেন ? অথবা, আমি পুত্রহীন বলিয়া এই সর্বাঙ্গসুন্দর শিশুকে দেখিয়া আমার মনে এরূপ স্নেহরসের আবির্ভাব হইতেছে।

এ দিকে, সেই শিশু সিংহশাবকের উপর ষৎপরোনাস্তি উৎপীড়ন আরম্ভ করিতে, তাপসীরা কহিতে লাগিলেন, বৎসে ! এই সকল জন্তুকে আমরা আপন সন্তানের স্তায় স্নেহ করি ; তুমি কেন অকারণে উহারে ক্রেশ দাও ? আমাদের কথা শুন, ক্রান্ত হও, সিংহশিশুকে ছাড়িয়া দাও ; ও আপন জননীর নিকটে ঝাউক। আর, যদি তুমি উহারে ছাড়িয়া না দাও, সিংহী তোমায় রুষ করিবেক। বালক শুনিয়া কিঞ্চিৎস্বাভাও ভীত না হইয়া সিংহশাবকের উপর অধিকতর উপক্রম আরম্ভ করিল। তাপসীরা ভয়প্রদর্শন দ্বারা তাহাকে ক্রান্ত করা অসাধ্য বুঝিয়া প্রলোভনার্থে কহিলেন বৎসে। তুমি সিংহশিশুকে ছাড়িয়া দাও, তোমায় একটি ভাল খেলনা দিব।

রাজা, এই কৌতুক দেখিতে দেখিতে, ক্রমে ক্রমে অগ্রসর হইয়া, তাঁহাদের অতি নিকটে উপস্থিত হইলেন ; কিন্তু, সহসা তাঁহাদের সম্মুখে না গিয়া, এক বৃক্ষের অন্তরালে থাকিয়া সন্নেহ নয়নে সেই শিশুকে নিরীক্ষণ করিতে লাগিলেন। এই সময়ে সেই বালক, কই কি খেলনা দিবে দাও বলিয়া, হস্ত-প্রসারণ করিল। রাজা, বালকের হস্তে দৃষ্টিপাত করিয়া, চমৎকৃত হইয়া, মনে মনে কহিতে লাগিলেন, কি আশ্চর্য্য ! এই বালকের হস্তে চক্রবাক্তিলক্ষণ লক্ষিত হইতেছে। তাপসীদের সঙ্গে কোনও খেলনা ছিল না ; সুতরাং, তাঁহারা তৎক্ষণাৎ দ্বিতে না পারাতে, বালক কুপিত হইয়া কহিল, তোমরা খেলনা দিলে না, তবে আমি উহারে ছাড়িব না। তখন এক তাপসী অপর তাপসীকে কহিলেন, সখি ! ও কথায় ভুলাইবার ছেলে নয় ; কুটীরে মাটির ময়ূর আছে, দ্বারায় লইয়া আইস। তাপসী বৃক্ষয় ময়ূরের আনয়নার্থ কুটীরে গমন করিলেন।

প্রথমে সেই শিশুকে দেখিয়া রাজার অন্তঃকরণে যে স্নেহের সঞ্চার হইয়াছিল, ক্রমে ক্রমে সেই স্নেহ পাচতর হইতে লাগিল। তখন তিনি মনে মনে কহিতে লাগিলেন, কেন এই অপরিচিত শিশুকে জোড়ে করিবার নিমিত্ত আমার মন এমন উৎসুক হইতেছে ! পরের পুত্র, দেখিলে মনে এত স্নেহদয় হয়, আমি পূর্বে জানিতাম না। আহা ! বাহার এই পুত্র সে ইহারে জোড়ে লইয়া

যখন ইহার মুখচূষন করে ; হান্ত করিলে যখন ইহার মুখমধ্যে অর্ধবিনির্গত কুম্ভস্নিগ্ধ দন্তগুলি অবলোকন করে ; যখন ইহার বৃহৎ মধুর আধ আধ কথাগুলি শ্রবণ করে ; তখন সেই পুণ্যবান ব্যক্তি কি অনির্বচনীয় প্রীতি প্রাপ্ত হয় ! আমি অতি হতভাগ্য । সংসারে আসিয়া এই পরম সুখে বঞ্চিত রহিলাম । পুত্রকে ক্রোড়ে লইয়া তাহার মুখচূষন করিয়া সৰ্ব্ব শরীর শীতল করিব , এবং পুত্রের অর্ধবিনির্গত দন্তগুলি অবলোকন করিয়া নয়নযুগলের সার্থকতা সম্পাদন করিব , এবং অদ্বৈতচারিত বৃহৎ মধুর বচনপরম্পরা শ্রবণে শ্রবণেন্দ্রিয়ের চবিতার্থতা লাভ করিব ; এ জন্মের মত আমার সে আশালতা নিমূল হইয়া গিয়াছে ।

ময়ুরের আনয়নে বিলম্ব দেখিয়া কুপিত হইয়া বালক কহিল, এখনও ময়ুর দিলে না, তবে আমি ইহাকে ছাড়িব না, এই বলিয়া সিংহশিশুটিকে অতিশয় বলপ্রকাশ পূর্বক আকর্ষণ করিতে লাগিল । তাপসী বিস্তর চেষ্টা পাইলেন, কিন্তু তদীয় হস্তগ্রহ হইতে সিংহশিশুটিকে কোনও মতে মুক্ত করিতে পারিলেন না । তখন তিনি বিরক্ত হইয়া কহিলেন, এমন সময়ে এখানে কোনও ঋষিকুমার নাই যে ছাড়াইয়া দেয় । এই বলিয়া পাশ্বে দৃষ্টিনিষ্ক্রেপ করিয়া নিরীহ সিংহশিশুকে এই দুর্দান্ত বালকের হস্ত হইতে মুক্ত করিয়া দেন । রাজা, তৎক্ষণাৎ নিকটে গিয়া, সেই বালককে ঋষিপুত্রবোধে তদনুরূপ সোধাধন করিয়া, কহিলেন, অহে ঋষিকুমার ! তুমি কেন তপোবনবিরুদ্ধ আচরণ করিতেছ ? তখন তাপসী কহিলেন, মহাশয় ! আপনি জানেন না, এ ঋষিকুমার নয় । রাজা কহিলেন, বালকের আকার দেখিয়া বোধ হইতেছে ঋষিকুমার নয়, কিন্তু, এ স্থানে ঋষিকুমার ব্যতীত অন্যবিধ বালকের লগাগমসম্ভাবনা নাই এজন্য আমি এরূপ বোধ করিয়াছিলাম ।

এই বলিয়া রাজা সেই বালকের হস্তগ্রহ হইতে সিংহশিশুকে মুক্ত করিয়া দিলেন, এবং স্পর্শস্বথ অস্বভব করিয়া মনে মনে কহিতে লাগিলেন, পরকীয় পুত্রের গাত্র স্পর্শ করিয়া আমার এরূপ স্বথাস্বভব হইতেছে ; যাহার পুত্র, সে ব্যক্তি ইহার গাত্র স্পর্শ করিয়া কি অল্পময় স্বথ অস্বভব করে, তাহা বলা যায় না ।

বালক নিতান্ত দুর্দান্ত হইয়াও রাজার নিকট একান্ত শাস্তস্বভাব হইল, ইহা দেখিয়া, এবং উভয়ের আকারগত সৌন্দর্য্য দর্শন করিয়া, তাপসী বিশ্বাসপন্ন হইলেন । রাজা, ঐ বালক ঋষিকুমার নহে, ইহা অবগত হইয়া, তাপসীকে জিজ্ঞাসিলেন, এই বালক যদি ঋষিকুমার না হয়, কোন ক্ষত্রিয়বংশে জন্মগ্রহণ করিয়াছে, জানিতে ইচ্ছা করি । তাপসী কহিলেন, মহাশয় ! এ পুরুবংশীয় ! রাজা শুনিয়া মনে মনে কহিতে লাগিলেন, আমি যে বংশে জন্মিয়াছি, ইহারও সেই বংশে জন্ম । পুরুবংশীয়দিগের এই রীতি বটে তাঁহার, প্রথমতঃ সাংসারিক স্বথভোগ সচ্ছন্দে কালযাপন করিয়া, পরিশেষে দস্তীক হইয়া অরণ্যবাস আশ্রয় করেন ।

পরে রাজা তাপসীকে জিজ্ঞাসিলেন, এ দেবভূমি, মাহুয়ের অবস্থিতির স্থান নহে ; তবে এই বালক কি সংযোগে এখানে আসিল ? তাপসী কহিলেন ইহার জননী অঙ্গরাসম্বন্ধে এখানে আসিয়া এই সন্তান প্রসব করিয়াছেন । রাজা শুনিয়া মনে মনে কহিতে লাগিলেন; পুরুবংশ ও অঙ্গরাসম্বন্ধ, এই দুই কথা শুনিয়া আমার হৃদয়ে পুনর্বীর আশার সঞ্চার হইতেছে । ষাহ, হউক, ইহার পিতার নাম জিজ্ঞাসা করি, তাহা হইলেই সন্দেহভঞ্জন হইবেক ।

এই বলিয়া তিনি তাপসীকে পুনরায় জিজ্ঞাসিলেন, আপনি জানেন, এই বালক পুরুবংশীয় কোন ব্যক্তির পুত্র ? তখন তাপসী কহিলেন, মহাশয় ! কে সেই ধর্মপত্নীপরিভ্যাগী পাশাত্মার নামকীর্তন করিবেক ? রাজা শুনিয়া মনে মনে কহিতে লাগিলেন, এ কথা আমাদেরই লক্ষ্য করিতেছে । ভাল, ইহার জননীর নাম জিজ্ঞাসা করি, তাহা হইলেই এক কালে সকল সন্দেহ দূর হইবেক ; অথবা পরস্মীসংক্রান্ত কোনও কথা জিজ্ঞাসা করা উচিত নয় । আমি স্বখন মোহাঙ্ক হইয়া স্বহস্তে আশালতার মূলচ্ছেদ করিয়াছি, তখন সে আশালতাকে বুথা পুনরুজ্জীবিত করিবার চেষ্টা পাইয়া, পরিশেষে কেবল সমধিক ক্ষোভ পাইতে হইবেক, অতএব ও কথায় আর কাজ নাই ।

রাজা মনে মনে এই আন্দোলন করিতেছেন, এমন সময়ে অপরা তাপসী কুটার হইতে ঝুগ্নয় ময়ুর আনয়ন করিলেন, এবং কহিলেন, বৎস ! কেমন শকুন্তলাবণ্য দেখ । এই বাক্যে শকুন্তলাশব্দ শ্রবণ করিয়া বালক কহিল, কই আমার মা কোথায় ? তখন তাপসী কহিলেন, না বৎস ! তোমার মা এখানে আইসেন নাই । আমি তোমায় শকুন্তের লাবণ্য দেখিতে কহিয়াছি । ইহা বলিয়া রাজাকে কহিলেন, মহাশয় ! এই বালক জন্মাবধি জননী ভিন্ন আপনার কাহাকেও দেখে নাই ; নিয়ত জননীর নিকটেই থাকে ; এই নিমিত্ত নিতান্ত মাতৃবৎসল । শকুন্তলা বণ্যশব্দে জননীর নামাক্ষর শ্রবণ করিয়া উহার জননীকে মনে পড়িয়াছে । উহার জননীর নাম শকুন্তলা ।

সমুদায় শ্রবণগোচর করিয়া রাজা মনে মনে কহিতে লাগিলেন, ইহার জননীরও নাম শকুন্তলা ? কি আশ্চর্য ! উত্তরোত্তর সকল কথাই আমার বিষয়ে ঘটিতেছে ! এই সকল কথা শুনিয়া আমার আশাই বা না জন্মিবেক কেন ? অথবা আমি ঝুগ্নতৃষ্ণিকায় ভ্রান্ত হইয়াছি ; এজন্য নামসাদৃশ্য শ্রবণে মনে মনে বুথা এত আন্দোলন করিতেছি ; এরূপ নামসাদৃশ্য শত শত ঘটিতে পারে ।

শকুন্তলা অনেক ক্ষণ অবধি পুত্রকে দেখেন নাই, এ নিমিত্ত অতিশয় উৎকণ্ঠিত হইয়া অন্বেষণ করিতে করিতে, সহসা সেই স্থানে উপস্থিত হইলেন । রাজা, বিরহক্লশা মলিনবেশা শকুন্তলাকে সহসা সেই স্থানে উপস্থিত দেখিয়া, বিস্ময়াপন্ন হইয়া এক দৃষ্টিতে তাহার দিকে চাহিয়া রহিলেন, নয়নযুগলে প্রবল বেগে জলধারা বহিতে লাগিল ; বাক্যশক্তিহীন হইয়া ষণ্ডায়মান রহিলেন, একটিও

কথা কহিতে পারিলেন না। শকুন্তলাও, অকস্মাৎ রাজাকে দেখিয়া, স্বপ্নদর্শনবৎ বোধ করিয়া, স্বির নয়নে তাঁহার দিকে চাহিয়া রহিলেন; নয়নযুগল বাষ্প-বারিতে পরিপ্লুত হইয়া আসিল। বালক, শকুন্তলাকে দেখিবামাত্র, মা মা করিয়া, তাঁহার নিকটে উপস্থিত হইল এবং জিজ্ঞাসিল, মা। ও কে, ওকে দেখে তুই কাঁদিস্ কেন? তখন শকুন্তলা গদগদ বচনে কহিলেন, বাছা। ও কথা আমার জিজ্ঞাসা কর কেন? আপন অদৃষ্টকে জিজ্ঞাসা কর।

কিয়ৎ ক্ষণ পরে, রাজা মনের আবেগসংবরণ করিয়া শকুন্তলাকে কহিলেন, প্রিয়ে! আমি তোমার প্রতি যে অসহ্যবহার করিয়াছি, তাহা বলিবার নয়। তৎকালে আমার মতিচ্ছন্ন ষটিয়াছিল, তাহাতেই অবমাননা পূর্বক তোমায় বিদায় করিয়াছিলাম। কয়েক দিবস পরেই, সমস্ত বৃত্তান্ত আমার স্মৃতিপথে উপনীত হইয়াছিল; তদবধি আমি কি অল্পখে কালহরণ করিয়াছি, তাহা আমার অন্তরাগ্নাই জানেন। পুনরায় তোমার দর্শন পাইব, আমার সে আশা ছিল না। এক্ষণে তুমি প্রত্যাখ্যানদুঃখ পবিত্যাগ করিয়া আমার অপরাধ মার্জনা কর।

রাজা এই বলিয়া উন্মূলিত তরুর শ্রায় ভূতলে পতিত হইলেন। তদর্শনে শকুন্তলা অস্তব্যস্তে রাজার হস্তে ধরিয়া কহিলেন, আর্ধ্যপুত্র! উঠ, উঠ, তোমার দোষ কি; সকলই আমার অদৃষ্টের দোষ। এত দিনের পর দুঃখিনীকে যে স্বরণ করিয়াছ, তাহাতেই আমার সকল দুঃখ দূর হইয়াছে। এই বলিতে বলিতে শকুন্তলার নয়নযুগল হইতে প্রবল বেগে বাষ্পবারি বিগলিত হইতে লাগিল। রাজা গাত্ৰোত্থান করিয়া বাষ্পবারিপরিপূরিত নয়নে কহিতে লাগিলেন, প্রিয়ে! প্রত্যাখ্যান কালে তোমার নয়নযুগল হইতে হে জলধারা বিগলিত হইয়াছিল, তাহা উপেক্ষা করিয়াছিলাম, পরে সেই দুঃখে আমার হৃদয় বিদীর্ণ হইয়া গিয়াছিল। এক্ষণে তোমার চক্ষের জলধারা মুছিয়া দিয়া সকল দুঃখ দূর করি। এই বলিয়া তিনি স্বহস্তে শকুন্তলার চক্ষের জল মুছিয়া দিলেন। শকুন্তলার শোকসাগর আরও উখলিয়া উঠিল; প্রবল প্রবাহে নয়নে বারিধারা বহিতে লাগিল। অনন্তর দুঃখাবেগের সংবরণ করিয়া শকুন্তলা রাজাকে কহিলেন, আর্ধ্যপুত্র! তুমি যে এই দুঃখিনীকে পুনরায় স্বরণ করিবে, সে আশা ছিল না। কি রূপে আমি পুনর্বীর তোমার স্মৃতিপথে উপনীত হইলাম, ভাবিয়া স্বির করিতে পারিতেছি না। তখন রাজা কহিলেন প্রিয়ে! তৎকালে তুমি আমার যে অঙ্গুরীয় দেখাইতে পার নাই, কয়েক দিবস পরে উহা আমার হস্তে পড়িলে আত্মোপাস্ত সমস্ত বৃত্তান্ত আমার স্মৃতিপথে আকৃঢ় হয়। এই সেই অঙ্গুরীয়। এই বলিয়া, স্বীর অঙ্গুলীস্থিত সেই অঙ্গুরীয় দেখাইয়া, পুনর্বীর শকুন্তলার অঙ্গুলীতে পরাইয়া দিবার চেষ্টা করিলেন। তখন শকুন্তলা কহিলেন, আর্ধ্যপুত্র! আর আমার ও অঙ্গুরীয়ে কাত নাই; ওই আমার সর্বনাশ করিয়াছিল; ও তোমার অঙ্গুলীতেই থাকুক।

উভয়ের এইরূপ কথোপকথন হইতেছে, এমন সময়ে মাতলি আসিয়া প্রফুল্ল বদনে কহিলেন, মহারাজ ! এত দিনের পর আপনি বে ধর্মপত্নীর সহিত সমাগত হইলেন, ইহাতে আমরা কি পর্য্যন্ত আফ্লাদিত হইয়াছি, বলিতে পারি না। ভগবান্ কশ্যপও শুনিয়া সাতিশয় প্রীত হইয়াছেন। এক্ষণে আশ্রমে গিয়া ভগবানের সহিত সাক্ষাৎ করুন ; তিনি আপনকার প্রতীক্ষা করিতেছেন। তখন রাজা শকুন্তলাকে কহিলেন, শ্রিয়ে ! চল, আজ উভয়ে এক সমভিব্যাহারে ভগবানের চরণদর্শন করিব। শকুন্তলা কহিলেন, আর্ধ্যপুত্র ! ক্ষমা কর, আমি তোমার সঙ্গে গুরুজনের নিকটে যাইতে পারিব না। তখন রাজা কহিলেন, শ্রিয়ে ! শুভ সময়ে এক সমভিব্যাহারে গুরুজনের নিকটে যাওয়া দোবাবহ নহে। চল, বিলম্ব করিয়া কাজ নাই।

এই বলিয়া রাজা শকুন্তলাকে সঙ্গে লইয়া, মাতলি সমভিব্যাহারে কশ্যপের নিকট উপস্থিত হইলেন, দেখিলেন, ভগবান্ অদ্বিতির সহিত একাসনে বসিয়া আছেন ; তখন সন্ন্যাসীক সাতীক প্রণিপাত করিয়া কৃতাজলিপুটে সম্মুখে দণ্ডায়মান রহিলেন। কশ্যপ, বৎস ! চিরজীবী হইয়া অপ্রতিহত প্রভাবে অখণ্ড ভূমণ্ডলে একাধিপত্য কর, এই বলিয়া আশীর্বাদ করিলেন ; অনন্তর শকুন্তলাকে কহিলেন, বৎসে ! তোমার স্বামী ইন্দ্রসদৃশ, পুত্র জয়ন্তসদৃশ ; তোমায় অল্প আর কি আশীর্বাদ করিব ; তুমি শচীসদৃশী হও। এইরূপ আশীর্বাদ করিয়া কশ্যপ উভয়কে উপবেশন করিতে বলিলেন।

সকলে উপবিষ্ট হইলে, রাজা কৃতাজলি হইয়া বিনয়পূর্ণ বচনে নিবেদন করিলেন, ভগবন্ । শকুন্তলা আপনকার সগোত্র মহর্ষি কথের পালিত তনয়া। যুগয়াপ্রসঙ্গে তদীয় তপোবনে উপস্থিত হইয়া আমি গান্ধর্ব বিধানে ইহার পাণিগ্রহণ করিয়াছিলাম। পরে, ইঁনি ষৎকালে রাজধানীতে নীত হন, তখন আমার এরূপ স্মৃতিভ্রংশ ঘটয়াছিল যে, ইঁহাকে চিনিতে পারিলাম না। চিনিতে না পারিয়া প্রত্যাখ্যান করিয়াছিলাম। ইহাতে আমি মহাশয়ের ও মহর্ষি কথের নিকট, যার পর নাই, অপরাধী হইয়াছি। কৃপা করিয়া আমার অপরাধ মার্জনা করুন ; আর, বাহাতে ভগবান্ কথ আমার উপর অক্রোধ হন, আপনাকে তাহারও উপায় করিতে হইবেক।

কশ্যপ শুনিয়া দ্বিধং হাস্য করিয়া কহিলেন, বৎস ! সে জন্ম তুমি কুণ্ঠিত হইও না। এ বিষয়ে তোমার অনুযাজ্ঞ অপরাধ নাই। যে কারণে তোমার স্মৃতিভ্রংশ ঘটয়াছিল, তুমি ও শকুন্তলা উভয়েই অবগত নহ। এই নিমিত্ত আমি সেই স্মৃতিভ্রংশের প্রকৃত হেতু করিতেছি ; শুনিলে শকুন্তলার হৃদয় হইতে প্রত্যাখ্যাননিবন্ধন সকল ক্ষোভ দূর হইবেক। এই বলিয়া তিনি শকুন্তলাকে কহিলেন বৎসে ! রাজা তপোবন হইতে স্বীয় রাজধানী প্রতিগমন করিলে পর, এক দিন তুমি পতিচিন্তায় একান্ত মগ্ন হইয়া কূটীরে উপবিষ্ট ছিলে। সেই সময়ে গুরুদেব আসিয়া অতিথি হন। তুমি এক কালে বাহ্যজ্ঞানশূন্য হইয়া ছিলে,

সুতরাং তাঁহার সংকার বা সংবর্ধনা করা হয় নাই। তিনি কুপিত হইয়া তোমায় এই শাপ দিয়া চলিয়া যান, তুই যার চিন্তায় মগ্ন হইয়া অতিথির অবমাননা করিলি, সে কখনও তোরে স্মরণ করিবেক না। তুমি সেই শাপ শুনিতে পাও নাই। তোমার সখীরা শুনিতে পাইয়া তাঁহার চরণে ধরিয়া অনেক অল্পনয় করিলেন। তখন তিনি কহিলেন, এ শাপ অশ্রুত হইবার নহে। তবে যদি কোনও অভিজ্ঞান দর্শাইতে পারে, তাহা হইলে স্মরণ করিবেক। অনন্তর, রাজাকে কহিলেন, বৎস! দুর্কাসার শাপপ্রভাবেই তোমার স্মৃতিভ্রংশ ঘটিয়াছিল, তাহাতেই তুমি ইহাকে চিনিতে পার নাই। শকুন্তলার সখীর অল্পনয়বাক্যে কিঞ্চিৎ শাস্ত হইয়া দুর্কাসা অভিজ্ঞানদর্শনকে শাপমোচনের উপায় নির্দ্ধারিত করিয়া দিয়াছিলেন; সেই নিমিত্ত অঙ্গুরীয়দর্শনমাত্র শকুন্তলাবৃত্তান্ত পুনর্বীর তোমার স্মৃতিপথে আকৃষ্ট হয়।

দুর্কাসার শাপবৃত্তান্ত শ্রবণ করিয়া সাতিশয় হর্ষিত হইয়া রাজা কহিলেন, ভগবন্! এক্ষণে আমি সকলের নিকট সকল অপরাধ হইতে মুক্ত হইলাম। শকুন্তলাও শুনিয়া মনে মনে কহিতে লাগিলেন, এই নিমিত্তই আমার এই দুর্দশা ঘটিয়াছিল; নতুবা, আর্ধ্যপুত্র এমন সরলহৃদয় হইয়া কেন আমায় অকারণে পরিত্যাগ করিবেন? দুর্কাসার শাপই আমার সর্বনাশের মূল। এই জন্তেই তপোবন হইতে প্রস্থানকালে, সখীরাও যত্ন পূর্বক আর্ধ্যপুত্রকে অঙ্গুরীয় দেখাইতে কহিয়াছিলেন। আজ ভাগ্যে এই কথা শুনিলাম; নতুবা যাবজ্জীবন আমার অন্তঃকরণে আর্ধ্যপুত্র অকারণে পরিত্যাগ করিয়াছিলেন বলিয়া ক্ষোভ থাকিত।

পরে কশ্যপ রাজাকে সোধোধন করিয়া কহিলেন, বৎস! তোমার এই পুত্র সঙ্গারগা সখীপা পৃথিবীর অধিতীয় অধিপতি হইবেক, এবং সকল ভুবনের ভর্তা হইয়া উত্তর কালে ভারত নামে প্রসিদ্ধ হইবেক। তখন রাজা কহিলেন, ভগবন্! আপনি যখন এই বালকের সংস্কার করিয়াছেন, তখন ইহাতে কি না সম্ভবিত্তে পারে? অদিতি কহিলেন, অবিলম্বে কণ ও মেনকার নিকট এই সংবাদ প্রেরণ কবা আবশ্যিক। তদানুসারে, কশ্যপ দুই শিশুকে আহ্বান করিয়া কণ ও মেনকার নিবট সংবাদপ্রাদানার্থে প্রেরণ করিলেন, এবং রাজাকে কহিলেন, বৎস! বহু দিবস হইল রাজধানী হইতে আসিয়াছ; অতএব, আর বিলম্ব না করিয়া, দেবরথে আরোহণ পূর্বক, পত্নী ও পুত্র সমভিব্যাহারে প্রস্থান কর। তখন রাজা, মহাশয়ের ষে আজ্ঞা, এই বলিয়া, প্রণাম ও প্রদক্ষিণ করিয়া, সস্ত্রীক সপুত্র রথে আরোহণ করিলেন, এবং নিজ রাজধানী প্রত্যাগমন পূর্বক পরম সুখে রাজ্যাশাসন ও প্রজাপালন করিতে লাগিলেন।

সীতার বনবাস

প্রথম পরিচ্ছেদ

রাম রাজপদে প্রতিষ্ঠিত হইলেন, এবং অপ্রতিহত প্রভাবে রাজ্যশাসন ও অপত্যনির্বিশেষে প্রজাপালন করিতে লাগিলেন। তাঁহার শাসনশৃংখলা, স্বল্প সময়েই সমস্ত কোশলরাজ্য সর্বত্র সর্বপ্রকার সুখসমৃদ্ধিতে পরিপূর্ণ হইয়া উঠিল। ফলতঃ, তদীয় অধিকারকালে প্রজালোকের সর্ব্বাংশে ষাটশ সৌভাগ্যসঙ্কার ঘটিয়াছিল, ভূমণ্ডলে কোনও কালে কোনও রাজার শাসনসময়ে সেরূপ লক্ষিত হয় নাই। তিনি, প্রতিদিন, যথাকালে, অমাত্যবর্গে পরিবৃত্ত হইয়া, অবহিত চিত্তে রাজকার্যের পর্যালোচনা করিতেন; অবশিষ্ট সময় ভাতৃভ্রাতৃয়ের ও জনকতয়নার সহবাসসুখে অতিবাহিত হইত।

কালক্রমে জানকীর গর্ভলক্ষণ আবির্ভূত হইল। তদর্শনে রামের ও রাম-জননী কৌশল্যার আশ্রিতদের সীমা রহিল না; সমস্ত রাজভবন উৎসবে পূর্ণ হইল; পুরবাসিগণ, অচিরে রাজকুমার দেখিব, এই মনের উল্লাসে স্ব স্ব আবাসে অশেষবিধ উৎসবক্রিয়া করিতে লাগিল।

কিয়ৎ দিন পরে, মহর্ষি ঋষ্যশৃঙ্গ যজ্ঞবিশেষের অনুষ্ঠান করিলেন। রাজা রামচন্দ্র, পরিবারবর্গের সহিত তদীয় আশ্রমে উপস্থিত হইবার নিমিত্ত, নিমন্ত্রিত হইলেন। এই সময়ে জানকীর গর্ভ প্রায় পূর্ণ অবস্থায় উপস্থিত, এজন্ত তিনি, এবং তদনুরোধে রাম ও লক্ষ্মণ, নিমন্ত্রণরক্ষা করিতে পারিলেন না; কেবল বৃদ্ধ মহিষীরা বশিষ্ঠ ও অরুণ্ডতী সমভিব্যাহারে জামাতৃযজ্ঞে গমন করিলেন। তাঁহারাও, পূর্ণগর্ভা জানকীরে গৃহে রাখিয়া, তথায় বাইতে কোনও মতে সন্মত ছিলেন না; কেবল, জামাতৃকৃত নিমন্ত্রণের উল্লঙ্ঘন সর্ব্বথা অবিধেয়, এই বিবেচনায় নিতান্ত অনিচ্ছা পূর্ব্বক যজ্ঞদর্শনে গমন করেন।

কতিপয় দিবস পূর্বে, রাজা জনক, তনয়া ও জামাতাকে দেখিবার নিমিত্ত, অযোধ্যায় আসিয়াছিলেন। তিনি, কৌশল্যাপ্রভৃতি নিমন্ত্রণগমনের অব্যবহিত পরেই, মিথিলায় প্রতিগমন করিলেন। প্রথমতঃ শক্রজনবিরহ, তৎপরেই পিতৃবিরহ, উভয় বিরহে জানকী একান্ত শোকাকুল হইলেন। পূর্ণ গর্ভ অবস্থায় শোকা-মোহাদি দ্বারা অভিভূত হইলে, অনিষ্টপাতের বিলক্ষণ সম্ভাবনা; এজন্ত রামচন্দ্র, সর্ব্বকর্ষপরিত্যাগ পূর্ব্বক, সীতার সান্বনার নিমিত্ত সতত তৎসন্নিধানে অবস্থিত করিতে লাগিলেন।

এক দিবস, রামচন্দ্র জানকীসমীপে উপবিষ্ট আছেন এমন সময়ে, প্রতীহারী আসিয়া বিনয়নম্র বচনে নিবেদন করিল, মহারাজ ! মহাবি ঋষিশৃঙ্গের আশ্রম হইতে সংবাদ লইয়া অষ্টাবক্র মুনি আসিয়াছেন। রাম ও জানকী শ্রবণমাত্র অভিমাত্র ব্যগ্র হইয়া বলিলেন, তাঁহাকে দ্বারায় এই স্থানে আন। প্রতীহারী, তৎক্ষণাৎ তথা হইতে প্রাধান পূর্বক, পুনর্বার অষ্টাবক্র সমভিব্যাহারে তাঁহাদের সম্মুখে উপস্থিত হইল। অষ্টাবক্র, দীর্ঘায়ুসম্বলিয়া, হস্ত তুলিয়া আশীর্বাদ করিলেন। রাম ও জানকী প্রণাম করিয়া বসিতে আসনপ্রদান করিলেন। তিনি উপবিষ্ট হইলে রাম জিজ্ঞাসিলেন, ভগবান্ ঋষিশৃঙ্গের কুশল ? তাঁহার বক্তা নিবিশ্বে সম্পন্ন হইতেছে ? সীতাও জিজ্ঞাসা করিলেন, কেমন, আমার গুরুজন ও আৰ্য্য শাস্ত্রা সকলে কুশলে আছেন ? তাঁহারা আমাদিগকে মনে করেন, না এক বারেই তুলিয়া গিয়াছেন।

অষ্টাবক্র, সকলের কুশলবার্ত্তাবিজ্ঞাপন করিয়া, সমুচিত সম্ভাষণ পূর্বক জানকীকে বলিলেন, দেবি ! ভগবান্ বশিষ্ঠ দেব আপনারে বলিয়াছেন, ভগবতী বিশ্বস্তরা দেবী তোমায় প্রসব করিয়াছেন, সাক্ষাৎ প্রজাপতি রাজা জনক তোমায় পিতা ; তুমি সৰ্ব্বপ্রধান রাজকুলের বধু হইয়াছ ; তোমার বিষয়ে আর কোনও প্রার্থনিতব্য দেখিতেছি না ; অহোমাত্র এইমাত্র প্রার্থনা করিতেছি তুমি বীরপ্রসবিনী হও। সীতা শুনিয়া লজ্জায় কিঞ্চিৎ সঙ্কুচিতা হইলেন। রাম ষার পর নাই হর্ষিত হইয়া বলিলেন, ভগবান্ বশিষ্ঠ দেব যখন এরূপ আশীর্বাদ করিতেছেন, তখন অবশ্যই আমাদের মনোরথসম্পন্ন হইবেক। অনন্তর, অষ্টাবক্র রামচন্দ্রকে বলিলেন, মহারাজ ! ভগবতী অরুণ্ডতী দেবী, বৃদ্ধ মহিষীগণ, ও কল্যাণিনী শাস্ত্রা ভূয়োভূয়ঃ বলিয়াছেন, সীতা দেবী যখন যে অভিলাষ করিবেন, যেন তৎক্ষণাৎ তাহা সম্পাদিত হয়। রাম বলিলেন, আপনি তাঁহাদিগকে আমার প্রণাম জানাইয়া বলিবেন, ইনি যখন যে অভিলাষ করিতেছেন, তৎক্ষণাৎ তাহা সম্পাদিত হইতেছে ; সে বিষয়ে আমার এক যুহুর্ষের জন্তেও আলস্ত বা গুণাস্ত্র নাই।

অনন্তর, অষ্টাবক্র বলিলেন, দেবি জানকি ! ভগবান্ ঋষিশৃঙ্গ সাধর ও সন্নৈহ সম্ভাষণ পূর্বক বলিয়াছেন, বৎসে ! তুমি পূর্ণগর্ভা, এজন্ত তোমায় আনিতে পারি নাই, তন্নিমিত্ত আমি যেন তোমায় বিরাগভাজন না হই ; আর রাম ও লক্ষ্মণকে তোমায় চিন্তবিনোদনার্থে রাখিতে হইয়াছে ; আরক্ত বক্তা সমাপিত হইলেই, আমরা সকলে অযোধ্যায় গিয়া তোমার কোড়ম্বেশ এক বারে নব কুমারে সুশোভিত দেখিব। রাম শুনিয়া নিতম্ব ও হস্তচিন্ত হইয়া

অষ্টাবক্রকে জিজ্ঞাসিলেন, ভগবান্ বশিষ্ঠ দেব আমার প্রতি কোনও আদেশ করিয়াছেন ? অষ্টাবক্র বলিলেন, মহারাজ বশিষ্ঠ দেব আপনাকে বলিয়াছেন, বৎস ! জামাতৃবজ্ঞে রুদ্ধ হইয়া, আমাদিগকে কিছু দিন এই স্থানে অবস্থিত করিতে হইবেক । তুমি বালক, অল্প দিন মাত্র রাজপদে প্রতিষ্ঠিত হইয়াছে । প্রজারঞ্জনকার্যে সর্বদা অবস্থিত থাকিবে ; প্রজারঞ্জনসম্বৃত্ত নির্মল কীৰ্ত্তিই রঘু-বংশীয়দিগের পরম ধন । রাম বলিলেন, আমি ভগবানের এই আদেশে সৰ্বিশেষ অহুগৃহীত হইলাম ; তাঁহার আদেশ ও উপদেশ সর্বদাই আমার শিরোধার্য্য । আপনি তাঁহার চরণারবিন্দে আমার সাষ্টাঙ্গ প্রণিপাত জানাইয়া বলিবেন, যদি প্রজালোকের সৰ্ব্বাঙ্গীণ অহুরঞ্জনের জ্ঞাত আমায় স্নেহ, দয়া, বা স্নেহভোগে বিসর্জন দিতে হয়, অথবা প্রার্থাপ্রয়া জানকীর মায়াপরিত্যাগ করিতে হয়, তাহাতেও আমি কিছুমাত্র কাতর হইব না । তিনি বেন সে বিষয়ে নিশ্চিন্ত ও নিরুদ্বেগ থাকেন : আমি প্রজারঞ্জনকার্যে কণ কালের জন্তেও অলস বা অনবস্থিত নহি । সীতা স্তনিয়া সাতিশয় হর্ষিত হইয়া বলিলেন, এরূপ না হইলেই বা আৰ্য্যপুত্র রঘুকুলধুরন্ধর হইবেন কেন ?

অনন্তর, রামচন্দ্র সন্নিহিত পরিচাকের প্রতি : অষ্টাবক্রকে বিশ্রাম করাইবার আদেশপ্রদান করিলেন । অষ্টাবক্র সমুচিত সন্তোষ ও আশীর্বাদপ্রয়োগ পূর্বক বিদায় লইয়া বিশ্রমার্থে প্রস্থান করিলে, রাম ও জানকী পুনরায় কথোপকথনে প্রবৃত্ত হইতেছেন, এমন সময়ে লক্ষণ আসিয়া বলিলেন, আৰ্য্য ! আমি এক চিত্রকরকে আপনকার চরিত্র চিত্রিত করিতে বলিয়াছিলাম ; সে এই আলেক্ষ্য প্রস্তুত করিয়া আনিয়াছে, অবলোকন করুন । রাম বলিলেন, বৎস ! দেবী দুর্নাম্যমানা হইলে, কিরূপে তাঁহার চিত্রবিনোদন করিতে হয়, তাহা তুমিই বিলক্ষণ জান ; তা জিজ্ঞাসা করি, এই চিত্রপটে কি পর্য্যস্ত চিত্রিত হইয়াছে । লক্ষণ বলিলেন, আৰ্য্য জানকীর অগ্নিপরিণেত্রিকাও পর্য্যস্ত ।

রাম স্তনিয়া সাতিশয় ক্রুদ্ধ হইয়া বলিলেন, বৎস ! তুমি আমার সমক্ষে আর ও কথা মুখে আনিও না ; ও কথা স্তনিলে অথবা মনে হইলে, আমি সাতিশয় ক্রুদ্ধ ও লজ্জিত হই ! কি আক্ষেপের বিষয় ! যিনি জন্মপন্নিগ্রহ করাতে জগৎ পবিভ্র হইয়াছে, তাঁহাকেও আবার অস্ত্র পাবন ধারা পূত করিতে হইয়াছিল । হায়, লোকরঞ্জন কি দুঃস্থ ব্রত ! সীতা বলিলেন, নাথ ! সে সকল কথা মনে করিয়া আপনি অকারণে ক্রুদ্ধ হইতেছেন কেন ? আপনি তৎকালে সৰ্বিবেচনার কন্মই করিয়াছিলেন ; সেরূপ না করিলে চিত্রনির্মল রঘুকূলে কলঙ্কস্পর্শ হইত, এবং আমারও অপবাদবিমোচন হইত না । সীতার

বাক্য শ্রবণগোচর করিয়া, রামচন্দ্রে দীর্ঘনিশ্বাসপরিত্যাগ পূর্বক বলিলেন, প্রিয়ে ! আর ও কথায় কাজ নাই ; এস আলোখ্য দেখি ।

সকলে আলোখ্যদর্শনে প্রবৃত্ত হইলেন । সীতা কিয়ৎ ক্ষণ ইতস্ততঃ দৃষ্টি-সঞ্চারণ করিয়া জিজ্ঞাসিলেন, নাথ ! আলোখ্যের উপরিভাগে ঐ সমস্ত কি চিত্রিত রহিয়াছে ? রাম বলিলেন, প্রিয়ে ! ও সকল সমস্তক জুস্তক অস্ত্র । ব্রহ্মাদি প্রাচীন গুরুগণ, বেদরক্ষার নিমিত্ত, দীর্ঘ কাল তপস্বী করিয়া ঐ সকল তপোময় তেজঃপুঞ্জ পরম অস্ত্র প্রাপ্ত হইয়াছিলেন । গুরুপরম্পরায় ভগবান্ কৃশাশ্বের নিকট সমাগত হইলে, রাজর্ষি বিশ্বামিত্র তাঁহার নিকট হইতে ঐ সমস্ত মহাস্ত্র পাইয়াছিলেন । পরম কৃপালু রাজর্ষি, সবিশেষে কৃপাদর্শন পূর্বক, তাড়কানিধনকালে আমায় তৎসমুদয় দিয়াছিলেন । তদবধি উহারা আমাব অধিকারে আছে, তোমার পুত্র হইলে তাহাদের আশ্রয় গ্রহণ করিবেক ।

লক্ষণ বলিলেন দেবি ! এ দিকে মিথিলাবৃত্তান্তে দৃষ্টিপাত করুন । সীতা দেখিয়া ষৎপরোনাস্তি আফ্লাদিত হইয়া বলিলেন, তাই ত, ঠিক যেন আর্ধ্যপুত্র হরধনু উত্তোলিত করিয়া ভক্তিতে উত্তত হইয়াছেন, আর পিতা আমার, বিশ্বম্ভা-পন্ন হইয়া অনিমিষ নয়নে নিরীক্ষণ করিতেছেন । আ মরি মরি, কি চমৎকাব চিত্র করিয়াছে । আবার, এ দিকে বিবাহকালীন সভা । সেই সভায় তোমরা চারি ভাই, তৎকালোচিত বেশ ভূষায় অলঙ্কৃত হইয়া, কেমন শোভা পাইতেছ । চিত্র দেখিয়া বোধ হইতেছে, যেন সেই প্রদেশে ও সেই সময়ে বিজ্ঞমান রহিয়াছি । শুনিয়া, পূর্ব বৃত্তান্ত স্মৃতিপথে আরুঢ় হওয়াতে, রাম বলিলেন, প্রিয়ে ! যথার্থ বলিয়াছ, ষখন মহর্ষি শতানন্দ তোমার কমনীয় কোমল করণলব আমায় করে সমর্পিত করিয়াছিলেন, যেন সেই সময় বর্তমান রহিয়াছে ।

চিত্রপটের স্থলাস্তরে অঙ্কুনির্দেশ করিয়া লক্ষণ বলিলেন, এই আর্ধ্যা, এই আর্ধ্যা মাণ্ডবী, এই ঋতু-শতকীর্তি ; কিন্তু তিনি লঙ্কাবশতঃ উষ্মিলার উল্লেখ করিলেন না । সীতা বৃত্তিতে পারিয়া, কৌতুক করিবার নিমিত্ত, হাস্তমুখে উষ্মিলার দিকে অঙ্কুনিপ্রয়োগ করিয়া, লক্ষণকে জিজ্ঞাসিলেন, বৎস ! এ দিকে এ কে চিত্রিত রহিয়াছে ? লক্ষণ কোনও উত্তর না দিয়া ঈষৎ হাসিয়া বলিলেন, দেবি ! দেখুন দেখুন, হরশরাসনের ভঙ্গবর্তীশ্রবণে ক্রোধে অধীর হইয়া, ক্ষত্রিয়কুলান্তকারী ভগবান্ ভৃগুনন্দন আমাদের অযোধ্যাগমনপথ রুদ্ধ করিয়া দণ্ডায়মান আছেন ; আর, এ দিকে দেখুন, ভুবনবিজয়ী আর্ধ্য তাঁহার ধর্পসংহার করিবার নিমিত্ত শরাশনে শরসন্ধান করিয়াছেন । রাম আশ্চর্যসংসাবাদশ্রবণে অতিশয় লক্ষিত হইতেন, তজ্জন্ত বলিলেন, লক্ষণ ! এই চিত্রে আর আর

নানা দর্শনীয় আছে, ঐ অংশ লইয়া আন্দোলন করিতেছ কেন ? সীতা রামবাক্যশ্রবণে আফ্লাদিত হইয়া বলিলেন, নাথ ! এমন না হইলে, সংসারের লোকে একবাক্য হইয়া আপনার এত প্রশংসা করিবেক কেন ?

তৎপরেই অযোধ্যাপ্রবেশকালীন চিত্র নেত্রপথে পতিত হওয়াতে, রাম অশ্রুপূর্ণ লোচনে গদগদ বচনে বলিতে লাগিলেন, আমরা বিবাহ করিয়া আসিলে, কত উৎসবে দিনপাত হইয়াছিল ; পিতৃদেবের কতই আমোদ কতই আফ্লাদ ; মাতৃদেবীরা অভিনব বধুদিগকে পাইয়া কেমন আফ্লাদমাগরে মগ্ন হইয়াছিলেন ; সতত, তাহাদের প্রতি কতই যত্ন, কতই বা মমতাপ্রদর্শন, করিতেন ; বাজভবন নিরন্তর আফ্লাদময় ও উৎসবপূর্ণ হইয়াছিল। হায় ! সে সকল কি আফ্লাদের, কি উৎসবের, দিনই গিয়াছে। লক্ষণ বলিলেন, আর্ধ্য ! এই মম্বরা। রাম, মম্বরার নামশ্রবণে অন্তঃকরণে বিরক্ত হইয়া, কোনও উত্তর না দিয়া অন্য দিকে দৃষ্টিসঞ্চারণ পূর্বক বলিলেন, প্রিয়ে ! দেখ দেখ, শৃঙ্গবের নগরে যে তাপসতরু তলে পরম বন্ধু নিষাদপতির সহিত সমাগম হইয়াছিল, উহা কেমন সুন্দর চিত্রিত হইয়াছে।

সীতা দেখিয়া হর্ষপ্রদর্শন করিয়া বলিলেন, নাথ ! এ দিকে জটাবন্ধন ও বন্ধনধারণ কেমন সুন্দর চিত্রিত হইয়াছে, দেখুন। লক্ষণ আপেক্ষপপ্রকাশ করিয়া বলিলেন, ইক্ষ্বাকুবংশীয়েরা বৃদ্ধবয়সে পুত্রহস্তে রাজ্যভার গ্রাস্ত করিয়া অরণ্যে বাস করেন ; কিন্তু আর্ধ্যকে বাল্যকালেই কঠোর আরণ্য ব্রত অবলম্বন করিতে হইয়াছিল। অনন্তর, তিনি রামকে বলিলেন আর্ধ্য ! মহর্ষি ভরষাভ, আমাদিগকে চিত্রকূটে যাইবার পথ দেখাইয়া দিয়া, বাহার কথা বলিয়াছিলেন, এই সেই কালিন্দীতটবর্তী বটবৃক্ষ। তখন সীতা বলিলেন, কেমন নাথ ! এই প্রদেশের কথা মনে হয় ? রাম বলিলেন, প্রিয়ে ! কেমন করিয়া বিশ্বত হইব ? এই স্থলে তুমি, পঞ্চশ্রমে ক্রান্ত ও কাতর হইয়া, আমার বক্ষঃস্থলে মন্তক দিয়া নিদ্রা গিয়াছিলে।

সীতা অন্য দিকে অঙ্গুলিনির্দেশ করিয়া বলিলেন, নাথ ! দেখুন দেখুন, এ দিকে আমাদের দক্ষিণারণ্যপ্রবেশ কেমন সুন্দর চিত্রিত হইয়াছে। আমার স্মরণ হইতেছে, এই স্থানে আমি সূর্যের প্রচণ্ড উত্তাপে নিতান্ত ক্রান্ত হইলে-আপনি হস্তস্থিত তালবৃন্ত আমার মস্তকের উপর ধরিয়া আতপনিবারণ করিয়া-ছিলেন। রাম বলিলেন, প্রিয়ে ! এই সেই সকল গিরিতরঙ্গিণীতীরবর্তী তপোবন ; গৃহস্বগণ, বানপ্রস্থধর্ম অবলম্বন পূর্বক, সেই সেই তপোবনের তরুতলে কেমন বিজ্ঞানস্বথসেবায় সময়াতিপাত করিতেছেন। লক্ষণ বলিলেন, আর্ধ্য !

এই সেই জনহানমধ্যবর্তী প্রভবণ গিরি। এই গিরির শিখরদেশ আকাশপথে সতত সঞ্চারমাণ জলধরমণ্ডলীর ষোণে নিরন্তর নিবিড় নীলিমায় অলঙ্কৃত ; অধিত্যকা প্রদেশ ঘন সন্নিবিষ্ট বিবিধ বনপাদসমূহে আচ্ছন্ন থাকতে, সতত স্নিগ্ধ, শীতল, ও রমণীয় ; পাদদেশে প্রসন্নসলিলা গোদাবরী তরঙ্গবিস্তার করিয়া প্রবল বেগে গমন করিতেছে। রাম বলিলেন, প্রিয়ে ! তোমার স্বরণ হয়, এই স্থানে কেমন মনের সুখে ছিলাম। আমরা কুটীরে থাকিতাম ; লক্ষ্মণ ইতস্ততঃ পর্যটন করিয়া আহারোপযোগী ফল মূল প্রভৃতির আচরণ করিতেন ; গোদাবরীতীরে বৃহৎ মন্দ গমনে ভ্রমণ করিয়া, আমরা প্রাত্বে ও অপরাহ্নে শীতল স্নগন্ধ গন্ধবহেয় সেবন করিতাম। হায় ! তেমন অবস্থায় থাকিয়াও কেমন সুখে সময় অতিবাহিত হইয়াছিল।

লক্ষ্মণ আলোখ্যের অপর অংশে অঙ্কুলিপ্রয়োগ করিয়া বলিলেন, আর্ঘ্যে ! এই পঞ্চবটী, এই শূর্ণগথা। মুগ্ধস্বভাবা সীতা, যেন যথার্থই পূর্ব অবস্থা উপস্থিত হইল, এইরূপ ভাবিয়া, গ্লান বদনে বলিলেন, হা নাথ ! এই পর্য্যন্তই দেখা শুনা শেষ হইল। রাম হাস্তমুখে সাধনা করিয়া বলিলেন, অয়ি বিয়োগকাতরে ! এ চিত্রপট, বাস্তবিক পঞ্চবটী অথবা পাপীয়সী শূর্ণগথা নহে। লক্ষ্মণ ইতস্ততঃ দৃষ্টিসঞ্চারণ করিয়া বলিলেন, কি আশ্চর্য্য ! চিত্রদর্শনে চিবাভীত জনহানবৃত্তান্ত বর্তমানবৎ প্রতীয়মান হইতেছে। ছুরাচার মারীচ হিরণ্ময় স্বর্গের আকৃতিধারণ করিয়া যে অতি বিষম অনর্থ ঘটাইয়াছিল, যদিও সম্পূর্ণ বৈরনির্ধাতন দ্বারা তাহার যথোচিত প্রতিবিধান হইয়াছে, তথাপি স্মৃতিপথে আরুঢ় হইলে স্মৃতিবেদনাপ্রদান করে। এই ঘটনার পর, আর্ঘ্য মানবসমাগমশূন্য জনহান ভূভাগে বিকলচিত্ত হইয়া স্বরূপ কাতরভাবাপন্ন হইয়াছিলেন, তাহা অবলোকিত হইলে, পাষণ্ডও ত্রবীভূত হয়, বজ্রেরও হৃদয় বিদীর্ণ হইয়া যায়।

সীতা, লক্ষ্মণের মুখে এই সকল কথা শুনিয়া, অশ্রুপূর্ণ নয়নে মনে মনে বলিতে লাগিলেন, হায় ! এ অভাগিনীর জন্তে আর্ঘ্যপুত্রকে কতই ক্লেষভোগ করিতে হইয়াছিল। সেই সময়ে রামেরও নয়নযুগল হইতে বাষ্পবাষ্পি বিগলিত হইতে লাগিল। লক্ষ্মণ বলিলেন, আর্ঘ্য ! চিত্র দেখিয়া আপনি এত শোকাভিভূত হইতেছেন কেন ? রাম বলিলেন, বৎস ! তৎকালে আমার যে বিষম অবস্থা ঘটিয়াছিল, যদি বৈরনির্ধাতনসঙ্কল্প অল্পকণ অস্তঃকরণে জাগরুক না থাকিত, তাহা হইলে, আমি কখনই প্রাণধারণ করিতে পারিতাম না। চিত্রদর্শনে সেই অবস্থার স্বরণ হওয়াতে বোধ হইল, যেন আমার হৃদয়ের গ্রন্থি সকল শিথিল হইয়া গেল। তুমি সকলই স্বচক্ষে দেখিয়াছ; এখন অনভিজ্ঞের মত কথা বলিতেছ কেন ?

লক্ষণ শুনিয়া কিঞ্চিৎ কৃষ্টিত ও লজ্জিত হইলেন ; এবং, বিষয়াস্ত্রয়ের সংঘটন দ্বারা রামের চিন্তাবৃত্তির ভাবান্তরসম্পাদন আবশ্যক বিবেচনা করিয়া বলিলেন, আৰ্য্য ! এ দিকে দণ্ডকারণ্যভূভাগ দৃষ্টিগোচর করুন ; এই স্থানে দুর্ধ্ব কবন্ধ রাক্ষসের বাস ছিল ; এ দিকে ঋগ্মুক পর্বতে মতঙ্গমুনির আশ্রম ; এই সেই সিদ্ধ শবরী শ্রমণা ! এই এ দিকে পম্পা সরোবর । রাম পম্পাশঙ্ক প্রবণগোচর করিয়া সীতাকে বলিলেন প্রিয়ে ! পম্পা পরম রমণীয় সরোবর ; আমি তোমার অন্বেষণ করিতে করিতে পম্পাতীরে উপস্থিত হইলাম ; দেখিলাম, প্রফুল্ল কমল সকল মদ মাক্ত দ্বারা ঈষৎ আন্দোলিত হইয়া সরোবরের নিরতিশয় শোভাসম্পাদন করিতেছে ; উহাদের সৌরভে চতুর্দিক্ আমোদিত হইয়া রহিয়াছে ; মধুকরেরা মধুপানে মত্ত হইয়া গুন গুন স্বরে গান করিয়া উড়িয়া বেড়াইতেছে ; হংস, সারস প্রভৃতি বহুবিধ বারিবিহঙ্গগণ মনের আনন্দে নিশ্চল মলিলে কেলি করিতেছে । তৎকালে আমার নয়নযুগল হইতে অবিশ্রান্ত অশ্রুধারা বিনির্গত হইতেছিল ; স্মতরাং সরোবরের শোভার সম্যক্ অল্পভব করিতে পারি নাই ; এক ধারা নির্গত ও অপর ধারা উদগত হইবার মধ্যে মুহূর্ত্ত মাত্র নয়নের যে অবকাশ পাইয়াছিলাম, তাহাতেই কেবল এক এক বার অস্পষ্ট অবলোকন করিয়াছিলাম ।

সীতা, চিত্রপটের আর এক অংশে দৃষ্টিযোজনা করিয়া, লক্ষণকে জিজ্ঞাসা করিলেন, বৎস ! ঐ যে পর্বতে কুল্লমিত কদম্বতরুর শাখায় ময়ূরময়ূরীগণ নৃত্য করিতেছে, আর শীর্ণকলেবর আৰ্য্যপুত্র তরুতপে মুচ্ছিত হইয়া পড়িতেছেন, তুমি গলদশ্র নয়নে উহারে ধরিয়া রহিয়াছ, উহার নাম কি ? লক্ষণ বলিলেন, আৰ্য্যে ! ঐ পর্বতের নাম মাল্যবান ; মাল্যবান বর্ষাকালে অতি রমণীয় স্থান : দেখুন, নব জলধরমণ্ডলের সহযোগে শিখরদেশে কি অনির্কচনীয় শোভা সম্পন্ন হইয়াছে । এই স্থানে আৰ্য্য একান্ত বিকলচিত্ত হইয়াছিলেন । শুনিয়া, পূর্ব অবস্থা স্মৃতিপথে আরুঢ় হওয়াতে, রাম একান্ত আকুলহৃদয় হইয়া বলিলেন, বৎস ! বিরত হও ; বিরত হও ; আর তুমি মাল্যবানের উল্লেখ করিও না ; শুনিয়া আমার শোকসাগর অনিবার্য্য বেগে উথলিয়া উঠিতেছে ; জানকীর বিরহ পুনরায় নবীভাব অবলম্বন করিতেছে । এই সময়ে সীতার আলম্বলক্ষণ অবিস্মৃত হইল । তখন লক্ষণ বলিলেন, আৰ্য্য ! আর চরিত্রদর্শনের প্রয়োজন নাই ; আৰ্য্যা জানকীর ক্লান্তি বোধ হইয়াছে । এক্ষণে উহার বিশ্রাম-সুখসেবা আবশ্যক ; আমি প্রস্থান করি, আপনারা বিশ্রামভবনে গমন করুন ।

এই বলিয়া বিদায় লইয়া লক্ষণ প্রস্থানোগ্রহ হইলে, সীতা রামকে বলিলেন,

নাথ ! চিত্র দেখিতে দেখিতে, আমার এক অভিলাষ জন্মিয়াছে আপনাকে তাহা পূর্ণ করিতে হইবেক । রাম বলিলেন, প্রিয়ে ! কি অভিলাষ বল, অবিলম্বেই সম্পাদিত হইবেক । তখন সীতা বলিলেন, আমার অভিলাষ এই, পুনর্বার মুনিপত্নীদিগের সহিত সমাগত হইয়া, তপোবনে বিহার ও নির্মল ভাগীরথীসলিলে অবগাহন করিব । সীতার অভিলাষ শ্রবণগোচর করিয়া রাম লক্ষ্মণকে বলিলেন, বৎস ! এই মাত্র গুরুজন আদেশ করিয়া পাঠাইয়াছেন, জানকী যখন যে অভিলাষ করিবেন, তৎক্ষণাৎ তাহা পূর্ণ করিতে হইবেক । অতএব, গমনের উপযোগী আয়োজন কর, কল্য প্রভাতেই ইনি অভিলষিত প্রদেশে প্রেরিত হইবেন । সীতা সান্তিশয় হৃষিত হইয়া বলিলেন, নাথ ! আপনিও সঙ্গে যাবেন । রাম বলিলেন, অয়ি মুখে ! তাহাও কি আবার তোমারে বলিতে হইবেক । আমি কি তোমায় নয়নের অন্তরাল করিয়া এক মুহূর্ত্তেও সূস্থ হৃদয়ে থাকিতে পারিব ? তৎপরে সীতা সম্মিত মুখে লক্ষ্মণের দিকে দৃষ্টিপাত করিয়া বলিলেন, বৎস ! তোমাকেও আর্মাদের সঙ্গে যাইতে হইবেক । তিনি, যে আজ্ঞা বলিয়া, গমনেব উপযোগী আয়োজন করিবাব নিমিত্ত প্রস্থান করিলেন ।

দ্বিতীয় পরিচ্ছেদ

লক্ষণ নিষ্ক্রান্ত হইলে পর, রাম ও সীতা বিশ্রামভবনে প্রবেশ করিয়া অসম্মুচিত ভাবে অশেষবিধ কথোপকথন করিতে লাগিলেন। কিয়ৎক্ষণ পরে সীতার নিদ্রাকর্ষণের উপক্রম হইল। তখন রাম বলিলেন, প্রিয়ে! যদি ক্লান্তিবোধ হইয়া থাকে, আমার গলদেশে তুজলতা অর্পিত করিয়া ক্ষণকাল বিশ্রাম কর। সীতা কোমল বাহুবল্লী দ্বারা রামের গলদেশ অবলম্বন করিলে, তিনি অনির্বচনীয় স্পর্শস্বখের অমুভব করিয়া বলিতে লাগিলেন, প্রিয়ে! তোমার বাহুলতার স্পর্শে, আমার সর্ব শরীরে যেন অমৃতধারার বর্ষণ হইতেছে, ইন্দ্রিয় সকল অভূতপূর্বরসাবেশে অবশ হইয়া আসিতেছে, চেতনা বিলুপ্তপ্রায় হইতেছে; অকস্মাৎ আমার নিদ্রাবেশ, কি মোহাবেশ, উপস্থিত হইল, কিছুই বুঝিতে পারিতেছি না। সীতা, রামমুখবিনিঃসৃত অমৃতায়মান বচনপরম্পরা শ্রবণগোচর করিয়া হাস্তমুখে বলিলেন, নাথ! আপনি চিরাহুকুল ও স্থিরপ্রসাদ। যাহা শুনিলাম, ইহা অপেক্ষা স্ত্রীলোকের পক্ষে আর কি সৌভাগ্যের বিষয় হইতে পারে। প্রার্থনা এই, যেন চির দিন এইরূপ স্নেহ ও অমুগ্রহ থাকে।

সীতার মৃদু মধুর মোহন বাক্য কর্ণগোচর করিয়া রাম বলিলেন, প্রিয়ে! তোমার কথা শুনিলে, শরীর শীতল হয়, কর্ণকূহর অমৃতরসে অভিষিক্ত হয়, ইন্দ্রিয় সকল বিমোহিত হয়, অস্তঃকরণের সজীবতা সম্পাদিত হয়। সীতা লজ্জিত হইয়া বলিলেন, নাথ! এই নিমিত্তই সকলে আপনাকে প্রিয়ংবদ বলে। যাহা হউক, অবশেষে এ অভাগিনীর যে এত সৌভাগ্য ঘটিবেক, ইহা স্বপ্নের অগোচর। এই বলিয়া, সীতা শয়নের নিমিত্ত উৎসুক হইলে, রাম বলিলেন, প্রিয়ে! এখানে অস্ত্রবিধ শয্যার সজ্জিত নাই; অতএব, হে অনন্ত-সাধারণ রামবাহু, বিবাহসময় অবধি, কি গৃহে, কি বনে, কি শৈশবে, কি ষৌবনে, উপধানস্থানীয় হইয়া আসিয়াছে, আজও সেই তোমার উপধানকার্য সম্পন্ন করুক। এই বলিয়া, রাম বাহু প্রসারিত করিলেন; সীতা তদুপরি মস্তক বিস্তৃত করিয়া তৎক্ষণাৎ নিদ্রাগত হইলেন।

রাম স্নেহভরে কিয়ৎক্ষণ সীতার মুখনিরীক্ষণ করিয়া প্রীতিপ্রসূত নয়নে বলিতে লাগিলেন, কি চমৎকার! যখনই প্রিয়ার বদনসুখাকরে দৃষ্টিপাত করি, তখনই আমার চিন্তাকোর চরিতার্থ ও অন্তরাত্মা অনির্বচনীয় আনন্দময়

আপ্নুত হয়। ফলতঃ, ইনি গৃহের লক্ষ্মীস্বরূপা, নয়নের রসাজনরূপিণী ; ইঁহার স্পর্শ চন্দনরসে অভিষেকস্বরূপ ; বাহুলতা, কণ্ঠদেশে বিনিবেশিত হইলে, সীতল মন্থণ মৌক্তিক হারের কার্য করে। কি আশ্চর্য ! শ্রিয়ান সকলই অলৌকিকপ্রীতপ্রদ। রাম মনে মনে এইরূপ আলোচনা করিতেছেন, এমন সময়ে সীতা নিদ্রাবেশে বলিয়া উঠিলেন, হা নাথ ! কোথায় রহিলে।

সীতার স্বপ্নভাষিত শ্রবণগোচর করিয়া রাম বলিতে লাগিলেন, কি চমৎকার ! চিত্তদর্শনে শ্রিয়ান অন্তঃকরণে যে অতীত বিরহভাবনার আবির্ভাব হইয়াছিল, তাহাই স্বপ্নে অস্তিত্বপরিগ্রহ করিয়া ষাতনাপ্রদান করিতেছে। এই বলিয়া, সীতার গাঙ্গে হস্তাবর্জন করিতে করিতে, রাম প্রেমভরে প্রফুল্লকলেবর হইয়া বলিতে লাগিলেন, আহা ! অকৃত্রিম প্রেম কি পরম পদার্থ। কি সুখ, কি দুঃখ, কি সম্পত্তি, কি বিপত্তি, কি ষৌবন, কি বার্কক্য, সকল অবস্থাতেই একরূপ ও অবিকৃত। ঈদৃশ প্রণয়স্বথের অধিকারী হওয়া অল্প সৌভাগ্যের কথা নহে। কিন্তু আক্ষেপের বিষয় এই, এরূপ প্রণয় জগতে নিতান্ত বিরল ও একান্ত দুর্লভ ; যদি এত বিরল ও এত দুর্লভ না হইত, সংসারে স্বথের সীমা থাকিত না।

রামের বাক্য সমাপ্ত না হইতেই, প্রতীহারী সন্মুখে আসিয়া কৃতাজলিপুটে নিবেদন করিল, মহারাজ। দুর্খ ষারদেশে দণ্ডায়মান, কি আজ্ঞা হয়। দুর্খ অন্তঃপুরচারী অতি বিশ্বস্ত ভৃত্য। রাম, নূতন রাজ্যশাসন বিষয়ে প্রজাগণের অভিপ্রায় অবগত হইবার নিমিত্ত, তাহাকে নিয়োজিত করিয়াছিলেন। সে প্রতিদিন প্রচ্ছন্ন ভাবে ঐ বিষয়ের অন্বেষণ করিত, এবং যে দিন বাহা জানিতে পারিত, রামের গোচর করিয়া বাইত। এক্ষণে উহাকে সমাগত শুনিয়া রাম প্রতিহারীকে বলিলেন, ত্বরায় উহারে আমায় নিকটে আসিতে বল। দুর্খ আসিয়া প্রণাম করিয়া, কৃতাজলিপুটে সন্মুখে দণ্ডায়মান হইল। রাম তাহার দিকে দৃষ্টিপাত করিয়া জিজ্ঞাসা করিলেন, কি হে দুর্খ ! আজ কি জানিতে পারিয়াছ, বল ? দুর্খ বলিল, মহারাজ ! কি পৌরগণ, কি জানপদগণ, সকলেই বলে, আমরা রামরাজ্যে পরম সুখে আছি।

এই কথা শুনিয়া রাম বলিলেন, তুমি প্রতিদিনই প্রশংসাবাদের সংবাদ দিয়া থাক ; যদি কেহ কোনও দোষকীর্তন করিয়া থাকে, বল তাহা হইলে প্রতিবিধানে ষড়্বান হই ; আমি স্ততিবাদশ্রবণবাসনায় তোমায় অন্বেষণ করিতে পাঠাই নাই। দুর্খ অল্প অল্প দিন স্ততিবাদ মাত্র শুনিয়া আসিত, স্তত্ত্বয়ঃ বাহা শুনিত, তাহাই অকপটে রামের নিকটে জানাইত। সে দিবস

নীতাশংক্রান্ত দোষকীর্তন শুনিয়া, অশ্রিয়সংবাদপ্রদান অহুচিত, এই বিবেচনার গোপন করিয়া রাখিয়াছিল। এক্ষণে রাম দোষকীর্তনকথার উল্লেখ করিয়া মাত্র, সে চকিত ও হতবুদ্ধি হইয়া কিয়ৎক্ষণ মৌনাবলম্বন করিয়া রহিল; পরে, কথঞ্চিৎ বুদ্ধি স্থির করিয়া, শুষ্ক মুখে বিরক্ত স্বরে বলিল, না মহারাজ! আমি কোনও দোষকীর্তন শুনিতে পাই নাই। সে এইরূপে অপলাপ করিল বটে; কিন্তু তাহার আকারপ্রকারদর্শনে রামের অন্তঃকরণে বিষম সন্দেহ উপস্থিত হইল। তখন তিনি সাতিশয় চলচিত্ত হইয়া আকুল বচনে বলিতে লাগিলেন, তুমি অবশ্যই দোষকীর্তন শুনিয়াছ, অপলাপ করিতেছ কেন? কি শুনিয়াছ বল; বিলম্ব করিও না; না বলিলে আমি যার পর নাই অসন্তুষ্ট হইব, এবং এ জন্মে আর তোমায় মুখাবলোকন করিব না।

রামের নির্বন্ধাতিশয়দর্শনে সাতিশয় শঙ্কিত হইয়া হৃমুখ মনে মনে বিবেচনা করিতে লাগিল, আমি কি বিষয় সন্দেহে পড়িলাম? কি রূপে রাজস্বহিবীসংক্রান্ত জনাপবাদ মহারাজের গোচর করিব? আমি অতি হতভাগ্য, নতুবা এরূপ কার্যের ভারগ্রহণ করিব কেন? কিন্তু যখন, অগ্র পশ্চাৎ না ভাবিয়া, ভারগ্রহণ করিয়াছি, তখন প্রভুর নিকটে একপটে প্রকৃত কথাই বলা উচিত। এই স্থির করিয়া সে কম্পিতকলেবর হইয়া বলিল, মহারাজ! যদি আমার সকল কথা স্বার্থ বলিতে হয়, আপনি পাছোখান করিয়া গৃহান্তরে চলুন; আমি সে সকল কথা প্রাণান্তেও এখানে বলিতে পারিব না। রাম শুনিবার নিমিত্ত এত উৎসুক হইয়াছিলেন যে, নীতার জ্ঞাপরণ পর্য্যন্ত অপেক্ষা করিতে পারিলেন না; আন্তে আন্তে আপন হস্ত হইতে তাঁহার মস্তক নামাইলেন, এবং হৃমুখকে সমভিব্যাহারে লইয়া সশ্রম সন্নিহিত গৃহান্তরে প্রবেশ করিলেন।

এইরূপে গৃহান্তরে উপস্থিত হইয়া, রাম সাতিশয় ব্যগ্রতাপ্রদর্শন পূর্বক হৃমুখকে বলিলেন, বিলম্ব করিও না, কি শুনিয়াছ, বিশেষ করিয়া বল; তোমার আকার প্রকার দেখিয়া আমার অন্তঃকরণে নানা সংশয় উপস্থিত হইতেছে। সে বলিল, মহারাজ! যে সর্বনাশের কথা শুনিয়াছি, তাহা মহারাজের নিকট বলিতে হইবেক এই মনে করিয়া আমার সর্ব শরীরের শোণিত শুষ্ক হইয়া বাইতেছে। কিন্তু যখন, পূর্বাগমপৰ্য্যালোচনা না করিয়া, ওরূপ কার্যের ভার লইয়াছি, তখন অবশ্যই বলিতে হইবেক। আমি বেরূপ শুনিয়াছি, নিবেদন করিতেছি, আমার অপরাধগ্রহণ করিবেন না। মহারাজ! প্রায় সকলেই একবাক্য হইয়া অপেষ প্রকারে স্তূত্যাতি করিয়া বলে, আমরা রামরাজ্যে পরম স্বখে বাস করিতেছি; কোনও রাজ্য কোশল বেশে শালনেত্র

এরূপ সুরশ্রাণালী প্রবর্তিত করিতে পারেন নাই। কিন্তু কেহ কেহ রাজমহিবীর উল্লেখ করিয়া থাকে। তাহার। বলে, আমাদের রাজার চিন্ত বড় নিবিচার, একাকিনী সীতা এত কাল রাবণগৃহে রহিলেন; তিনি তাহাতে কোনও শৈথ বা দোষবোধ না করিয়া অনায়াসে তাঁহারে গৃহে আনিলেন। অতঃপর আমাদের গৃহে স্ত্রীলোকদিগের চরিত্রে দোষ ঘটিলে, তাহাদের শাসন কবা সহজ হইবেক না; শাসন করিতে গেলে, তাহার। রাজমহিবীর উল্লেখ করিয়া আমাদেরকে নিরুত্তর করিবেক। অথবা, রাজা ধর্মাধর্মেয় কর্তা; তিনি যে ধর্ম অহুসারে চলিবেন, আমরা প্রজা, আমাদেরকেও সেই ধর্ম অবলম্বন করিয়া চলিতে হইবেক। মহারাজ! বাহা শুনিয়াছিলাম, অবিকল নিবেদন কবিলাম, আমরা অপরাধমার্জনা করিবেন। হা বিধাতঃ! এত দিনের পর তুমি আমার ছুমুঁধনাম অর্ঘ্য করিয়া দিলে। এই বলিয়া বিদায় লইয়া রোদন কবিত্তে করিতে ছুমুঁধ তথা হইতে প্রস্থান করিল।

ছুমুঁধমুখে সীতাসংক্রান্ত অপবাদবৃন্তান্ত শ্রবণগোচর করিয়া, রাম হা হতো-
হ্মি বলিয়া ছিন্ন তরুর স্রায় ভূতলে পতিত হইলেন, এবং গলদশ লোচনে
আকুল বচনে বিলাপ ও পবিতাপ করিয়া বলিতে লাগিলেন, হায়, কি সর্বনাশের
কথা শুনিলাম! ইহা অপেক্ষা আমার বক্ষঃস্থলে বজ্রাঘাত হওয়া ভাল ছিল।
কি জন্তে এখনও জীবিত রহিয়াছি? আমি নিতান্ত হতভাগ্য, নতুবা কি
নিমিত্তে উপস্থিত রাজ্যাধিকারে বিসর্জন দিয়া আমায় বনবাস আশ্রয় করিতে
হইয়াছিল? কি নিমিত্তেই ছুবুঁধ দশানন, পঞ্চবটীতে প্রবেশ পূর্বক প্রাণপ্রিয়া
জানকীরে লইয়া গিয়া, নির্মল রঘুকুল অভূতপূর্ব অপবাদে দূষিত করিয়াছিল?
কি নিমিত্তেই বা সেই অপবাদ, অদ্ভুত উপায় দ্বারা নিঃসংশয়িত রূপে অপসারিত
হইয়াও, দৈবচূর্কিপাক বশতঃ পুনর্বার নবীভূত হইয়া সর্বতঃ সঞ্চারিত হইবেক?
সর্বথা, আমার জয়গ্রহণ ও শরীরধারণ দুঃখভোগের নিমিত্তেই নিরুপিত
হইয়াছিল। এখন কি করি, কিছুই বুঝিতে পারিতেছি না। এই লোকাপবাদ
ছুনিবার হইয়া উঠিয়াছে। এক্ষণে, অমূলক বলিয়া, এই অপবাদে উপেক্ষা-
প্রদর্শন করি; অথবা, এ জন্মের মত নিরপরাধা জানকীরে বিসর্জন দিয়া কুলের
কলঙ্কবিমোচন করি, কি করি, কিছুই স্থির করিতে পারিতেছি না। কেহ
কখনও আমার মত উভয় সঙ্কটে পড়ে না।

এইরূপ আক্ষেপ করিয়া রাম কিয়ৎ ক্ষণ অধোদৃষ্টিতে মৌনাবলম্বন করিয়া
রহিলেন, অনন্তর দীর্ঘনিশ্বাসপরিভ্যাগ পূর্বক বলিলেন, অথবা এ বিষয়ে আর
কর্তব্যাকর্তব্যবিবেচনার প্রয়োজন নাই। যখন রাজ্যের ভারগ্রহণ করিয়াছি,

সর্বোপায়ে লোকরঞ্জন করাই আমার কর্তব্য কর্ম ও প্রহান ধর্ম ; স্ত্রীমাং, জানকীরেই বিসর্জন দিতে হইল। হা হত বিধে ! তোমার মনে এই ছিল। এই বলিয়া রাম মুচ্ছিত ও ভূতলে পতিত হইলেন।

কিয়ৎ ক্ষণ পরে চেতনাসংকার হইলে, রাম নিতাস্ত করণ স্বরে বলিতে লাগিলেন, যদি আর আমার চেতা না হইত, আমার পক্ষে সর্বাংশ শ্রেয়স্কর হইত; নিরাপরাধা জানকীরে বিসর্জন দিয়া ছুরপনেয় পাপপঙ্কে লিপ্ত হইতে হইত না। এই মাত্র অষ্টাবক্রের সমক্ষে প্রতিজ্ঞা করিলাম, যদি লোকরঞ্জনের অহুরোধে জানকীরও বিসর্জন দিতে হয়, তাহাও করিব। এরূপ ষট্টিবেক বলিয়াই কি আমার মুখ হইতে তাদৃশ বিষম প্রতিজ্ঞাবাক্য নিঃসৃত হইয়াছিল ! হা শ্রিণে জানকি ! হা শ্রিয়বাদিনি ! হা রামময়জীবিতে ! হা অরণ্যবাসমহচরি ! পরিণামে তোমার যে এরূপ অবস্থা ষট্টিবেক, তাহা স্বপ্নের অপোচর। তুমি এমন ছুরাচারের, এমন নরাধামের, এমন হতভাগ্যের হস্তে পড়িয়াছিলে যে, কিঞ্চিৎ কালের নিমিত্তেও তোমার ভাগ্যে সুখভোগ ষট্টিয়া উঠিল না। তুমি চন্দনতরুবোধে দুর্বিপাক বিষবৃক্ষের আশ্রয়গ্রহণ করিয়াছিলে। আমি পরম পবিত্র রাজবংশে জন্মগ্রহণ করিয়াছি বটে; কিন্তু আচরণে চণ্ডাল অপেক্ষা সহস্র গুণে অধম; নতুবা বিনা অপরাধে তোমায় বিসর্জন দিতে উচ্চত হইব কেন ? হায় ! যদি এই মুহূর্ত্তে আমার প্রাণবিরোগ ষটে, তাহা হইলে আমি পরিভ্রাণ পাই। আর বাঁচিয়া ফল কি; আমার জীবিতপ্রয়োজন পর্য্যবসিত হইয়াছে; জগৎ শূন্য ও জীর্ণ অরণ্য প্রায় প্রতীয়মান হইতেছে।

এইরূপ বলিতে বলিতে একান্ত আকুলহৃদয় ও কম্পমানকলেবর হইয়া রাম কিয়ৎ ক্ষণ স্তব্ধ হইয়া রহিলেন; অনন্তর, দীর্ঘ নিশ্বাস সহকারে, হায় ! কি হইল বলিয়া, নিরতিশয় কাতর বাক্যে বলিতে লাগিলেন, হা মাতঃ! হা তাত ! জনক ! হা দেবি বসুন্ধরে; হা ভগবতি অরুঙ্কতি ! হা কুলগুরো বশিষ্ঠ ! হা ভগবন্ বিশ্বামিত্র ! হা পিয়বন্ধো বিভীষণ ! হা পরমোপকারিন্ সখে স্ত্রীীব ! হা বৎসঅজ্ঞানাহৃদয়নন্দন ! তোমরা কোথায় রহিয়াছ, কিছুই জানিতে পারিতেছি না; এখানে ছুরায়া রাম তোমাদের সর্বনাশে উচ্চত হইয়াছে। অথবা আর আমি তাদৃশ মহাত্মাদিগের নামগ্রহণে অধিকারী নহি; আমার জ্ঞায় মহাপাতকী নামগ্রহণ করিলে, নিঃসন্দেহ তাঁহাদের পাপস্পর্শ হইবেক। আমি স্বধন সরল-হৃদয়া, শুদ্ধচারিণী, পতিপ্রাণা কামিনী, নিতাস্ত নিরপরাধা জানিয়াও, অন্যায়ে বিসর্জন দিতে উচ্চত হইয়াছি, তখন আমি অপেক্ষা মহাপাতকী আর কে আছে ? হা রামময়জীবিতে ! পাপায়ন নৃশংস রাম হইতে পরিণামে

তোমার যে এরূপ দুর্গতি ঘটবেক, তাহা তুমি স্বপ্নেও ভাব নাই। নিঃসন্দেহ রামের হৃদয় বজ্রলেপময়, নতুবা এখনও বিদীর্ণ হইতেছে না কেন? অথবা বিধাতা জানিয়া গুনিয়াই আমার ঈদৃশ কঠিনহৃদয় করিয়াছেন; তাহা না হইলে, অনায়াসে এরূপ নৃশংস কৰ্ম সম্পন্ন করিতে পারিব কেন!

এই বলিয়া গলদশ্রু নয়নে বিশ্রামভাবে প্রতিগমন পূর্বক রাম নিদ্রাভিভূতা সীতার সম্মুখে দণ্ডায়মান হইলেন, এবং অঞ্জলিবন্ধন পূর্বক সাতিশয় করণ স্বরে সোধোন করিয়া বলিলেন, প্রিয়ে! হতভাগ্য রাম এ জন্মের মত বিদায় লইতেছে। এই বলিয়া দুর্বিসহ শোকদহনে দম্বহৃদয় হইয়া রাম গৃহ হইতে বহির্গত হইলেন, এবং অল্পজগণের সহিত পরামর্শ করিয়া কর্তব্যানুরূপণের নিমিত্তে মন্ত্রভবন অভিমুখে প্রস্থান করিলেন।

তৃতীয় পরিচ্ছেদ

রাম মন্ত্রভবনে প্রবিষ্ট হইয়া রাজাসনে উপবিষ্ট হইলেন, এবং সন্নিহিত পরিচারক ষায়া ভরত, লক্ষ্মণ, শত্রুঘ্ন, তিন জনকে সত্বর উপস্থিত হইবার নিমিত্ত ডাকিয়া পাঠাইলেন। দিবাবসান সময়ে আর্ধ্য জনকতনয়াসহবাসে কালষাপন করেন, ঈদৃশ সময়ে মন্ত্রভবনে গমন করিয়া অকস্মাৎ আমাদিগের আস্থান করিলেন কেন, ইহার কিছুই নির্ণয় করিতে না পারিয়া, ভরত প্রভৃতি সাতিশয় সন্দিহান ও আকুলহৃদয় হইলেন, এবং মনে মনে নানা বিতর্ক করিতে করিতে সত্বরগমনে মন্ত্রভবনে প্রবেশ করিলেন; দেখিলেন, রাম করতলে কপোল বিগুস্ত করিয়া একাকী উপবিষ্ট আছেন, মুহূর্হুঃ দীর্ঘনিশ্বাস পরিত্যাগ করিতেছেন; নয়নমুগল হইতে অনর্গল অশ্রুজল নির্গত হইতেছে। অগ্রজের তাদৃশী দশা দৃষ্টিগোচর করিয়া অহুজেরা বিষাদসাগরে মগ্ন হইলেন, এবং কি কারণে তিনি এরূপ অবস্থাপন্ন হইয়াছেন, কিছুই বুঝিতে না পারিয়া, শুক ও হতবুদ্ধ হইয়া, সন্মুখে দণ্ডায়মান রহিলেন। অতি বিষম অনিষ্টসঙ্ঘটনের আশঙ্কা করিয়া, তিন জনের মধ্যে, কাহারও এরূপ সাহস হইল না যে, কারণজিজ্ঞাসা করেন। অবশেষে, তাঁহারাও তিন জনে, ঘোরতর বিপৎপাত স্থির করিয়া, এবং রামের তাদৃশী দশা দর্শনে নিতান্ত কাতরভাবাপন্ন হইয়া, অশ্রুসির্জ্বল করিতে লাগিলেন।

কিয়ৎক্ষণ পরে, রাম, উচ্ছলিত শোকাবেগের কথঞ্চিং সংবরণ ও নয়নের অশ্রুধারামার্জন করিয়া, সন্দেহ সন্তাষণ পূর্বক অহুজদিগকে সন্মুখদেশে বসিতে আদেশ করিলেন। তাঁহারা আসনে উপবেশন করিয়া কাতর ভাবে রামচঞ্জের নিতান্ত নিম্প্রভ মুখচন্দ্রে দৃষ্টিযোজনা করিয়া রহিলেন। রামের নয়নমুগল হইতে প্রবল বেগে বাষ্পবারি বিগলিত হইতে লাগিল। তদর্শনে তাঁহারাও ষংপরো-নাস্তি শোকাভিভূত হইয়া প্রসূত বাষ্পবারি বিমোচিত করিতে লাগিলেন। কিয়ৎক্ষণ পরে, লক্ষ্মণ, আর অপেক্ষা করিতে না পারিয়া, বিনয়পূর্ণ ভাবে জিজ্ঞাসা করিলেন আর্ধ্য! আপনকার এই অবস্থা দেখিয়া আমরা স্তিরমাণ হইয়াছি। ভবদীয় ভাব দর্শনে স্পষ্ট প্রতীয়মান হইতেছে, অবশ্যই কোনও অপপ্রতিবিদেয় অনিষ্টসঙ্ঘটন হইয়াছে। গভীর জলধি কখনও অল্প কারণে আকুলিত হয় না; সামান্য বায়ুবেগের প্রভাবে ছিমাচল কদাচ বিচলিত হইতে

পারে না। অতএব, কি কারণে আপনি এরূপ কাতরভাবাপন্ন হইয়াছেন, তাহার সবিশেষ নির্দেশ করিয়া আমাদের প্রাণরক্ষা করুন। আপনকার মুখারবিন্দু সায়ংকালের কমল অপেক্ষাও রান ও প্রভাতসময়ের শশধর অপেক্ষাও নিশ্চিন্ত লক্ষিত হইতেছে। স্বরায় বলুন, আর বিলম্ব করিবেন না; আমাদের জন্ম বিদীর্ণ হইতেছে।

লক্ষ্মণ এইরূপ আগ্রহাতিশয় সহকারে কারণ জিজ্ঞাস্ত হইলে, রামচন্দ্র অতিদীর্ঘনিশ্বাসভারপরিত্যাগ পূর্বক, দুর্বল শোকভরে অভিভূত হইয়া, নিতান্ত কাতর স্বরে বলিতে লাগিলেন; বৎস ভরত! বৎস লক্ষ্মণ! বৎস শত্রুঘ্ন! তোমরা আমার জীবন, তোমরা আমার সর্ব্ব ধন, তোমাদের নিমিত্তই আমি দুর্বল রাজ্যভারের দুঃসহ বহনক্লেশ সম্ব করিতেছি। হিতসাধনে বা অহিতনিবারণে তোমারাই আমার প্রধান সহায়। আমি বিষম বিপদে পড়িয়াছি, এবং সেই বিপদ হইতে উদ্ধারলাভের অভিপ্রায়ে তোমাদিগকে অসময়ে সমবেত করিয়াছি। আপতিত অনিষ্টের নিবারণোপায় একমাত্র আছে। আমি অনেক ভাবিয়া চিন্তিয়া অবশেষে সেই উপায় অবলম্বন করাই সর্ব্বতোভাবে বিধেয় বোধ করিয়াছি। তোমার অবহিত চিন্তে শ্রবণ কর; সকল বিষয়ের সবিশেষ সমস্ত তোমাদের গোচর করিয়া, সমুচিত অচুঠান দ্বারা উপস্থিত বিপৎপাত হইতে নিষ্কৃতিলাভ করিব।

এই বলিয়া রাম বিরত হইলেন, এবং পুনর্বার প্রবল বেগে অশ্রুবিসর্জন করিতে লাগিলেন। অজ্ঞেরা তদর্শনে পূর্বাপেক্ষা অধিকতর কাতর হইয়া ভাবিতে লাগিলেন, আর্ষের ভাব দেখিয়া বোধ হইতেছে, অবশ্যই অতি বিষম অনর্ধপাত ঘটয়াছে; না জানি কি সর্ব্বনাশের কথাই বলিবেন। কিন্তু, অল্পভবশক্তি দ্বারা কিছুই অল্পধাবন করিতে না পারিয়া, শ্রবণের নিমিত্ত নিতান্ত উৎসুক হইয়া, তাঁহারা একান্ত আকুল হৃদয়ে তদীয় বদনে দৃষ্টিযোজনা করিয়া রহিলেন।

রাম কিয়ৎক্ষণ মৌনাবলম্বন করিয়া রহিলেন, অনন্তর, দীর্ঘনিশ্বাসপরিত্যাগ করিয়া বলিলেন, ভ্রাতৃগণ! শ্রবণ কর; আমাদের পূর্বে ইক্ষুবংশে যে মহাহুভাব নরপতিগণ জন্মগ্রহণ করিয়াছিলেন, তাঁহারা অপ্রতিহত প্রভাবে প্রজাপালন, ও অশেষবিধ অলৌকিক কর্ম্মসমুদয়ের অচুঠান দ্বারা এই পরম পবিত্র রাজবংশকে ত্রিলোকবিখ্যাত করিয়া গিয়াছেন। আমার মত হতভাগ্য আর নাই; আমি জন্মগ্রহণ করিয়া সেই চিরপবিত্র ত্রিলোকবিখ্যাত বংশকে দুঃশ্লিহন কলঙ্কপঙ্কে লিপ্ত করিয়াছি। লক্ষ্মণ! তোমার কিছুই অবিদিত নাই,।

যৎকালে আমরা তিন জনে পঞ্চবটীতে অবস্থিতি করি, ছুবুঁড় দশানন আমাদের অল্পপস্থিতিকালে বল পূর্বক সীতারে আপন আগলে লইয়া যায়। সীতা একাকিনী সেই ছুবুঁড়ের আগলে দীর্ঘ কাল অবস্থিতি করেন। অবশেষে আমরা স্ত্রীবেদের সহায়তার দুরাচারের সমুচিত শাস্তিবিধান করিয়া সীতার উদ্ধারসাধন করি। আমি সেই একাকিনী পরগৃহবাসিনী সীতারে লইয়া গৃহে রাখিয়াছি; ইহাতে পৌরগণ ও জনাপদবর্গ অসন্তোষপ্রদর্শন ও কলঙ্ককীর্্তন করিতেছে। এজন্য আমি প্রতিজ্ঞা করিয়াছি, জানকীরে আর গৃহে রাখিব না। সর্ব্ব প্রযত্নে প্রজারঞ্জন রাজার পরম ধর্ম্ম। যদি তাহাতে কৃতকার্য হইতে না পারি, নিতান্ত অনাধ্যের স্নায় বুঝা জীবনধারণের ফল কি বল। এক্ষণে তোমরা প্রশস্ত মনে অল্পমোদন কর; তাহা হইলে আমি উপস্থিত সঙ্কট হইতে পরিত্রাণ পাই।

অগ্রজের এই কথা শ্রবণগোচর করিয়া অহুজেরা যৎপরোনাস্তি বিষণ্ণ হইলেন; এবং ভয়ে ও বিস্ময়ে একান্ত অভিভূত ও কিংবদন্ত্যবিমূঢ় হইয়া, কিয়ৎ ক্ষণ অধোমুখে মৌনভাবে অবস্থিতি করিলেন। পরিশেষে লক্ষ্মণ অতি কাতর স্বরে বিনীত ভাবে নিবেদন করিলেন, আর্ধ্য! আপনি যখন যে আজ্ঞা করিয়াছেন, আমরা কখনও তাহাতে ঝিক্‌ঙ্কি বা আপত্তি করি নাই; এক্ষণেও আমরা আপনকার আজ্ঞাপ্রতিরোধে প্রবৃত্ত নহি। কিন্তু আপনকার প্রতিজ্ঞা শুনিয়া আমাদের প্রাণপ্রয়াণের উপক্রম হইয়াছে। আমরা যে আপনকার নিকটে আসিয়া এরূপ সর্ব্বনাশের কথা শুনিব, এক যুহুর্ষের নিমিত্তে আমাদের অন্তঃকরণে সে আশঙ্কার উদয় হয় নাই। বাহা হউক, এ বিষয়ে আমার কিছু বক্তব্য আছে, যদি অল্পমতিপ্রদান করেন, নিবেদন করি।

লক্ষ্মণের এই বিনয়পূর্ণ কাতর বাক্য শ্রবণগোচর করিয়া রাম বলিলেন, বৎস! যা বলিতে ইচ্ছা হয়, সচ্ছন্দে বল। তখন লক্ষ্মণ বলিলেন, আর্ধ্য! জানকী একাকিনী রাবণগৃহে অবস্থিতি করিয়াছিলেন, যথার্থ বটে; এবং রাবণও অতি ছুবুঁড়, তাহার কোনও সংশয় নাই। কিন্তু, দুরাচারের সমুচিত শাস্তিবিধানের পর আর্ধ্য! আপনকার সম্মুখে আনীত হইলে, আপনি লোকাপবাদ ভয়ে প্রথমতঃ গ্রহণ করিতে অসম্মত হইয়াছিলেন; পরে, অলৌকিক পরীক্ষা দ্বারা তিনি শুদ্ধচারিণী বলিয়া নিঃসংশয়িত রূপে স্থিরীকৃত হইলে, তাঁহারে গৃহে আনিয়াছেন। সে পরীক্ষাও সর্ব্ব জন সমক্ষে সমাহিত হইয়াছিল। আমরা উভয়ে, আমাদের সমস্ত সেনা ও সেনাপতিগণ, এবং বাবতীয় দেবগণ, দেববিগণ ও মহাবিগণ পরীক্ষাকালে উপস্থিত ছিলেন। সকলেই দাখুবাদপ্রদান পূর্ব্বক

আর্য্য একান্ত শুদ্ধচারিণী বলিয়া অঙ্গীকার করিয়াছেন। স্নতরাং, তাঁহারে আর পরগৃহবাসনিবন্ধন অপবাদে দূষিত করিবার সম্ভাবনা নাই। অতএব, আপনি কি কারণে এক্ষণে এরূপ বিষয় প্রতিকা করিতেছেন, বুঝিতে পারিতেছি না। অমূলক লোকাপবাদ শুনিয়া ভাবদূশ মহাহুভাবদিগের বিচলিত হওয়া উচিত নহে। সামান্য লোকের স্তায় স্তায় বিবেচনা নাই। তাহাদের বুদ্ধি ও বিবেচনা অতি সামান্য ; যাহা তাহাদের মনে উদ্ভিত হয়, তাহাই বলে ; এবং যাহা শুনে, সম্ভব অসম্ভব বিবেচনা না করিয়া, প্রকৃত ঘটনা বলিয়া তাহাতেই বিশ্বাস করে। তাহাদের কথায় আস্থা করিতে গেলে সংসারযাত্রা সম্পন্ন হয় না। আর্য্য যে সম্পূর্ণ শুদ্ধচারিণী, সে বিষয়ে, অন্ততঃ আমি যত দূর জানি, আপনকার অন্তঃকরণে অণুমাত্র সংশয় নাই ; এবং, অলৌকিক পরীক্ষায় উত্তীর্ণ হইয়া, তিনি আপন শুদ্ধচারিতার যে অসংশয়িত পরিচয়প্রদান করিয়াছেন, তাহাতে কাহারও অন্তঃকরণে অণুমাত্র সংশয় থাকিতে পারে না। এমন স্থলে, আর্য্যাকে গৃহ হইতে বহিষ্কৃত করিলে লোকে আমাদিগকে নিতান্ত অপদার্থ স্থির করিবেন ; এবং ধর্ম্মতঃ বিবেচনা করিতে গেলে আমাদিগকে দুঃপনের পাপপঙ্কে লিপ্ত হইতে হইবেক। অতএব, আপনি সকল বিষয়ের সবিশেষ পর্যালোচনা করিয়া কার্য্যাবধারণ করুন। আমরা আপনকার একান্ত আশ্রয় ; যে আশ্রয় করিবেন, তাহাই অসম্ভিহান চিত্তে শিরোধার্য্য করিব।

এই বলিয়া লক্ষ্মণ বিরত হইলেন। রাম কিয়ৎক্ষণ মৌনাবলম্বন করিয়া রহিলেন ; অনন্তর দীর্ঘনিশ্বাসপরিত্যাগ করিয়া বলিলেন, বৎস ! সীতা যে একান্ত শুদ্ধচারিণী, সে বিষয়ে অণুমাত্র সংশয় নাই ; সামান্য লোকে যে কোনও বিষয়ের সবিশেষ অহুধাবন না করিয়া, যাহা শুনে, বা যাহা তাহাদের মনে উদ্ভিত হয়, তাহাতেই বিশ্বাস করে ও তাহারই আন্দোলন করে, তাহাও বিলক্ষণ জানি। কিন্তু, এ বিষয়ে প্রজাদিগের কিছু মাত্র দোষ নাই ; আমাদের অপরিণামদর্শিতা ও অবিবুদ্ধকারিতা দ্বায়েই এই বিষয় সর্জনশ ঘটতেছে। যদি আমরা অস্বাভাব্য আসিয়া সমবেত পৌরগণ ও জানপদবর্গ সমক্ষে জানকীর পরীক্ষা করিতাম, তাহা হইলে তাহাদের অন্তঃকরণ হইতে তৎসংক্রান্ত সকল সংশয় অপসারিত হইত। সীতা অলৌকিক পরীক্ষায় উত্তীর্ণ হইয়া স্বীয় শুদ্ধচারিতার অসংশয়িত পরিচয়প্রদান করিয়াছেন বটে ; কিন্তু সেই পরীক্ষার স্বার্থতা বিষয়ে প্রজালোকের সম্পূর্ণ বিশ্বাস নাই। বোধ করি, অনেকে পরীক্ষাব্যাপারের বিন্দু বিলর্গ অবগত নহে। স্নতরাং, সীতার

চরিত্র বিষয়ে তাহাদের সংশয় দূর হয় নাই। বিশেষতঃ, রাবণের চরিত্র ও বহু কাল একাকিনী নীতার তদীয় আলয়ে অবস্থান, এ দুই বিষয়ের বিবেচনা করিলে, নীতার চরিত্র বিষয়ে সন্দেহান হওয়া আশ্চর্যের বিষয় নহে। অতএব, আমি প্রজাদিগকে কোনও অংশে দোষ দিতে পারি না। আমারই অদৃষ্টবৈশিষ্ট্যবশতঃ এই উপদ্রব উপস্থিত হইতেছে। আমি যদি রাজ্যের ভারগ্রহণ না করিতাম, এবং ধর্ম সাক্ষী করিয়া প্রজারঞ্জনপ্রতিজ্ঞায় আবদ্ধ না হইতাম, তাহা হইলে, অমূলক লোকাপবাদে অবজ্ঞাপ্রদর্শন করিয়া নিক্ষেপে সংসারষাড্ধানির্বাহ করিতাম। যদি রাজা হইয়া প্রজারঞ্জন করিতে না পারিলাম, তাহা হইলে জীবনধারণের ফল কি? দেখ, প্রজালোকে, সীতা অসতী বলিয়া, সিদ্ধান্ত করিয়া রাখিয়াছে; তাহাদের অন্তঃকরণ হইতে সেই সিদ্ধান্ত অপসারিত করা কোন মতে সম্ভাবিত নহে। স্তত্রায় সীতাকে গৃহে রাখিলে, তাহারা আমাকে অসতীসংসর্গী বলিয়া ঘৃণা করিবেন। যাবজ্জীবন ঘৃণাম্পদ হওয়া অপেক্ষা প্রাণত্যাগ করা ভাল। আমি প্রজারঞ্জনের অহুরোধে প্রাণত্যাগে পরাজুঁধ নহি; তোমরা আমার প্রাণাধিক; যদি ঐ অহুরোধে তোমাদিগেরও সংসর্গপরিত্যাগ করিতে হয়, তাহাতেও কাতর নহি; সে বিবেচনায় সীতাপরিত্যাগ তাদৃশ দুরূহ ব্যাপার নহে। অতএব, তোমরা ষত বল না কেন, ও ষত অন্ডায় হউক না কেন, আমি সীতাকে গৃহ হইতে বহিষ্কৃত করিয়া ফুলের কলঙ্কবিমোচন করিব, নিশ্চয় করিয়াছি। যদি তোমাদের আমার উপর দয়া ও স্নেহ থাকে, এ বিষয়ে আর আপত্তি উত্থাপিত করিও না। হয় সীতাপরিত্যাগ, নয় প্রাণপরিত্যাগ করিব, ইহার একতর পক্ষ স্থির সিদ্ধান্ত জানিবে।

এই বলিয়া দীর্ঘনিশ্বাসপরিত্যাগ করিয়া রাম কিয়ৎ ক্ষণ অশ্রুপূর্ণ নয়নে অবনত বদনে মৌনবলম্বন করিয়া রহিলেন; অনন্তর, লক্ষ্মণকে বলিলেন, বৎস! অন্তঃকরণ হইতে সকল ক্ষোভ দূর করিয়া আমার আদেশপ্রতিপালন কর। ইতঃপূর্বেই, সীতা তপোবনদর্শনের অভিলাষ করিয়াছেন; সেই ব্যপদেশে তুমি তাঁহারে লইয়া গিয়া মহর্ষি বাসীকির আশ্রমে রাখিয়া আইস; তাহা হইলে আমার প্রীতিলম্পাদন করা হয়। এ বিষয়ে আপত্তি করিলে আমি ষার পর নাই অসন্তুষ্ট হইব। তুমি কখনও আমার আজ্ঞালঙ্ঘন কর নাই। অতএব, বৎস! কল্যাণপ্রভাতেই মদীয় আদেশের অহুযায়ী কার্য করিবে, কোনও মতে অন্তথা করিবে না। আর আমার লবিশেষ অহুরোধ এই, আমি যে তাঁহারে এ জন্মের মত বিসর্জন দিলাম, ভাগীরথী পার হইবার পূর্বে

জানকী যেন কোনও অংশে এ বিষয়ের কিছু জানিতে না পারেন। তোমার হৃদয় কারুণ্যসে পরিপূর্ণ, এই নিমিত্ত তোমায় সাবধান করিয়া দিলাম।

এই বলিয়া রামচন্দ্র অবনত বদনে অশ্রুবিমোচন করিতে লাগিলেন। ঔহারাও তিন জনে, জানকীর পরিত্যাপ বিষয়ে ঔহাকে ভ্রূপ দৃঢ়প্রতিজ্ঞ দেখিয়া, আপত্তিকরণে বিরত হইয়া মৌনাবলম্বন পূর্বক বাস্পবারিবিসর্জন করিতে লাগিলেন। কিয়ৎ ক্ষণ পরে, বাম সকলকে বিদায় দিয়া বিশ্রাম-ভবনে গমন করিলেন। চারি জনেরই যার পর নাই অস্থখে রক্তনীৰাশন হইল।

চতুর্থ পরিচ্ছেদ

পর দিন প্রভাত হইবা মাত্র লক্ষ্মণ স্তম্ভকে বলিলেন, সারথ্যে ! অবিলম্বে রথ প্রস্তুত করিয়া আন ; আৰ্য্য জানকী তপোবনদর্শনে গমন করিবেন । স্তম্ভ, আদেশপ্রাপ্তি মাত্র, রথ প্রস্তুত করিবার নিমিত্ত প্রস্থান করিলেন । অনন্তর, লক্ষ্মণ জানকীর বাসভবনে গমন করিয়া দেখিলেন, তিনি, তপোবন-গমনের উপযোগী সমস্ত আয়োজন করিয়া, প্রস্তুত হইয়া রথের প্রতীক্ষা করিতেছেন । লক্ষ্মণ সন্নিহিত হইয়া, আৰ্য্যে ! অভিবাদন করি, এই বলিয়া প্রণাম করিলেন । সীতা, বৎস ! চিরজীবী ও চিরসুখী হও, এই বলিয়া, অকৃত্রিম স্নেহ সহকারে আশীর্বাদ করিলেন । লক্ষ্মণ বলিলেন, আৰ্য্যে ! রথ প্রস্তুতপ্রায়, প্রস্থানের অধিক বিলম্ব নাই । সীতা পরম পরিতোষ প্রাপ্ত হইয়া প্রফুল্ল বদনে বলিলেন, বৎস ! অস্ত প্রভাতে তপোবনদর্শনে যাইব, এই আনন্দে আমি রাত্রিতে নিদ্রা যাই নাই ; সমস্ত আয়োজন করিয়া প্রস্তুত হইয়া আছি ; রথ উপস্থিত হইলেই আরোহণ করি । আমি মনে করিয়া-ছিলাম, আৰ্য্যপুত্র এমন সময়ে আমার তপোবনগমনে আপত্তি করিবেন ; তাহা না করিয়া, প্রসন্ন মনে অহুমোদন করাতেন, আমি কত প্রীতিলাভ করিয়াছি, বলিতে পারি না । বোধ হয়, আমি জন্মান্তরে অনেক তপস্বী করিয়াছিলাম ; সেই তপস্বীর বলে এমন অল্পকাল পতি পাইয়াছি ; আৰ্য্য-পুত্রের মত অল্পকাল পতি কখনও কাহারও ভাগ্যে ঘটে নাই । আৰ্য্যপুত্রের স্নেহ, দয়া, ও মমতার কথা মনে হইলে, আমার সৌভাগ্যগর্ভ হইয়া থাকে । আমি দেবতাদের নিকট কায়মনোবাক্যে নিরন্তর এই প্রার্থনা করিয়া থাকি যদি পুনরায় নারীজন্ম হয়, যেন আৰ্য্যপুত্রকে পতি পাই । এই বলিয়া সীতা প্রীতিপ্রফুল্ল নয়নে বলিলেন, বৎস ! বনবাসকালে মুনিপত্নীদের সহিত আমার নিরন্তর প্রণয় হইয়াছিল ; তাঁহাদিগকে দ্বিবার নিমিত্ত এই সমস্ত িচিত্র বসন ও মহামূল্য আভরণ লইয়াছি ।

এই বলিয়া সীতা সমুদায় লক্ষ্মণকে দেখাইতেছেন, এমন সময়ে প্রতিহারী আসিয়া সংবাদ দিল, স্তম্ভ রথ প্রস্তুত করিয়া দ্বারদেশে আনিয়াছেন । সীতা তপোবনদর্শনে যাইবার নিমিত্ত এত উৎসুক হইয়াছিলেন যে প্রবণ মাত্র অভিযাত্র ব্যগ্র হইয়া, সমুদয় দ্রব্যসামগ্রী লইয়া, লক্ষ্মণ লম্ভিযাত্রার রথে

আরোহণ করিলেন। অনধিক সময়েই, রথ অযোধ্যা হইতে বিনির্গত হইয়া জনপদে প্রবিষ্ট হইল। সীতা, নয়নের ও মনের খ্রীতিপ্রদ প্রদেশ সকল প্রত্যক্ষ করিয়া, খ্রীত মনে বলিতে লাগিলেন, বৎস লক্ষ্মণ! আমি যে এই সকল মনোহর প্রদেশ দেখিতেছি, ইহা কেবল আৰ্য্যপুত্রের প্রসাদের ফল; তিনি প্রসন্ন মনে অহুমোদন না করিলে, আমার ভাগ্যে এ খ্রীতলাভ ঘটিয়া উঠিত না। আমি যেমন আত্মলাভ করিয়া প্রার্থনা করিয়াছিলাম, তিনিও তেমনই অহুকুলতাপ্রদর্শন করিয়াছেন। লক্ষ্মণ, মুগ্ধস্বভাবা সীতার হর্ষাতিশয় দেখিয়া, এবং, অবশেষে রামচন্দ্র কিরূপ অহুকুলতাপ্রদর্শন কবিয়াছেন, তাহা ভাবিয়া মনে মনে স্ত্রিয়মাণ হইলেন, অতি কষ্টে উচ্ছলিত শোকাবেগের সংবরণ করিলেন, এবং অনেক যত্নে ভাবগোপন করিয়া সীতার স্নায় হর্ষপ্রদর্শন করিতে লাগিলেন।

এই ভাবে কিয়ৎ দূর গমন করিলে পর, সীতা সহসা স্নানবদনা হইয়া লক্ষ্মণকে বলিলেন, বৎস! এত ক্ষণ আমি মনের আশ্রয়ে আসিতেছিলাম, কিন্তু সহসা আমার ভাবান্তর উপস্থিত হইল। দক্ষিণ নয়ন অনবরত স্পন্দিত হইতেছে, সর্কর শরীর কম্পিত হইতেছে; অন্তঃকরণ যার পর নাই ব্যাকুল হইতেছে, পৃথিবী শূন্যময় দেখিতেছি। অকস্মাৎ এরূপ চিন্তাচঞ্চল্য ও অস্বপ্নের আবির্ভাব হইল কেন, কিছুই বুঝিতে পারিতেছি না। না জানি আৰ্য্যপুত্র কেমন আছেন; হয় তাঁহার কোনও অশুভঘটনা হইয়াছে, নয় প্রাণধিক ভরত ও শক্রয়ের কোনও অনিষ্ট ঘটিয়াছে; কিংবা ভগবান্ ঋতুশৃঙ্খের আশ্রম হইতেই কোনও অশুভ সংবাদ আসিয়াছে; তথায গুরুজনকে কেমন আছেন, কিছুই বুঝিতে পারিতেছি না। যাহা হউক, কোনও প্রকার সর্বনাশ ঘটিয়াছে, তাহার সন্দেহ নাই; নতুবা, এমন আনন্দের সময় এরূপ চিন্তাচঞ্চল্য ও অস্বপ্নসঞ্চার উপস্থিত হইবেক কেন? বৎস! কি নিমিত্ত এরূপ হইতেছে বল; আমার প্রাণ কেমন করিতেছে, আর আমার তপোবনদর্শন অভিলাষ হইতেছে না; আমার ইচ্ছা হইতেছে, এখনই অযোধ্যায় ফিরিয়া যাই। ভাল, তোমায় জিজ্ঞাসা করি, আৰ্য্যপুত্র সঙ্গে আসিবেন বলিয়াছিলেন, তাঁহার আসা হইল না কেন? রথে উঠিবার সময় আত্মলাভে তোমায় সে কথা জিজ্ঞাসিতে ভুলিয়াছিলাম। তাঁহার না আসাতে আমার মনে নানা সন্দেহ হইতেছে। বৎস! কি করি বল; আমার চিন্তাচঞ্চল্য ক্রমেই প্রবল হইতেছে। রাবণ হরণ করিয়া লইয়া যাইবার পূর্বে ক্ষণে ঠিক এইরূপ চিন্তাচঞ্চল্য ঘটিয়াছিল; আমার কি সেইরূপ কোনও উৎপাত উপস্থিত হইবেক? না জানি, কি

সর্বনাশই ঘটবেক। এক বার মনে হইতেছে, তপোবনদর্শনে না আসিলে ভাল হইত; আৰ্য্যপুত্রের নিকটে থাকিলে কখনও এরূপ অসুখ উপস্থিত হইত না! এক এক বার মনে হইতেছে. আর আমি এ জন্মে আৰ্য্যপুত্রকে দেখিতে পাইব না।

সীতার এইরূপ চিন্তাচঞ্চল্য দেখিয়া ও কাতরোক্তি শুনিয়া, লক্ষ্মণ স্বপরো-
নান্তি বিষম ও শোকাকুল হইলেন; কিন্তু, অতি কষ্টে ভাবগোপন করিয়া
শুধু মুখে বিরক্ত স্বরে বলিলেন, আর্ষ্যে! আপনি কাতর হইবেন না। রঘুকুল-
দেবতারা আমাদের মঙ্গল করিবেন। বোধ হয়, সকলকে ছাড়িয়া আসিয়াছেন
কেহ নিকটে নাই, এজন্তই আপনকার এই চিন্তাচঞ্চল্য ঘটয়াছে। আপনি
অস্থির হইবেন না; কিয়ৎ ক্ষণ পরেই উহার নিবৃত্তি হইবেক। মধ্যে মধ্যে
সকলেরই চিত্তবৈকল্য ঘটয়া থাকে। মন স্বভাবতঃ চঞ্চল, সকল সময়ে এক
ভাবে থাকে না। আপনি অত উৎকণ্ঠিত হইবেন না।

সীতা, লক্ষ্মণের মুখশোষ ও স্বরবৈলক্ষণ্য দর্শনে অধিকতর কাতর হইয়া,
জিঞ্জসা করিলেন, বৎস! তোমার ভাব দেখিয়া আমার অন্তঃকরণে বিষম
সন্দেহ উপস্থিত হইতেছে। আমি কখনও তোমার মুখ এরূপ ম্লান দেখি নাই।
যদি কোনও অনিষ্ট ঘটয়া থাকে, স্পষ্ট করিয়া বল। বলি, আৰ্য্যপুত্র ভাল
আছেন ত? কল্যা অপরাহ্নের পর আর তাঁহার সঙ্গে দেখা হয় নাই। বোধ
হয়, তাঁহাকে দেখিতে পাইলে এত ক্ষণ এত অসুখ থাকিত না। তখন লক্ষ্মণ
বলিলেন, আর্ষ্যে! আপনি ব্যাকুল হইবেন না; আপনার উৎকণ্ঠ ও অসুখ
দেখিয়া আমিও উৎকণ্ঠিত হইয়াছিলাম ও অসুখবোধ করিয়াছিলাম; তাহাতেই
আপনি আমার মুখশোষ ও স্বরবৈলক্ষণ্য লক্ষিত করিয়াছেন; নতুবা বাস্তবিক
তাহা নহে, উহা মনে করিয়া, আপনি বিরুদ্ধ ভাবনা উপস্থিত করিবেন
না। যত ভাবিবেন, যত আন্দোলন করিবেন, ততই উৎকণ্ঠা ও অসুখ
বাড়িবেক।

কিয়ৎ ক্ষণ পরেই তাঁহাদের রথ গোমতীতীরে উপস্থিত হইল। সেই সময়ে,
সকলভুবনপ্রকাশক ভগবান্ কমলিনীনায়ক অন্তর্গিরিশিখরে অধিরোধন
করিলেন। সারংসময়ে পোমতীতীর পরম রমণীয় হইয়া উঠে। তৎকালে তথায়
অতি অসুখচিত্ত ব্যক্তিও সুখচিত্ত ও অনির্বচনীয় প্রীতি প্রাপ্ত হয়। সৌভাগ্য ক্রমে
সীতারও উপস্থিত আন্তরিক অসুখের সম্পূর্ণ অপসারণ হইল। লক্ষ্মণ দেখিয়া
নাতিশয় প্রীত ও প্রসন্ন হইলেন। তাঁহারা সে রাজি সেই স্থানে অর্বাচতি
করিলেন। জানকী পঞ্চদশে, বিশেষতঃ মনের উৎকণ্ঠায়, নাতিশয় ক্লান্ত

হইয়াছিলেন ; সুতরাং, স্বরায় তাঁহার নিজাকর্ষণ হইল। তিনি বতকণ জাগরিত ছিলেন, লক্ষ্মণ সতর্ক হইয়া তাঁহাকে নানা মনোহর কথায় এক্রপ ব্যাপ্ত রাখিয়াছিলেন, যে, তিনি অস্ত্র কোনও দিকে মনঃসংযোগ করিবার অবকাশ পান নাই। ফলতঃ, দ্বিবাভাগে জানকীর বৈরূপ অসুখসংকার হইয়াছিল, রজনীতে তাহার আর কোনও লক্ষণ ছিল না।

প্রভাত হইবা মাত্র, তাঁহারী গোমতীতীরে হইতে প্রস্থান করিলেন। সীতা, বামে ও দক্ষিণে, পরম রমণীয় প্রদেশ সকল নয়নগোচর করিয়া, যার পর নাই প্রীতিলাভ করিতে লাগিলেন। পূর্ব দিন তাঁহার বৈরূপ উৎকর্ষা ও অসুখসংকার হইয়াছিল, তাহার কোনও লক্ষণ লক্ষিত হইল না।

অবশেষে রথ ভাগীরথীতীরে উপস্থিত হইল। ভাগীরথীর অপর পারে লইয়া গিয়া সীতাকে এ জন্মের মত বিসর্জন দিয়া আসিতে হইবেক, এই ভাবিয়া, লক্ষ্মণের শোকসাগর অগিবার্য বেগে উচ্ছলিত হইয়া উঠিল। আর তিনি ভাবগোপন বা অশ্রুবেগসংবরণ করিতে পারিলেন না। সীতা দেখিয়া সাতিশয় বিষম হইয়া জিজ্ঞাসিলেন, বৎস ! কি কারণে তোমার এক্রপ ভাব উপস্থিত হইল, বল। তখন লক্ষ্মণ নয়নের অশ্রুমার্জনা করিয়া বলিলেন, আর্ঘ্যে ! আপনি ব্যাকুল হইবেন না ! বহু কালের পর ভাগীরথীর দর্শনলাভ করিয়া, আমার অন্তঃকরণে কেমন এক অনির্বচনীয় ভাবের উদয় হইয়াছে, তাহাতেই অকস্মাৎ আমার নয়নযুগল হইতে বাষ্পবারি বিগলিত হইল। আমাদের পূর্বপুরুষেরা কপিলশাশে ভ্রম্বাবশেষ হইয়াছিলেন ; ভগীরথ কত কষ্টে গঙ্গা দেবীকে কুম্ভে আনিয়া তাঁহাদের উদ্ধারসাধন করেন। বোধ হয়, তাহাই ভাগীরথীদর্শনে স্মৃতিপথে আরুঢ় হওয়াতে এক্রপ চিত্তবৈকল্য উপস্থিত হইয়াছিল। সীতা একান্ত মুগ্ধস্বভাবা ও নিতান্ত সরলহৃদয়া ; লক্ষ্মণের এই তাৎপর্যব্যাখ্যাতেই সন্তুষ্ট হইলেন ; এবং, গঙ্গা পার হইবার নিমিত্ত নিতান্ত উৎসুক হইয়া, লক্ষ্মণকে বারংবার তাহার উত্তোগ করিতে বলিতে লাগিলেন ; কিন্তু, গঙ্গা পার হইলেই যে, দুস্তর শোকসাগরে পরিক্ষিপ্ত হইবেন, তখন পর্য্যন্ত কিছু মাত্র বুদ্ধিতে পারিলেন না।

কিয়ৎক্ষণ পরেই তরণীর সংযোগ হইল। লক্ষ্মণ, স্তম্ভকে সেই স্থানে রথ রাখিতে বলিয়া, সীতাকে তরণীতে আরোহণ করাইলেন, এবং কিয়ৎক্ষণ মধ্যেই তাঁহারে ভাগীরথীর অপর পারে উত্তীর্ণ করিলেন। সীতা, তপোবন দেখিবার নিমিত্ত নিতান্ত উৎসুক হইয়া, তদভিমুখে প্রস্থান করিবার উপক্রম করিলেন। তখন লক্ষ্মণ বলিলেন, আর্ঘ্যে ! কিঞ্চিৎ অপেক্ষা করুন ; আমার

কিছু বস্তুব্য আছে, এই স্থানে নিবেদন করিব। এই বলিয়া তিনি অধোবদনে অশ্রুবিন্দুর্জন করিতে লাগিলেন। সীতা চকিত হইয়া জিজ্ঞাসা করিলেন, বৎস! কিছু বলিবে বলিয়া, এত ব্যাকুল হইলে কেন? কি বলিবে স্বরায় বল; তোমার ভাবান্তর দেখিয়া আমার প্রাণ নিতান্ত ব্যাকুল হইতেছে। তুমি কি আদিবার সময় আর্ধ্যপুত্রের কোনও অন্তভবটনা শুনিয়াছ, না অস্ত্র কোনও সর্বনাশ ঘটয়াছে; কি হইয়াছে, শীঘ্র বল? তখন লক্ষ্মণ বলিলেন, দেবি! বলিব কি, আমার বাক্যানিঃসরণ হইতেছে না; আর্ধ্যের আজ্ঞাবহ হইয়া আমার অদৃষ্টে যে এরূপ ঘটবেক, তাহা আমি স্বপ্নেও জানিতাম না। যে দুর্ঘটনা ঘটয়াছে, তাহা মনে করিয়া আমার হৃদয় বিদীর্ণ হইয়া যাইতেছে। ইতঃপূর্বে আমার স্বভূতা হইলে আমি সৌভাগ্যজ্ঞান করিতাম। যদি স্বভূতা অপেক্ষা কোনও অধিকতর দুর্ঘটনা থাকে, তাহাও আমার পক্ষে শ্রেয়স্কর ছিল; তাহা হইলে, আজ আমায় এরূপ নিষ্ঠুর কাণ্ডের ভারগ্রহণ করিতে হইত না। হা বিধাতঃ! তোমার মনে কি এই ছিল। এই বলিয়া উন্মূলিত তরুর স্নায়, ভূতলে পতিত হইয়া লক্ষ্মণ হাহাকার করিতে লাগিলেন।

সীতা, লক্ষ্মণের ঈদৃশ অভাবিত ভাবান্তর উপস্থিত দেখিয়া, কিয়ৎ ক্ষণ স্তব্ধ ও হতবুদ্ধি হইয়া দণ্ডায়মান রহিলেন; অনন্তর, হস্তধারণ পূর্বক তাঁহাকে ভূতল হইতে উঠাইয়া, অঞ্চল ধারা তদীয় নয়নের অশ্রুমাৰ্জন করিয়া দিলেন; এবং, তিনি কিঞ্চিৎ শান্ত হইলে, কাতর বচনে জিজ্ঞাসা করিলেন, বৎস! কি কারণে তুমি এত ব্যাকুল হইলে? কি জন্মেই বা তুমি স্বভূতাকামনা করিলে? তোমায় একান্ত বিকলচিত্ত দেখিতেছি; অল্প কারণে তুমি কখনই এত ব্যাকুল ও এত অস্থির হও নাই। বলি, আর্ধ্যপুত্রের ত কোনও অমঙ্গল ঘটে নাই? তুমি তদগতপ্রাণ; তোমার ভাব দেখিয়া বোধ হইতেছে, তাঁহারই অমঙ্গল ঘটয়াছে। আমি এখন বুঝিতে পারিতেছি, এই জন্মেই কল্যাণ অপরাহ্নে আমার তাদৃশ চিত্তবৈকল্য ঘটয়াছিল। ষা হা হয়, স্বরায় বলিয়া আমার জীবনদান কর; আমার স্বাতনার একশেষ হইতেছে। স্বরায় বল, আর বিলম্ব করিও না। আমি স্পষ্ট বুঝিতেছি, আমারই সর্বনাশ ঘটয়াছে; না হইলে, এমন সময়ে তুমি এত ব্যাকুল হইতে না।

সীতার এইরূপ ব্যাকুলতা ও কাতরতা দর্শনে, লক্ষ্মণের শোকানল শতগুণ প্রবল হইয়া উঠিল; নয়নমুগল হইতে অনর্গল অশ্রুজল নির্গত হইতে লাগিল; কণ্ঠরোধ হইয়া বাক্যানিঃসরণ রহিত হইয়া গেল। স্বত নিষ্ঠুর হটক না কেন, অবশেষে অবশ্রুই বলিতে হইবেক, এই ভাবিয়া, লক্ষ্মণ বলিবার নিমিত্ত বারংবার

চেষ্টা করিতে লাগিলেন; কিন্তু কোনও ক্রমে, তাঁহার মুখ হইতে তাদৃশ নির্ভর বাক্য নির্গত হইল না। তাঁহাকে এতাদৃশ অবস্থাপন্ন দেখিয়া, সীতা তাঁহার হস্তে ধরিয়া, ব্যাকুল চিত্তে কাতর বচনে বারংবার এই অনুরোধ করিতে লাগিলেন, বৎস! আর বিলম্ব করিও না; আর্ধ্যপুত্র যে আদেশ করিয়াছেন, তাহা, স্বতঃ নির্ভর হউক না কেন, স্বরায় বল; তুমি কিছু মাত্র সঙ্কচিত হইও না; আমি অন্তিমতি দিতেছি, তুমি নিঃশঙ্ক চিত্তে বল। তোমার কথা শুনিয়া ও ভাব দেখিয়া স্পষ্ট বোধ হইতেছে, আমারই কপাল ভাঙিয়াছে। কি হইয়াছে, স্বরায় বল, আর বিলম্ব করিও না; আমি আর এক যুহুর্ন্তে এরূপ সংশয়িত অবস্থায় থাকিতে পারিব না; স্বাহা হয় বলিয়া আমার প্রাণরক্ষা কর। বলি, আর্ধ্যপুত্রের ত কোনও অমঙ্গল ঘটে নাই। যদি তিনি কুশলে থাকেন, আমার আর যে লর্কনাশ ঘটুক না কেন, আমি তাহাতে তত কাতর হইব না। আমার মাথা খাও, তোমার আর্ধ্যপুত্রের দোহাই, শীঘ্র বল; আর বিলম্ব করিলে তুমি অধিক ক্ষণ আমার জীবিত দেখিতে পাইবে না। যদি যাতনা দিয়া আমার প্রাণবধ করা তোমার অভিপ্রেত না হয়, তবে স্বরায় বল, আর বিলম্ব করিও না।

সীতার এইরূপ অবস্থা প্রত্যক্ষ করিয়া লক্ষ্মণ ভাবিলেন, আর বিলম্ব করা বিধেয় নহে। তখন অনেক স্বপ্নে চিত্তের অপেক্ষাকৃত দৈর্ঘ্যসম্পাদন করিয়া, অতি কষ্টে বাক্যানিঃসরণ করিলেন, বলিলেন, আর্ধ্যে! বলিব কি, বলিতে আমার হৃদয় বিদীর্ণ হইয়া যাইতেছে। আপনি একাকিনী রাবণগৃহে ছিলেন, সেই কারণে, পৌরগণ ও জনাপদবর্গ, আপনকার চরিত্র বিষয়ে সন্দেহান হইয়া অপবাদকীর্তন করিয়া থাকে। আর্ধ্য ইহা অবগত হইয়া এক বারে স্নেহ, দয়া, ও মমতায় বিসর্জন দিয়া, অপবাদমোচনের নিমিত্ত আপনকার মায়াপরিত্যাগ করিয়াছেন, আমায় এই আদেশ দিয়াছেন, তুমি তপোবনদর্শনের ছলে লইয়া গিয়া, বাগ্নীকির আশ্রমে রাখিয়া আসিবে। এই সেই বাগ্নীকির আশ্রম।

এই বলিয়া লক্ষ্মণ ভূতলে পতিত ও মুচ্ছিত হইলেন। সীতাও, শ্রবণ মাত্র গতচেতনা হইয়া, বাতাভিহতা কদলীর স্তায় ভূতলশায়িনী হইলেন। কিয়ৎক্ষণ পরে লক্ষ্মণের সংজ্ঞালাভ হইলে, তিনি অনেক স্বপ্নে জানকীর চৈতন্তসম্পাদন করিলেন। জানকী চেতনালাভ করিয়া, উন্নতায় স্তায় স্থির নয়নে লক্ষ্মণের মুখনিরীক্ষণ করিতে লাগিলেন। লক্ষ্মণ হতবুদ্ধির স্তায়, চিত্তাশিতের প্রায়, অধোবদনে, গলদগ্ধ নয়নে, দণ্ডায়মান রহিলেন। কিয়ৎক্ষণ পরে, সীতার নয়নকুণ্ডল হইতে প্রবল বেগে বাষ্পবারি বিপলিত হইতে লাগিল; ঘন ঘন

নিশ্বাস বহিতে লাগিল ; সৰ্ব শরীর কম্পিত হইতে লাগিল । তদর্শনে লক্ষণ ষৎপরোনাস্তি ব্যাকুল হইয়া, সীতাকে প্রবোধ দিবার নিমিত্ত চেষ্টা পাইলেন ; কিন্তু, কি বলিয়া প্রবোধ দিবেন, তাহার কিছু দেখিতে না পাইয়া, হতবুদ্ধি হইয়া, কেবল অবিশ্রান্ত অশ্রুবিসর্জন করিতে লাগিলেন ।

এই ভাবে কিয়ৎক্ষণ অতীত হইলে পর, সীতা চিন্তের অপেক্ষাকৃত শৈথিল্যসম্পাদন করিয়া বলিলেন, লক্ষণ ! কার দোষ দিব, সকলই আমার অদৃষ্টের দোষ, নতুবা, রাজার কন্যা, রাজাব বধু, রাজার মহিষী হইয়া, কে কখন আমার মত চিরদুঃখিনী হইয়াছে, বল ? বুঝিলাম, যাবজ্জীবন দুঃখভোগের নিমিত্তই আমার নারীজন্ম হইয়াছিল । বৎস ! অবশেষে আমার যে এ অবস্থা ঘটবেক, তাহা কাহার মনে ছিল । বহু কালের পর আর্ধ্যপুত্রের সন্তান সমাগম হইলে, ভাবিয়াছিলাম, বুঝি এই অবধি দুঃখের অবসান হইল । কিন্তু, বিধাতা যে আমার কপালে সহস্রগুণ অধিক দুঃখ লিখিয়া রাখিয়াছিলেন, তাহা স্বপ্নেও জানিতাম না । হায় বে বিধাতা ! তোর মনে কি এতই ছিল ।

এই বলিতে বলিতে জ্ঞানকীর কণ্ঠরোধ হইয়া গেল । তিনি কিয়ৎক্ষণ বাক্যানিঃসরণ করিতে পারিলেন না, অনন্তর, দীর্ঘনিশ্বাসপরিত্যাগ পূর্বক বলিলেন, লক্ষণ ! নিষ্ঠুর বিধান আমার কপালে এত দুঃখভোগ লিখিলেন কেন, বুঝিতে পারিতেছি না । অথবা, বিধাতার অপরাধ কি ; সকলেই আপন আপন কর্মের ফলভোগ করে । আমি জন্মান্তরে স্বরূপ কর্ম করিয়াছিলাম, এ জন্মে সেইরূপ ফলভোগ করিতেছি । বোধ করি, পূর্ব জন্মে কোনও পতিপ্রাণা কামিনীকে পতিবিরোজিতা করিয়াছিলাম ; সেই মহাপাপেই আজ আমার এই ছরবস্থা ঘটিল, নতুবা আর্ধ্যপুত্রের হৃদয় স্নেহ, দয়া, ও মমতায় পরিপূর্ণ ; আমিও যে একান্ত পতিপ্রাণা ও শুদ্ধচারিণী, তাহাও তিনি বিলক্ষণ জানেন ; তথাপি যে এমন সময়ে আমায় গৃহ হইতে বহিষ্কৃত করিলেন, সে কেবল আমার পূর্বজন্মাজ্জিত কর্মের ফলভোগ । বৎস ! আমি বনবাসে কাতর নহি । আর্ধ্যপুত্রের সহবাসে, বহু কাল, বনবাসে ছিলাম ; তাহাতে এক দিন, এক মুহূর্তের নিমিত্ত, আমার অন্তঃকরণে দুঃখের লেশ মাত্র ছিল না । আর্ধ্যপুত্রসহবাসে যাবজ্জীবন বনবাসে থাকিলেও, আমার কিছুমাত্র দুঃখ হইত না । সে যাহা হউক, আমার অন্তঃকরণে এই দুঃখ হইতেছে, আর্ধ্যপুত্র কি অপরাধে পরিত্যাগ করিয়াছেন, মূনিপত্নীরা জিজ্ঞাসা করিলে আমি কি উত্তর দিব । তাঁহারা আর্ধ্যপুত্রকে কল্পনাগার বলিয়া জানেন ; আমি প্রকৃত কারণ

বলিলে, তাঁহারা কখনই বিশ্বাস করিবেন না। তাঁহারা ভাবিবেন, আমি কোনও গুরুতর অপরাধ করিয়াছিলাম, তাহাতেই তিনি আমার গৃহ হইতে বহিষ্কৃত করিয়াছেন। বৎস। বলিতে কি, যদি অন্তঃসম্মত না হইতাম, এই যুদ্ধে, তোমার সমক্ষে, জাহ্নবীজলে প্রবেশ করিয়া প্রাণত্যাগ করিতাম। আব আমার জীবনধারণের ফল কি বল ? এমন অবস্থাতেও কি প্রাণ বাধিতে হয় ? আমি আশ্চর্যবোধ করিতেছি, আর্ধ্যপুত্র পবিত্র্যাগ করিয়াছেন স্ত্রীনিষেধ আমার প্রাণবিষেগ দৃষ্টিতেছে না। বোধ করি, আমাব মত কঠিন প্রাণ হারও নাই, নতুবা, এখনও নির্গত হইতেছে না কেন ? অথবা, বিবাতা আমায় চিরদুঃখিনী কবিবার সঙ্কল্প করিয়াছেন, প্রাণত্যাগ হইলে তাঁহাব সে সঙ্কল্প বিফল হইয়া যায়, এজন্যই জীবিত বহিয়াছি।

এইরূপ আক্ষেপ ও বিলাপ করিতে করিতে মাতা দীর্ঘ নিশ্বাস সহকারে, হায় কি হইল বলিয়া, পুনর্বার মুচ্ছিত ও ভূতলে পতিত হইলেন। স্বশীল লক্ষণ, দেখিয়া স্ত্রীনিয়া নতাস্ত কাতব ও শোক একান্ত অভিব্যক্ত হইয়া প্রবিল ধাবায় বাষ্পবাবিমোচন করিতে লাগিলেন, এবং বামচন্দ্রের অদৃষ্টকর অশ্রুতপূর্বক লোকান্তবাগপ্রিয়তাট এই অতুতপূর্বক ভয়ানক অনর্থক মূল, এই ভাবিয়া, যৎপবোনাস্তি বিষন্ন ও স্রিয়মাণ হইয়া বলিতে লাগিলেন, যাদ ই :- পক্ষে আমাব মৃত্যু হইত, তাহা হইলে এই লোকবিগণিত ধর্মবিবাজিত বিষম যাও দেখিতে হইত না। আমি আর্ধ্যব অজ্ঞাপ্রতিপালন সম্বন্ধ হইয়, যত অসৎ কর্মই করিয়াছি। আমাব মত পাষণ্ড ও পাষণ্ডহৃদয় আব নাই, নতুবা, এরূপ নিষ্ঠুর কাণ্ডের ভাবগ্রহণ কবিব কেন ? কেমন করিয়া, এমন ফলহৃদয়, শুদ্ধচারিণী, পতিপ্রাণা কামিনীকে এরূপ সর্বনাশের কথা শুনাইলাম ? যদি, আর্ধ্যব আদেশ প্রতিপালন পরাজুখ হইয়া, আমায় এ মের মত তাঁহাব বিবাগভাঙ্গন ও জন্মান্তবে নিবযগামী হইতে হইত তাহাও আমাব পক্ষে সহস্র গুণে শ্রেয়স্কর ছিল। সর্বথা আমি অতি অসৎ কর্মই করিয়াছি। হা মাতঃ ! কেন তুমি আমায় এরূপ নিষ্ঠুর কাণ্ডের ভাবগ্রহণ প্রবৃত্তি দিয়াছিলে ? হা কঠিন হৃদয় ! তুমি এখনও বিদীর্ণ হইতেছ না কেন ? হা কঠিন প্রাণ ! তুমি এখনও প্রস্থান করিতেছ না কেন ? হা দৃষ্ট কলেবর ! তুমি এখনও সর্ব অবয়ব বিশীর্ণ হইতেছ না কেন ? আর আমি আর্ধ্যব এ অবস্থা দেখিতে পাবি না। হা আর্ধ্য ! তুমি যে এমন কঠিন-হৃদয়, তাহা স্বপ্নেও জানিতাম না। যদি তোমাব মনে এতই ছিল, তবে আর্ধ্যার উদ্ধারসাধনে তত সচেষ্ট হইবার কি প্রয়োজন ছিল ? দশানন হরণ

করিয়্যা লইয়া গেলে পর, উন্নত ও হতচেতন হইয়া, হাহাকার করিয়্যা বেড়াইবারই বা কি আবশ্যকতা ছিল ? তুমি অবশেষে এই করিবে বলিয়্যা, কি আমবা লক্ষ্যসমবেব দুঃসহ ক্লেশপবম্পবা সহ করিয়াছিস্যাম ? ষাঃ হউক. তায়াব মত নির্দয় ও নৃশংস ভূমণ্ডলে নাই ।

কিয়ং ক্ষণ এইরূপ আক্ষেপ ও বামচন্দ্রেব ভং সনা কর'বযা. লক্ষণ উচ্ছলিত শাকাগেগের সংবরণ পূর্বক সীতা'ব চৈতন্যসম্পাদনে সযত্ন হইলেন । চেন্না-সংকাব হইলে, সীতা, কিয়ং ক্ষণ শব্দ ভাবে থাকিয়া স্নেহভবে সন্তোষণ করিয়্যা লক্ষণকে বলিলেন, বৎস ! ঐর্ধ্য্য অবলম্বন কর, আব বিলাপ এ পবিত্রা কবিও না । সকলই অদৃষ্টাপান, আমাব অদৃষ্টে যাহা ছিল, তাহা ঘটয়াছে, তুমি আব স চক্র পাতব হইও না, শোকসংবরণ কর । আমাব ভাবনা ছাড়িয়া দিয়া হবাব তুমি আর্ধ্য্যপুত্রের নিকটে যাও । তিনি আমায় বনবাস দিয়া কাতব ও অস্থির হইয়াছেন, সন্দেহ নাই, যাহা তাহাব শাকের নিবারণ ও চিত্তের স্থিতিতা হয়, সে বিষয়ে যত্নবান হইও, তাহা হইবে, আমায় পবিত্রাণ কবিয়াছেন বলিয়া, ক্ষোভ করিবাব সংবরণ নাই, তিনি স্মৃতিবেচনা'র কার্য্যই কবিয়াছেন । প্রাণপণে প্রজাবরণ করা বাজাব প্রধান ধর্ম্ম, আমায় পবিত্রাণ কবিয়া তিনি বাজবর্ধ্মপ্রতিপালন করিয়াছেন । আমি তাহাব মন জানি, তিনি যে কবল লোকাপবাদেব ভয়ে এই কর্ম্ম কবিয়াছেন, তাহাতে আমাব সন্দেহ নাই । তিনি যেন শোকশূন্য ও ক্ষোভ-শূন্য হইয়া প্রশস্ত মনে প্রজাপাজনে নিযত ব্যাপৃত থাকেন । তাহাব চরণে আমাব প্রণাম জানাইয়া বলিবে, যদিও আমি লোকাপবাদভয়ে, অযোধ্যা হইতে নির্বাসিত হইলাম, যেন তাহাব অন্তঃকরণ হইতে এক বাবে অপসাবিত না হই । আম তপোবনে থাকিয়া এই উদ্দেশে ঐকান্তিক চিত্তে তপস্তা কবিব, যেন জন্মান্তরেও তিনি আমার পতি হন । যার, তাহাকে বিশেষ কবিয়া বলিবে, যদিও ভার্য্যাভাবে আমায় নির্বাসিত করিয়াছেন, কিন্তু যেন সামান্ত প্রজা বলিয়া গণ্য কবেন । তিনি সসাগবা পৃথিবীর অধীশ্বর, যেখানে থাকি, তাহার অধিকাববহিষ্ঠ ত নই ।

এই বলিয়া একান্ত শোকাকূল হইয়া সীতা কিয়ং ক্ষণ মৌনাবলম্বন করিয়া রছিলেন ; অনন্তর, নিতান্ত কাতর স্বরে বলিতে লাগিলেন, লক্ষণ ! আমাব ভাগ্যে যাহা ঘটয়াছে, আমি সে জন্তে তত কাতর নহি, পাচে আর্ধ্য্যপুত্রের মনে ক্লেশ হয়, সেই ভাবনাতেই আমি অস্থির হইতেছি । তাহাকে বিনয় করিয়্যা বলিবে, তিনি যেন শোকসংবরণ করিয়া স্বরায় স্থষ্টিচিন্তা হন ।

আমার ক্লেশের একশেষ হইয়াছে, স্বার্থ বটে ; কিন্তু, সে জন্তে, আমি তাঁহাকে অণুমাত্র দোষ দিব না ; আমার যেমন অদৃষ্ট, তেমনই ঘটিয়াছে, তজ্জন্য তিনি যেন ক্ষোভ না করেন। বৎস ! তোমায় আমার অহুরোধ এই, তুমি সর্বদা তাঁহার নিকটে থাকিবে, ক্ষণ কালের নিমিত্তেও তাঁহারে একাকী থাকিতে দিবে না, একাকী থাকিলেই তাহার উৎকর্থা ও অসুখ বাড়িবেক। তিনি ভাল থাকিলেই আমার ভাল। যাহাতে তিনি সুখে থাকেন, সে বিষয়ে সর্বদা যত্ন করিবে। এই বলিয়া, লক্ষ্মণেব হস্তে ধরিয়া, সীতা বাষ্পবিপ্লুত লোচনে করুণ বচনে বলিলেন, তুমি আমাব নিকট শপথ করিয়া বল, এ বিষয়ে কদাচ উদাস্ত কবিবে না। তপোবনে থাকিয়া, যদি লোকমুখে শুনিতে পাই, আৰ্য্যপুত্র কুশলে আছেন, তাহা হইলেই আমাব সকল দুঃখ দূর হইবেক।

এই বলিতে বলিতে সীতার নয়নযুগল হইতে অবিরল ধাবাষ বাষ্পবাবি বিগলিত হইতে লাগিল। তদায পতিপরায়ণতাব সম্পূর্ণপ্রমাণপূর্ণ বচনপবম্পবা প্রবণগোচর ব বিদ্যা, লক্ষ্মণের শোকপ্রবাহ প্রবল বেগে প্রোচ্ছলিত হইয়া উঠিল, নয়নজলে বক্ষ স্থল ভাসিয়া যাইতে লাগিল। সীতা মাঝনাবাক্যে লক্ষ্মণকে বলিলেন, বৎস। শোকাবেগসংবরণ করিয়া, স্বরায় তুমি আৰ্য্যপুত্রের নিকটে যাও, আব বিলম্ব করিও না। বাবংবাব এইরূপ বলিয়া তিনি লক্ষ্মণে বিদায় দিবাব নিমিত্ত নিবাতশয় ব্যস্ত হইলেন। লক্ষ্মণ প্রণাম ও প্রদক্ষিণ করিয়া, চতাজ্জলিপুটে সন্মুখে দণ্ডায়মান হইলেন, এবং গলদক্ষ লোচনে বাতব বচনে বলিতে লাগিলেন, আৰ্য্যে। আপনি পূৰ্বাপব দেখিয়া আসিতোছেন, আমি আৰ্য্যেব একান্ত আঞ্জাবহ যখন যে আদেশ করেন, ষিক্কি না কাবযা তৎক্ষণাৎ তৎপ্রতিপালনে প্রবৃত্ত হই। প্রাণান্তস্বীকাব কবিয়াও অগ্রজের আঞ্জা প্রতিপালন কবা অত্বেব সর্বপ্রধান ধর্ম। আমি সেই অহুজধর্মের অহুবর্তী হইয়া আৰ্য্যেব এই বিষম আঞ্জাব প্রতিপালনে প্রবৃত্ত হইয়াছিলাম। আমি য পাযাণহৃদয়ের কর্ম করিবাব ভারগ্রহণ করিয়াছিলাম, তাহা সম্পন্ন কবিলাম। প্রার্থনা এই, আমার উপব আপনকার যে অপারসীম স্নেহ ও বাৎসল্য আছে, তাহা যেন বৈলক্ষণ্য না হয়। আর, আৰ্য্যেব আদেশ অচুসারে, এরূপ নৃণস আচরণ কবিয়া, আমি যে বিষম অপরাধ করিলাম, কৃপা করিয়া আমাব সেই অপবৎ নব মাজনা করিবেন।

লক্ষ্মণকে এইরূপ শোকাভিভূত দেখিয়া, সীতা বলিলেন, বৎস। তোমার অপবাব কি ? তুমি যেন অকাবণে এত কাতর হইতেছ ও পরিতাপ কবিতেছ ? তোমার উপর রূপ বা অসম্বৃত্ত ২২ বাব কথা দূরে থাকুক, আমি কায়মনাবাক্যে দেবতাদেব নিকট নিয়ত এই প্রার্থনা করিব, যেন জন্মান্তরে তোমার মত গুণের দেবর পাই, তুমি চিরজীবী হও। তুমি অযোধ্যায় গিয়া আৰ্য্যপুত্রের চরণে আমার প্রণাম জানাইবে। ভরত, শত্রুঘ্ন, ও আমার ভগিনীদ্বিগকে স্নেহসম্ভাষণ বলিবে ; স্বশ্রদেবীরা ভগবান্ ঋতশ্রুদের আশ্রম হইতে প্রত্যাগমন করিলে,

তাঁহাদের চরণে আমার সাষ্টাঙ্গ প্রণিপাত নিবেদিত করিবে। বৎস ! তোমায় আর একটি কথা বলিয়া দি। আমি চিরদুঃখিনী, বিধাতা আমার অদৃষ্টে সুখ লিখেন নাই ; সূতরাং, আমার যে সর্কনাশ ঘটিল, তাহাতে আমি দুঃখিত নহি। কিন্তু এই করিও, যেন আমার ভগিনীগুলি কষ্ট না পায়। তাহারা আমার নিমিত্ত অত্যন্ত শোকাকুল হইবেক ; তাহাতে অরায় তাহাদের শোক নিবৃত্তি হয়, সে বিষয়ে তোমরা তিন জনে মতত যত্ন করিও ; তাহারা সুখে থাকিলেও, অনেক অংশে আমার দুঃখনিবারণ হইবেক। তাহাদিগকে বলিবে, আমি আপন অদৃষ্টের ফলভোগ করিতেছি ; আমার জন্তে শোকাকুল হইবার ও ক্লেণভোগ করিবার প্রয়োজন নাই।

এই বলিয়া, স্নেহভরে বারংবার আশীর্বাদ করিয়া, সীতা লক্ষণকে প্রস্থান করিতে বলিলেন। লক্ষণ বাপ্পাকুল লোচনে ও শোকাকুল বচনে, আর্ষ্যে। আমার অপবোধ মার্জ্জনা কবিনেন, অঞ্জলিবদ্ধ পূর্বক এই কথা বলিয়া, পুনরায় প্রশম ও প্রদক্ষিণ করিয়া, নৌকায় আরোহণ করিলেন। সীতা অবিচলিত নয়নে নিরীক্ষণ করিয়া রহিলেন। নৌকা অল্পক্ষণেই ভাগীবাণীর অপর পারে সংলগ্ন হইল। লক্ষণ তাঁরে উত্তীর্ণ হইলেন ; এবং, কিয়ৎ ক্ষণ নিস্পন্দ নয়নে জানকীর নিরীক্ষণ করিয়া, অশ্রুবিমর্জ্জন করিতে করিতে রথে আরোহণ কবিলেন। বৎস চলিতে আরম্ভ করিল। যত ক্ষণ সীতাকে দেখিতে পাওয়া গেল, লক্ষণ অনিমিষ নয়নে নিরীক্ষণ করিতে লাগিলেন, সীতাও চিত্রাপিতপ্রায় রথে দৃষ্টিযোজনা করিয়া রহিলেন। রথ ক্রমে ক্রমে দূরবর্তী হইল। তখন লক্ষণ, আর সীতাকে লক্ষিত করিতে না পারিয়া, হাহাকার ও শিরে করাঘাত কাবয়া, রোদন করিতে লাগিলেন। সীতাও, রথ নয়নপথবহির্ভূত হইবামাত্র, রথবিরাহিত কুরুরী গায় উচ্চৈঃস্বরে ক্রন্দন করিতে আরম্ভ করিলেন।

সীতার ক্রন্দনশব্দ শ্রবণগোচর করিয়া, সন্নিহিত ঋষিকুমারেরা শব্দ অহুসারে ক্রন্দনস্থানে উপস্থিত হইলেন ; দেখিলেন, এক অস্বর্ধ্যাস্পশরুপা কামিনী, হাহাকার ও শিরে করাঘাত করিয়া, অশেষবিধ বিলাপ ও পরিতাপ করিতেছেন। দেখিয়া, তাঁহাদের কোমল হৃদয়ে ধার পর নাই কারুণ্যরস আবিভূত হইল। তাঁহারা, অরিত গমনে বায়ীকিসমীপে উপস্থিত হইয়া, বিনয়নম্র বচনে নিবেদন করিলেন, ভগবন্। আমরা, ফল কুশুম কুশ সমিধ সাহরণের নিমিত্ত, ভাগীরথীসন্নিহিত অটবীবিভাগে পর্যটন করিতেছিলাম ; স্কন্ধাং, স্বীলোকের আর্ন্তনাদ শুনিতে পাইলাম, এবং ইতস্ততঃ অহুসঙ্কান করিয়া কিয়ৎ ক্ষণ পরে দেখিতে পাইলাম, এক অলৌকিক রূপলাবণ্যে পরিপূর্ণা কামিনী, নিত্যন্ত অনাথার গায়, একান্ত কাতরা হইয়া, উচ্চৈঃস্বরে রোদন করিতেছেন। তাঁহাকে দেখিলে বোধ হয় যেন কমলা দেবী ভূমণ্ডলে অবতীর্ণা হইয়াছেন। তিনি কে, কি কারণে রোদন করিতেছেন, কিছুই জানিতে পারিলাম না ; কিন্তু, তাঁহার কাতরভাবেব অবলোকন ও বিলাপবাক্যের

আকর্ষণ ঠাৱা, আমাদের হৃদয় বিদীর্ণ হইয়া গেল। আমরা, সাহস করিয়া, তাঁহাকে কোনও কথা জিজ্ঞাসা করিতে পারিলাম না। অবশেষে, আপনাকে সংবাদ দেওয়া উচিত বিবেচনায়, ক্ষণ মাত্র বিলম্ব না করিয়া, আপনার নিকটে আসিয়াছি। এক্ষণে যাহা বিহিত বোধ হয়, করুন।

মহর্ষি, ঋষিকুমারদিগের মুখে এই বৃশ্চাস্ত শুনিয়া, তৎক্ষণাৎ ভাগীরথীতীরে উপস্থিত হইলেন; এবং, সীতার সম্মুখবর্তী হইয়া, সম্মুখে সস্তাষণ পুরঃসর-প্রশান্ত স্বরে বলিতে লাগিলেন, বৎসে! বিলাপ করিও না; কি কারণে তুমি আমার তপোবনে আসিয়াছ, তোমার আসিবার পূর্বেই, আমি তাহার সবিশেষ সমস্ত অবগত হইয়াছি। তুমি মিথিলাধিপতি রাজা জনকের দুহিতা, কোশলাধিপতি মহারাজ দশরথের পুত্রবধু এবং রাজাধিরাজ রামচন্দ্রের মহিষী। রামচন্দ্র, অমূলক লোকাপবাদ শ্রবণে, চলচিত্ত ও সদসৎ-পরিবেদনাবিহীন হইয়া নিতান্ত নিরপরাধে, তোমায় নির্ঝাসিত করিয়াছেন। সীতা, সান্ত্বনাবাদ শ্রবণে, নয়নের অশ্রুমার্জ্জন করিলেন, এবং, সৌম্যমুষ্টি মহর্ষিকে সম্মুখবর্তী দেখিয়া, গলগল বসনে তদীয় চরণে প্রণাম করিলেন। বাম্বীকি, রঘুকুলতিলক তনয় প্রসব কর, এই আশীর্বাদ করিয়া বলিলেন, বৎসে! আর এখানে থাকিবার প্রয়োজন নাই, আমার আশ্রমে চল, আমি আপন তনয়ার জায় তোমার রক্ষণাবেক্ষণ করিব। তথায় থাকিয়া তুমি কোনও বিষয়ে কোনও ক্লেশ পাইবে না। জনপদবাসীরা, বন, এই শব্দ শুনিলে ভয়াকুল হয়; কিন্তু তপোবনে ভয়ের কোনও সম্ভাবনা নাই। ঋষিদের তপস্কার প্রভাবে, হিংস্র জন্তুরাও, স্বভাবসিদ্ধ হিংসাপ্রবৃত্তি দূরীভূত করিয়া, পরস্পর সৌহৃদ্য ভাবে কালহরণ করে। তপোবনের একরূপ মহিমা যে, স্বল্প কাল অবস্থিতি করিলেই চিত্তের স্বৈৰ্য্যসম্পাদন হয়। তোমায় আসন্নপ্রসব দেখিতেছি। প্রসবের পর, অপত্যসংস্কারবিধি যথাবিধি সমাহিত হইবেক, কোনও অংশে অঙ্গহীন হইবেক না। সমবয়স্কা মুনিকন্ডারা তোমার সহচরী হইবেন; তাঁহাদের সহবাসে তোমার বিলক্ষণ চিত্তবিনোদন হইবেক। বিশেষতঃ তোমার পিতা আমার পরম বন্ধু; সুতরাং, আমার তপোবনে থাকিয়া তোমার পিতৃগৃহবাসের সকল সুখ সম্পন্ন হইবেক; আমি অপত্যনিবিশেষে তোমার রক্ষণাবেক্ষণ করিব। অতএব, বৎসে! আর বিলম্ব করিও না, আমার অঙ্গুগামিনী হও।

এই বলিয়া, সীতারে সমভিব্যাহারে লইয়া মহর্ষি তপোবনে প্রবেশ করিলেন; এবং, সকল বিষয়ের সবিশেষ বলিয়া দিয়া, সমবয়স্কা মুনিকন্ডাদের হস্তে সীতার ভারার্পণ করিলেন। মুনিকন্ডারা তদীয়সমাগমলাভে পরম প্রীতি ও পরিতোষ প্রাপ্ত হইলেন; এবং, যাহাতে স্বরায় তাঁহার চিত্তের স্বৈৰ্য্যসম্পাদন হয় সে বিষয়ে অশেষবিধ যত্ন করিতে লাগিলেন।

পঞ্চম পরিচ্ছেদ

সীতাকে বনবাস দিয়া রাম যার পর নাই অর্ধৈর্ষ্য ও শোকাভিভূত হইলেন ; এবং, আহাৰ, বিহার, রাজকাৰ্য্যপৰ্যালোচনা প্রভৃতি সমস্ত ব্যাপারে একবারে বিসৰ্জন দিয়া, অস্ত্রের প্রবেশপ্রতিষেধ পূৰ্বক একাকী আপন বাসভবনে অবস্থিতি করিতে লাগিলেন । তিনি সীতাকে নিতান্ত পতিপ্রাণা ও একান্ত শুদ্ধচারিণী বলিয়া জানিতেন ; এবং, পৃথিবীতে যত প্রিয় পদার্থ আছে, সৰ্ব্বাপেক্ষা তাঁহাকে অধিক ভাল বাসিতেন । বস্তুতঃ, উভয়ের এক মন, এক প্রাণ ; কেবল শরীর মাত্র বিভিন্ন ছিল । সীতা যেরূপ সাধুশীলা ও সরলাস্তঃকরণা, রামও সৰ্ব্বাংশে তদনুরূপ ছিলেন ; সীতা যেরূপ পতিপ্রাণা, পতিহিতৈষিণী, ও পতিস্বখে সুখিনী ; রামও সেইরূপ সীতাগতপ্রাণ, সীতাহিতাকাঙ্ক্ষী ও সীতাস্বখে সুখী ছিলেন । গৃহে রাজভোগে থাকিলে, তাঁহাদের যেরূপ স্বখে সময় অতিবাহিত হইত, বনবাসে পরস্পর সন্নিধান বশতঃ বরং তদপেক্ষা অধিক স্বখে কালযাপন হইয়াছিল । বনবাস হইতে বিনিবৃত্ত হইলে, তাহাদের পরস্পর প্রণয় ও অমুরাগ শত গুণে প্রগাঢ় হইয়া উঠে । উভয়েই উভয়কে এক মুহূৰ্ত্তের নিমিত্তে নয়নের অন্তরাল করিতে পরিতেন না । রাম, কেবল লোকবিরাগসংগ্রহের ভয়ে, সীতাকে নির্বাসিত করিয়াছিলেন ; সুতরাং, সীতানিৰ্বাসনশোক তাঁহার একান্ত অসহ্য হইয়া উঠিল ।

রামের আন্তরিক অস্বখের সীমা ছিল না । কেনই আমি রাজবংশে ভ্রমগ্রহণ করিয়াছিলাম ; কেনই আমি বনবাস হইতে প্রতিনিবৃত্ত হইলাম ; কেনই আমি পুনরায় রাজ্যের ভারগ্রহণ করিলাম ; কেনই আমি দুৰ্ম্মুখে পৌরগণের ও জানপদবর্গের অভিপ্রায়-পরিজ্ঞানেরনিমিত্ত নিয়োজিত করিলাম ; কেনই আমি লক্ষ্মণের উপদেশ অমুসারে না চলিলাম ; কেনই আমি নিতান্ত নৃশংস হইয়া সীতারে বনবাস দিলাম ; কেনই আমি নিরতিশয় ক্লেশকর অকিঞ্চিংকর রাজ্যভারে বিসৰ্জন দিয়া সীতার সমভিব্যাহারী না হইলাম ; কি বলিয়া মনকে প্রবোধ দিব ; কেমন করিয়া প্রাণধারণ করিব ; প্রিয়ারে বনবাস দেওয়া অপেক্ষা আমার আত্মঘাতী হওয়া সহ্য গুণে শ্রেয়ঃকল্প ছিল ; ইত্যাদি প্রকারে তিনি অহোরাত্র বিলাপ ও পরিতাপ করিতে লাগিলেন । দুঃসহ শোকানলে নিরন্তর জলিত হইয়া তাঁহার শরীর অল্প দিনের মধ্যেই অর্দ্ধাবশিষ্ট হইল ।

তৃতীয় দিবস মধ্যাহ্ন সময়ে লক্ষ্মণ, নিতান্ত দীনভাবাপন্ন মনে, অস্বাধায় প্রবেশ করিলেন; এবং, সর্বাগ্রে রামচন্দ্রের বাসভবনে গমন করিয়া, রুতাজ্জলিপুটে তাঁহার সম্মুখদেশে দণ্ডায়মান হইয়া, গলদশ লোচনে, গদগদ বচনে নিবেদন করিলেন, আর্ধ্য! দুয়াত্মা লক্ষ্মণ আপনকার আশ্রয়প্রতিপালন করিয়া আসিল। রাম, অবলোকন ও আকর্ণন মাত্র, হা প্রেয়সি। বলিয়া, মুচ্ছিত ও ভূতলে পতিত হইলেন। লক্ষ্মণ, একান্ত শোকভারাক্রান্ত হইয়াও, বহু যত্নে, তাঁহার চৈতন্যসম্পাদন করিলেন। তখন তিনি, কিয়ৎ ক্ষণ শূন্য নয়নে লক্ষ্মণের মুখনিরীক্ষণ করিয়া, হাহাকার ও অতিদীর্ঘনিশ্বাসভারপরিভ্রাণ পূর্বক, গাই লক্ষ্মণ। তুমি জ্ঞানকীরে কোথায় রাখিয়া আসিলে, আমি তাঁহার বিয়হে কেমন করিয়া প্রাণধারণ করিব? আর যে যাতনা সহ হয় না; এ বলিয়া লক্ষ্মণের গলায় ধরিয়া, উচ্চৈশ্বরে রোদন করিতে লাগিলেন। উভয়েই অর্ধৈর্ঘ্য হইয়া, কিয়ৎ ক্ষণ বাষ্পবিসর্জন করিলেন। অনন্তর লক্ষ্মণ, অতি কষ্টে, স্বীয় শোকাবেগের সংবরণ করিয়া, রামের সান্নিধ্য চেষ্টা করিতে লাগিলেন। বাম কিঞ্চিৎ শান্তচিত্ত হইয়া লক্ষ্মণের মুখে সীতাবিলাপান্ত সমস্ত বৃত্তান্ত অবগত হইলেন। নয়নজলে বক্ষঃস্থল ভাবিয়া গেল, ঘন ঘন নিশ্বাস বহিতে লাগিল; কণ্ঠরোধ হইয়া তিনি বাকশক্তিরহিত হইয়া বহিলেন, এবং, পূর্বাপর সমস্ত ব্যাপারের আলোচনা করিতে করিতে দুঃসহ শোকভার আর সহ করিতে না পারিয়া, পুনরায় মুচ্ছিত হইলেন।

লক্ষ্মণ পুনরায় পরম যত্নে রামচন্দ্রের চৈতন্যসম্পাদন করিলেন, এবং তাঁহার তাদৃশী দশা দেখিয়া মনে মনে বিবেচনা করিতে লাগিলেন, আর্ধ্য যে দুস্তর শোকসাগরে পরিস্কিন্ত হইলেন, তাহাতে এ জন্মে আর সুস্থচিত্ত হইতে পারিবেন না। শোকাপনোদনের কোনও উপায় দেখিতেছি না। বাহা হউক, সান্নিধ্য চেষ্টা করা আবশ্যিক। তিনি এইরূপ আলোচনা করিয়া বিনয়পূর্ণ প্রণয়গর্ভ বচনে বলিলেন, আর্ধ্য! শোকে ও মোহে এরূপ অভিভূত হওয়া ভবাদৃশ মহাত্ম্যভাবের পক্ষে কদাচ উচিত নহে। আপনি সকলই বুঝিতে পারেন। ষাট্শ বিধিনির্বন্ধ ছিল, ঘটয়াছে; নতুবা আপনি অকারণে, অথবা সামান্ত কারণে, আর্ধ্যাকে বিসর্জন দিবেন, ইহা কাহার মনে ছিল। বিবেচনা করিয়া দেখুন, সংসারে কিছুই চির দিনের জন্মে নহে। বুদ্ধি হইলেই ক্ষয় আছে; উন্নতি হইলেই পতন হয়; সংযোগ হইলেই বিয়োগ ঘটে; জীবন হইলেই মরণ হইয়া থাকে। এই চিরপরিচিত সংসারিক নিয়মের কোনও কালে অন্তথাভাব দেখিতে পা যায় না। এই লম্বদয়ের আলোচনা করিয়া,

আপনকার শোকসংবরণ করা উচিত। বিশেষতঃ, আপনি সকল লোকের হিতাহুশাসন কার্যের ভারগ্রহণ করিয়াছেন ; সে জন্তেও আপনকার শোকাভিভূত হওয়া বিধেয় নহে। প্রিয়বিয়োগ ও অপ্রিয়সংযোগ শোকের কারণ, তাহার সন্দেহ নাই ; কিন্তু ভাবাদৃশ মহাহুভাবদিগের একান্ত শোকাভিভূত হওয়া কদাচ উচিত হয় না। প্রাকৃত লোকেই শোকে ও মোহে বিচেতন হইয়া থাকে। অতএব, ধৈর্য্য অবলম্বন করুন ; এবং, অন্তঃকরণ হইতে অকিঞ্চিৎকর শোকে নিষ্কাশিত করিয়া রাজকার্য্যে মনোনিবেশ করুন। আর, আপনকার ইহারও অনুধাবন করা আবশ্যিক, আপনি কেবল লোকবিরাগ-সংগ্রহের ভয়ে আর্ধ্যাবে নির্বাসিত করিয়াছেন। আর্ধ্যাকে গৃহে রাখিলে, প্রজালোকে বিরাগপ্রদর্শন করিবেক, কেবল এই আশঙ্কায় আপনি তাঁহাকে দিয়াছেন। এক্ষণে তাহার নিমিত্ত শোকাকুল হইলে .স আশঙ্কার নিরাস হইতেছে না। সু-রাত, যে দোষেব পরিহারমানসে আপনি ঈদৃশ দুষ্কর কর্ম করিলেন, সেই দোষ পূর্ব্ববৎ প্রবল রহিতেছে, আর্ধ্যার পতিত্যাগে কোনও ফলোদয় হইতেছে না। আর, ইহারও অনুধাবন করা আবশ্যিক, আপনি যত দিন শোকাভিভূত থাকিবেন, রাজকার্য্যে মনোনিবেশ কবিতে পাবিবেন না। প্রজাপালনকার্য্য উপেক্ষিত হইলে, রাজধর্ম্মপ্রতিপালন হয় না। অতএব, সকল বিষয়ের সবিশেষ পর্যালোচনা করিয়া, ধৈর্য্য অবলম্বন করুন ; আর অধিক শোক ও মনস্তাপ করা কোনও ক্রমেই শ্রেয়স্কর নহে। অতীত বিষয়ের অনুশোচনায় কালহরণ করা সন্ধিবেচনার কার্য্য নয়।

লক্ষ্মণ এই বলিয়া বিয়ত হইলে, রাম কিয়ৎ ক্ষণ মৌনাবলম্বন করিয়া রহিলেন, অনন্তর, স্নেহে সম্ভাষণ পূর্ব্বক বলিলেন, বৎস! তোমার উপদেশবাক্য শুনিয়া আমার জ্ঞানোদয় হইল। তুমি ষপার্থ বলিয়াছ, আমি যে উদ্দেশে জানকীরে বনবাস দিয়া রাক্ষসের ত্রায় নিরতিশয় নৃশংস আচরণ করিলাম ; এক্ষণে তাঁহার জন্তে শোকাকুল হইলে তাহা বিফল হইয়া যায়। বিশেষতঃ, শোকের ধর্ম্মই এই, তাহাতে অভিভূত হইলে, উদ্ভরোদ্ভর বুদ্ধিই প্রাপ্ত হইতে থাকে। শোকাভিভূত ব্যক্তি অভীষ্টলাভ করতে পারে না, কেবল কর্তব্য কর্মে উপেক্ষা বশতঃ প্রত্যবায়গ্রস্ত হয়। অতএব, এই যুত্বর্ষ অবধি আমি শোকসংবরণে যত্নবান হইলাম। প্রতিজ্ঞা করিতেছি, আর আমি শোকে অভিভূত হইব না। প্রজালোকে, কোনও ক্রমে, আমায় শোকাভিভূত বোধ করিতে পারিবেক না। অমাত্যদিগকে বল, কল্যা অবধি রীতিমত রাজকার্য্য-পর্যালোচনায় প্রবৃত্ত হইব ; তাঁহার। যেন ষথাকালে সমস্ত আয়োজন করিয়া কার্য্যালয়ে উপস্থিত থাকেন

এই বলিয়া বামচন্দ্র অবনত বদনে কিয়ৎ ক্ষণ মৌনাবলম্বন কবিয়া রহিলেন, অনন্তর অশ্রুপূর্ণ লোচনে আকূল বচনে বলিতে লাগিলেন, হায়! বাজ্ঞ কি বিষম অস্থখের ও বিপদের আশ্রয়। লোকে কি স্থখভোগে লোভে বাজ্ঞাধিকার-তাভেব কামনা কবে, কিছুই বুঝিতে পারিতেছি না। বাজ্ঞের ভারগ্রহণ কবিয়া আমায় এ জন্মেব মত সকল স্থখে জলাঞ্জলি দিতে হইল। যার পর নাই নৃশংস হৃদয় নিতান্ত নিবপরাবে প্রিয়াবে বনবাসে দিলাম। এক্ষণে তাহাব জ্ঞান যে অশ্রুপাত কবিব, তাহাও পথ নাই। বাজ্ঞলাভে এই ফল শিখাছে যে আমাকে স্নেহ, দয়া, মমতা, ও ভদ্রতা বিসর্জন দিতে হইল। ঈদ্রবশালান লোভেবা, নিতান্ত নৃশংস অবা নিতান্ত অপদার্থ বলিয়া, আমাব গণনা ও কলঙ্কঘোষণা করবেক।

এইরূপে আক্ষয় কবিয়া বাম কিয়ৎ ক্ষণ পবে লক্ষ্মণকে বিদায় দিলেন, এবং, ধৈর্য্যাবলম্বন ও শোকাবেগসংবরণ পূর্বক, পব দিন প্রভাত অবধি, যথানিয়মে বাজ্ঞকার্য্য-পর্যালোচনায় প্রবৃত্ত হইলেন।* এইরূপে তিনি বাজ্ঞকার্য্যপৰ্য্যবেক্ষণ মনোনাবশ করিবলেন বটে, এবং নোকেও, বাহু আকাব সর্শনে, বোধ কবিতে লাগিল, বামচন্দ্র বড় ধৈর্য্যশীল, অনাগাসেই উ.সহ শোকেব সংবরণ কবিলেন। কিন্তু, তাহাব হোমল অন্তঃকরণ নিবস্তব দুর্বিষহ শাবদহনে দৃষ্ট হইতে লাগিল। নিতান্ত নিবপবাধে প্রিয়াবে বনবাস দিয়াছি, এই শোক ও স্কোভ, বিষদিশ্ব শল্যেব স্তায়, তাহাকে সতত মর্শবেদনাপ্রদান কবিতে লাগিল। কেবল লোকবিবাগসংগ্রহেব ভয়ে তিনি জানকীবে নর্শাসিত কবেন, এক্ষণেও, কেবল সেই লোকবিবাগসংগ্রহেব ভয়েই, বাহু আকাবে শোকসংবরণ কবিলেন। ষংকালে, তিনি নৃপাসনে আসীন হইয়া, নৃষ্টিমান পার্শ্ব স্তায়, স্থিব চিত্তে বাজ্ঞকার্য্যপর্যালোচনা কবিতেন, তখন ঠাহাকে দেখিয়া লাকে বোধ কবিত, ভূমণ্ডলে তাহাব তুল্য ধৈর্য্যশালী পুরুষ আব নাই। কিন্তু, বাজ্ঞকার্য্য হইতে অবস্থত হইয়া, বিশ্রামভবনে প্রবেশ কবিলেই তিনি ষংপবোনাস্তি বিকলচিত্ত হইতেন। লক্ষ্মণ সদা সন্নিহিত থাকিতেন, এবং সাঙনা কবিবাব নিমিত্ত অশেষবিধ প্রয়াস পাইতেন। কিন্তু, লক্ষ্মণের সাঙনাবাধে, তাহাব শোকানল প্রবল বেগে প্রজ্জলিত হইয়া উঠিত। ফলতঃ, তিনি, কেবল হাহাকার, বাষ্পমোচন, আশ্রুভংগন, ও সীতাব গুণকীর্তন কবিয়া, বিশ্রামসময় অতিবাহিত কবিতেন। এইরূপে দুনিবার সীতাবিবাসন-শোকে একান্ত আক্রান্ত হইয়া, তিনি দিন দিন ক্লশ, মলিন, দুর্কল, ও লর্ক বিষয়ে নিতান্ত নিরুৎসাহ হইতে লাগিলেন। বস্তুতঃ, বাজ্ঞকার্য্য ব্যতীত, আর

কোনও বিষয়েই তাঁহার প্রবৃত্তি ও উৎসাহ রহিল না।

এ দিকে, কিয়ৎ দিন পরে, জানকী দুই ষমল কুমার প্রসব করিলেন। মহর্ষি বাম্বীকি, যথাবিধানে জাতকর্ষপ্রভৃতি ক্রিয়াকলাপ সম্পন্ন করিয়া, জ্যেষ্ঠের নাম কৃষ্ণ ও কনিষ্ঠের নাম লব রাখিলেন। মূনিতনয়ারা, সীতার সন্তানপ্রসব দর্শনে, যার পর নাই হর্ষপ্রদর্শন করিতে লাগিলেন। সমস্ত আশ্রমে অতি মহান্ আনন্দকোলাহল হইতে লাগিল। সীতা দুঃসহ প্রসববেদনায় অভিস্কৃত হইয়া কিয়ৎ ক্ষণ অচেতনপ্রায় ছিলেন। তিনি অপেক্ষাকৃত সচ্ছন্দালাভ করিলে, মূনিতনয়ারা উল্লসিত মনে প্রীতিপূর্ণ বচনে বলিলেন, জানকি! আজ বড় আনন্দের দিন; সৌভাগ্যক্রমে তুমি পরম সুন্দর কুমারযুগল প্রসব করিয়াছ। সীতা শ্রবণ মাত্র অতিমাত্র প্রফুল্ল ও আহ্লাদসাগরে মগ্ন হইলেন; কিন্তু, কিয়ৎ ক্ষণ পরে, শোকভরে নিতান্ত অভিস্কৃত হইয়া, অবিরল ধারায় অশ্রু-বিসর্জক করিতে লাগিলেন। তদর্শনে মূনিকঙ্কারা স্নেহে সন্তোষে সহকারে জিজ্ঞাসা করিলেন, অয়ি জানকি! এমন আনন্দের সময় শোকাকুল হইলে কেন? বাম্পভরে জানকীর কণ্ঠরোধ হইয়াছিল, এতদ্বারা তিনি কিয়ৎ ক্ষণ কোনও উত্তর করিতে পারিলেন না, অনন্তর, উচ্ছলিত শোকাবেগের কিঞ্চিৎ সংবরণ করিয়া বলিলেন, অয়ি প্রিয়সখীগণ! তোমরা কি কিছুই জান না যে, আমি এমন আনন্দের সময় কি জন্মে শোকাকুল হইলাম, জিজ্ঞাসা করিতেছ; পুত্রপ্রসব করিলে স্বীলোকের আহ্লাদের একশেষ হয়, ষথার্থ বটে; কিন্তু কেমন অবস্থায়, আমাব সেই আহ্লাদের সময় উপস্থিত হইয়াছে। আমার যে এ রত্নের মত, সকল সুখ, সকল মাপ, সকল আহ্লাদ ফুরাইয়া গিয়াছে। যদি এই হতভাগ্যেরা আমার গর্ভে না থাকিত, তাহা হইলে, যে মুহূর্ত্তে লক্ষণ পরিত্যাগবাক্য শুনাইলেন, সেই মুহূর্ত্তে আমি জাহ্নবীজলে প্রবেশ করিয়া প্রাণত্যাগ করিতাম; অথবা, অথ কোনও প্রকারে, আত্মঘাতিনী হইতাম। আমায় কি আবার প্রাণ রাখিতে হয়, না লোকালয়ে মুখ দেখাইতে হয়।

এই বলিয়া, একান্ত শোকভারাক্রান্ত হইয়া, জানকী অনিবার্য বেগে বাম্পবারি-বিসর্জন করিতে লাগিলেন। মূনিকঙ্কারা, সীতার ঈদৃশ হৃদয়বিদারণ বিলাপবাক্য শ্রবণগোচর করিয়া, নিরতিশয় দুঃখিত হইলেন, এবং প্রণয়পূর্ণ বচনে বলিতে লাগিলেন, প্রিয়সখি! শোকাবেগের সংবরণ কর, যাহা যাহা বলিতেছ, ষথার্থ বটে, কিন্তু, অধিক দিন তোমায় এ অবস্থায় কালষাপন করিতে হইবেক না। রাজা রামচন্দ্রের বুদ্ধিবিপর্ধ্য ঘটয়াছিল, তাহাতেই তিনি, কিংকর্ষব্যবিমূঢ় হইয়া, ঈদৃশ অদৃষ্টের অশ্রুতপূর্ব্ব নৃশংস আচরণ করিয়াছেন। আমরা পিতার মুখে শুনিয়াছি, তুমি অচিরে পরিগৃহীতা হইবে, অতএব শোকসংবরণ কর। মূনিতনয়াদিগের সাত্বনাবাদ শ্রবণে, সীতার নয়নযুগল হইতে প্রবল বেগে বাম্পবারি বিগলিত হইতে লাগিল

তদ্বর্ণনে মুনিতনয়াদিগের কোমল হৃদয় শ্রবীভূত হইল, তাঁহারাও শোকাভিভূত হইয়া প্রসূত বাষ্পবারিবিমোচন করিতে লাগিলেন।

এই সময়ে সম্ভ্রংশ্রুত বালকেরা রোদন কবিয়া উঠিল। স্নেহের এমনই মহিমা ও মোহিনী শক্তি যে, তাহাদের ক্রন্দনশব্দ কর্ণকুহরে প্রবিষ্ট হইবা মাত্র জানকী এক কালে সকল শোক বিন্ম্বত হইলেন, এবং স্নেহভরে তাহাদের সাঙ্ঘনা করিতে লাগিলেন।

কুমারেরা, গুরূপক্ষীয় শশধরের স্নায়, দিন দিন বৃদ্ধি প্রাপ্ত হইয়া, জননী বনয়নের ও মনের অনির্কচনীয আনন্দসম্পাদন করিতে লাগিল। যখন তাহারা আধ আধ কথায় মা মা বলিয়া আহ্বান করিত; যখন তাহাদের সন্নিবেশিতমুক্তাকলাপসদৃশ দন্তগুলির দৃষ্টিগোচর হইত; যখন তাহাদের অর্দ্ধোচ্চারিত শ্বহু মধুব রচনপবম্পরা তাঁহারা কর্ণকুহরে প্রবেশ করিত; যখন তিনি তাহাদিগকে ফ্রোড়ে লইয়া স্নেহভাবে তাহাদের মুগ্ধন করিতেন; তখন তিনি সকল শোক বিন্ম্বত হইতেন; তাঁহারা সর্ব শরীর অমুতাভিষিক্তের স্নায় শীতল ও নয়নযুগল আনন্দাশ্রুসলিলে পবিপ্তত হইত।

কুশ ও লব পঞ্চমবর্ষীয় হইলে, মগধি বাম্মীকি, তাহাদের চূড়াকর্ষসম্পাদন করিয়া বিচারস্ত করাইলেন। বালকেরা, অসাধারণ বুদ্ধি, মেধা, ও প্রতিভার প্রভাবে অল্প কাল মধ্যেই বিবিধ বিদ্যায় বিলক্ষণ ব্যুৎপন্ন হইয়া উঠিল। ইতঃপূর্বে বাম্মীকি, রাবণবধ পর্য্যন্ত লোকোত্তর রামচরিত্ত অবলম্বন করিয়া রামায়ণ নামে বহুবিভূত মহাকাব্যের রচনা করিয়াছিলেন। সর্কপ্রথম, তিনি সেই অম্বুতরসবর্ষী অপূর্ক মহাকাব্য রামচন্দ্রের পুত্রদিগকে অধ্যয়ন করাইলেন। তাহারা স্বল্প সময়েই সেই বিচিত্র গ্রন্থ আত্তস্ত কর্ত্ত করিল; এবং সীতার সমক্ষে মধুর স্বরে আবৃত্তি করিয়া তাঁহাব শোকনিবৃত্তি করিতে লাগিল। একাদশ বর্ষে মগধি তাহাদের উপনয়নসংস্কার সম্পন্ন করিয়া বেদ পড়াইতে আরম্ভ করিলেন। বালকেরা, সংবৎসর কালেই, সমগ্র বেদশাস্ত্রে সম্পূর্ণ অধিকারলাভ করিল।

কুশ ও লবের বয়ঃক্রম পূর্ণ ষাদশ বৎসর হইল; কিন্তু তাহারা কে, এ পর্য্যন্ত তাহারা তাহার কিছুমাত্র জানিতে পারিল না। তাহারা ঋষিকুমার ও তাহাদের জননী ঋষিপত্নী, তাহাদের এই সংস্কার জন্মিয়াছিল। ফলতঃ জানকী যে ভাবে তপেবনে কালযাপন করিতেন; তাঁহাকে দেখিলে, কেহ ঋষিপত্নী ব্যতীত আর কিছুই বোধ করিতে পারিত না, এবং তাহাদেরও হই সহদরের আচার ও অহুষ্ঠান নয়নগোচর করিলে, ঋষিকুমার ব্যতিরিক্ত অন্তবিধ বোধ জন্মিবার সম্ভাবনা ছিল না। তাহারা জানকীকে জননী বলিয়া জানিত, কিন্তু তিনি যে মিথিলাধিপতির তনয়া, অথবা কোশলাধিপতির মহিষী, তাহা জানিতে পারে নাই। বাম্মীকি, যত্ব পূর্কক, এই বিষয়ে তাহাদের বোধবিষয় হইতে সলোপিত করিয়া রাখিয়াছিলেন, এবং তপোবনবাসীদিগকে

এরূপ সাবধান করিয়া দিয়াছিলেন যে, কেহ ভ্রমক্রমেও তাহাদের সমক্ষে এ বিষয়ের প্রশঙ্গ করিত না, আর, সীতাকেও বিশেষ করিয়া বলিয়া দিয়াছিলেন যে, তিনিও যেন, কোনও ক্রমে, তনয়দিগের নিকট আত্মপরিচয়প্রদান না করেন, তদনুসারে সীতাও তাহাদের নিকট কখনও স্বসংক্রান্ত কোনও কথাই উল্লেখ করেন নাই। তাহারা রামায়ণে রামের ও সীতার সবিশেষ বৃত্তান্ত যথ্য হইয়াছিল, কিন্তু তাহাদের জননী যে জনকনন্দিনী, অথবা রামের সহধর্মিণী, তাহা জানিতে পারে নাই, স্মৃতরাং, ঐ মহাকাব্যে নিজ জনক জননীর বৃত্তান্ত বর্ণিত হইয়াছে, তাহা বুঝিতে পারে নাই। এইরূপে এতাবৎ কাল পর্য্যন্ত কুশ ও লব আত্মস্বরূপপরিজ্ঞানে সম্পূর্ণরূপে অনধিকারী ছিল।

জননীর অনির্বাচনীয়স্নেহসহকৃত প্রযত্ন ব্যতিরেকে যত দিন পর্য্যন্ত সন্তানের জীবনরক্ষা সম্ভাবিত নয়, তাবৎ কাল জানকী, সর্বাশোকবিশ্মরণ পূর্বক, অনন্তমনা ও অনন্তকন্য়া হইয়া কুশ ও লবের লালন পালনে ব্যাপৃত ছিলেন। তাহাদের শৈশবকাল অতিক্রান্ত হইলে, মাতৃযত্নের তাদৃশী অপেক্ষা রহিল না। তখন, তিনি, তাহাদের বিষয়ে এক প্রকারে নিশ্চিন্ত হইয়া, ঋষিপত্নীদিগের স্তায় তপস্যায় মনোনিবেশ করিলেন। বামচন্দ্রের সর্বাঙ্গান-মঙ্গলকামনাই তদীয় তপস্যার একমাত্র উদ্দেশ্য ছিল। যদিও রাম নিতান্ত নিবপরাধে পরিত্যাগ করিয়াছিলেন; তথাপি, এক ক্ষণের জন্তে সীতার অন্তঃকরণে তাঁর প্রতি রোষ বা বিরাগের উদয় হয় নাই। তিনি যে দুস্তর শোকমাগরে পরিক্ষিপ্ত হইয়াছিলেন, তাহা কেবল তাঁহার নিজের ভাগ্যদোষেই ঘটয়াছে, এই বিবেচনা করিতেন; ভ্রমক্রমেও ভাবিতেন না যে, সে বিষয়ে রামচন্দ্রের কোনও অংশে কিছুমাত্র দোষ আছে। বস্তুতঃ, রামচন্দ্রের প্রতি তাঁহার যেরূপ অবিচলিত ভক্তি ও ঐকান্তিক অঙ্গরক্তি ছিল, তাহার কিছুমাত্র ব্যতিক্রম ঘটে নাই। তিনি দেবতাদিগের নিকট কাগমনোবাক্যে নিয়ত এই প্রার্থনা করিতেন, যেন রামচন্দ্র কুশলে থাকেন, এবং জন্মান্তরে, তিনি যেন বামচন্দ্রেরই সহধর্মিণী হইয়ন। তিনি দিবাভাগে তপস্কার্থে ব্যাপৃত ও সখীভাবাপন্ন ঋষিকন্নাগণে পরিবৃত্ত থাকিয়া কথঞ্চিৎ কালযাপন করিতেন। কিন্তু ষামিনীযোগে একাকিনী হইলেই তাঁহার দুনিবার শোকসিন্ধু উথলিয়া উঠিত। তিনি কেবল রামচন্দ্রের চিন্তায় মগ্ন হইয়া ও অবিশ্রান্ত অশ্রুপাত করিয়া ষামিনীযাপন করিতেন। ফলকথা এই, সীতা যেরূপ পতিপ্রাণা ছিলেন, তাহাতে অকাতরে বিরহযাতনা সহ্য করিতে পারিবেন, ইহা কোনও ক্রমে সম্ভাবিত নহে। কালসহকারে, সকলেরই শোক শিথিল হইয়া যায়; কিন্তু জানকীর শোক সর্ব্ব ক্ষণ নবীভাবাপন্ন ছিল। এইরূপে ক্রমাগত ষাট বৎসর দুবিষহশোকদ্বনে নিরন্তর অন্তর্দাহ হওয়াতে, জানকীর অলৌকিক রূপ ও লাবণ্য এক কালে অন্তহিত, এবং কলেবর চন্দ্রাবৃত্ত কঙ্কাল মাত্রে পর্য্যবসিত হইল।

ষষ্ঠ পরিচ্ছেদ

বাজা রামচন্দ্র অশ্বমেধ যজ্ঞেব অল্পস্থানে কৃতসঙ্কল্প হইয়া বশিষ্ঠ, জাবালি, হাম্বল, বামদেব প্রভৃতি মহর্ষিবর্গেব নিকট স্বীয় অভিপ্রায় ব্যক্ত কবিলেন। বশিষ্ঠদেব শ্রবণমাত্র সাধুবাদ প্রদান পূর্বক বলিলেন, মহাবাজ। উত্তম সঙ্কল্প কবিযাছেন। আপনি সমাগবা সম্বীপা পৃথিবীব অধিতীয় অধিপতি, অথও দুঃখলে যেরূপ একাধিপত্য প্রতিষ্ঠিত কবিযাছেন, পূর্বতন কোনও নবপতি সঙ্কল্প কবিত্তে পাবেন নাই। বামবাজা প্রজালোক যেরূপ স্মৃতে ও সচ্ছন্দে পালযাপন কবিত্তেছে, তাহা অদৃষ্টেব ও অশ্রুতপূর্বক। বাজাভাব গ্রহণ কবিয়া য য়ে বিষয়েব অল্পস্থান কবিত্তে হয়, আপনি তাহাব কিছুই অসম্পাদিত রাখে নাই। বাজকর্তব্যেব মধ্যে অশ্বমেধ মাত্র অবশিষ্ট আছে, তাহা সম্পাদিত হইলেই আপনকাব বাজাধিকাৰ আব কোনও অংশ অঙ্গহীন থাকে না। বামবাজা ইন্দ্রপূর্বে ভাবিয়াছিলাম, এ বিষয়ে মহাবাজেব নিকট প্রস্তাব কবিব। যাগ হউক, যখন মহারাজ স্বয়ং সেনা অভিলষিত বিষয়েব অল্পস্থানে উচ্চাস্ত হইযাছেন, তখন আব তদ্বিষয়ে বিলম্ব কবা বিধেয় নহে, যালক্ষে তদুপযোগী আ যাগনেব আদেশপ্রদান করুন।

বশিষ্ঠদেব বিবত হইবা মাত্র বামচন্দ্র পাথোপবিষ্ট অল্পজদিগেব প্রতি নষ্টপাত কবিয়া বলিলেন, ভ্রাতৃগণ। ইনি যাহা বলিলেন, শ্রবণ করিলে, এক্ষণে তোমাদেব অভিপ্রায় অবগত হইলেই কর্তব্যনিরূপণ করি। আজ্ঞাহুবর্তী অল্পাধবা তৎক্ষণাৎ আন্তর্বিৎক অল্পমোদনপ্রদর্শন কবিলেন। তখন বাম বশিষ্ঠদেবকে সাস্বাধিয়া বলিলেন, ভগবন্। যখন আমাব অভিলাষ আপনাদেব সন্নিমিত্ত ও অল্পজদিগেব অল্পমোদিত হইতেছে, তখন আব তদহুযাযা অল্পস্থানেব কর্তব্য ভাবিষয়ে কোনও সংশয় নাই। এক্ষণে আমাব বাসনা এই, নৈমিষাবণ্যে অভিপ্রোক্ত মহাযজ্ঞেব অল্পস্থান হয়। নৈমিষাবণ্য পরম পবিত্র যজ্ঞক্ষেত্র। এ বিষয়ে আপনকাব কি অল্পমতি হয়? বশিষ্ঠদেব তৎক্ষণাৎ সন্মতিপ্রদান কবিলেন।

অনস্তব, বামচন্দ্র অল্পজদিগেবে বলিলেন, দেখ, যখন কর্তব্য স্থির হইল, তখন আর অনর্থক কালহরণ করা বিধেয় নহে। তোমরা সত্ত্ব সমস্ত আয়োজন কর। অহুগত, শরণাগত, ও মিত্রভাবাপন্ন নৃপতিদিগেব নিমন্ত্রণ কর। সন্নয়নির্দেশ পূর্বক সমস্ত নগরে ও জনপদে এ বিষয়েব ঘোষণা করিয়া দাও। লঙ্কাসমরসহায়

সুহৃৎস্বর্গের পরম সমাদরে আহ্বান কর, তাঁহারা আমাদের স্বার্থ বন্ধু, আমাদের জন্তে অকাতরে কত ক্লেশ সহ কবিয়াছেন, তাঁহারা আসিলে আমি পরম সুখী হইব। এতদ্ব্যতিরিক্ত যাবতীয় ঋষিদিগের নিয়ন্ত্রণ কব, তাঁহারা যজ্ঞক্ষেত্রে আগমন কবিলে আমি আপনাকে চবিতার্থ জ্ঞান করিব। ভবত। তুমি অবিলম্বে নৈমিষক্ষেত্রে গিয়া যজ্ঞভূমিনির্মাণের উদ্যোগ কব। লক্ষণ। তুমি আবশ্যিক সমস্ত দ্রব্যের যথোচিত আয়োজন কবিয়া তৎসমুদয় সম্বল তথায় পাঠাইয়া দাও। দেখ, যজ্ঞ দেখিবার নিমিত্তে নৈমিষে অসংখ্য লোকের সমাগম হইবেক, অতএব, যজ্ঞ পূর্বক সমস্ত বিষয়ের একরূপ আয়োজন কবিবে, যেন কোনও বিষয়ের অসঙ্গতি নিবন্ধন কাহাবও কোনও অংশে ক্লেশ বা অসুবিধা না ঘটে। তুমি সকল বিষয়ে শাব্দশী, তোমার অধিক উপদেশ দিবার প্রয়োজন নাই।

এই বলিয়া বায়ু শিবত হইলে, বশিষ্ঠদেব বলিলেন, মহারাজ! সকল বিষয়েরই উচিতাধিক আয়োজন হইবেক, সন্দেহ নাই কিন্তু আমি এত বিষয়ের একান্ত অসঙ্গতি দেখিতেছি। তখন বশু বলিলেন, আপনি কোন বিষয়ে অসঙ্গতিব আশঙ্কা কবিতেছেন, বলুন। বশিষ্ঠ বলিলেন, মহারাজ! শাস্ত্রকাবেবা বলেন, সঙ্গীত হইয়া ধর্মকার্য্যের অন্তর্ধান কবিত্তে হয়। অতএব, জিজ্ঞাসা কবি, সে বিষয়ে কি ব্যবস্থা হইবেক। শ্রবণ মাত্র বশুইব মুগ্ধকমল হৃদয় ও নয়নমুগল অশ্রুজলে পবিপুত হইয়া উঠিল। তিনি কিয়ৎক্ষণ অবনত বদনে মৌনাবলম্বন কবিয়া বহিলেন, অনন্তর, দীর্ঘনিশ্বাসপবিত্যাগ পূর্বক নয়নে অশ্রু-মার্জিত ও উচ্ছলিত শোকাবেগেব সংবৎ কবিয়া বলিলেন, ভগবন্! ইতঃপূর্বে এ বিষয়ে আমাব উদ্বোধ মাত্র হয় নাই, এক্ষণে কি কর্তব্য উপদেশ করুন। বশিষ্ঠদেব অনেক ক্ষণ একাগ্র চিত্তে চিন্তা করিয়া বলিলেন, মহারাজ! পুনরায় দারপরিগ্রহ ব্যতিবেকে আব কোনও উপায় দেখিতেছি না।

বশিষ্ঠবাক্য শ্রবণগোচর করিয়া সকলেই এক কালে মৌনাবলম্বন করিয়া রহিলেন। রাম নিতান্ত সীতাগতপ্রাণ; কেবল লোকবিরাগসংগ্রহভয়ে সীতাকে বনবাস দিয়া জীবন্ত হইয়া ছিলেন। তাঁহার প্রতি বামের যে অবিচলিত স্নেহ ও ঐকান্তিক অহুরাগ ছিল, এ পর্য্যন্ত তাহাব কিছু মাত্র ব্যতিক্রম হয় নাই। সীতার মোহিনী যুক্তি অহোরাত্র তাঁহার অন্তঃকরণে ভাগরুক ছিল। তিনি যে উপস্থিত কার্য্যের অহুরোধে পুনরায় দারপরিগ্রহে সম্মত হইবেন, তাহার কোনও সন্দাবনা ছিল না। বাহা হউক, বশিষ্ঠদেব

দারপরিগ্রহ বিষয়ে বারংবার অহুরোধ করিতে লাগিলেন। কিন্তু রামচন্দ্র সে বিষয়ে ঐকান্তিকী অনিচ্ছা প্রদর্শিত করিয়া, মৌন ভাবে অবনত বদনে অবস্থিত রহিলেন। অনন্তর, বহুবিধ বাদাহুবাদের পর, সীতার হিরণ্যায়ী প্রতিকৃতি সমভিব্যাহারে যজ্ঞ সম্পন্ন করাই সর্বাংশে শ্রেয়ঃকল্প বলিয়া সীমাংসিত হইল।

এইরূপে সমুদয় স্থিরীকৃত হইলে, ভরত সর্বাগ্রে নৈমিষক্ষেত্রে প্রস্থান করিলেন; এবং সমুচিত স্থানে যজ্ঞভূমির নিরূপণ করিয়া, অহুরূপ অন্তরে, পৃথক পৃথক প্রদেশে, এক এক শ্রেণীর লোকের জন্তে, তাহাদের অবস্থোচিত অবস্থিতিস্থান নির্দিষ্ট করাইলেন। লক্ষ্মণও, অনতিবিলম্বে, অশেষবিধ অপরাধ সাহারসামগ্ৰী ও শয্যা যান প্রভৃতির সমাধান করিয়া যজ্ঞক্ষেত্রে পাঠাইয়া অনন্তর, রামচন্দ্র লক্ষ্মণকে রক্ষক নিযুক্ত করিয়া যথাবিধানে যজ্ঞীয় অশ্বের মোচন পূর্বক, মাতৃগণ ও অপরাপর পরিবারবর্গ সমভিব্যাহারে সসৈন্য নৈমিষারণ্য-প্রস্থান করিলেন।

কিয়ৎ দিন পরেই, নিমন্ত্রিতগণের সমাগম হইতে লাগিল। শত শত নৃপতি, বহুবিধ মহামূল্য উপহার লইয়া, অস্তুরগণ ও পরিচারকবর্গ সমভিব্যাহারে, উপস্থিত হইতে আরম্ভ করিলেন; সহস্র সহস্র ঋষি, যজ্ঞদর্শন-মানসে, ক্রমে ক্রমে নৈমিষে আগমন করিতে লাগিলেন, অসংখ্য নগরবাসী ও জনপদবাসীরাও সমাগত হইলেন। ভরত ও শক্রয় নরপতিগণের পরিচর্য্যার ভারগ্রহণ করিলেন; বিভিষণ ঋষিগণের কিস্করকার্য্যে নিযুক্ত হইলেন। স্ত্রী-বর্গ অপরাপর নিমন্ত্রিতবর্গের তত্ত্বাবধানে ব্যাপৃত রহিলেন।

এ দিকে, মহর্ষি বাস্কিকী, সীতার অবস্থা প্রত্যক্ষ করিয়া, এবং কুশ ও লবের বয়ঃক্রম ষাটশবৎসরপূর্ণ দেখিয়া, মনে মনে সর্ষদা এই আন্দোলন করেন যে, সীতার যেরূপ অবস্থা দেখিতেছি, তাহাতে তিনি অধিক দিন জীবিত থাকিবেন, এরূপ বোধ হয় না; আর, কুশ ও লব রাজাধিরাজতনয় হইয়া যাবৎজীবন তপোবান কালযাপন করিবেন, ইহাও কোনও মতে উচিত নহে; তাহাদের ধনুর্বেদ ও বাজধর্ম্ম, এ উভয়ের শিক্ষার সময় বহিয়া যাইতেছে। অতএব, সাহায্যে সপুত্রা সীতা পুনরায় পরিগৃহীতা হন, আশু তাহার কোনও উপায় উদ্ভাবিত করা আবশ্যিক। অথবা, অন্য উপায় উদ্ভাবিত করিবার প্রয়োজন কি! শিশু ষাট সংবাদ দিয়া রামচন্দ্রকে আমার আশ্রমে আনাইয়া, অথবা স্বয়ং রাজধানীতে গিয়া তাহার সহিত সাক্ষাৎ করিয়া, সপুত্রা সীতার পরিগ্রহপ্রার্থনা করি। রামচন্দ্র অবশ্যই আমার অহুরোধরক্ষা করিবেন। এই

ছিন্ন করিয়া ক্ষণ কাল মৌন ভাবে থাকিয়া, মহর্ষি বিবেচনা করিতে লাগিলেন, কিন্তু তিনি অত্যন্ত লোকহারাগপ্রিয়; কেবল লোকবিরাগ-সংগ্রহের ভয়ে পূর্ণগর্তা অবস্থায় নিতান্ত নিরপরাধে জানকীরে নির্দাসিত করিয়াছেন এখন আমার কথায় তাঁহারে সহজে গৃহে লইবেন, তাহাও সম্পূর্ণ সম্ভবহয়ল; যাহা হউক, কোনও সংবাদ না দিয়া নিশ্চিন্ত থাকা কোনও মতে উচিত কল্প হইতেছে না। এই দুই বালক উত্তর কালে অবশ্যই কোশলসিংহাসনে অধিরোধ করিবেক। এই সময়ে, পিতৃসমীপে নীত হইয়া রাজনীতি বিষয়ে বিধি পূর্বক উপস্থিত না হইলে, রাজকার্যনির্বাহে একান্ত অপটু ও রাজমর্ধ্যদারূপে নিতান্ত অক্ষম হইবেক। বিশেষতঃ, রাজা রামচন্দ্র, আমি কোশল হিতসাধনে সয়বিহীন বলিয়া, অহুযোগ করিতে পারেন। অতএব, এ বিষয়ে আয় উপেক্ষা বা কালক্ষেপ করা বিধেয় নহে। রামচন্দ্রের নিকট সকল বিষয়ের সবিশেষ সংবাদ পাঠান উচিত। অথবা, এক বায়েই তাঁহার নিকটে সংবাদ পাঠাইয়া, বশিষ্ঠ বী লক্ষ্মণের সহিত পরামর্শ করা কর্তব্য; তাঁহারাই বা কিরূপ বলেন, দেখা আবশ্যক।

এক দিন মহর্ষি, সায়াসভা ও সন্ধ্যাকালীন হোমবিধির সমাধান করিয়া, আসনে উপবেশনপূর্বক, একাকী এই চিন্তায় মগ্ন আছেন, এমন সময়ে এক রাজভৃত্য আসিয়া রামনামাঙ্কিত নিমন্ত্রণপত্র তদীয় হস্তে সমর্পিত করিল। মহর্ষি পত্র পাঠ করিয়া পরমশ্রীতিপ্রদর্শন পূর্বক সেই লোককে বিশ্রাম করিবার নিমিত্তে বিদায় দিলেন এবং এক শিষ্যের উপর তাহার আহাঙ্গাদিসমাধানের ভারপ্রদান করিয়া, মনে মনে বলিতে লাগিলেন, আমি যে বিষয়ের নিমিত্ত উৎকণ্ঠিত হইয়াছি, দৈব অহুকূল হইয়া তাহার সিদ্ধির বিলক্ষণ উপায় করিয়া দিলেন। এক্ষণে বিনা প্রার্থনায় কার্যসাধন করিতে পারিব। কুশ ও লবকে শিষ্টভাবে সমভিব্যাহারে লইয়া যাই। রামের ও উহাদের দুই সহোদরের আকৃতিগত বৈকল্য সোমাদৃত, দেখিলেই সকলে উহাদ্বিগকে তাঁহার তনয় বলিয়া অনায়াসে বুঝিতে পারিবেক; আর, অবলোকন যাত্র, রামেরও হৃদয় নিঃসন্দেহ দ্রবীভূত হইবেক; এবং তাহা হইলেই, আমার অভিপ্রের্তসিদ্ধির পথ স্বতঃ পরিষ্কৃত হইয়া আসিবেক।

মনে মনে এইরূপ সিদ্ধান্ত করিয়া মহর্ষি জানকীর কুটীরে উপস্থিত হইলেন; এবং বলিলেন, বৎসে! রাজা রামচন্দ্র অসম্মেধ মহাযজ্ঞের অহুষ্ঠান করিয়া নিমন্ত্রণপত্র পাঠাইয়াছেন; কল্যাণ প্রত্যায়ে প্রেছান করিব; মনস করিয়াছি, লক্ষ্মণের শিষ্যের জ্ঞান, তোমার পুত্রদ্বিগকেও স্বাক্ষরনে লইয়া যাইব। সাত

তৎক্ষণাৎ সম্বতিপ্রদান করিলেন। মহাবি, স্বীয় কুলীয়ে প্রতিগমন করিয়া, শিক্তদ্বিগকে প্রস্তুত হইয়া থাকিতে বলিয়া দিলেন, এবং কুশ ও লবকে বলিলেন, যেষ, এ পর্য্যন্ত জনপদের কোনও ব্যাপার তোমাদের নয়নগোচর হয় নাই। রামায়ণনায়ক রাজা রামচন্দ্র অসম্মেধের অহুষ্ঠান করিয়াছেন। ইচ্ছা করিয়াছি, তোমাদ্বিগকে বজ্রধর্মে লইয়া বাইব। তোমাদের বজ্রধর্মন ও আল্পযজ্ঞিক রাজধর্মন সম্পন্ন হইবেক; এবং তথায় যে অসংখ্য জনপদবাসী লোক সমবেত হইবেক, তাহাদ্বিগকে দেখিয়া, তোমরা, অনেক অংশে লৌকিক বৃত্তান্ত অবগত হইতে পারিবে। তাহারা ছুই সহোদরে, রামায়ণে রামের অলৌকিক গুণপরম্পরায় প্রকৃষ্ট ও প্রচুর পরিচয় পাইয়া, তাঁহাকে সর্ক্যাংশে অধিতীয় পুরুষ বলিয়া স্থির করিয়া রাখিয়াছিল; তাঁহাকে স্বচক্ষে প্রত্যক্ষ করিব, এই ভাবিয়া, তাহাদের আক্লাদের সীমা রছিল না। এতদ্ব্যতিরিক্ত, বজ্রসংক্রান্ত মহাসমারোহ ও নানাবেশীয় বিভিন্নপ্রকার অসংখ্য লোকের একত্র সমাগম নয়নগোচর করিব, এই কোতুহলও বিলক্ষণ প্রবল হইয়া উঠিল।

বাল্মীকির মুখে রামের নাম শুনিয়া, সীতার শোকানল প্রবল বেগে প্রজ্বলিত হইয়া উঠিল; নয়নযুগল হইতে অনর্গল অশ্রুজল নির্গলিত হইতে লাগিল। কিয়ৎ ক্ষণ পরেই, তাঁহার অস্তঃকরণে মহসা ভাবান্তর উপস্থিত হইল। এ পর্য্যন্ত, রাম সীতাগতপ্রাপ বলিয়া, তাঁহার মনে দৃঢ় বিশ্বাস ছিল, আর, তিনি ইহাও স্থির করিয়া রাখিয়াছিলেন যে, নিতান্ত অনায়ত্ত্ব হওয়াতেই, রাম তাঁহাকে নির্কাসিত করিয়াছেন। কিন্তু বজ্রের অহুষ্ঠানবার্তা শ্রবণবিবরে প্রবিষ্ট হইবামাত্র, রাম আবার বিবাহ করিয়াছেন, এই ভাবিয়া, তিনি এক বায়ে স্থিরমাপ হইলেন। যে সীতা অকাতরে পরিত্যাগহুঃ সছ করিয়াছিলেন; রাম পুনরায় দারপরিগ্রহ করিয়াছেন, এই ক্ষোভ, সেই সীতার পক্ষে, একান্ত অসহ্য হইয়া উঠিল। পূর্বে তিনি মনে ভাবিতেন, যদিও নিতান্ত নিরপরাধে নির্কাসিত হইয়াছি, কিন্তু আমার উপর তাঁহার ষেরূপ অবিচলিত মেহ ও ঐকান্তিক অহুরাগ ছিল, কোনও অংশে তাহার কিছু মাত্র ব্যতিক্রম হয় নাই; এক্ষণে স্থির করিলেন, যখন পুনরায় দারপরিগ্রহ করিয়াছেন, তখন অবশুই মেহের ও অহুরাগের অস্তথাভাব ঘটিয়াছে।

সীতা নিতান্ত আকুল চিত্তে, এই চিন্তা করিতেছেন, এমন সময়ে কুশ ও লব তদ্বীয় কুলীয়ে প্রবিষ্ট হইয়া বলিল, মা! মহাবি বলিলেন, কল্য আমাদ্বিগকে রাজা রামচন্দ্রের বজ্রধর্নার্থে লইয়া বাইবেক। যে লোক নিয়ন্ত্রণপত্র আনিয়া

ছিল, আমরা কোতূহলাবিষ্ট হইয়া, তাহার নিকটে গিয়া, রাজা রামচন্দ্রের বিবয়ে কত কথা জিজ্ঞাসা করিলাম। দেখিলাম, রাজা রামচন্দ্রের সকলই অলৌকিক কাণ্ড। কিন্তু মা! এক বিষয়ে আমরা ষার পব নাট মোহিত ও চমৎকৃত হইয়াছি। রামায়ণ পড়িয়া তাঁহার উপর আমাদের যে প্রগাঢ় ভক্তি জন্মিয়াছিল, এক্ষণে সেই ভক্তি সহস্র গুণে বৃদ্ধি প্রাপ্ত হইল। কথায় কথায় শুনিলাম, রাজা প্রজারঞ্জনর অহুরোধে নিজ প্রেয়সী মহিষীকে নির্কীর্ণিত করিয়াছেন। তখন আমরা জিজ্ঞাসা করিলাম, তবে বুঝি রাজা পুনরায় দারপরিগ্রহ করিয়াছেন, নতুবা যজ্ঞের অহুষ্ঠানকালে সহধর্ম্মিণী কে হইবেক। সে বলিল, যজ্ঞসমাধানের জন্তে বিশিষ্টদেব পুনরায় দারপরিগ্রহের নিমিত্তে অনেক অহুরোধ করিয়াছিলেন। কিন্তু রাজা তাহাতে কোনও ক্রমে সন্তত হন নাই; সীতার হিরণ্ময়ী প্রতিকৃতি নিশ্চিত হইয়াছে; সেই প্রতিকৃতি সহধর্ম্মিণীর কার্যনির্বাহ করিবেক। দেখ মা! এমন মহাপুরুষ কোনও কালে ভূমণ্ডলে জন্মগ্রহণ করেন নাই। রামচন্দ্র রাজধর্ম্মপ্রতিপালনে যেমন ষড়শীল, দাম্পত্যধর্ম্ম-প্রতিপালনেও তদনুরূপ ষড়শীল। আমরা, ইতিহাসগ্রন্থে, অনেক অনেক রাজার ও অনেক অনেক মহাপুরুষের বৃত্তান্ত অংগত হইয়াছি; কিন্তু কেহই, কোনও অংশে, রাজা রামচন্দ্রের সমকক্ষ নহেন। প্রজারঞ্জনর অহুরোধে প্রেয়সীর পরিত্যাগ ও সেই প্রেয়সীর স্নেহের অহুরোধে যাবজ্জীবন, দারপরিগ্রহে বিমুখ হইয়া কালহরণ করা, এ উভয়ই অভূতপূর্ব্ব ব্যাপার। যাহা হউক, মা! রামায়ণ পড়িয়া অবধি, আমাদের নিতান্ত বাসনা ছিল, এক বার রাজা রামচন্দ্রের মুক্তি প্রত্যক্ষ করিব; এক্ষণে সেই বাসনা পূর্ণ হইবার এই বিলক্ষণ সুযোগ ঘটিয়াছে; অল্পমতি কর, আমরা মহাবির সহিত রামদর্শনে বাই। সীতা অল্পমতিপ্রদান করিলেন; তাহারাও দুই সহোদরে, সাতিশয় হম্বিত হইয়া, মহাবিসমীপে গমন করিল।

রামচন্দ্র পুনরায় দারপরিগ্রহ করিয়াছেন, এই আশঙ্কা জন্মিয়া, যে অতি-বিবর বিবাহবিবে সীতার সর্ব্ব শরীর আচ্ছন্ন হইয়াছিল, হিরণ্ময়ী প্রতিকৃতির কথা শ্রবণগোচর করিয়া, তাহা সম্পূর্ণরূপে অপসারিত, এবং তদীয় চিরপ্রদীপ্ত শোকানল অনেক অংশে নির্কীর্ণিত হইল। তখন তাঁহার নয়নমুগল হইতে আনন্দবাম্প বিগলিত হইতে লাগিল, এবং নির্কীর্ণনের কোভ তিরোহিত হইয়া, তদীয় হৃদয়ে অভূতপূর্ব্ব সৌভাগ্যগর্ক আবির্ভূত হইল।

পর দিন, প্রভাত হইবারাজ, মহাবি বান্দ্রীকি, কুশ, লব ও শিষ্ঠবর্গ লম্বিতব্যাহারে নৈমিষপ্রস্থান করিলেন। দ্বিতীয় দিবস, অপরাহ্ন সময়ে, তথায়

উপস্থিত হইলে, বিশিষ্টদেব, সাতিশয় সমাদরপ্রদর্শন পূর্বক, তাঁহাকে ও তাঁহার শিষ্যদ্বয়কে নির্দিষ্ট বাসস্থানে জইয়া গেলেন। কুশ ও লব দূর হইতে রামচন্দ্রকে লোচনগোচর করিয়া, চমৎকৃত ও পুলকিত হইল, এবং পরস্পর বলিতে লাগিল, দেখে ভাই ! রামায়ণে রাজা রামচন্দ্রের যে সমস্ত অলৌকিক গুণ কীৰ্ত্তিত হইয়াছে, তৎসমুদয় ইহার আকারে স্পষ্টাক্ষরে লিখিত আছে, 'দেখিলেই অলৌকিক গুণসমুদয়ের আখার বলিয়া স্পষ্ট প্রতীতি জন্মে। ইনি যেমন সৌম্যমুষ্টি, তেমনি গম্ভীরাকৃতি। গুরুদেব যেমন অলৌকিকবিশ্বশক্তিসম্পন্ন, রাজা রামচন্দ্র তেমনিই অলৌকিকগুণসমুদয়ে পূর্ণ। বলিতে কি, এরূপ মহাপুরুষ নায়কস্থলে পরিগৃহীত না হইলে, মহর্ষির শ্রেণীত মহকোব্যের এত গৌরব হইত না। রাজা রামচন্দ্রের অলৌকিক গুণের পরিকীৰ্ত্তনে নিয়োজিত হওয়াতে, তদীয় অলৌকিক কবিত্বশক্তির সম্পূর্ণ সার্থকতা জন্মিয়াছে। বাহা হউক, এত দিনে আমরা নয়নের চরিতার্থলাভ করিলাম।

ক্রমে ক্রমে যাবতীয় নিমন্ত্রিতগণ সমবেত হইলে, নিরূপিত দিবসে, মহাসমারোহে সঙ্কলিত মহাযজ্ঞের আরম্ভ হইল। অসংখ্য দীন, দরিদ্র, ও অনাথ, পৃথক পৃথক প্রার্থনায় যজ্ঞক্ষেত্রে উপস্থিত হইতে লাগিল। অন্নার্থী অপধ্যাপ্ত অন্ন, অর্থাভিলাষী প্রার্থনাধিক অর্থ, ভূমিকাজ্ঞী আকাজ্ঞাতিরিক্ত ভূমি প্রাপ্ত হইতে লাগিল। ফলতঃ, যে ব্যক্তি যে অভিলাষে আগমন করিতে লাগিল, আগমন মাত্র তাহার সে অভিলাষ পূর্ণ হইতে লাগিল। অনবরত চতুর্দিকে নৃত্য গীত বাণ হইতে লাগিল। সকলেই মনোহর বেশ ভূষায় সুশোভিত। সকলেরই মুখে আমোদের ও আহ্লাদের সম্পূর্ণ লক্ষণ স্পষ্ট লক্ষিত হইতে লাগিল। কাহারও অস্তঃকরণে দুঃখের বা ক্রোধের সঞ্চার আছে, এরূপ বোধ হইল না। যে সকল দীর্ঘজীবী রাজা, ঋষি, বা অন্তাদৃশ লোক যজ্ঞদর্শনে আসিয়াছিলেন, তাঁহারা মুক্তকণ্ঠে বলিতে লাগিলেন, আমরা কখনও এরূপ যজ্ঞ দেখি নাই। অতীতবেদী ব্যক্তিরাজ বলিতে লাগিলেন, কোন কালে, কোনও রাজা, ঈদৃশ সন্মুখি ও সমারোহ সহকারে, যজ্ঞ করিতে পারেন নাই ; রাজা রামচন্দ্রের সকলই অদ্ভুত কাণ্ড।

এইরূপে, শ্রোতব্য, মহাসমারোহে, যজ্ঞক্রিয়া হইতে লাগিল ; এবং যাবতীয় নিমন্ত্রিতগণ, সভায় সমবেত হইয়া, যজ্ঞসংক্রান্ত সন্মুখি ও সমারোহের আতিশয্যদর্শনে, নিরতিশয় বিস্ময়াপন্ন হইতে লাগিলেন।

সপ্তম পরিচ্ছেদ

এক দিন, মহর্ষি বাম্বীকি, বিরলে বসিয়া, বিবেচনা করিতে লাগিলেন, আমি যজ্ঞদর্শনে আসক্ত হইয়া, এত দিন বৃথা অতিবাহিত করিলাম ; এ পর্য্যন্ত, অভিপ্রেতসাধনের কোনও উপায় অবলম্বন করিলাম না। যাহা হউক, এক্ষণে কি প্রণালীতে কুশ ও লবকে রামচন্দ্রের দর্শনপথে পাতিত করি। উহাদের দুই সহোদরকে, সমভিব্যাহারে করিয়া, রাজসভায় লইয়া যাই, অথবা, রামচন্দ্রকে কৌশলক্রমে এখানে আনাই ; এবং, বিরলে সকল বিষয়ের বিশেষ নির্দেশ করিয়া, এবং কুশ ও লবের পরিচয় দিয়া, সীতার পরিগ্রহ-প্রার্থনা করি। মহর্ষি মনে মনে এবংবিধ বিবিধ বিতর্ক করিয়া পরিশেষে স্থির করিলেন, কুশ ও লবকে রামায়ণগান করিতে আদেশ করি। তাহার স্থানে স্থানে গান করিয়া বেড়াইলে, ক্রমে রাজার গোচর হইবেক ; তখন তিনি অবশ্যই স্বীয় চরিতের শ্রবণমানসে উহাদিগকে অসমীপে নীত করিবেন, এবং তাহা হইলেই, বিনা প্রার্থনায়, আমার অভিপ্রেত সিদ্ধ হইবেক।

এই সিদ্ধান্ত করিয়া, মহর্ষি কুশ ও লবকে বলিলেন, বৎস কুশ ! বৎস লব ! তোমরা প্রতিদিন, সময়ে সময়ে, সমাহিত হইয়া, ঋষিগণের বাসকুটারে সম্মুখে, নরপতিগণের পটমণ্ডপমণ্ডলার পুরোভাগে, পৌরগণ ও জানপদবর্গের আবাসশ্রেণীর সমীপদেশে, এবং সভাভবনের অভিমুখভাগে, মনের অল্পরাগে, বীশাশংযোগে রামায়ণগান করিবে। যদি রাজা কৌতুহলাক্রান্ত হইয়া তোমাদিগকে ডাকিয়া পাঠান এবং তাঁহার সম্মুখে গান করিবার নিমিত্ত অল্পরোধ করেন, তৎকরণে গান করিতে আরম্ভ করিবে। আর, যত কণ তাঁহার নিকটে থাকিবে, কোনও প্রকারে গুটতাপ্রদর্শন বা অশিষ্ট ব্যবহার করিবে না। রাজা সকলের পিতৃস্থানীয় ; অতএব, তোমরা তাঁহার প্রতি সম্পূর্ণ পিতৃভক্তিপ্রদর্শন করিবে। যদি, সঙ্গীতশ্রবণে প্রীত হইয়া রাজা পুরস্কারস্বরূপ অর্থপ্রদানে উত্তত হন, লোভবশ হইয়া কদাচ অর্থগ্রহণ করিবে না ; বিনয় ও ভক্তিযোগ সহকারে নিস্পৃহতা দেখাইয়া অর্থগ্রহণে অসম্মতি-প্রদর্শন করিবে ; বলিবে, মহারাজ ! আমরা বনবাসী, তপোবনে থাকিয়া কল মূল দ্বারা প্রাণধারণ করি, আমাদের অর্থের প্রয়োজন নাই। আর, যদি রাজা তোমাদের পরিচয় জিজ্ঞাসা করেন, বলিবে আমরা বাম্বীকির পুত্র।

এইরূপ আদেশ ও উপদেশ দিয়া মহর্ষি তৃপ্তীভাব অবলম্বন করিলেন।

অনন্তর, তাহার দুই সহোদরে, তদীয় আদেশ ও উপদেশের অল্পবর্তী হইয়া, বীণাসহযোগে মধুর স্বরে স্থানে স্থানে রামায়ণগান করিতে আরম্ভ করিল। যে শুনিল, সেই মোহিত ও নিস্পন্দ ভাবে অবস্থিত হইয়া, অবিশ্রান্ত অশ্রুপাত করিতে লাগিল। না হইবেই বা কেন? প্রথমতঃ, রামের চরিত্র অতি বিচিত্র ও পরম পবিত্র; দ্বিতীয়তঃ, বাস্তবিকর রচনা অতি চমৎকারিণী ও স্বয়ং পর নাই চিত্তহারিণী; তৃতীয়তঃ, কুশ ও লবের রূপমাধুরী দৃষ্টিগোচর হইলে সকলকেই মোহিত হইতে হয়; তাহাতে আবার তাহাদের স্বয়ং এমন মধুর যে, উহার সহিত তুলনা করিলে, কোকিলের কলরব কর্কশ বোধ হয়; চতুর্থতঃ, বীণাসহযোগে তাহাদের স্বরূপ অলৌকিক নৈপুণ্য জন্মিয়াছিল, তাহা অদৃষ্টচর ও অশ্রুতপূর্ব। যে সঙ্গীতে এ সমুদয়ের সমবায় থাকে, তাহা শুনিয়া কাহার চিত্ত অনির্বচনীয় প্রীতিরসে পূর্ণ না হয়।

কিঞ্চিৎ কাল পরেই অনেকেই রামের নিকটে গিয়া বলিতে লাগিলেন, মহারাজ! দুই স্কুমার ঋষিকুমার বীণাসহযোগে আপনকার চরিত্রগান করিতেছে; যে শুনিতেছে সেই মোহিত হইতেছে। আমরা, জন্মাবচ্ছিন্নে, কখনও এমন মধুর সঙ্গীত শুনি নাই। তাহার যমজ সহোদর। মহারাজ মানবকলেবরে কেহ কখনও এমন রূপের মাধুরী দেখে নাই। স্বয়ং মাধুরীর কথা অধিক আর কি বলিব, কিন্নরেরাও শুনিলে পরাভবস্বীকার করিবেন। আর, তাহার যে কাব্যের গান করিতেছে, তাহা কাহার রচিত বলিতে পারি না; কিন্তু এমন অদ্বুতপূর্ব ললিত রচনা কখনও শ্রবণগোচর করেন নাই। মহারাজ! আমাদের প্রার্থনা এই, তাহাদিগকে রাজসভায় আনাইয়া আপনকার সমক্ষে গান করিতে আদেশ করেন। আপনি তাহাদিগকে দেখিলে, ও তাহাদের গান শুনিলে, নিঃসন্দেহ, মোহিত হইবেন।

শ্রবণ মাত্র, রামের অন্তঃকরণে অতিপ্রভূত কৌতুহলরস সঞ্চারিত হইল। তখন তিনি, এক সভাসদ ব্রাহ্মণ ষাড়া, তাহাদের দুই সহোদরকে ডাকিয়া পাঠাইলেন। তাহার, রাজ্য আহ্বান করিয়াছেন শুনিয়া, ক্ষণবিলম্ব ব্যতিরেকে, অতি বিনীত ভাবে সভাসমূহে প্রবেশ করিল। তাহাদিগকে দৃষ্টিগোচর করিয়া মাত্র, রামের হৃদয়ে কেমন এক অনির্বচনীয় ভাবের আবির্ভাব হইল। প্রীতিরস, অথবা বিবাদবিষ, সহসা সর্ব শরীরে সঞ্চারিত হইল, ইহার অবধারণ করিতে পারিলেন না; কিন্তু ক্ষণ, বিজ্ঞানচিত্তের জ্ঞান, সেই দুই কুমারের উপর দৃষ্টিবিস্তার করিয়া রহিলেন; এবং, অকস্মাৎ একরূপ ভাবান্তর উপস্থিত হইল কেন- তাহার অল্পধাবন করিতে না পারিয়া, চিত্তাৰ্পিতের প্রায়, উপবিষ্ট রহিলেন।

কুমারেরা, ক্রমে ক্রমে সন্নিহিত হইয়া, মহারাজের জয় হটক বলিয়া, রামচন্দ্রের সংবর্ধনা করিল; এবং, তদীয় আদেশ অহুসারে, সমুচিত প্রবেশে উপবেশন করিয়া, ষথোচিত বিনয় ও নিরতিশয় ভক্তিযোগ সহকারে, জিজ্ঞাসা করিল, মহারাজ! কি জন্তে আমাদের আহ্বান করিয়াছেন? তাহারা সন্নিহিত হইলে, তদীয় কলেবরে নিজের ও জানকীর অবয়বের সম্পূর্ণ লক্ষণ প্রত্যক্ষ করিয়া, রাম একান্ত বিকলচিত্ত হইলেন; কিন্তু, তৎকালে রাজসভায় বহু লোকের সমাগম হইয়াছিল; এজন্তে, অতি কষ্টে চিত্তের চাক্ষু্যালংঘরণ করিয়া সম্পূর্ণ সপ্রতিভের স্তায়, তাহাদিগকে বলিলেন, শুনিতাম, তোমরা অপূৰ্ব গান করিতে পার; যাঁহারা শুনিয়াছেন, তাঁহারা সকলেই মুক্ত কণ্ঠে তোমাদের প্রশংসা করিতেছেন। এজন্তে, আমিও তোমাদের সঙ্গীত শুনিবার মানস করিয়াছি। যদি তোমাদের অভিমত হয়, কিয়ৎ ক্ষণ গান করিয়া, আমার প্রীতিপ্রদান কর। তাহারা বলিল, মহারাজ! আমরা যে কাব্যের গান করিয়া থাকি, তাহা বহুবিস্তৃত; তাহাতে মহারাজের পবিত্র চরিত্ত সন্নিহিত বর্ণিত হইয়াছে। এক্ষণে আমরা, আপনকার সমক্ষে, ঐ কাব্যের কোন অংশের গান করিব, আদেশ করুন।

সেই ছই কুমারকে নয়নগোচর করিয়া অবধি, রামের চিত্ত এত চঞ্চল এবং সীতানিরীক্ষণশোক এত প্রবল হইয়া উঠিয়াছিল যে, লোকলজ্জার ভয়ে আর ধৈর্য্য অবলম্বন করা অসাধ্য ভাবিয়া, তিনি সহসা সভাভঙ্গ করিয়া, বিজয়প্রদেশসেবনের নিমিত্ত, নিরতিশয় উৎসুক হইয়াছিলেন; এজন্তে বলিলেন, অস্ত তোমরা ইচ্ছামত যে কোনও অংশের গান কর; কল্যা প্রভাত অবধি, প্রতিদিন কিঞ্চিৎ কিঞ্চিৎ করিয়া, তোমাদের মুখে লম্বু কাব্যের গান শুনিব। তাহারা, যে আজ্ঞা, মহারাজ! বলিয়া, সঙ্গীতের আরম্ভ করিল। সভায় সমস্ত লোক, মোহিত হইয়া, মুক্ত কণ্ঠে সাধুবাদপ্রদান করিতে লাগিলেন। রাম, কবির পাণ্ডিত্য ও রচনার লাগিত্য দর্শনে নিরতিশয় চমৎকৃত হইয়া, জিজ্ঞাসা করিলেন, এই কাব্য কাহার রচিত, কাহার নিকটেই বা তোমরা সঙ্গীতশিক্ষা করিয়াছ? তাহারা বলিল, মহারাজ! এই কাব্য ভগবান্দ বাস্তুকির রচিত; আমরা তাঁহার ভগোবনে প্রতিপালিত হইয়াছি, এবং তাঁহার নিকটেই লম্বু শিক্ষা করিয়াছি। তখন রাম বলিলেন, ভগবান্দ বাস্তুকি এই কাব্যে অদ্ভুত কবিত্বশক্তি প্রদর্শিত করিয়াছেন। অল্প শুনিয়া পরিচুস্ত হইতে পারা যায় না। আজ তোমাদের অনেক পরিচয় হইয়াছে; তোমাদিগকে আর অধিক কষ্ট দিতে আমার ইচ্ছা হইতেছে না; এখন ফেরার

আবাসে গমন কর।

এই বলিয়া, তাহাদের দুই লহোদরকে বিদায় দিয়া, রাম সে দিবস সন্ধ্যা সন্ধ্যা করিলেন ; এবং বিশ্রামভাবে প্রবেশ করিয়া একাকী চিন্তা করিতে লাগিলেন, এই দুই কুমারকে নয়নগোচর করিয়া আমার অন্তঃকরণ এত আকুল হইল কেন, কিছই বুঝিতে পারিতেছি না। আপন সন্তান দেখিলে, লোকের চিন্তে বেরূপ স্নেহের ও বাৎসল্যরসের সঞ্চায় হয় বলিয়া শুনিতে পাই ; আমারও, ইহাদ্বিগকে দেখিয়া ঠিক সেইরূপ হইতেছে। কিন্তু এরূপ হইবার কোনও কারণই দেখিতেছি না। ইহারা ঋষিকুমার ; আর, যদিই বা ঋষিকুমার না হয়, তাহা হইলেই বা আমার সে আশা করিবার সম্ভাবনা কি। আমি যে অবস্থায় বেরূপে প্রিয়ারে বনবাস দিয়াছি, তাহাতে তিনি দুঃসহ শোকে ও অসহনীয় অপমানভরে প্রাণত্যাগ করিয়াছেন, তাহার সন্দেহ নাই। লক্ষ্মণ পরিত্যাগ করিয়া আসিলে, হয় তিনি আত্মবাতিনী হইয়াছেন, নয় কোনও ছুরন্ত হিংস্র জন্তু তাহার প্রাণসংহার করিয়াছে। তিনি ঋষ ভেমন অবস্থায়, প্রাণধারণে সমর্থ হইয়া, নির্ধিয়ে সন্তানপ্রসব করিয়াছেন, এবং তাহাদের লালন পালন করিতে পারিয়াছেন, এরূপ আশা নিতান্ত দুঃশা মাত্র। আমি বেরূপ হতভাগ্য, তাহাতে এত সৌভাগ্য কোনও ক্রমে সম্ভবিত্তে পারে না।

এই বলিয়া, একান্ত বিকলচিত্ত হইয়া রাম কিয়ৎ কণ অশ্রুবিসর্জন করিলেন ; অনন্তর, শোকাবেগসংবরণ করিয়া বলিতে লাগিলেন, কিন্তু উহাদের আকার প্রকার দেখিলে ক্ষত্রিয়কুমার বলিয়া স্পষ্ট প্রতীতি জন্মে। অধিকন্তু, উহাদের কলেবরে আমার অবয়বের সম্পূর্ণ লক্ষণ লক্ষিত হইতেছে ; আর অভিনিবেশ পূর্বক অবলোকন করিলে, সীতার অবয়বসৌন্দর্য নিঃসংশয়িত রূপে প্রতীয়মান হইতে থাকে ; জ্ঞ, নয়ন, নাসিকা, কর, চিবুক, ওষ্ঠ ও দন্তশক্তিতে কিছু মাত্র বৈলক্ষণ্য লক্ষিত হয় না। এত সৌন্দর্য কি আকস্মিক ঘটনা দ্বারা পর্যাবসিত হইবেক ? আর, ইহারা বলিল, বাস্কীকির তপোবনে প্রতিপালিত হইয়াছে, আমিও লক্ষ্মণকে বলিয়াছিলাম, সীতারে বাস্কীকির তপোবনে রাখিয়া আসিবে। হয় ত, মহর্ষি কারুণ্য বশতঃ সীতাকে আপন আশ্রমে লইয়া দিয়াছিলেন ; তথায় তিনি এই সমস্ত সন্তান প্রসব করিয়াছেন। লক্ষণ দেখিয়া সকলে এরূপ বোধ করিতেন, জানকী গর্ভসুগল-ধারণ করিয়াছেন। এ সকলের আলোচনা করিলে আমার আশা নিতান্ত দুঃশা বলিয়াও বোধ হয় না। অথবা, আমি যুগত্বকিকার জ্ঞাত হইয়া অনর্ধক আপনাকে রূপ দিতে উদ্ভত হইয়াছি। যখন আমি, বৃশংস রাক্ষসের স্তার

নিভাস্ত নির্দয় ও নিভাস্ত নির্ধম হইয়া, তাদৃশী পতিপ্রাণা কামিনীয়ে, সম্পূর্ণ নিরপরাধে, বনবাস দিয়াছি, তখন আর সে সব আশা করা নিভাস্ত হুচর কর্দ। হা প্রিয়ে! তুমি তেমন স্তনীলা ও সরলহৃদয়া হইয়া কেম এমন হুঃখলের ও কুটিলহৃদয়ের হণ্ডে পড়িয়াছিলে। আমি যখন তোমার নিভাস্ত পতিপ্রাণা ও একান্ত শুদ্ধচারিণী জানিয়াও অনায়াসে বনবাস দিতে, এবং বনবাস দিয়া এ পর্য্যন্ত প্রাণধারণ করিতে পারিয়াছি, তখন আমা অপেক্ষা নৃশংস ও পাবাণহৃদয় আর কে আছে ?

এইরূপে আক্ষেপ করিতে করিতে ছুঁকর শোকভরে অভিভূত হইয়া রাম বিচেতনপ্রায় হইলেন, এবং অবিয়ল ধারায় বাস্পবারিবিমোচন ও মুহুমুঃ দীর্ঘনিশ্বাসপরিভ্যাগ করিতে লাগিলেন। কিয়ৎক্ষণ পরে, কিঞ্চিৎ শান্তচিত্ত হইয়া তিনি বলিতে লাগিলেন, বাস্তবিক সীতাবে আপন আশ্রমে লইয়া গিয়াছিলেন, এবং সীতা তথায় এই দুই সমজ তনয় প্রসব করিয়াছেন, তাহার সন্দেহ নাই। ইহারা য়ে প্রকৃত ঋষিকুমার নহে, তাহার এক দৃঢ় প্রমাণ পাওয়া যাইতেছে। আকার দেখিয়া স্পষ্ট বোধ হয়, ইহারা অল্প দিন মাত্র উপনীত হইয়াছে। এক্ষণে ইহাদের বয়ঃক্রম ষাদশ বৎসরের নূন নহে। বোধ হয়, একাদশ বর্ষে উপনয়নসংস্কার সম্পন্ন হইয়াছে। ক্ষত্রিয়কুমার না হইলে, এ বয়সে উপনয়ন হইবেক কেন ? প্রকৃত ঋষিকুমার হইলে, মহর্ষি অবশ্যই অষ্টম বর্ষে ইহাদের সংস্কারসম্পাদন করিতেন। ইহা ভিন্ন, উপনীত ঋষিকুমারদিগের যেরূপ বেশ হয়, ইহাদের বেশ সর্বাংশে সেরূপ লক্ষিত হইতেছে না। যদি ইহারা ক্ষত্রিয়কুমার হয়, তাহা হইলে, ইহাদের সীতার সন্তান হওয়া যত সম্ভব, অস্তের সন্তান হওয়া তত সম্ভব বোধ হয় না ; কারণ অস্ত ক্ষত্রিয়সন্তানের তপোবনে প্রতিপালিত ও উপনীত হওয়ার সম্ভাবনা কি ? আমার মত হতভাগ্য লোকের সন্তান না হইলে ইহাদের কথাচ এ অবস্থা ঘটত না।

মনে মনে এইরূপ বিতর্ক ও আক্ষেপ করিয়া, রাম বলিতে লাগিলেন, যদি প্রিয়া এ পর্য্যন্ত জীবিত থাকেন, এবং এই দুই কুমার আমার তনয় হয়, তাহা হইলে কি আক্লাদের বিষয় হয়। প্রিয়া পুনরায় আমার মননের ও হৃদয়ের আনন্দধারিনী হইবেন, ইহা ভাবিলেও, আমার সর্গ শরীর অল্পতরলে অভিভিক্ত হয়। এই বলিয়া, যেন সীতার সহিত সন্ধ্যায় অবধারিত হইয়াছে, ইহা স্থির করিয়া, রাম বলিতে লাগিলেন, এই দীর্ঘ বিরোধের পর যখন প্রথম সন্ধ্যায় হইবেক, তখন, বোধ হয়, আমি আক্লাবে অর্ধৈর্ধ্য হইব ; প্রিয়ারও আক্লাদের একশেষ হইবেক, তাহার সন্দেহ নাই। প্রথমসন্ধ্যায়সন্ধ্যায়, উভয়েরই

আনন্দাশ্রবাহ প্রবল বেগে বাহিত হইতে থাকিবেক। কিয়ৎক্ষণ এইরূপ চিন্তায় মগ্ন হইয়া তিনি হর্ষবাস্পবিসর্জন করিলেন। পর ক্ষণেই এই চিন্তা উপস্থিত হইল, আমি যে রূপ নৃশংস আচরণ করিয়াছি, তাহাতে শ্রিয়ের সহিত সমাগম হইলে, কেমন করিয়া তাঁহারে এ মুখ দেখাইব। অথবা, তিনি যে রূপ সাধুশীলা ও সরলহৃদয়া, তাহাতে অনায়াসেই আমার অপরাধমার্জনা করিবেন। আমি দেখিবামাত্র, তাঁহার চরণে ধরিয়৷ বিনীত বচনে ক্ষমাপ্রার্থনা করিব। কিয়ৎক্ষণ পরেই আবার এই চিন্তা উপস্থিত হইল, পাছে প্রজালোকে বিরাগ-প্রদর্শন করে, এই আশঙ্কায় আমি শ্রিয়ারে বনবাসে পাঠাইয়াছি; এক্ষণে যদি তাঁহারে গৃহে লই, তাহা হইলে, পুনরায় সেই আশঙ্কা উপস্থিত হইতেছে। এত কাল আপনাকে ও শ্রিয়াকে দুঃসহ বিরহঘাতনায় যে দশ্ব করিলাম, সে সকলই বিফল হইয়া যায়।

এই বলিয়া নিতাস্ত নিরুপায় ভাবিয়া রাম কিয়ৎক্ষণ অপ্রসন্ন মনে অবস্থিত রহিলেন; অনন্তর, সহসা উদ্ভূত রোষাবেশ সহকারে বলিতে লাগিলেন, আর আমি অমূলক লোকাপবাদে আত্মপ্রদর্শন করিব না। অতঃপর শ্রিয়ারে গৃহে লইলে যদি প্রজালোকে অসন্তুষ্ট হয়, হউক; আর আমি তাহাদের ছন্দাভুবুদ্ভি করিতে পারিব না। আমি যথেষ্ট করিয়াছি। রাজ্যপদে প্রতিষ্ঠিত হইয়া কে কখন আমার জ্ঞায় আত্মবঞ্চন করিয়াছে। প্রথমেই শ্রিয়ারে বনবাস দেওয়া নিতাস্ত নির্বোধের কৰ্ম হইয়াছে। এক্ষণে আমি অবশ্যই তাঁহারে গৃহে লইব। নিতাস্ত না হয়, ভরতের হস্তে রাজ্যভার সমপিত করিয়া শ্রিয়ালমভিব্যাহারে বানপ্রস্থধর্ম অবলম্বন করিব। শ্রিয়াবিরহিত হইয়া রাজ্যভোগ অপেক্ষা, তাঁহার সমভিব্যাহারে বনবাস, আমার পক্ষে, সহস্র গুণে শ্রেয়স্কর, তাহার সম্বন্ধ নাই।

রাম, আহার ও নিত্যার পরিহার পূর্বক, এইরূপ বহুবিধ চিন্তায় মগ্ন হইয়া, রজনীষাপন করিলেন।

অষ্টম পরিচ্ছেদ

মহর্ষি বাম্পীকি, রামচরিত অবলম্বন করিয়া, অতি অদ্ভুত কাব্যের রচনা করিয়াছেন ; তাঁহার দুই কোকিলকণ্ঠ তরুণবয়স্ক শিশু অতি মধুর স্বরে সেই কাব্যের গান করে ; কল্যা প্রভাতে তাহারা রাজসভায় গান করিবেক ; এই সংবাদ নৈমিষাগত ব্যক্তি মাঝেই অবগত হইয়াছিলেন । রজনী অবলম্বা হইবা মাঝে, কি ঋষিগণ, কি নৃপতিগণ, কি অপরাপর নিয়ন্ত্রিতগণ সকলেই সঙ্গীতশ্রবণলালসার বশবর্তী হইয়া সাতিশয় ব্যগ্রচিত্তে রাজসভায় উপস্থিত হইতে লাগিলেন । সে দিবসের সভায় সমারোহের সীমা ছিল না । রামচন্দ্র রাজসিংহাসনে উপবেশন করিলেন । ভরত, লক্ষ্মণ, শত্রুঘ্ন এবং সুগ্রীব, বিভীষণ আদি ঋহুর্গর্গ তাঁহার বামে ও দক্ষিণে, যথাযোগ্য আসনে আসীন হইলেন । কৌশল্যা, কেকয়ী, সুমিত্রা, উশ্বিনা, মাণ্ডবী, শ্রুতকীর্তি প্রভৃতি বাজপরিবার, অরুণভী প্রভৃতি ঋষিপত্নীগণ সমভিব্যাহারে, পৃথক স্থানে অবস্থিত হইলেন ।

এইরূপে রাজসভায় সমবেত হইয়া, সমস্ত লোক অভিনব কাব্যের ও সুকুমার গায়কযুগলের কথা লইয়া আন্দোলন ও নিতান্ত উৎসুক চিত্তে তাহাদের আগমনপ্রতীক্ষা করিতেছেন, এমন সময়ে মহর্ষি বাম্পীকি, কুশ ও লব সমভিব্যাহারে, সভাঘাটে উপস্থিত হইলেন । দেখিবামাত্র সভামণ্ডলে মহান্ কোলাহল উত্থিত হইল । যাহারা পূর্ব দিন কুশ ও লবকে দেখিয়াছিলেন, তাঁহারা অক্লিনির্দেশ করিয়া স্বসমীপে উপবিষ্ট ব্যক্তিদিগকে তাহাদের দুই সহোদরকে দেখাইতে লাগিলেন । বাম্পীকি সভামণ্ডলে প্রবেশ করিবামাত্র সভাস্থ সমস্ত লোকে এককালে গাজোথান করিয়া তাঁহার সংবর্দ্ধনা করিলেন । মহর্ষি ও তাঁহার দুই শিস্যের নিমিত্তে পৃথক স্থান স্থিরীকৃত ছিল, তাঁহারা উথায় উপবিষ্ট হইলেন । সকলেই, সঙ্গীতশ্রবণের নিমিত্তে নিতান্ত অর্ধৈর্ধ্য হইয়া, একান্ত উৎসুক চিত্তে, কখন আরম্ভ হয়, এই প্রতীক্ষা করিতে লাগিলেন ।

কিয়ৎক্ষণ পরে বাম্পীকি সভার সর্ব্বাংশে নয়নলঙ্কারণ করিয়া রামচন্দ্রকে বলিলেন, মহারাজ ! সকলেই শ্রবণের নিমিত্ত উৎসুক হইয়াছেন ; অন্তএব অহুমতি করুন, সঙ্গীতের আরম্ভ হউক । অনন্তর, তদীয় আদেশ অহুলায়ে, কুশ ও লব বীণায়ন্ত্রসহযোগে সঙ্গীতের আরম্ভ করিল । বাম্পীকি পূর্বেই কুশ ও

সবকে শিখাইয়া রাখিয়াছিলেন, রামায়ণের যে সকল অংশে রামের ও সীতার পরস্পর স্নেহ ও অহুসারগ বর্ণিত আছে, তোমরা শুভ ঐ সকল অংশেই গান করিবে। তদনুসারে তাহারা কিয়ৎ ক্ষণ গান করিবারাজ, রামের হৃদয় জ্বলিত হইল ; তদীয় নয়নমুগল হইতে প্রবল বেগে বাষ্পবারি বিগলিত হইতে লাগিল। তিনি তাহাদের দুই সহোদরকে স্বত দেখিতে লাগিলেন, ততই তাহারা সীতার তনয় বলিয়া তাঁহার হৃদয়ে দৃঢ় প্রতীতি জন্মিতে লাগিল। ভয়ত, লক্ষণ, শত্রু ইহারাও, তাহাদের কলেবরে রামের ও সীতার সৌন্দর্য প্রত্যক্ষ করিয়া, মনে মনে নানা বিতর্ক করিতে লাগিলেন। ইহা ব্যতিরিক্ত, সভাস্থ সমস্ত লোক একবাক্য হইয়া হইয়া বলিতে লাগিলেন, কি আশ্চর্য ! এই দুই ঋষিকুমার যেন রামচন্দ্রের প্রতিকৃতি স্বরূপ ; যদি বেশে ও বয়সে বৈষম্য না থাকিত, তাহা হইলে, রামে ও এই দুই ঋষিকুমারে কিছু মাত্র বৈলক্ষণ্য লক্ষিত হইত না। বোধ হয় যেন রাম ও কুমারবয়স অবলম্বন পূর্বক দুই মূর্তি ধরিয়া, ঋষিকুমারের বেশপরিগ্রহ করিয়াছেন। এই বয়সে রামের যেরূপ আকৃতি ও রূপ লাভের্যের যেরূপ মাধুরী ছিল, ইহাদের অবিকল সেইরূপ লক্ষিত হইতেছে। স্বাহা হউক, সভাস্থ সমস্ত লোক মোহিত ও নিম্পন্দ ভাবে অবস্থিত হইয়া একতান মনে সঙ্গীতশ্রবণ ও অনিমিত্ত নয়নে তাহাদের রূপ-নিরীক্ষণ করিতে লাগিলেন।

কিয়ৎ ক্ষণ পরে, রামচন্দ্র লক্ষণকে বলিলেন, বৎস ! ইহাদিগকে সহস্র সুবর্ণ পুরস্কার দাও। তাহারা, শ্রবণ মাত্র, বিনয়মন্ত্র বচনে বলিল, মহারাজ ! আমরা বনবাসী, বিলাসী বা ভোগাভিলাষী নহি ; সদৃচ্ছালক কল মূল মাত্র আহার ও বস্ত্র মাত্র পরিধান করিয়া কালবাণন করি ; আমাদের সুবর্ণে প্রয়োজন কি। আমরা অনেক স্বপ্নে, অনেক পরিভ্রমে, আপনকার চরিত্ত কণ্ঠ করিয়াছিলাম ; আজ আপনকার সমক্ষে তাহার পরিচয় দিয়া, আমাদের সেই স্বপ্ন ও সেই পরিভ্রম সর্বতোভাবে সার্থক হইল। আপনি শ্রবণ করিয়া যে শ্রীত ও প্রসন্ন হইয়াছেন, তাহাতেই আমরা চরিতার্থ হইয়াছি। বালকদিগের এইরূপ প্রবীণতা ও বীতম্পহতা দর্শনে, সকলে একবারে চমৎকৃত হইলেন।

কিয়ৎ ক্ষণ অবিচলিত নয়নে নিরীক্ষণ করিয়া; কুশ ও লব সীতার তনয় বলিয়া, কৌশল্যার অন্তঃকরণে দৃঢ় প্রতীতি জন্মিল। তখন তিনি, নিতান্ত অধিরচিত্ত হইয়া, দীর্ঘ নিশ্বাস সহকারে, হা বৎসে জানকি ! ইহা বলিয়া, হৃৎকলে পতিত ও মুগ্ধিত হইলেন। সকলে একান্ত বিকলান্তঃকরণ হইয়া, অশেষ স্বপ্নে তাঁহার চৈতন্যলম্পাদন করিলেন। কিয়ৎ ক্ষণ সঙ্গীতশ্রবণ করিয়া

সকলেরই হৃদয়ে নীতার শোক এত প্রবল ভাবে উদ্ভূত হইয়া উঠিল যে, সকলেই নিতান্ত অস্থির হইলেন, এবং অবিরল ধারায় বাষ্পাবিরিবিমোচন ও মুতমূহুঃ দীর্ঘনিশ্বাসপরিত্যাগ করিতে লাগিলেন, কৌশল্যা নিরতিশয় অধীরা হইয়া উন্নতায় ভ্রায় বলিতে লাগিলেন, এই দুই কুমারকে কেহ আমার নিকটে আনিয়া দাও ; ক্রোড়ে লইয়া এক বার আমি উহাদের মুখচূষন করিব ; উহারা আমার জানকীর তনয় ; উহাদিগকে দেখিয়া আমার প্রাণ কেমন করিতেছে ; হয় তোমরা উহাদিগকে আমার নিকটে আনিয়া দাও, নয় আমি উহাদের নিকটে যাই ; ক্রোড়ে লইয়া একবার উহাদের মুখচূষন করিলে, আমার জানকীশোকের অনেক নিবারণ হইবেক। এই দেখ না, উহাদের অবয়বে আমার রামের ও জানকীর সম্পূর্ণ লক্ষণ লক্ষিত হইতেছে। উহারা সভায় প্রবেশ করিলামাত্র যেন কেহ আমায় বলিয়া দিল, এই তোমার রামের দুই বংশধর আসিতেছে ; সেই অবধি উহাদের জন্ত আমার প্রাণ কাঁদিয়া উঠিতেছে। আমি বার বৎসরে নীতাকে একপ্রকার ভুলিয়া গিয়াছিলাম ; কিন্তু উহাদিগকে দেখিয়া, আমার নীতাশোক পুনরায় নৃতন হইয়া উঠিয়াছে। হা বৎসে জানকি ! তুমি কোথায় রহিয়াছ, তোমার কি অবস্থা ঘটয়াছে, অত্মাপি জীবিত আছ, কি এই পাণিষ্ঠ নরলোক হইতে প্রস্থান করিয়াছ, কিছুই জানি না। এই বলিয়া দীর্ঘনিশ্বাসপরিত্যাগ করিয়া কৌশল্যা পুনরায় মুচ্ছিত হইলেন। সকলে, সযত্ন হইয়া, পুনরায় তাঁহার চৈতন্তসম্পাদন করিলেন। তখন কৌশল্যা নিরতিশয় অর্ধৈর্ষ্য হইয়া বলিতে লাগিলেন, এখনও তোমরা উহাদিগকে আমার নিকটে আনিয়া দিলে না ; না হয় কেহ এক বার, লক্ষণের নিকটে গিয়া, আমার নাম করিয়া বলুক ; লক্ষণ এখনই উহাদিগকে আনিয়া আমার ক্রোড়ে দিবেক।

কৌশল্যার এইরূপ অস্থিরতা ও কাতরতা দেখিয়া অরুণভীর আদেশ অনুসারে সমীপবর্তিনী প্রতীহারী লক্ষণের নিকটে গিয়া সবিশেষ সমস্ত বলিয়া, কৌশল্যার অভিপ্রায় তাঁহার গোচর করিল। লক্ষণ, কৌশলক্রমে, সে দিবস সেই পর্যন্ত সঙ্গীতক্রিয়া রহিত করিয়া, সভাভঙ্গ করিলেন ; এবং, কুশ ও লবকে সমভিব্যাহারে লইয়া, কৌশল্যার নিকটে উপস্থিত হইলেন। কৌশল্যা তাহাদের দুই লহোদরকে ক্রোড়ে লইয়া স্নেহভরে বারংবার উভয়ের মুখচূষন করিলেন, এবং হা বৎসে জানকি ! তুমি কোথায় রহিয়াছ ; এই বলিয়া, নিতান্ত কাতর হইয়া, উঠেঃথরে রোদন করিতে লাগিলেন। তদর্শনে, হুমিলা, উদ্ভিন্না প্রভৃতি সকলেই, সান্তিশয় শোকাভিভূত হইয়া অবিজ্ঞাত

অশ্রুপাত, বিলাপ ও পরিভাষ করিতে আরম্ভ করিলেন। কুশ ও লব, এই সমস্ত দেখিয়া শুনিয়া, অবাক হইয়া রহিল।

কিয়ৎক্ষণ পরে কৌশল্যা কিঞ্চিৎ অংশে শোকসংবরণ করিয়া, সন্দেহ-ভঞ্জনমানসে, তাহাদিগকে জিজ্ঞাসা করিলেন, তোমাদের ও তোমাদের জনক জননীর নাম কি? তাহারা, অতি বিনীত ভাবে, স্বনামকীর্তন করিয়া বলিল, আমাদের পিতা কে, তাহা আমরা জানি না; এ পর্যন্ত আমরা তাঁহাকে দেখি নাই; আমাদের জননী আছেন, তিনি তপস্বিনী; কিন্তু এক দিনও তাঁহার নাম শুনি নাই, কেহ আমাদের জিজ্ঞাসা করিয়া দেয় নাই: আমরাও তাঁহাকে বা অশ্রু কাহাকেও কখনও জিজ্ঞাসা করি নাই। আমরা মহাবি বাম্বীকির শিষ্য; তাঁহার তপোবনে প্রতিপালিত হইয়াছি, এবং তাঁহারই নিকট বিদ্যাশিক্ষা করিয়াছি; আকুল চিন্তে এই সকল কথা শুনিয়া অনেক অংশে কৌশল্যার সংশয়ানোদন হইল। কিন্তু, সম্পূর্ণ পরিতৃপ্ত না হইয়া, তিনি পুনরায় জিজ্ঞাসা করিলেন, তোমাদের জননীর আকৃতি কিরূপ? কুশ ও লব তদীয় আকৃতির স্বাধাধ বর্ণনা করিল। তখন তাহারা সীতার তনয় বলিয়া, এক কালে সকলের দৃঢ় নিশ্চয় হইল, এবং কৌশল্যা প্রভৃতি সমস্ত রাজপরিবারের শোকসিন্দু অনিবার্য্য বেগে, উথলিয়া উঠিল। কিয়ৎক্ষণ পরে, কৌশল্যা কুশ ও লবকে জিজ্ঞাসা করিলেন, তোমাদের জননী কেমন আছেন? তাহারা বলিল, তাঁহাকে সর্বদাই জীবন্ত প্রায় দেখিতে পাই; বিশেষতঃ, তিনি দিন দিন স্বরূপ ক্ষীণ হইতেছেন, তাহাতে বোধ হয় অধিক দিন বাঁচিবেন না। এই কথা বলিতে বলিতে তাহাদের হৃদয় সহোদরের নয়নযুগল অশ্রুজলে পরিপূর্ণ হইয়া উঠিল।

কুশ ও লবের এই সকল কথা শুনিয়া সকলেই যৎপরোনাস্তি বিলাপ ও পরিভাষ করিতে লাগিলেন। কৌশল্যা, কিঞ্চিৎ দৈর্ঘ্য অবলম্বন করিয়া, সম্পূর্ণরূপে সন্দেহভঞ্জন করিবার নিমিত্ত লক্ষণকে বলিলেন, বৎস! তুমি এক বার মহাবি বাম্বীকিকে এই স্থানে আন। কিয়ৎক্ষণ পরে বাম্বীকি লক্ষণ সমভিব্যাহারে তথায় উপস্থিত হইলে, সকলে স্বথোচিত ভক্তিবোধ সহকারে প্রণাম করিয়া, পরম সমাদরে আসনে উপবেশন করাইলেন। অনন্তর কৌশল্যা কৃতান্তলিপুটে জিজ্ঞাসা করিলেন, ভগবন্! আপনকার এই ছুই শিষ্য কে, কৃপা করিয়া সবিশেষ বলুন। বাম্বীকি, যে দিন লক্ষণ সীতাকে বিদর্ভজন দিয়া আইলেন, সেই অবধি আভোপাস্ত সমস্ত বৃত্তান্ত নির্দিষ্ট করিয়া, রামের বিয়হে সীতার বান্দী অবস্থা বর্ণনা করে, তাহার স্বাধাধ বর্ণনা করিলেন। লক্ষণের জবাবপোচর

কল্পিতা সকলেরই চক্ষের জলে বক্ষঃহল ভাসিয়া বাইতে লাগিল। কৌশল্যা, শোকে একান্ত অভিভূত হইয়া, হা বৎসে জানকি ! বিধাতা তোমার কপালে এত দুঃখ লিখিয়াছিলেন, এই বলিয়া বিলাপ করিতে লাগিলেন। বাহা হউক, সীতা অজ্ঞাপি জীবিত আছেন, এবং কুশ ও লব তাঁহার তনয়, এ বিষয়ে আর অণুমাত্র সংশয় রহিল না।

এত দিনের পর আত্মপরিচয় পাইয়া কুশ ও লবের অন্তঃকরণে নানা অনির্বচনীয় ভাবের উদয় হইতে লাগিল। বাস্তবিক তাহাদিগকে বলিলেন, বৎস কুশ ! বৎস লব ! পিতামহীদের ও পিতৃব্যপত্নীদিগের চরণবন্দনা কর। তাহারা তৎক্ষণাৎ কৌশল্যা, কৈকয়ী, ও স্নমিত্রার, এবং উম্মিলা, মাণ্ডবী ও শ্রুতকীর্তির চরণে সাষ্টাঙ্গ প্রণিপাত করিল। অনন্তর মহর্ষি বহিলেন, তোমরা রামায়ণে লক্ষ্মণ নামে যে মহাপুরুষের গুণকীর্তন পাঠ করিয়াছ, তিনি এই ; ইনি তোমাদের তৃতীয় পিতৃব্য ; এই বলিয়া লক্ষ্মণকে দেখাষ্টয়া দিলেন। তাহারা, লক্ষ্মণ এই শব্দ কর্ণপোচর হইবামাত্র, বিস্ময়বিফারিত নয়নে পদ অবধি মস্তক পর্য্যন্ত নিরীক্ষণ করিয়া দৃঢ়তর ভক্তিবোধ সহকারে তাঁহার চরণে প্রণাম করিল।

এইরূপে কিয়ৎ ক্ষণ অতীত হইলে, কৌশল্যা লক্ষ্মণকে বলিলেন, বৎস ! তুমি স্বরায় রামকে ও বশিষ্ঠদেবকে এখানে আন। তদনুসারে লক্ষ্মণ, অল্লক্ষণ মধ্যে, রাম ও বশিষ্ঠদেবকে সমভিব্যাহারে লইয়া তথায় উপস্থিত হইলেন। কৌশল্যা বাস্পাকুল লোচনে, শোকাবুল বচনে তাঁহাদের নিকট কুশ ও লবের প্রকৃত পরিচয় দিলেন, এবং সীতা যে তৎকাল পর্য্যন্ত জীবিত আছেন, তাহাও বলিলেন। কুশ ও লবের বিষয়ে রামচন্দ্রের অন্তঃকরণে যে সংশয় ছিল, তাহা সম্পূর্ণরূপে অপসারিত হইল। চক্ষের জলে তাঁহার বক্ষঃহল ভাসিয়া গেল। তিনি অশ্রুস্রব বাৎসল্যভরে নিম্পন্দ নয়নে কুশ ও লবের মুখনিরীক্ষণ করিতে লাগিলেন। অনন্তর, কৌশল্যা সপুত্রা সীতার পরিগ্রহের প্রস্তাব করিলেন। রামচন্দ্র মৌনালম্বন করিয়া রহিলেন। কৌশল্যা তদীয় মৌনাবস্থানকে লক্ষ্য-ত্যাগ করিয়া সীতার আনয়নের নিমিত্তে বাস্তবিক নিকট প্রার্থনা করিলেন। বাস্তবিক অবিলম্বে বাস কুটীরে গমন করিয়া কৌশল্যার প্রেরিত শিবিকাদ্বান সমভিব্যাহারে আপন এক শিশুকে পাঠাইলেন ; বলিয়া দিলেন, তুমি জানকীরে এই স্থানে আরোহণ করাইয়া, আমার বাসকুটীরে লইয়া আসিবে।

ক্রমে ক্রমে, সমবেত নিরস্ত্রিতগণ অবগত হইলেন, রামায়ণগারক বাস্তবিক-শিল্পেরা রাজতনয় ; সীতা পরিচ্যাগের পর, বাস্তবিক আশ্রমে তাহাদিগকে

প্রসব করিয়াছেন ; তিনি অষ্টাপি জীবিত আছেন ; রাজা তাঁহারে গৃহে লইবেন ; তাঁহার আনন্দের নিমিত্তে লোক প্রেরিত হইয়াছে । এই সংবাদ অনেকেই স্মৃতিপ্রাপ্ত হইলেন । কিন্তু কেহ কেহ বলিতে লাগিলেন, আমাদের রাজা অতি অব্যবহিতচিত্ত ; যদি জানকীকে পুনরায় গৃহে লইবেন, তবে-পরিভ্যাগ করিবার কি আবশ্যকতা ছিল ? তখনও যে জানকী, এখনও সেই জানকী ; তখনও যে কারণে পরিভ্যাগ করিয়াছিলেন, এখন সেই কারণ বিদ্যমান রহিয়াছে ; বড় লোকের রীতি চরিত্র বুঝা ভার ।

সীতার পরিগ্রহ বিষয়ে রাম একপ্রকার স্থিরনিশ্চয় হইয়াছিলেন । কিন্তু, এই সকল কথা কর্ণপরম্পরায় তাঁহার কর্ণগোচর হইলে, পুনরায় চলচিত্ত হইলেন । তিনি মনে করিয়াছিলেন, এক্ষণে জানকীকে গৃহে লইলে, প্রজালোকে আর আপত্তির উত্থাপন করিবেক না । কিন্তু, অষ্টাপি তাহাদের হৃদয় হইতে সীতার চরিত্রসংক্রান্ত সংশয় অপনীত হয় নাই দেখিয়া, তিনি বিষাদমাগরে মগ্ন হইলেন ; এবং কিংকর্তব্যবিমূঢ় হইয়া, লক্ষ্মণের সহিত পরামর্শ করিতে গিয়াছিলেন । অনেক বাদান্ত্বাদের পর, ইহাই নির্দ্ধারিত হইল যে, সমবেত সমস্ত লোকের সমক্ষে, সীতা স্বীয় শুদ্ধচারিতা প্রমাণসিদ্ধ করিলে রাম তাঁহাকে গৃহে লইবেন । রামের আদেশ অল্পসারে, লক্ষ্মণ এই কথা বাস্তবিকরিত গোট করিলেন ।

লক্ষ্মণের মুখে সবিশেষ সমস্ত অবগত হইয়া, বাস্তবিক অবিলম্বে রামচন্দ্রের নিকটে উপস্থিত হইলেন ; এবং সীতা যে সম্যক শুদ্ধচারিণী, সে বিষয়ে তাঁহাকে অশেষ প্রকারে বুঝাইতে আরম্ভ করিলেন । রামচন্দ্র বলিলেন, ভগবন ! সীতার শুদ্ধচারিতা বিষয়ে আমার অণুমাত্র সংশয় নাই । কিন্তু আমি রাজ্যের ভার-গ্রহণ করিয়া নিতান্ত পরায়ত্ত হইয়াছি । আপনারাই উপদেশ দিয়া থাকেন, প্রাণপণে প্রজারঞ্জন করাই রাজ্যের পরম ধর্ম ; কোনও কারণে তাহাতে অণুমাত্র উপেক্ষাদর্শন করিলে ইহা লোকে অকীৰ্ত্তিভাজন ও পরলোক নিরয়গামী হইতে হয় । প্রজালোকের অন্তঃকরণে সীতার চরিত্র বিষয়ে বিষয় সংশয় জন্মিয়া আছে ; সে সংশয় অপসারিত না হইলে, আমি কি রূপে গ্রহণ করি, বলুন । আমি সীতার পরিভ্যাগ দিবস অবধি সকল সুখে জলাঞ্জলি দিয়াছি ; কি রূপে এত দিন জীবিত রহিয়াছি বলিতে পারি না । নিতান্ত অনায়ত্ত হওয়াতেই আমার সীতারে নির্ধারিত করিতে হইয়াছে । এক বার মনে করিয়াছিলাম, প্রজালোকে অসন্তুষ্ট হয়, হটুক, আমি আর তাহাদের অল্পরোধে সীতাগ্রহণে পরাশ্রয় হইব না । কিন্তু তাহাতে রাজধর্মের প্রতিপালন হয় না ; সুতরাং, সে বিষয়ে লাহল করিতে পারিলাম না । আর বার ভাবিয়াছিলাম, তাহাদের

ভরতের হস্তে রাজ্যভার সমর্পিত করিয়া রাজকার্য্য হইতে অবসৃত হইব ; তাহা হইলে, আর আমার জানকীপরিগ্রহের কোনও প্রতিবন্ধক খাটিকিবেক না। অবশেষে অনেক ভাবিয়া চিন্তিয়া, সে উপায় অবলম্বন করাও শ্রেয়ঃকল্প বলিয়া বোধ হইল না। আমি জানকীর প্রতি যেরূপ নৃশংস আচরণ করিয়াছি, তাহাতে নিঃসন্দেহ বোরতর অধর্ষগ্রস্ত হইয়াছি ; এ যাত্রা, আমি নিরবচ্ছিন্ন দুঃখভোগে জীবনযাপন করিবার নিমিত্তই ভ্রমগ্রহণ করিয়াছিলাম। আমি এক্ষণে যে বিষম মানসিক কষ্টে কালহরণ করিতেছি তাহা আমার অন্তরাস্থাই জানেন। যদি এই মুহূর্ত্ত আমার প্রাণবিয়োগ হয়, তাহা হইলে, আমি পরিত্রাণ বোধ করি।

এই বলিয়া একান্ত বিকলচিত্ত হইয়া রাম অনিবার্য্য বেগে বাষ্পবারিবিহর্জন করিতে লাগিলেন ; কিয়ৎ ক্ষণ পরে, কিঞ্চিৎ শান্তচিত্ত হইয়া অঞ্জলিবদ্ধ পূর্ব্বক, বিনয়বাক্যে সম্ভাষণ করিয়া বায়ীকিকে বলিলেন, ভগবন্! আপনকার নিকটে আমার প্রার্থনা এই, সীতা উপস্থিত হইলে, আপনি তাঁহারে আপন সমভিযাহারে সভামণ্ডপে লইয়া যাইবেন, এবং অল্পগ্রহ করিয়া তাঁহার পরিগ্রহ বিষয়ে সকলের সন্মতি জিজ্ঞাসিবেন। যদি তাঁহার পরিগ্রহ সর্ব্বসম্মত হয়, তৎক্ষণাৎ গ্রহণ করিব। সর্ব্বসম্মত না হইলে, তাঁহাকে কোনও অসদ্বিধ প্রমাণ দ্বারা প্রজাবর্গের সন্দেহনিরাকরণ করিতে হইবেক। বায়ীকি, অগত্যা সন্মত হইয়া, বিষন্ন বদনে বাসসদনে প্রতিগমন করিলেন।

এ দিকে সীতা, কৌশল্যার প্রেরিত শিবিকাযান উপস্থিত দেখিয়া, এবং মহাবীর প্রেরিত শিষ্যের মুখে তদীয় আদেশ শুনিয়া, মনে মনে বলিতে লাগিলেন, বুঝি বিধি সদয় হইয়া, এত দিনের পর, আমার দুঃখের অবসান করিলেন। যখন ঠাকুরাণী শিবিকা পাঠাইয়াছেন, তখন আমি পুনরায় পরিগৃহীতা হইব, সন্দেহ নাই। বোধ হয়, এই জন্তই আজ আমার বাম নহন অনবরত স্পন্দিত হইতেছে। আমি আর্ধ্যপুত্রের স্নেহ, দয়া, ও মমতা জানি ; নিতান্ত অনারত্ত হওয়াতেই তিনি আমায় নির্কাসিত করিয়াছিলেন। আমি তাঁহার বিরহে

কাতর, তিনিও আমার বিরহে সেইরূপ কাতর, তাহার কোনও সন্দেহ । যদি আমার প্রতি স্নেহের কোনও অংশ খর্ব্বতা বর্ত্তিত, তাহা হইলে কখনই পুনরায় দারপরিগ্রহে বিমুখ হইতেন না। তিনি সর্ধর্ষাণীহলে আমার প্রতিক্রুতি স্থাপিত করিয়া, স্নেহের পরা কাষ্ঠা দেখাইয়াছেন, এবং আমার সকল শোকের ও সকল ক্রোধের নিবারণ করিয়াছেন। পুনরায় যে আমার অদৃষ্টে আর্ধ্যপুত্রের সহবাসস্বখ বটবেক, তাহা স্বপ্নেও ভাবি নাই।

এইরূপ বলিতে বলিতে, আফ্লাদভরে জানকীর নয়নযুগল হইতে প্রবল বেগে বাষ্পবায়ু বিগলিত হইতে লাগিল। তাঁহার শরীরে শতশুণ বলাধান ও চিন্তে অপরিমিত ক্ষুণ্ণির ও উৎসাহের সঞ্চার হইল। পুনরায় পরিগৃহীতা হইলাম ভাবিয়া, তাঁহার হৃদয়কন্দর অভূতপূর্ব আনন্দপ্রবাহে উচ্ছলিত হইয়া উঠিল। আশার আশ্বাসনী শক্তির ইয়ত্তা নাই। তিনি আশার উপর নির্ভর করিয়া মনে মনে কতই কল্পনা করিতে লাগিলেন। রামের সহিত সমাগম হইলে যে সকল ব্যাপার ঘটতে পারে, তিনি তৎসমুদয় আপন চিত্তপটে চিত্রিত করিতে আরম্ভ করিলেন। তিনি এক বার বোধ করিলেন, যেন তিনি রামের সম্মুখে নীত হইয়াছেন, রাম লক্ষ্মায় মুখ তুলিয়া তাঁহার সহিত কথা কহিতে পারিতেছেন না; আর বার বোধ করিতে লাগিলেন, যেন রাম অশ্রুপূর্ণ নয়নে স্নেহভরে প্রিয় সম্ভাষণ করিতেছেন, তিনি কথা কহিতেছেন না, অভিমান ভরে বদন বিরস করিয়া দাঁড়াইয়া আছেন; এক বার বোধ করিলেন, যেন প্রথম-সমাগমক্ষেণে উভয়েই জড়প্রায় হইয়া স্থির নয়নে উজ্জয়ের বদননিরীক্ষণ করিতেছেন, এবং উভয়েরই চক্ষুর জলে বক্ষঃশল ভাসিয়া যাইতেছে; আর বার বোধ করিতে লাগিলেন, যেন উভয়ে একাসনে উপবেশন করিয়া, পরস্পর দীর্ঘবিরহকালীন দুঃখের বর্ণনা করিতে করিতে, অপরিজ্ঞাত রূপে রজনীর অবস্থান হইয়া গেল; এক বার বোধ করিলেন, যেন তিনি শ্রুঙ্গদিগের সম্মুখে নীত হইয়া তাঁহাদের চরণবন্দনা করিলে তাঁহারা বাষ্পপূর্ণ নয়নে তাঁহার মুখচূষন করিলেন, এবং তাঁহাকে কঙ্কালমাত্র অবশিষ্ট দেখিয়া, শোকভরে কতই পরিতাপ করিতে লাগিলেন; আর বার বোধ করিতে লাগিলেন, যেন তিনি শ্রুঙ্গদিগের নিকটে উপবিষ্ট হইয়া, তাঁহাদের জিজ্ঞাসার উত্তর দিতেছেন, এমন সময়ে তাঁহার দেবরেরা তথায় উপস্থিত হইলেন, এবং বাষ্পাকুল লোচনে গদগদ বচনে, আর্থে! প্রণাম করি, ইহা বলিয়া অভিবাধন করিলেন; এক বার বোধ করিলেন, যেন তাঁহার ভগিনীরা আসিয়া প্রণাম করিলেন, এবং দীর্ঘবিয়োগের পর পরস্পর-সম্বন্ধনে শোকপ্রবাহ উচ্ছলিত হওয়াতে, সকলে মিলিয়া গলদশ লোচনে বিলাপ ও পরিতাপ করিতে লাগিলেন; আর বার বোধ করিতে লাগিলেন, যেন হিরণ্যরী প্রতিকৃত্তি অপসারিত হইয়াছে; তিনি রামের বামে বসিয়া বক্ষঃশল সহধর্ম্মীকার্য সম্পন্ন করিতেছেন।

এইরূপ অনেকরূপ অল্পভব করিতে করিতে আফ্লাদভরে পুলকিতকলেবরা হইয়া জানকী শিবিকায় আরোহণ করিলেন; এবং, পর দিবস সায়ং সময়ে, নৈমিষে উপনীতা হইলেন। বাম্বীকি বলিলেন, বৎসে! রাজা র

তোমার পুনর্গ্রহণে সম্মত হইয়াছেন। কলা, যৎকালে, তিনি সভামণ্ডপে অবস্থিতি করিবেন, সেই সময়ে, সৰ্ব্ব সমক্ষে, আমি তোমার তাঁহার হস্তে সমর্পিত করিব। বাম্পীকির মনে দৃঢ় বিশ্বাস ছিল, আমি সীতার পরিগ্রহ-প্রার্থনা করিলে কোনও ব্যক্তি সাহস করিয়া সভামধ্যে অসম্মতিপ্রদর্শন করিতে পারিবেক না। এজন্য, তিনি, শুদ্ধচারিতার প্রমাণপ্রদর্শন আবশ্যক হইলেও হইতে পারে, একথার উল্লেখ মাত্র করিলেন না। অনন্তর জানকী বিরলে বসিয়া কুশ ও লবের মুখে সবিশেষ সমস্ত অবগত হইয়া, স্বীয় পরিগ্রহ বিষয়ে সম্পূর্ণ রূপে মুক্তসংশয়া হইলেন, এবং আত্মদে অর্ধৈর্ধ্য হইয়া প্রতি ক্ষণে প্রভাতপ্রতীক্ষা করিতে লাগিলেন; সমস্ত রাত্রি একবারও নয়ন মুদ্রিত করিতে পারিলেন না।

রজনী অবসন্ন হইল। মহর্ষি বাম্পীকি স্নান, আত্মিক সমাপিত করিয়া সীতা, কুশ, লব, ও শিষ্যবর্গ সমভিধ্যাহারে, সভামণ্ডপে উপস্থিত হইলেন। সীতাকে কঙ্কাল াত্রে পর্য্যবসিত দেখিয়া রামের হৃদয় বিদীর্ণ হইবার উপক্রম হইল। অতিকষ্টে তিনি উচ্ছলিত শোকাবেগের সংবরণে সমর্থ হইলেন; এবং, না জানি আজ প্রজালোকে কিরূপ আচরণ করে, এই চিন্তায় আক্রান্ত হইয়া একান্ত আকুল হৃদয়ে কালযাপন করিতে লাগিলেন। সীতার অবহাদর্শনে অনেকেরই অন্তঃকরণে কারুণ্যরসের সঞ্চার হইল। বাম্পীকি, আসনপরিগ্রহ না করিয়াই, উঠেঃস্বরে বলিতে লাগিলেন, এই সভায় নানাদেশীয় নরপতিগণ কোশল রাজ্যের প্রধান প্রধান প্রজাগণ, এবং অপরাপর সহস্র সহস্র পৌরবর্গ ও জানপদগণ সমবেত হইয়াছ; তোমরা সকলেই অবগত আছ, রাজা রামচন্দ্র, অমূলকলোকাপবাদপ্রবণে চলচিত্ত হইয়া নিতান্ত নিরপরাধে জানকীকে নির্কামিত করিয়াছিলেন; এক্ষণে তোমাদের সকলের নিকট আমার অল্পরোধ এই, তাঁহার পরিগ্রহ বিষয়ে তোমরা প্রশস্ত মনে অল্পমোদনপ্রদর্শন কর; জানকী যে সম্পূর্ণ শুদ্ধচারিণী, সে বিষয়ে মহুগমাজের অন্তঃকরণে অণুমাত্র সংশয় হইতে পারে না।

ইহা বলিয়া, বাম্পীকি বিরত হইলে, সভামণ্ডপে অতিমহান কোলাহল প্ধিত হইল। কিয়ৎ ক্ষণ পরে, নরপতিগণ ও প্রধান প্রধান প্রজাগণ, তায়মান হইয়া কৃতান্তলিপুটে নিবেদন করিলেন, আমরা অকপট হৃদয়ে বলিতেছি, রাজা রামচন্দ্র সীতা দেবীর পুনরায় গ্রহণ করিলে, আমরা ধার পর নাই পরিতোষভাভ করিব। কিন্তু তদ্ব্যতিরিক্ত সমস্ত লোক অবনত বদনে শোনাবলম্বন করিয়া রহিল। রাম এত ক্ষণ বিষমু, সংশয়ে কালযাপন

করিতেছিলেন ; এক্ষণে স্পষ্ট বৃত্তিতে পারিলেন, সীতার পরিগ্রহ বিষয়ে সর্বসাধারণের সম্মতি নাই। এ জন্মে তিনি নিতান্ত দ্বানবদন ও স্ত্রিয়মাগপ্রায় হইয়া হতবুদ্ধির স্তায় স্থির নয়নে বাস্তবিকের মুখনিরীক্ষণ করিতে লাগিলেন। বাল্মীকি অতিমাত্র হতোঃসাহ হইয়া উপায়ান্তর দেখিতে না পাইয়া, সীতাকে বলিলেন, বৎসে জানকি ! তোমার চরিত্র বিষয়ে প্রজালোকের মনে যে সংশয় জন্মিয়া আছে, অত্য়পি তাহা অপনীত হয় নাই ; অতএব তুমি কোনও বিশিষ্ট প্রমাণ দর্শাইয়া সকলের অন্তঃকরণ হইতে সেই সংশয়ের অপসারণ কর। সীতা, বাস্তবিকের দক্ষিণ পাশ্বে দণ্ডায়মানা থাকিয়া, নিতান্ত আকুল হৃদয়ে, প্রতি ক্ষণেই পরীগ্রহপ্রতীক্ষা করিতেছিলেন, শ্রবণ মাত্র বস্ত্রাহতার প্রায় গতচেতনা হইয়া বাতাহত লতার স্তায় স্তূতলে পতিতা হইলেন।

জননীর তাদৃশী দশা দেখিয়া অতিমাত্র কাতর হইয়া কুশ ও লব উঠ্ঠেঃস্বরে রোদন করিয়া উঠিল। রাম অতিমহতী লোকান্তরাগপ্রিয়তার সহায়তায় এ পর্যন্ত ধৈর্য অবলম্বন করিয়া ছিলেন ; কিন্তু সীতাকে ভূতলশায়িনী দেখিয়া, এবং কুশ ও লবের আর্ন্তনাদ শ্রবণগোচর করিয়া, অতিদীর্ঘনিশ্বাসস্কারপরিত্যাগ পূর্বক, হা প্রেয়সি ! বলিয়া, যুচ্ছিত ও সিংহাসন হইতে ধরাতলে পতিত হইলেন। কৌশল্যা, শোকে নিতান্ত বিহ্বল হইয়া, হা বৎসে জানকি ! এই বলিয়া যুচ্ছিত হইলেন। সীতার ভগিনীরাও হুঃসহ শোকভরে অভিভূত হইয়া, হায় ! কি হইল বলিয়া, উঠ্ঠেঃস্বরে রোদন করিতে আরম্ভ করিলেন। এই সকল ব্যাপার প্রত্যক্ষ করিয়া, সভাহ সমস্ত লোক, স্তব্ধ ও হতবুদ্ধি হইয়া, চিত্রাৰ্পিতপ্রায় উপবিষ্ট রহিলেন। ভরত, লক্ষ্মণ, ও শত্রুঘ্ন, শোকে একান্ত অভিভূত হইয়াও, ধৈর্য অবলম্বন পূর্বক, রামচন্দ্রের চৈতন্যসম্পাদনে তৎপর হইলেন। কিয়ৎ ক্ষণ পরে, তাঁহার চৈতন্যলাভ হইল। বাস্তবিকও, সীতার চৈতন্যসম্পাদনের নিমিত্ত, অশেষপ্রকারে প্রয়াস পাইলেন। কিন্তু তাঁহার লম্বস্ত প্রয়াস বিফল হইল। তিনি কিয়ৎ ক্ষণ পরেই বৃত্তিতে পারিলেন, সীতা মানবলীলার সংবরণ করিয়াছেন।

সীতা নিতান্ত স্থশীলা ও একান্ত সরলহৃদয়া ছিলেন ; তাঁহার ভূল্য পতিপরায়ণা রমণী কখনও কাহারও দৃষ্টিবিষয়ে বা স্ৰুতিগোচরে পতিত হয় নাই। তিনি স্বীয় বিমুচ্ছ চরিতে পতিপরায়ণতা গুণের একরূপ পরা কাষ্ঠা প্রদর্শিত করিয়া গিয়াছেন যে, বোধ হয়, বিধাতা মানবজাতিকে পতিব্রতাধর্মে উপদেশ দিবার নিমিত্তে, সীতার স্রষ্টি করিয়াছিলেন। তাঁহার ভূল্য সর্বগুণ সম্পন্ন কামিনী কোনও কালে ভূমণ্ডলে জন্মগ্রহণ করিয়াছেন, অথবা তাঁহার স্তায় সর্বগুণসম্পন্ন পতি পাইয়া, কখনও কোনও কামিনী তাঁহার মত হুঃখ-ভাগিনী হইয়াছেন, একরূপ বোধ হয় না।